


# ТЕМУРИЙЛАР КУТУБХОНАСИННИГ **СИРИ**

84(54)7  
С 58 об  
408040




Детектив  
кисса

КОМИЛ  
СИНДАРОВ

СИРИ

# ТЕМУРИЙЛАР КУТУБХОНАСИННИГ



Детектив  
кисса

КОМИЛ  
СИНДАРОВ

AMMAD AL-FARG'ONIY XOSAIDASI

ЯНГИ АСР АВЛОДИ  
ТОШКЕНТ  
2015

Azizbekov Mavzumiyat Marmazi

**УЎК: 821.512.133-3**

**КБК: 84(5Ў)7**

**С – 58**

**Синдаров, Комил**

Темурийлар кутубхонасининг сири: қисса / Комил Синдаров. – Тошкент: Янги аср авлоди, 2015. – 320 б.

ISBN 978-9943-27-651-2

Кўлингиздаги китоб тарихнинг бизга маълум бўлган, аммо ҳалигача очилмаган сир-синоати ҳақида. Ҳазрати Башир қишлоғидаги оддий бир чўпоннинг ўлдирилиб кетиш воқеаси, жиноятни фош этишга бел боғлаган тер-говчиларнинг улдабуронлиги, бу жиноят атрофида жуда кўпчиликнинг ўралашиб қолиши, бир жиноят ортидан бошқа жиноят изларининг топилиши...

Қизик, қадим Темурийлар кутубхонаси билан оддий чўпоннинг ўлдирилиб кетиши ўртасида қандай боғлиқ-лик бўлиши мумкин? Вақт ва замон ўртасидаги мува-фиқлик бир-бирига қай даражада боғлиқ?..

Саволларга жавобни очиқ қолдирамиз. Яхшиси, му-толаадан сўнг сизни баҳсга чорлаймиз.

**УЎК: 821.512.133-3**

**КБК: 84(5Ў)7**

ISBN 978-9943-27-651-2

© Комил Синдаров, «Темурийлар кутубхонасининг сири». «Янги аср авлоди», 2015 йил.

## **СҮЗ БОШИ ҮРНИДА**

Қўлингиздаги детектив қисса 2013 йилда чоп этилган «Қимматга тушган хато» (Ёки қасоскор қалб исёни) номли китобимизнинг мантиқий давомидир. Гарчанд асарлардаги воқеалар бир-бираидан тубдан фарқданса-да, асосий қаҳрамонлар яна ўша прокуратура терговчилари Фахриддин ва Санжарбеклардир.

«Қимматга тушган хато»да прокуратура ходими-нинг тўсатдан йўқолиб қолиши билан боғлиқ мураккаб ва ўта оғир жиноятни ўзларининг профессионал маҳорати, билими, тиришқоқлиги ҳамда зукколиги билан фош этган терговчилар «Қўтондаги қотиллик»да энди Ҳазрати Башир қишлоғига яқин тоф этагидаги қўтонда содир бўлган чўпоннинг ўлими билан боғлиқ антиқа жиноят ишини тергов қилишга киришадилар.

Бир қарашда оддийгина туюлган қотиллик жинояти бора-бора чигаллашиб, бошқа бир тарихий воқеага – XV асрларда йўқолиб кетганлиги гумон қилинаётган Темурийлар ёки Мирзо Улугбек кутубхонаси билан боғлиқ ажойиб ва гаройиб ҳодисаларга уланиб, аср жинояти даражасига кўтарилади.

Сир эмаски, бугунги ўзбек адабиётида детектив асарлар салмоғи жуда кам. Китобхон эса бундай асарларга муҳтож. Айниқса, прокуратура терговчиларнинг сермашаққат ва шарафли меҳнатларини акс эттирувчи, ўқувчини жиддий мулоҳаза қилишга ундовчи, уларнинг ҳуқуқий маданиятини оширишга хизмат қилувчи бадиий асарлар бармоқ билан санаарли.

«Темурийлар кутубхонасининг сири»ни ёзар эканмиз биз ўз одимга уч муштарак мақсадни қўйган эдик:

Одамлар онгига узоқ йиллар давомида сақлашиб келаётган «прокуратура қораловчи, жазоловчи орган, унда ишловчи ходимлар эса қаҳри қаттиқ, қўпол ва бемеҳр инсонлар» деган нотўғри тушунчаларга барҳам бериб, Фахриддин ва Санжарбеклар мисолида прокуратура терговчиларининг фоят машакқатли, шу билан бирга шарафли ишларини ҳаққоний ёритиш, уларнинг «қилни қирқ ёриб» адолат, ҳақиқат ва қонун устуворлигини таъминлаш борасидаги серқирра ва ўта нозик фаолиятларини ҳаётий мисоллар ва бадиий бўёқларда акс эттириш ва шу билан китобхон қалбида бундай шарафли юксак касб эгаларига нисбатан муҳаббат ҳисларини уйғотиши – бош мақсадимиз эди.

Аҳолининг ҳуқуқий саводхонлиги, ҳуқуқий маданиятини оширишда детектив асарларнинг ўрни муҳимдир. Шу нақтаи назардан оддий китобхоннинг онгига жиноят учун жазонинг муқаррарлиги, айбсиз шахсни жазога тортиш мумкин эмаслиги, суднинг ҳукмисиз ҳеч кимни айбдор деб ҳисоблаб бўлмаслиги, жиноятчи шохида юрса, баргида юрадиган терговчилар фаолиятининг асосий мезони адолат ва қонун устуворлиги тамойили эканлиги каби тушунчаларни сингдириши мақсадини кўзладик.

Бундан ташқари мазкур асар баҳонасида узоқ йиллар оғриқ нуқтамиз бўлиб ётган бир тарихий воқееликни қаламга олишга журъат этдик.

Маълумки, Соҳибқирон Амир Темурнинг илмга, китобга меҳри бошқача бўлган. Қайга бормасин, қай юртни забт этмасин, зебу зардан кўра китобларга кўпроқ аҳамият берган, нодир қўллёзмаларни сақлаб қолиш, илмий меросни янада бойитиш, илм аҳдини ардоқлаб, улар учун зарур шарт-шароитларни яратишни ўйлаган. Фирдавсмонанд

Самарқандда замонасиининг энг катта кутубхонасини ташкил этган. Бу даргоҳда Турон заминда асрлар давомида улуғ аждодларимиз томонидан яратилган илмий меросдан ташқари, Ҳиндистону Ҳурросон, Озору Арман, Боғдоду Дамашқ, Қоҳираю Анқара, Ироқу Румдан келтирилган нодир қўлёзмалар тўпланган. Темурийлар кутубхонаси ёки Улугбек кутубхонаси номи билан машҳур бу илм даргоҳи Мирзо Улугбек вафотидан кейин таҳт тепасига келган хурофот ва жаҳолат кучлари таъсирида сирли равишда йўқ қилинган. Тарихий манбалар мазкур кутубхонанинг мавжуд бўлганлигини тасдиқлайди. Унинг ёндириб, куйдириб юборилганлиги, четта олиб кетилганлиги ёки бошқа табиий оғатлар таъсирида йўқ қилинганлиги ҳақида манбаларда бир оғиз ҳам гап йўқ. Агарда шундай бўлганда, тарихчилар бу ҳақда албатта ёзиб қолдирган бўларди. Демак, бу улкан кутубхона юртимиизда! Қайсиdir форда, қайсиdir тогда ёки Самарқанднинг қайсиdir замини қаърида бизни кутиб ётибди. Бу ҳақда бир қанча илмий фаразлар ҳам мавжуд. Бундан қарийб икки аср муқаддам амалга оширилган Европа ва рус олимларининг Темурийлар кутубхонасини топиш борасидаги изланишларидан сўнг ҳозирга қадар бу масала билан ҳеч ким жиддий шуғулланган эмас...

Шуларни ўйлаб, анча йиллардан буён бу ҳақда бирор нарса ёзиш ва шу орқали масалага жамоатчилик эътиборини қаратишни ўйлаб юрадим. Самарқандлик тарихчи олим Камолхон Каттаев, академик Бакир Зарипов, математик олим Абду самат Мамаюсупов, тадбиркор Ҳолиқул Зайдуллаевлар билан бамаслаҳат сирли кутубхонани топиш мақсадида илмий экспедиция уюштиришни ҳам ўйлаб қўйгандик.

Детектив жанрдаги асар мазмунига тарихий воқеликни сингдиришдан кўзланган мақсад шу эди.

Ўта нозик жанрдаги иккинчи китобимизни Сиз азиз ўқувчига тақдим этар эканман, сизлардан асар ҳақидаги ўз фикр-мулоҳазаларингизни билдиришингизни кутиб қоламан. Зеро, Фахриддин ва Санжарбекларнинг янада мураккаб, янада қизиқарли жиноятларни фош этиш борасидаги кейинги фаолиятларини реал воқеликлар, бадиий безакларда акс эттирувчи бўлажак асарларимиз тақдири Сиз муҳтарам китобхонларниң холисона баҳоси, муҳлисларимиз қўллаб-қувватлашидан оладиган илҳомга боғлиқдир.

Эҳтиром ила,

**Комил СИНДАРОВ**

Фахриддин хизмат хонасига кириб келиши билан ички телефон жиринглаб қолди. У «эрталабдан ким бўлдийкин?» деган ўйда гўшакни қўтарди:

- Лаббай, эшитаман.
- Фахриддин Каримович, салом! Яхши дам олдингизми? Тезда хонамга чиқинг! – Тоҳир Фофуро-вич гапни қисқа қилди.

Терговчи қофоз, қалам олиб, прокурор ўринbosарининг хонасига шошилди.

– Фахриддинжон, чарчоқдар ёзиидими? Уйдагилар қалай? Келин, болалар... яхшими? – прокурор ўринbosари тавозе билан гап бошлади.

– Раҳмат, Тоҳир ака. Ўзингиз яхшимисиз? – Фахриддин гап оҳангидан муҳим топшириқ борлигини англади. Одатда, бошлиқ бирор жиддий иш топширмоқчи бўлганда унга «жон» деб мурожаат этарди.

– Мен ҳозиргина Қашқадарё вилоят прокурори билан гаплашдим. Китоб туманида рўй берган бир қотиллик жинояти бўйича хизмат сафарига боришингизга тўғри келмоқда.

– Қанақа қотиллик экан?

– Ҳазрати Башир қишлоғи атрофидан бир чўпоннинг жасади топилган. Қизиги шундаки, унинг чўнтагидан ўн тўртинчи асрга мансуб тилла танга чиққан. Бу ҳам ҳали ҳаммаси эмас... – Тоҳир Фофурович пахта гулли пиёладаги чойдан ҳўплаб, гапида давом этди. – Чўпоннинг қўтонидан бир талай қадимий китоб ҳам топилган...

– Яна қанақа китоб? – Фахриддиннинг таажжуби ошди.

– Самарқандлик олим Камолхон Каттаевнинг хulosасига кўра бу китоб X–XI асрларда яшаб ўтган аллома... – прокурор ўринбосари олдида турган қоғозга қараб дудукланиб ўқишига тушди. – А-б-у За-йд Да-бу-сийнинг «Ал-Ан-вор фи у-су-ли-л-фиқҳ» номли асари экан. Гап шундаки, мазкур асар шу пайтга қадар бизгача етиб келмаган деб ҳисобланар экан.

– Ўзи асар нима ҳақда экан? Шунчалик кўхна китобмикан?

– Ахир ўн аср олдин ёзилган... Таржимасини ҳам ёзиб олган эдим мана... – Тоҳир Фофурович кўзойнагини қўндириб, яна қоғозга тикилди. – Ўзбекчада китобнинг номи «Фикҳ асосларини очувчи нурлар» бўларкан. Дабусий замонасининг машҳур ҳуқуқшунос олимларидан бўлган экан.

– Буни қаранг-а, эшитмаган эканман!

– Сиз билан биз мактабда, институтда ўқиган кезлар «шўролар» даврига тўғри келган. Шу боис улуғ аждодларимизнинг маънавий меросини ўрганиш у ёқда турсин, номини ҳам тилга олиш мумкин эмасди! Аксинча, ўша давр мафкураси Соҳибқирион Амур Темурни қонхўр, Бобурни босқинчи деёнишдан тап тортмаган... Майли гапираман десанг гап кўп. Вилоят прокурори қотилликнинг мотиви шу тилла танга ва китоб билан боғлиқ бўлиши мумкин деган фикрни билдиримоқда. Хуллас, жойига чиқиб, масалага ойдинлик киритишга тўғри келади. Агар прокурорнинг хulosаси тўғри чиқса, ишни ўз иш юритувингизга оласиз. Вазиятга қараб иш тутинг. Терговчилардан бирини, яхшиси Санжар Раҳмоновни ўзингиз билан олишингиз мумкин.

– Қачон йўлга чиқсан бўлади?

– Кечки рейсга чиптага буюртма берилган. Ҳужжатларни расмийлаштириш, сафар тайёргарлигини күриш учун сизларда вақт етарли бўлади, – Тоҳир Фоғурович ўрнидан қўзғалди. – Бизга савол бўлмаса, ишингизга омад.

– Раҳмат, ҳаммаси тушунарли! Жойига етиб боргач, Сизга ахборот бераман. – Фахриддин шаҳд билан ортига бурилди...

\* \* \*

Самолёт белгиланган вақтда ҳавога кўтарили. Фахриддин ўриндиини сал ётқизиб, кўзини юмиб олди. Санжарбек ўриндиқ ортидаги газета, журнallарни олиб, варақдашга тушди. Сўнг сумкасидан ручкасини чиқариб, кроосворд ечишга тушиб кетди:

- Беш ҳарф «қовун нави», «а» билан бошланади.
- «Амири», – деди ўзини ухлаганга солиб кетаётган Фахриддин ҳозиржавоблик билан.
- Тўғри... кейингиси – Сайд Аҳмад асари, уч ҳарф.
- Уфқ.
- Буниси ҳам тўғри. Америкадаги штат, «а» дан бошланади.
- «Аризона».
- А-р-и-з-о-н-а, тўппа-тўғри. Энг оғир жиноят.
- Қотиллик.
- Есть... Дарвоқе «қотиллик» дегандай, Фахриддин ака боя гапингизга унчалик тушунмаган эдим. Кейин гаплашамиз дегандингиз. Ўзи Қашқадарёга нима мақсадда кетаяпмиз? – деди Санжарбек қўлидаги журнални ўриндиқ ортига жойлай туриб.
- Бир чўпонни ўлдириб кетишибди, – бамайли хотир жавоб берди Фахриддин.
- Вилоятда шу оддийгина қотилликни тергов қиласидиган терговчи қуриб кетибдими? Шунча йўлдан бизни овора қилиб...

Фахриддин кўзини очиб, шеригига кулимсираб қаради:

– Аекин бу сиз ўйлаганчалик оддий қотиллик-ка ўҳшамаяпти. Марҳумнинг чўнтағидан қадимий тилла танга топилган, қўтондан қанақадир антиқа китоблар чиққан.

– Ростданми? Нима бало чўпон бирор хазина топиб олганмикин? – Санжарбек хулоса қилишга ошиқди.

– Бўлса бордир. Ҳар нарса бўлиши мумкин. Олдиндан бирор нарса деб бўлмайди. Борсак кўрамиз! Абу Зайд Дабусий ҳақида эшитганмисиз?

– Қанақа Дабусий?

– Эшитганмисиз ё йўқми? – Фахриддин саволни қайтарди.

– Менимча арабларнинг «Ал-иттифоқ»дами ёки Эроннинг қайсиdir фут bolt жамоасида ўйнаса кепрак, – Санжар таваккал қилди.

Фахриддин хандон отиб кудди. Сўнг базур ўзини тўхтатиб, «футболчи денг!» деди.

– Ёки бирор давлатнинг раҳбарими? – Санжарбек устозининг «шуни ҳам билмайсанми?» деб таъна қилишидан чўчиб, таваккал қилишда давом этди.

– Нуфузли идоранинг маъсул ходими, малакали ҳукуқшунос бўла туриб, наҳотки шундай улуғ зотни танимасангиз! – ҳамон кулгидан ўзини боса олмаётган Фахриддин атайлаб шогирдининг жигига тегди. – Ҳа қишлоқи-я!

– Устоз кўп қийнаманг, айта қолинг, ким у? – деди Санжарбек хуноби чиқиб.

– Ахир у ўнинчи асрларда яшаб, Турон заминда фикҳ илмини ривожлантирган буюк аждодимиз-ку! Наҳотки унинг машҳур «Ал-Анвор фи усули-л-фикҳ» асарини ўқимаган бўлсангиз? – деди устоз билағонлик қилиб.

– Йўқ, ўқимаган эканман! Талабалик йиллари ўқиган бўлсам, балки ёдимдан чиққандир... – жовдиради шогирд.

– «Балки ўқиганман» денг! – деди устоз жилмайиб. Сўнг бир оз жиддийлашиб, гап бошлади:

– Рости мен ҳам у ҳақда эрталаб Тоҳир акадан эшитдим.

– Ана холос! Бизни «қишлоқ» дейдилар, ўзлари ҳам...

Устоз босиқдик билан Дабусий ва Китобдаги қотиллик ҳақида билганларини гапириб берди. Шу пайтгача «оддийгина қотилликни ўзлари тергов қиласа бўлмасмиди, бизни безовта қилишнинг нима кераги бор эди!» деган хаёлда кетаётган Санжарбек сафар мақсадини тушунгандай, бу галги хизмат сафари ҳам икки-уч кунлик эмаслигини фаҳмлагандай бўлди...

Фахриддин Каримович ўриндиққа бошини қўйиб, яна кўзларини юмид олди. Шу тобда унинг нималарнидир ўйлаб, эртанги кун режаларини бошида «пишириб» кетаётгани аниқ эди. Санжарбек шуни ўйлаб, ортиқча саволлар бериб, уни чалғитишдан ўзини тийди. Ойнадан ташқарига қараб, борлиқни кузата бошлади. Тепадан қараганда ҳамма нарса худди кафтдагидек аниқ кўринади. Ястаниб ётган Қарши чўллари... илон изли йўллар... тўда-тўда сурувлар... гутурт қутисидак уйлар... машиналар... қанақа ажойиб манзара...

– Ҳурматли йўловчилар! Камарларингизни тақиб олинг! Бир оздан сўнг сомалётимиз Қарши шаҳрига қўнади. Ҳавонинг илиқлиги 24 градус... – стюардессанинг ёқимли овози эшитилди.

Ҳамма камарларини тақишига шошилди.

– Бирпаста етиб келдик-а! Техниканинг қудратини қаранг! Ота-боболаримиз бу масофани отда бир ҳафта-ўн кунда босишган бўлса ажабмас, – деди Санжарбек ойнадан кўзини узмай.

– Ҳа, бизга шунақа ажиб замонда яшаш насиб этди Санжарбек! Техниканинг шарофати туфайли икки дунё бир қадам бўлиб қолди. Аждодларимиз учун афсонадек туюладиган воқеалар биз учун жўнгина ҳодисага айланди. Телевизор, интернет, уяли телефон, самолёт... ҳақиқий мўъжиза... Ота-боболаримиз умрининг асосий қисмини жангу жадалларда, отнинг устида ўтказганлар. Шундай дориломон замонда яшашнинг ўзи бир баҳт эмасми?

– Нимасини айтасиз! Тушунган одам учун бу дунёда яшашнинг ўзи бир баҳт. Лекин одамзот шунга ҳам шукр қиласа экан. Шундай тинч, тўкин ва осуда дамларда ҳам қотилликлар, хунрезликлар учраб турғанилиги кишини ўйлантиради. Нима сабабдан темирга жон ато этган одамзот жиноятчиликни таг-томири билан қирқиб ташлашга қодир бўла олмаяпти? – Санжарбек сұхбатдоши уни дикқат билан эшишиб турганидан тўлқинланиб кетди. – Шунча нарсага қодир одамзот жиноятчиликни тўла бартараф этишга ожиз бўлса! Ахир...

– Файласуф бўлиб кетинг-э! Шу мавзуда диссертация ёзсангиз бўлармиди! – Фахриддин пичинг қилди.

– Шу жиноятчилар бўлмаса, сиз билан биз шунақа доимий мусоғирчиликда юрмасмидик дейман-да! – Санжарбек гапни ҳазилга бурди.

– Шу касбни ўзимиз танлаганмиз. Чидаймиз. Ҳар қандай жамиятда жиноятчилар бўлади. Faқат жамиятнинг турига қараб жиноятчилик ортиши, камайиши мумкин.

– Бир пайтлар очарчилик замонларда одамлар қорнини тўйдириш, ўзи ёки оиласини очарчиликдан сақлаб қолиш мақсадида ўғирлик, талончилик, босқинчилик қилган. Буни тушунса бўлади. Лекин ҳозирги тинчлик, тўкин-сочинлик замонда

бундай жиноят қилишга нима ҳожат! Жонини хатарга қўйиб, қонунни бузиш нимага керак?! Ахтарган имкон, ишлаган давлат топаётган бўлса!  
– Санжарбек «чакки эмасми?» дегандай устозига ўтирилди.

– Тўғри, ҳар қандай жиноятнинг туб сабаби мол-дунёга бориб тақалади. Лекин одам очарчиликдан, йўқчиликдан, камбағалликдан, имконсизликдан жиноят содир этмайди, – Фахриддин тобора ерга яқинлашиб келаётган самолётнинг ойнасидан пастга қараб, гапида давом этди. – Ёки сиз ўз тажрибангизда қорнини тўйдириш учун жиноят содир этган шахсни учратганмисиз? Жиноятчилик асосан тўқликка-шўхликдан келиб чиқади. Бой одам янада бойигиси келади. Агар у ўз бойлигини ҳаромдан топган бўлса, яна ҳаром луқма егиси келаверади. Бу йўлда ҳеч нарсадан тоймайди. Улар содда, оми ва айни пайтда пулга муҳтож одамларни топиб, уларни ўз жиноятларига шерик қиласилар. Баъзан жиноятни шундай инсонларнинг қўли билан содир этадилар.

– Тўғри айтасиз, менинг амалиётимда ҳам начорликдан жиноят содир этган шахслар бармоқ билан санаарли. Туман прокуратурасида ишлаб юрган кезларимда ички ишлар ходимлари бир йигитни тутиб келишди. Маълум бўлишича, ҳунар-техника билим ютида ўқийдиган у йигитнинг онаси ва синглисидан бошқа ҳеч кими йўқ экан. Она шўрлик фаррошлик қилиб, икки фарзандини боқар экан. Қишинуларидан бирида бечора она бетоб бўлиб қолибди. «Тез ёрдам» чакиришибди. Дўхтир анча-мунча дори ёзиб берибди. Ўғил уйдаги бор пулни олиб дорихонага йўл олибди. Аммо дори олишга пули етмапти. Анча пайт кўчада нима қилишини билмай тентираб юрибди. Йигит киши эмасми, уйга – онасининг олдига қуруқ қўл билан қайтишга юзи чидамапти. Кеч

тушганда бадавлат қўшнисининг омборхонасига кириб, велосепидини ўғирлаб чиқибди. Ўғирланган молни бошқа маҳалладаги танишига пуллаб, онасига керакли дориларни харид қилибди...

Самолёт тўхтаганлиги сабабли йўловчилар қимирлаб қолишиди.

– Хўш кейин-чи, ўша йигит нима бўлди? – Фахриддин атрофдагиларга парво қилмай шогирлига юзланди.

– Ўзингиз биласиз, уй-жой, омборхона ва бошқа хонага ғайриқонуний равишда кириб ўғирлик қилиш анчагина оғир жиноят ҳисобланади. Қонун талаби бўйича йигитни қамаш лозим эди. Аммо прокуроримиз ҳамма масъулиятни ўзига олиб, уни қўйиб юборди. Бошида анча тўполон бўлди. Кейинчалик ишни шахсан ўрганиб чиққан вилоят прокурори туман прокурорининг қарорини асосли деб топгандан сўнггина ҳаммаси ўз ўрнига тушиб кетди. Раҳматли Маъруф Восикович шунаقا диёнатли, инсофли ва одиа прокурор эди-да!

– Ҳа, у кишининг ўрнида бўлганда ҳамма ҳам шунаقا масъулиятни ўз бўйнига олавермас эди. Аммо, нима бўлганда ҳам адолат йўлини тутган экан, – Фахриддин ўриндиқ камарини бўшатиб, жойидан қўзғалди...

\* \* \*

Аэропортда меҳмонларни вилоят прокуратурасининг алоҳида муҳим ишлар бўйича терговчиси Неъмат Ҳамидов кутиб олди. Йўлда кетар экан, мезбон Қарши шаҳрида амалга оширилган ободонлаштириш ва бунёдкорлик ишлари тўғрисида тўлқинланиб гапирди. Санжарбек шаҳарга илк бор ташриф буюрганлиги боис мезбонни гапга солиб кетди. «Нексия»нинг орқа ўриндигига ўтирган Фахриддин Каримович эса бу ерларда кўп бор бўлганлиги сабабли ўз хаёллари билан

банð эди: бу қадимий тилла қандай қилиб чўпоннинг кўлига тушиб қолган бўлса. Ота-боболаридан мерос қолдимикин? Ё хазина топғанмикин? Унда нима сабабдан бир дона! Қолғанлари қаерда бўлиши мумкин? Жиноятчилар олдин тунаб, кейин ўлдириб кетдимикин? Унда нега бир дона тангани қолдириб кетишган? Ёки кўрмай қолишганми? Балки қотиллар унда тилла борлигини билишмагандир. Жиноятнинг мотиви умуман бошқа нарса ҳам бўлиши мумкин-ку! Чўпон тиллаларни фақат керак бўлганда доналаб пуллаб юрган бўлса-чи? Чўпоннинг ота-онаси, авлод-аждоди ким бўлган экан? Дабусийнинг китоби-чи? Шу пайтга қадар фанга маълум бўлмаган китоб қандай қилиб оддий бир чўпоннинг кўлига тушиб қолган бўлса? Қўлёзма ўн асрдан ортиқ вақт давомида қаерда, қандай қилиб сақланган бўлса? Уни тўла тадқиқ этиш бўйича керакли мутахассисларни жалб этишга тўғри келади...

Терговчи меҳмонларни тўғри вилоят прокурори ўринbosари Фарҳод Шириновичнинг ҳузурига бошлиб борди. Одатдаги салом-аликдан сўнг Фахриддин Каримович муддаога кўчди:

– Фарҳод Ширинович, ижозатингиз билан биз терговчининг хонасида жиноят иши билан танишиб чиқсак. Кейин маслаҳатлашамиз!

– Албатта, албатта! – Фарҳод Ширинович ички телефонни кўтарди. – Маҳкамжон, жиноят ишини олиб киринг!

Зум ўтмай хонага чамаси ўттиз ёшлардаги узун бўйли, қораҷадан келган басавлат йигит қалин жилдли папкани кўтариб кириб келди.

– Бу киши алоҳида ишлар бўйича терговчимиз Маҳкам Ҳакимович бўладилар, – Фарҳод Ширинович навбатма-навбат меҳмонларни ҳам таништирди. Сўнг Фахриддин Каримовичга юzlаниб:

– Марҳамат, сизлар Маҳкамжоннинг хонасида жиноят иши материаллари билан танишиб чиқинглар. Кейин фикрлашамиз.

Меҳмонлар терговчининг хонасига ўтиб, жиноят иши билан батафсил танишиб чиқдилар, керакли жойларини алоҳида қофозда қайд этиб, қандайдир чизмаларни, схемаларни чиздилар. Маҳкам Ҳакимовичга турли-туман саволлар бериб, иш тафси-лотларига ойдинлик киритдилар.

Сўнг Фарҳод Шириновичнинг кабинетида тўпланишиб, мунозарани давом эттиришди:

– Иш биз ўйлагандан кўра мураккаброқ кўрина-ди, – Фахриддин Каримович гап бошлади. – Нор-бўта чўпон қандайдир жиноий гуруҳнинг ишига аралашиб қолган кўринади. Жиноятнинг боши Самарқанд ёки Тошкент шаҳрига бориб тақалиши эҳтимолдан холи эмас. Негаки, бу қадимий тилла тангалар, ноёб, кўҳна китоблар ерлик аҳолини унчалик қизиқтирган бўларди. Фақат тушунган, мутахассис кишигина бу қадимий ашёларнинг қадр-қийматини билиши мумкин...

– Гапингизга қўшиламан, – Маҳкам Ҳакимович гапга қўшилди. – Чўпоннинг аёли сўзларига қара-ганда, эри кейинги пайтларда ўн-ўн беш кунлаб уйига келмайдиган одат чиқарган. Лекин қаерга боришини, нима билан шуғулланишини хоти-нидан сир тутган. Бундан ташқари Шаҳрисабз, Китоб туманларида қадимий тангалар ёки эски китобларни коллекция қиласидиган, уларнинг олди-бердиси билан шуғулланадиган шахс борлиги аниқланмади.

– Балки чўпоннинг ўлими бу қадимий ашёларга боғлиқ эмасдир, – прокурор ўринбосари ҳамкасбра-рини мунозарага чорлади. – Қотиллик унинг шах-сий ҳаёти билан ҳам боғлиқ бўлиши мумкин-ку!

– Биз бу тахминни ҳам ишлаб кўрдик, – Маҳкам Ҳакимович ўрнидан туриб гап бошлади. – Чўпоннинг оиласи муносабатлари, яқинлари, дўстлари, таниш-билишлари билан алоқалари имкон қадар

ўрганилди. Бирор бир ихтилоф ва келишмовчиликлар бўлганлиги аниқланмади. Шунга қарамасдан бу борада ҳам ишни тўхтатганимиз йўқ...

– Гувоҳларнинг кўрсатувлари, иш материаллари билан танишиб, мен ҳам қотиллик чўпоннинг шахсий ҳаёти билан боғлиқ эмас, деган холосага келдим, – жиноят ишини варақлаб ўтирган Санжарбек гапга қўшилди.

– Ажабланарлиси шундаки, қотиллар жуда пухта ишлашган, ўзларидан бирон бир из, далил қолдиришмаган, гувоҳлар ҳам йўқ! – деди ҳамон тик турган Маҳкам Ҳакимович надомат билан.

– Мен бир нарсага ҳайронман! Қишлоқ жойда бегона одам, бегона машина тез кўзга ташланади. Наҳотки қотилларни ҳеч ким кўрмаган бўлса! – деди Санжарбек таажжуб билан.

– Гап шундаки, бу қишлоқда Ҳазрати Башир зиёратгоҳи жойлашган бўлиб, унга ҳар куни кўплаб зиёратчилар ташриф буюришади. Шу сабабли ерлик аҳоли бегона кишиларга, транспорт воситаларига аҳамият бермайди. Гувоҳлар йўқлиги шундан... – изоҳ берган бўлди Маҳкам.

– Ҳа, ҳозирча жиноятнинг мотиви ҳам, чўпоннинг ўлдирилиши тафсилотлари ҳам маълум эмас. Қотиллик рўй берган кун туни билан ёмғир ёққанлиги ҳам жиноятчиларга қўл келган. Кўп излар ювилиб кетган. Хуллас, айни пайтда қўлимизда бирорта далил ҳам, жўялироқ тахмин ҳам йўқ. Жиноятни фош этиш осон кечмайдиган кўринади... Мен жиноят иши терговини Республика прокуратураси иш юритувига олиш лозим деган фикрдаман, – деди Фахриддин Каримович мунозарага якун ясаб. – Санжарбек, сиз тегишли ҳужжатларни расмийлаштиринг. Мен раҳбариятга ахборот бераман.

– Раҳмат, Фахриддин ака! СИЯМАДДЕЛАР ОЛУМ БОЛАСИ  
РИНГИЗСИЗ БУ ЖИНОЯТНИ ФОШ ҚИЛИШ ҚИЙИН БУЛА-

FARG'YALI VUJUD

ди, – Фарҳод Ширинович елкасидан тоғ тушгандай енгил нафас олди. – Биз ҳам қараб турмаймиз, гурухга энг тажрибалари тезкор-тергов ходимларимиздан берамиз. Маҳкам Ҳакимович сизларнинг ихтиёриңгизда бўлади.

– Раҳмат Фарҳод Ширинович! Сиз ўз ишингизни қиласверинг. Бизлар йигитлар билан бирор соат ишлаймиз. Тонгда воқеа жойига чиқиб кетамиз. Ҳозирча хайр! – Фахриддин ҳужжатларни қўлига олиб, эшик томонга юрди.

Терговчилар унинг ортидан эргашди.

– Қоринлар ҳам ўзи пиёзнинг пўстлоғи бўлиб кетди-ёв! Соат ҳам ўндан ошиб кетибдими?... – раҳбарнинг «яна бир соат ишлаймиз» дегани ёқмаган Санжарбек фудранди.

– Эртанги кун учун пухта режа тузиб олмасак бўлмайди. Овқат қочмас! – деди Фахриддин соvuқёнлик билан.

Устозининг феълини яхши биладиган Санжарбек унга эргашди...

\* \* \*

Ҳазрати Башир қишлоғи туман марказидан анчагина олисда жойлашган экан. Гуруҳ тушган машина қирлар, адирлар оша тоғ томонга шитоб билан кетар экан, йўл тобора торайиб, ўнг томонда шовуллаб оқаётган дарёнинг ҳусни-таровати, тафти, яққолроқ намоён бўла бошлади.

– Бу қанақа дарё? – ташқаридаги ажиб манзара маҳлиё бўлиб кетаётган Санжарбек меҳмонга юзланди.

– Қашқадарё ирмоқлари шу ерлардан бошланади, – деди Маҳкам йўлдан кўз узмай.

– Суви негадир кўм-қўк экан-а! Рости бунақа гўзал гўшани умримда кўрмаганман!

– Ҳа, чиндан ҳам гўзал! Айниқса, баҳор чоғлари бу жойлар жуда фусункор бўлиб кетади. Бир пайтлар

Соҳибқирон Амир Темур ҳам, Мирзо Улугбек ва бошқа Темурийзодалар ҳам Самарқанддан ота юртларига шу йўл орқали ўтишган, табиатнинг мана шундай тенгсиз чиройидан баҳраманд бўлишган.

– Самарқанд билан Кешни боғловчи карвон йўли шу ердан ўтганми? – атрофни жимгина кузатиб кетаётган Фахриддин Маҳкамга юзланди.

– Шунаقا. Қаранг, ахир карвон йўли учун бундан аъло шарт-шароит бўлиши мумкинми? Бир томонда дарё шовуллаб оқиб турса, бир томон тоғ, бир томон боғ...

Фахриддин ҳамсухбатининг гапларига бош чайқаб кетаётган бўлса-да, хаёли бошқа жойда эди: «Қадимий қўлёзмалар, тилла тангалар... балки улар шу қадим йўллардан ўтган Темурийлар сулоласининг мулкидир. Ҳар нарса бўлиши мумкин. Шароит тақозоси билан бир пайтлар яширилган хазина чўпоннинг ота-боболари томонидан топиб олинган бўлиши мумкин. Балки чўпоннинг бобокалонлари Соҳибқироннинг қўлида хизмат қилгандир...

– Манзилга яқинлашиб қолдик! – Маҳкамнинг гапи терговчининг хаёлини бузди.

Қоялар орасидан мўралаб чиққан баҳор қуёши борлиққа ўзгача жило бахш этарди. Яшил лиbosга бурканган далалар, қирлар келинчакдай ястаниб, жамолини кўз-кўз қилаётгандай эди.

Қишлоққа кириб келганларида баҳор офтоби аллақачон борлиқни қиздириб, жамики жонзотни уйғотиб юборганди. Тоғ томондан эсаётган майин шабада ёқимли ифор таратиб, юракларга ўзгача бир илиқлик бағишлади.

– Чўпоннинг уйи шу қишлоқда. Қўраси эса сал тепароқда. Қаёққа ҳайдай? – Маҳкам Ҳакимович ўртадаги жимликни бузиб, гуруҳ раҳбарига юзланди.

– Олдин воқеа жойига борайлик, – табиатнинг сеҳридан, қишлоқнинг жамолидан кўз ололмай келаётган Фахриддин қисқагина жавоб қилди.

Машина ўнқир-чўнқир йўл бўйлаб шитоб билан тепаликка қараб кўтарила бошлади.

Кўтон деярли тоғ этагида жойлашган экан. Пастқамгина уйнинг мўрисидан буруқсиб тутун чиқиб турганидан бу ер қишлоққа қараганда анча салқин эканлигини англаш қийин эмасди.

Терговчилар машинани бир чеккада қолдириб, уй томонга юришди. Кўра ичида тимискиланиб юрган чўлиқлардан бири меҳмонларни кўриб, уларга пешвоз чиқди.

– Бу киши ёрдамчи чўпон – Яхшилик ака, – деди Маҳкам Ҳакимович у билан кўриша туриб.

Чўпон ҳамма билан қўл бериб кўришиб, меҳмонларни ичкарига таклиф қилди. Кулба икки хонадан иборат бўлиб, каттароқ ивирсиб ётган хона чўлиқлар учун мўлжалланган шекилли – тўртта темир каравот қўйилган, ўртада алимисоқдан қолган ёғоч стол, тўрда «уч оёқ» шкаф. Кираверишдаги чўян печнинг оғзидан чиқаётган аччиқ тутун димофни ачиштириди.

Чўпон пайпаслаб деразани очди. Бирпасда тутун тарқаб, хона ичи ёришди. Терговчилар мезбоннинг ўтиришга қилган таклифига ҳам парво қилмай тик турган ҳолда хонани кўздан кечиришга киришди.

– Қотиллик шу ерда содир этилган. Мурда мана бу ердан топилган, – деди Маҳкам Ҳакимович қўли билан шкаф турган жойдан сал нарироқни кўрсатиб. – Бу хона умумий фойдаланишда бўлган. Кундуз ошхона вазифасини ўтаган, кечки пайт ёрдамчи чўпонлар дам олишган. Биз бу ерни обдан ахтариб кўрдик, аммо терговга нафи тегадиган бирор нарса топилмади...

– Демак, яхши қидирмабсизлар! – шкафни титкилаётган Санжарбек фудурланди.

Маҳкам нимадир демоқчи бўлиб, оғиз жуфтлади-ю, меҳмонни хафа қилиб қўйишни ўйлаб, тилини тийди.

Фахриддин хонанинг у ёғидан бу ёғига ўтиб, «далил» қидириш билан овора эди.

– Бош чўпон кейинги хонада турган, – Маҳкам Ҳакимович «вақтни бекорга ўтказаяпсизлар» дегандай гуруҳ раҳбарига юзланди.

Фахриддин «хабарим бор» деган маънода бош чайқаб, ишида давом этди: «Иш материалларига қараганда қотиллар чўпонга таниш бўлган. Шунинг учун уларни уйга таклиф қилган бўлиши табий. Қотиллик шу хонада юз берган. Бармоқ изи қолдирмаганига қараганда жиноятчилар анчагина тажрибали кўринади. Жуда эҳтиёткорлик билан, пухта ишлашган... Лекин ҳар қандай пиҳини ёрган жиноятчи ҳам ўзидан из қолдиради. Гап уни топа билишда...»

Фахриддин энгашиб, стол тагига қарап экан, столнинг деворга яқин турган оёғи панасида тангачага ўхшаш нарсага кўзи тушди. Кўли билан пайпаслаб, ҳалиги нарсани жойидан олди. Тутма экан. Аёл кишиникига ўхшайди.

– Мана бунга қаранг, – гуруҳ раҳбари тутмачани Маҳкам Ҳакимовичга кўрсатди. – Столнинг остидан чиқди. Бу ерда аёл киши ҳам турадими?

Маҳкам тутмачани эҳтиёткорлик билан қўлига олиб, диққат билан назар солди:

– Ростдан ҳам «женский», – дея фудурланди. – Аммо бу ерда хотин киши яшамайди-ку! Бизнинг йигитлар ҳамма ёқни қараб чиқишиганди-ку! Бу нимаси бўлди, қаердан чиқди ўзи?

– Мана бу ерда ётган экан, – деди Фахриддин қўли билан тутмани олган жойни кўрсата туриб. – Йигитлар эътибор қилмаган бўлиши мумкин.

Санжарбек тутмачани қўлига олиб, эшик олдида ўралашиб юрган чўпонни чақирди:

– Яхшилик ака, мана бу тутмача кимга тегишли?

Чўпон тутмачага разм солиб, совуққонлик билан «бilmадim» деди.

– Тугма аёл кишидан тушган. Бу ерда аёллар ҳам турадими? – деди Фахриддин чўпонга яқинлашиб.

– Жўқ, аяллар бунда не қиласди? – елкасини қисди Яхшилик ака.

– Эслаб кўринг балки бирортангизнинг аёлингиз ёки қизингиз келгандир, – Санжарбек гапга қўшилди.

– Жўғ-э! Жоқин ўртада бу жерга аёл зотининг о-ё-фи тек-кан э-э-м-а-с!... – чўпон дудукланди.

– Унда манов тугма энангнинг... гўридан чиқдими?! – тутақиб кетди Маҳкам.

Фахриддин терговчига ёвқарашиб қилди. Сўнг чўпонга юзланиб, ҳамкасбининг қўполлиги учун узр сўрагандай оҳиста сўз қотди:

– Яхшилик ака, яхшилаб ўйлаб кўринг, балки сиз йўқлигингизда бирорта аёл келгандир?

– Шу мудҳиш воқиядан экки кун олдин улимкасал бўлганлиги учун менгина жавоб сўраб кетгандим. Шунда бирда-ярим келган бўлмаса! Тафнам билмадим! – деди чўлиқ соддалик билан.

– Шундай бўлган экан, мен сўроқ баённомалари билан танишдим, бахтга қарши бошқа чўпонлар ҳам ўша куни қишлоқقا тушиб кетишган экан-а! – Фахриддин чўпоннинг гапини тасдиқлади.

– Ҳа, майрам олди бўғони учун бошқа чўлиқлар шу куни ҳам эртачироқ уйларига кетишган экан. Кўргиликни айтмайсизми?

– Акажон, яхшилаб эслаб кўринг, ўша кунларда қўтонга кимдир келган. Бўлмаса аёл кишининг тугмаси қандай тушиб қолиши мумкин? Эркак киши аёл кишининг тугмасини қадамайди-ку! – деди Фахриддин чўпонни гапга солиш учун мулоҳимлик билан.

– Жоқин ўртада ҳеч ким кеганини кўрмадим. Лекин...

– Хўш, хўш! – терговчи сергакланди.

– Бу жил билмадим-куя, аммо вўтган жили анву Садақат деган аял бир-экки марта келувди. Яна

бilmадим... бошқа хотин зоти ёқин ўртада бу жерга қадам босганини эслолмайман.

– Садақат деганингиз ким бўлди?

– Хўжайнинг... ҳалиги... та-ни-ши-да!

– Қанақа таниш, қаерда туради? Очиқроқ гапи-ринг!

– Ҳей сен... калла... нималар деб валдираяпсан, нега олдин сўроқ қилганимда бу ҳакда «мик» этмагансан! – бир чеккада ўтирган Маҳкам тутақиб кетди.

– Маҳкам Ҳакимович... илтимос! Бир муддат ...

– Фахриддин ҳамкасбига эътиroz билдириди. Сўнг яна чўпонга юзланди:

– Садоқат Норбўтага ким бўлади?

– У аял Китобда яшайди. Хўжайн уникига бориб туради-да! Ҳалиги нима дейди... екинчи дегандай...

– Иккинчи хотини демокчимисиз? – Санжарбекнинг сабри чидамади.

– Шундай деса ҳам... бўлади. Аммо буни чечам билмас эди. Яна менгина балога қоп ўтиrmай...

Терговчилар кўпайлашиб бирпасда чўпондан «Садоқат» ҳақидаги маълумотларни «суғуриб» олишди.

Сўнг бош чўпоннинг хонасини, воқеа жойини яна бир бор кўздан кечиришди. Аммо дикқатга молик бирорта «далил» топилмади. Қолган чўлиқларни ҳам обдан сўроқ қилган терговчилар Яхшилик чўпонни олиб, ортга қайтишди. Йўл-йўлакай қишлоққа кириб, бош чўпоннинг уйини «зиёрат қилишди», Норбўта чўпоннинг хонасини, шахсий буюмларини, кийим-кечакларини синчковлик билан кўздан кечиришди. Хотини Мастура, бўй қизлари – Нигора, Нодиралар билан яна бир бора «гаплашишди». Аммо бу «тадбирлар» терговга асқатадиган бирон бир маълумот бермади...

\* \* \*

Терговчилар Китоб шаҳрига кириб келганда борлиқ зулмат қўйнига чўмган, осмонда кимгадир бир тилик қовунни, кимгадир ёрнинг камон қошлирини эслатувчи янги ой хирагина шуъла таратиб турарди.

Яхшилик чўпон қоронфида бир неча бор адашган бўлса-да, Садоқатнинг уйини топишни уддади. Машина замонавий типда қурилган, кўркам ва шинам уйнинг ёнига борганда, у:

– Тўхтатинг, шу уй, – деди. – Фахриддин ака, илтимос, менга жа нокулай-да! Кирмай қўяқолай... ўзингиз биласиз аял киши... мендан кўриб-нетиб вўтирмасин...

– Бўлти, унда сиз машинада ўтира туинг, – деди гуруҳ раҳбари машинадан туша туриб.

Эшикни азадорларга хос кўк либос кийиб олган йигирма беш-йигирма саккиз ёшлардаги дилбаргина аёл очди. Терговчилар хизмат гувоҳномаларини кўрсатиб, ўзларини таништиргди. Аёл ҳужжатларга парво ҳам қилмасдан меҳмонларни ичкарига бошлади.

Санжарбек ҳовлига, уйга диққат билан разм солар экан, хаёлидан «Ўхў, иккинчи... хотин ёмон яшамас экан-ку!» деган фикр кечди. Ҳовлидаги озодалик, бир текис қирқилган «газонлар», чиройли қилиб шакл берилган арча кўчатлари, йўлаклар атрофини безаб турган чироқлар, ҳовли ўртасидаги мўъжазгина фаввора унинг диққатини ўзига тортди.

Уй ичидағи саранжом-саришталик хонадон соҳибасининг анчайин нозик дидли эканлигидан далолат берарди. Хоналар посанг безатилган. Қимматбаҳо хориж мебеллари, чўғдай товланиб турган эрон гиламлари, тувакларга экилган турфа хил гуллар, катта-кичик биллур қандиллар, ранг-баранг картиналар, замонавий теле, видеоаппаратуралар уйнинг кўркига кўрк қўшиб турибди.

Фахриддин бошқалар қатори музейга тұшиб қолғандай атрофға алғанлар экан, калласига «бир чүпоннинг яшашы шу бўлса... тўрт-бешта қўйнинг орқасидан шунча бойликка эга бўлиш мумкинми? Чўпоннинг хазина топгани ростга ўхшайди!» деган фикр келди.

Уй бекаси чой дамлаб келиб, терговчининг таклифи билан стулга омонатгина ўтиради.

– Синглим, биз Норбўта чўпоннинг ўлими масаласида келган эдик. Сизга бир-икки саволимиз бор эди, – гуруҳ раҳбари босиқлик билан гап бошлиди. – Айтинг-чи, у киши билан муносабатларингиз қандай эди?

Аёл бир оз ўйланиб туриб, бошини ердан кўтармасдан мулойимлик билан жавоб берди:

– Норбўта aka билан танишиб... никоҳ ўқитиб, турмуш қурғандик... Мен у кишининг иккинчи... аёли эдим.

– Норбўтани охирги марта қачон кўрган эдингиз?

– Ўлимидан икки кун олдин уйга келган эди. Кечаси бизницида қолди. Эрталаб кетди. «Индинга келаман» деганди. Лекин...

– Эрингизнинг вафот этганлигини қачон, кимдан эшитдингиз?

– Ўша куни тушга яқин Яхшилик aka деган чўпони телефон қилди. Нима қилишимни билмай қолдим. Югуриб бориб ўғлимни... Улуғбекни мактабдан олиб келдим. Жанозага бормоқчи бўлдим... Укамни чақирдим. У бизга рухсат бермади... «Сенларнинг ўринларингга мен ўзим фотиҳага бориб келаман, сизлар уйда аза очиб ўтира қолинглар!» деди... – Аёл чуқур «уф» тортди.

– Эрингизни ким ўлдирган бўлиши мумкин? Сизнинг бирортадан гумонингиз борми? – терговчи аста-секинлик билан чуқурлаша борди.

– Қайдам... Менга кўп нарсани айтмас эди. Лекин хаёлимда кейинги пайтларда нимадандир безовтадек эди...

– Сиз буни қандай сездингиз? Ёки ўзи бирор нарса деганмиди?

– Йўқ! Менга ҳеч нарса демаган. Аммо ўзини тутиши... сал бошқачароқ бўлиб қолганди... Балки менга шундай туюлгандир...

– Айтинг-чи, марҳумнинг чўнтағидан топилган қадимий тилла тангадан, қўрасидан олинган кўҳна китобдан сизнинг хабарингиз бормиди? Чўпон уларни қаердан олган?

Садоқат яна жимиб қолди. Унинг ўзини тутишидан бу ашёлардан хабари бўлганлигини англаш қийин эмасди. Фахриддин аёл фикрини жамлаб олиши учун атайлаб уни шоширмади.

– Билганинг чайналмасдан гапирсанг-чи! Намунча имиллайсан! – Маҳкам Ҳакимовичнинг «жини қўзиди». – Бунақалар билан ўзи идорада гаплашиш керак!

Фахриддин кўрсаткич бармоғини оғзига теккизib, «т-и-ш-ш!» дея ҳамкасбига танбех берди.

– Билмайман... менга айтмасди... – деди аёл ҳамон ердан кўзини олмай.

Фахриддин босиқдик билан яна бир марта савони такрорлаб, аёлга гувоҳ сифатида фақат ҳақиқатни сўзлаши лозимлигини уқтирган бўлса-да, у «билмайман»дан нарига ўтмай тураверди.

– Қанақасига билмайсан, шунча дов-доскани тўртта қўйнинг орқасидан топибдими? Кимни алдамоқчисан? Шу чўпчакка бизни ишонади деб ўйлайсанми? – Маҳкам яна қизишиб кетди. – Унда мана шу данғиллама ҳовлини, манов бир-биридан қимматбаҳо буюмларни қаердан олгансанлар, а... айт! Уялмай-нетмай билмайман дейишига ўлайми бунинг!?

Аёл ҳамон «мум тишлиб» ўтиради. Шу тобда унинг хаёлидан нималар кечәётганини англаш қийин эди.

– Кундошингиз билан муносабатларингиз қандай эди. У сизларнинг... «саргузаштлар» ингиздан бохабармиди? – Санжарбек атайлаб «ишқий» иборасини қўлламади.

– Билмасди шекилли! Биз учрашмаганмиз... – Садоқат жавобни қисқа қилди.

– Сиз эрингизнинг тоғдаги қўтонига бориб турармидингиз? – гуруҳ раҳбари бошқа томондан «хўжум»га ўтди.

Садоқат бир қалқиб тушгандай бўлди. Аммо буни сездирмаслик учун ҳаяжонини ичга ютиб, бепарволик билан жавоб берди:

– Ўтган йили баҳор ойларида бир-икки марта борган эдим...

– Бу йил-чи, яқин кунларда борганмидингиз?  
– Йўқ!

– Яхшилаб эслаб кўринг, бу биз учун ҳам, сиз учун ҳам жуда муҳим, – анчадан буён жимгина ўтирган Санжарбек гапга қўшилди.

Аёл бошини кўтариб, Санжарбекка қаради ва «йўқ дедим-ку!» дегандай нигоҳини ерга қадади.

– Садоқатхон, майли агарда ростдан ҳам яқин ўртада қўтонга бормаган бўлсангиз – яхши, мабодо бизни алдаб, терговни чалфитаётган бўлсангиз, сизни... гумондорлар сафига киритишга тўғри келади. Бунинг нималигини тушуняпсизми? – гуруҳ раҳбари овозини бир парда кўтаришга мажбур бўлди.

– Мен... мен... сизларга ... билганимни айтаяпман! – Садоқат дудуқланди.

– Яхши, биз ҳам сизга ишондик. Унда марҳамат қилиб, баҳорги-қишки уст кийимларингизни, демоқчиманки, пальто, куртка дегандай... бизга

кўрсата оласизми? – Фахриддин ўрнидан туриб, аёлга яқинлашди.

– Қанақа кийим? Сизга нима керак? – аёл ҳайрон бўлиб, терговчига жавдиради.

– Ўзингиз кийиб юрган пальто, плаш, куртка-рингизни олиб чиқинг, бир нарсага ойдинлик киритишимиз лозим, – изоҳ берди Санжарбек.

Садоқат истар-истамас ўрнидан қўзғалиб, чап томондаги хоналардан бирига кириб кетди. Сал ўтмай қўлида бир қучоқ лаш-лушлар билан кириб келди. Санжарбек илдамлик билан унинг қўлида-гиларни олиб, бирма-бир кўздан кечира бошлади:

– Фахриддин ака, мана бунга қаранг! – деди у қўлидаги қора плашга ишора қилиб. – Пастки тугмаси тушиб қолган экан!

Гуруҳ раҳбари сумкасини пайпаслаб, салафанга ўралган тугмачани олиб, Санжарбек қўлида тутиб турган плашдаги тугмачалар билан солиштира бошлади:

– Худди ўзи! Шундан тушган экан! – деди у бир қўлидаги тугмачага, бир плашга разм солиб. Сўнг ёнида анқайиб турган аёлга қаратадеди:

– Манов плаш сизга тегишлими?

– Ҳа меники! Нимайди...

– Битта тугмаси тушиб қолган экан. Қачон, қаерда тушириб қолдирганингизни эслай олмайсизми? – Фахриддин плашни қўлида тутганича аёлга яқинлашди.

– Й-ў-қ! Сезмаган эканман! Буни ўзи кам кияман...

– Унда бизга марҳамат қилиб айтинг-чи, сизнинг тугмачангиз қандай қилиб, Норбўта чўпоннинг қўрасига бориб қолди, – деди Фахриддин қўлидаги салафанга ўралган тугмага ишора қилиб.

Садоқат ҳангуманга манг бўлиб қолди. Бир плашига, бир терговчининг қўлидаги тугмачага тикилди, сўнг яна бошини хам қилиб, ўтирган жойига чўкди.

«Рақиби»нинг қақшатқич зарбадан эсанкираб қолганини фаҳмлаган терговчи «хужум»га ўтди:

– Садоқатхон, қўтонга қачон, нима мақсадда борган эдингиз?

Аёл ҳиқиллаб йиғлай бошлади. Терговчилар унинг «таслим» бўлганлигини англаганликлари боис бир муддат юрагини бўшатиб олишига қаршилик кўрсатишмади...

Садоқат гапни узокдан бошлади...

\* \* \*

Дадам тириклигида ғам, алам, ташвиш каби тушунчалар бизга бегона эди. Ҳаётимиз тинч, осуда, турмушимиз бекаму кўст эди. Ўзлари оддий бир ўқитувчи бўлсалар-да, мени, опаларимни ҳеч нарса-га зориқтирмай вояга етказди. Қиблагоҳимиз бизга том маънода паноҳ, бошимизда соябонимиз бўлган эканлар. У кишининг ўлеми кулфат эшикларини ланг очиб юборгандай эди. Падаримизнинг ошу обини бергач, аввалига узок йиллардан буён ҳамшира бўлиб ишлаб юрган онам бир беморга нотўғри муолажа қилганликда айбланиб, ишидан бўшатилди. У ўзининг ҳақлигини исботлаш учун бормаган жойи, кирмаган эшиги, учрашмаган одами қолмади... Шу орада оиласизнинг молиявий муаммолари ҳам бўй кўрсата бошлади. Мен ҳали коллежда ўқирдим. Икки опам ўзи билан ўзи эди. Каттасининг тўртта, кичигининг учта боласи бўлиб, қўл учида кун кечиришарди. Бу ҳам етмагандай кўп ўтмай кичик опам ҳам қайноаси билан жанжаллашиб, кўч-кўронини йиғишириб, жужуқларини эргаштириб, бизниги келиб олди...

Ётиб еганга тоғ ҳам чидамас экан. Кўп ўтмай захирадаги унча-бунча маблағ тугаб бўлди. Бир муддат онамнинг, опамнинг тилла тақинчоқдарини сотиб жон сақладик... Шу орада онам юрак

хурожи билан шифохонага тушиб қолди. Дўхтирлар «операция қилмаса бўлмайди», – дейишиди. Тошкентга олиб бориб, кўрсатдик. Операция каттагина маблағ талаб қиласкан... Таниш-билишлардан қарз кўтаришга тўғри келди. Бахтимизга операция муваффақиятли чиқди. Онам софайиб чиқди. Ўша кунларда оиласизнинг муаммолари бир оз чекингандай бўлганди. Аммо қарзни қайтариш вақти келганда... олдинги қийинчиликлардан юз чандон оғирроқ фурбатга дучор бўлганимизни англадик. Бир пайтлар қарз бериб, саховат кўрсатган туққан-туғишгандаримиз энди уни талаб қилиб, бошимизга маломат тошларини ёғдира бошладилар. Бизларнинг оҳу зоримизни, муддат сўраб ёлворишлиаримизни эшиттилари ҳам келмасди... Онам шўрлик остона ҳатлаб чиқолмай қолди. «Тик» этган товушдан чўчиб, уйда бекиниб ўтирадиган одат чиқарди. Қорнинг оч бўлса, қаттиқ нон еб кун кўрсанг ҳам бўлади. Аммо инсон таҳқиришларга, камситишлиарга, хўрлашларга чидаши мушкул бўларкан. Онам бир томондан бизни қорнимизни тўйдиролмаётганидан эзилса, бошқа томондан «қарз» машмашаларидан юрак-бағри тилка-пора бўларди.

Опам болаларни онамга қолдириб, ҳамширалика ишга кирди. Лекин топган маоши ўзининг бориши-келишига, тушлигига ҳам етмасди. Боз устига болалари тез-тез шамоллаб турганлиги боис, анчагина ишдан қолиб кетди. Охир-оқибатда ишидан бўшашга мажбур бўлди...

Уйимиздаги кўзга кўринган, қўлга илинган нарсаларни қарз эвазига арzon-гаровга бериб юбордик. Сўнг уйимизни сотдик. Арзонгина кетди. Қарзлардан қутулиб, ўзимизни енгил сездик. Қолган пулга кичикроқ бўлса-да бошпана олмоқчи эдик. Ҳа деганда пулимизга мос турар-жой топилавермади.

Кейин қўққисдан уйларнинг нархи ошиб, қўлимиздаги маблағ каталакка ҳам етмас бўлиб қолди. Ижарада яшай бошладик. Арzonроғини ахтариб, беш-олти жойга кўчдик. Ҳаш-паш дегунча уйнинг пулини ҳам еб тугатдик. Кунимиз жиянларимнинг маҳалладан оладиган ёрдам пулига, дадасидан келадиган арзимас алиментта қолганди. Опамнинг қўни-қўшиларнинг уй ишларига қарашиб, орттирадиган чой-чақаси ҳам болаларидан ортмасди...

Бирордан қарз кўтаришнинг ҳам имкони йўқ эди. Уйи йўққа ким ҳам қарз берарди! Танг аҳволда қолдик. Қора қозон ҳам қайнамай қолди... Онам эса кундан-кунга ҳолсизланиб, чўкиб борарди. Кунда кунора «тез ёрдам» чақиришга тўғри келарди. Дўхтиrlар ёзиб берган «рецепт»лар кўз ёшларимиз билан бўялиб, бир чеккада қолиб кетарди... Онамнинг бизларни хижолатдан қутқариш учун атайлаб «ичим дорига тўлиб кетди-ёв, шу заҳар ўлгурнинг фойдасини сира сезмадим-да! Дори оламан деб уриниб юрманглар, бари бир ичмайман! Дардини берган Оллоҳ шифосини ҳам берар!» дея такрорлаганда ўзимизни қўярга жой топа олмай қолардик. Тўрт мучаси соғ бўла туриб, кўз ўнгингда адойи тамом бўлиб бораётган онаизорингга ёрдам бера олмай томошабин бўлиб қараб ўтиришдан нарига ўтолмаётганингдан ёмон азоб бўлмаса керак дунёда! Шундай пайтларда қушми, капалакми, қурбақами, тошбақами бўлиб туғилмаганингдан афсусланаркансан киши. Ҳаётдан ҳам, яшашдан ҳам безиб кетарсансан...

Кўча-кўч сабаб ўқишлирим ҳам ўлда-жўлда қолиб кетди. Ёшлиқдаги орзу, умидларим саробга айланиб бораётгандай, камбағаллик, ночорлик мени ўз домига тортиб бораётгандай эди...

Ўша куни тушликка одатдагидек қайноқ сувга озрок ёғ аралаштириб, шўрва қилгандик. Жиян-

ларим «яна шунақа овқатми? Емаймиз, гүшт егимиз келаяпти! Гүшт, гүшт!» деб хархаша қилишди. Шундоқ ҳам ҳар куни деярли бир хил таом истеъмол қилишдан безор бўлиб ўтирган барчамизнинг томофимиздан овқат ўтмай қолди. Хўрлигимиз келиб кетди... Опам йифлаб, ташқарига чиқиб кетди. Онам ўтирган жойида бир нуқтага тикилганча тошдай қотиб қолди. Уни юпатиш учун ёнига ўтиб, маҳкам қучоқлаб олдим. Шунда унинг унсиз, юракдан йифлаётганини сездим... Мен ҳам ўзимни тутиб тура олмадим...

– Отангнинг қадри ўтаяпти болам, отангнинг! – деди у зўрға ўзини босиб. – У киши хонадонимизнинг баракаси бўлган эканлар. Борларида ҳамма нарсамиз тўкис эди-я! Ўзи билан баракамизни ҳам олиб кетдилар шекилли. Уйимизнинг файзи йўқолди. Шу кўйга тушиб ўтирибмиз-а! Мен отангни авайлаб-асрай олмадим, болам. Билиб-билмай кўнглига озор етказган кунларимга лаънатлар бўлсин-а!

– Чиндан ҳам отамнинг замонида зориқиши нима эканлигини билмабмиз-а! – шивирлайман мен.

– Бир ўzlари шунчангизни беками-кўст вояга етказдилар. Мен ҳамиша шундай бўлса керак деб ўйлаб юарканман. Раҳматли ҳаёт бўлганларида бу кўргуликларни кўрмаган бўлармидик?!

– Баъзи дугоналаримга ҳавасим келади. Ўқишига машинада келишади. Кийинишларини айтмайсизми? – онамни чалғитиш мақсадида атайлаб гапни бошқа томонга бураман.

– Ҳа, болам. Молу давлат қўлнинг кири. Бир келади, бир кетади. Ўксинма, Худо хоҳласа бир кун сизлар ҳам тўкинчиликда яшайсизлар. Ахир менинг отам ҳам, отангнинг оталари ҳам замонасининг бадавлат, тадбири одамлари бўлишган-ку! – онам шу ўтиришимизга мақтаниш табир жоиз эмаслигидан хижолат бўлгандай оҳиста давом

этди. – Бобом катта савдогар бўлган эканлар. У замонларда бизнинг хонадонимиз ҳам тўқис яшаган. Егани олдида, емагани ортида бўлган.

– Бобомлардан сизга ҳеч вақо мерос қолмаганими? – сўрайман қувлигим тутиб.

– Нимасини айтасан! Шўролар даврида давлатманд кишиларни қулоқ қилишган, мол-мулклари ни тортиб олишган. Бобом шўрлик бор будини ўзи ихтиёрий равишда давлатга топширган. Отамнинг айтишича, фақат айрим тилла буюмларни ўзида қолдирган. Кейинчалик ҳукуматдан қўрқиб, уларни кўмиб ташлаган экан.

– Ия, бу ҳақда менга ҳеч гапирмаган экансиз-да! Хазина қаерга кўмилганини биласизми? Топиб олсак ёмон бўлмасди! – дейман мен онамга яқинроқ ўрнашиб.

– Ҳа топилса ёмон бўлмасди. Аекин ўша олтинлар ҳақиқатда бўлганми ёки отам менга шунчаки гапирганми – буниси номаълум. Негадир отам бу ҳақда гапиришни унча хушламасди. «Олтин одамга кулфатдан бошқа нарса келтирмайди!» дер эди раҳматли.

– Ҳеч бўлмаса тахминий жойни айтганмиди? – дейман мен тутақиб.

– Йўқ, бу ҳақда ҳеч гапирмаган. Аммо...

– Хўш, хўш!

– Раҳматли отам ўлимни олдидан ҳовлимиznинг кунчиқар томонида жойлашган тепаликка ишора қилиб, бир нималар демоқчи бўлганди. Бироқ гапиришга маҷоли бўлмаганди. Ўшанда негадир мен «хазинани шу ерга кўмган экан-да, шуни айтмоқчимикин?» деган хаёлган боргандим... Балки бошқа бирор гапи бўлгандир. Кечга бориб, отам бандаликни бажо келтирди. Шу билан сир сирлигича қолиб кетди.

– Сиз олтинларни топишга ҳаракат қилмаганмисиз?

– Қайда дейсан! Қийналган пайтларимда бир-иккни марта бу фикр хаёлимга келди. Лекин... түғриси шу тилла қурғурнинг борлигига унчалик ишонмаганман. Кейинчалик у тепалик ҳовли-жой қурилишига бериб юбориldи... Балки уни топганимизда бунчалик гарип аҳволга тушмаган бўлармидик...

Онам чуқур хўрсиниб, мени маҳкамроқ қулоқлади. Сочларимни силади, дудоқларимдан ўпди. Унинг шашқатор кўз ёшлари юзларимни ювди. У хаёлимда ўзининг дардман, ошуфта аҳволидан ҳам кўпроқ оила бошлиғи – она бўла туриб, биз фарзандларини тузукроқ едириб-ичиролмаганидан надоматда эди. Ахир она учун болалари егулик сўраб, чирқираб турганда уларнинг талабини қондиролмай мустар туришдан ҳам ортиқроқ хўрлик бормикин дунёда?! Йўқ, йўқ, бўлмаса керак!

Мен эса тўрт мучаси соғлом фарзанд бўла туриб, касалманд онаизоримга ғамхўрлик қилолмаётганимдан, ожиз ва нотавонлигимдан изтиробда эдим. Ўзимнинг ўғил бола бўлиб туғилмаганимдан афсусланардим. Балки унда ҳаммаси бошқача бўларми? Шунда онам, опам, жиянларим ҳеч нарсага зориқмасми? Қиз бола бўлсам нима бўпти! Ўғил болалардан қаерим кам! Улар уддалаган ишни мен ҳам эплай оламан! Ўқишим бир гап бўлар, ишга киришим лозим! Тирикчилик айб эмас-ку! Онам тузалиб кетса, ўқишини давом эттиришга имкон бўлади...

Хаёлимга келган фикрдан суюниб кетдим. Бехосдан вужудимни қандайдир қатъият, шиддат эгаллади.

Хуллас, онамнинг қаршилиги-ю опаларимнинг эътирозларига қарамай бир ошхонага ишга жойлашдим. Муаммоларимиз бир оз чекингандай бўлди. Шу ерда Норбўта акам билан танишдим. Бошида хўранда сифатида ошхонамизга ҳар за-

монда келиб туради. Кейинчалик серқатнов бўлиб қолди. Йўлимни пойлайдиган, турли-туман баҳоналар билан совға-саломлар улашадиган одат чиқарди. У кишининг мендан анчагина катталигини, боз устига уйланган, бола-чақаси борлигини билсамда бошида муносабатларимизга беэътибор қарадим. Уни ўзимдан қанчалик узоқдаштиришга ҳаракат қилмайин, улашаётган тұхфаларидан ўзимни тиёлмадим...

Мен эса виждонимга хилоф йўл тутиб бўлса-да, онамга, оиласа ёрдамим тегаётганидан, жиянларимнинг бир кунига яраётганимдан мамнун, ёш бўла туриб, каттагина хонадоннинг боқувчисига айланганимдан масрур эдим. Бошида онам ҳам, опам ҳам менинг бўлажак эрим билан муносабатларимдан бехабар эди. Кейинчалик бундан воқиф бўлганларидан эса фишт қолипдан кўчганди... Мен ўн саккиз ёшимда ўзимдан йигирма ёш катта йигитнинг иккинчи хотинига айланиб бўлгандим...

Норбўта акам икки-уч киши гувоҳлигида никоҳ ўқиттириб, мўъжазгина тўй қилдириб, онамнинг қалбидаги турли-туман бемаъни ҳадик-хавотирларни бартараф этди. Эрим бизникига ҳафтада бир-икки марта келиб турса-да, бекаму кўст яашшимиз учун барча шароитни яратиб берган эди.

Кунларнинг бирида гапдан-гап чиқиб, мен эримга бобомнинг олтинлари ҳақида гапириб бердим. Ўша кундан Норбўта акамнинг ҳаловати йўқолди. Онамни гапга солиб, ҳазил-хузул билан воқеаларга ойдинлик киритди. Сўнг онам айтган тепаликдаги хонадон эгасини аранг кўндириб, ҳовли-жойини сотиб олишга эришди. Дастреб бу ишдан бирор нима чиқишини гумон қилиб турган мен ҳам кейинчалик қизиқиб қолдим, юрагимда қандайдир умид учқунлари пайдо бўлди.

Эрим шаҳарга тушиб, турли-туман асбоб-ускуналар олиб келди ва хазинани қидириш ишларини

бошлаб юборди. Хазина топиш осон иш эмас экан. Ҳовлининг чор томони имла-тешик қилиб ташланган бўлса-да, олтиндан дарак йўқ эди. Аммо эрим ҳам анойилардан эмасди. Тушкунликка тушмасдан қидиришда давом этди. Иккита ҳарбийча кийинган йигитни олиб келиб, қандайдир асбоб ёрдамида ҳовлини роса чифиридан ўтказиши. Асбоб жиринглаган жойларга алоҳида белгилар қўйиб чиқиши. Йигитлар кетгач, қазиш ишлари жадаллаши... Тандирнинг оғзидек келадиган жойнинг тупроғи юмшоқдиги билан ажралиб қолди. Бу жойнинг муқаддам ё қудук бўлганлиги ёхуд хазина яшириш учун атайлаб қазилганлиги равшан эди. Тун ярмидан оққан бўлса-да, эр хотин чираниб, қазиш ишларини давом эттиридик. Эрим фонус чироғида туртина-туртина тупроқни юмшатиб, чеҳакка солар, мен эса арқон билан чеҳакни тортиб олардим. Чамаси тўрт-беш қулоч чуқурликда белкурак бир қаттиқ жисмга урилди... Ҳаво ўтказмайдиган филофга мустаҳкам ўралган каттагина сандиқ чиқди. Норбўта акам сандиқнинг оғзини авайлаб очди. Шундан кейингина бобомнинг хазинасини топганимизга амин бўлдик. Хазина бўлганда ҳам унча-бунча эмас. Иккита филоғигача олтиндан ясалган қилич, икки хум тилла тангалар, турли-туман тақинчоқлар, яна ўн-ўн беш чоғли қадимий китоблар...

Мен қўрқиб кетдим. Онамдан бу олтинлар кишига баҳт келтирмаслигини эшитган эдим. Эримни хазинани давлатга топширишга кўндиримоқчи бўлдим. Аммо у унамади. Хазинани топиш учун каттагина маблағ сарфлаганини важ қилиб, сўзида маҳкам туриб олди. Олтинларни фақат хайрли ишларга сарф этишга, энди бутунлай бошқача ҳаёт бошлашга ишонтириди...

Норбўта акам сўзининг устидан чиқиб, ота ҳовлимизни қайтариб олиб берди. Турмушимизнинг

тўкин-сочинлигини таъминлади. Менга шу ҳовлини тухфа қилди. Катта маблағ сарфлаб, уни қайта таъмирлади, дид билан жиҳозлади. Айтганларимни кулоқ қоқмай муҳайё қилди... Ҳаётимиз тўкис бўлса-да, аммо негадир кўнглим фаш эди...

Ўша куни кечки пайт уйга бир нотаниш аёл кўнфироқ қилиб, «сен уйингда оғзингни очиб ўтирибсан, эринг эса ресторонда бир ҳурлиқо билан базми жамшид қилиб ўтирибди!» деган гапни айтиб қолди. Мен гарчанд ичимдан зил кетган бўлсам-да, ўзимни бепарводек тутиб, «майли-да, эркак киши, айланиб-айланиб қозигини топиб келади!» дедим. Аёл мендан бошқачароқ жавоб кутган шекилли «баттaring чиқсин!» дея гўшакни қўйиб қўйди. Бошимдан сув қўйгандай бўлди. Ўзимни қанчалик бу гапнинг бўхтон эканлигига ишонтиришга уринмай, шунчалик хавотирим орта борди: «Наҳотки икки хотинга қаноат қилмай учинчисини топган бўлса бу кўрнамак! Бобомнинг олтинлари уни қутирираяпти шекилли! Мени оғзимни арзимас нарса билан мойлаб қўйиб, ўзи «шохона» кун кечиришни хоҳлаб қолдими дейман уйинг қуйгур!»...

Апил-тапил кийиниб, йўлга тушдим. Шунда қайга боришимни билмай, нотаниш аёлдан рестораннинг манзилини сўрамаганимдан афсусландим. Таваккал қилиб, ўзим билган бир неча кафе, ресторанларни айланиб чиқдим. Фойдаси бўлмади. Аммо тушкунликка тушмасдан ахтаришда давом этдим. Сўраб-суриштириб шаҳардаги барча йирик ошхоналарга кириб чиқдим. Тополмадим. Аёлнинг гапи ёлғон чиққанидан кўнглим таскин топгандай бўлди. Аммо қалбимдаги шубҳа, гумонлар чўфи ўчмаганди: «Шамол бўлмаса, дарахтнинг учи қимирламайди. Аёл жуда ишонарли қилиб гапирди. Уни жеркиб солмаганимда манзилини ҳам аниқ айтган бўларди. Балки бошқа шаҳардадир. Балки аллақа-

чон ресторандан чиқиб, бирор овлоқроқ жойда кайфу сафони давом эттираётгандир... Яна қаердан изласам экан... Аёл ёлғон сўзлаган бўлса-чи? Бу «ҳожатбарор» ким бўлса? Нимага эришмоқчи? Менга раҳми келдимикин? Ёки анави манжалақига душманлиги борми? Ҳеч бўлмаса, ҳар эҳтимолга қарши телефон рақамини сўрамапман-да! Балки бу мени ёки эримни кўролмайдиган одамларнинг найрангидир. Шунақа одамлар ҳам кам эмас-ку! Бироннинг кулфатидан лаззат оладиган, ўзганинг баҳтсизлигидан роҳатланадиган! Нима бўлганда ҳам бу ишни шундай ташлаб бўлмайди. Охирига етмасам, кўнглим жойига тушмайди! Гумон инсонни имондан ажратади дейишади...»

Кеч тушиб қолган бўлишига ҳам қарамай, ўғлимни опамникида қолдириб, таксида эримнинг қўтони томонга йўл олдим. Хайрият у қўрада экан. Мени бундай кеч маҳалда бегона одам билан кўриб, эрим ҳайратидан ёқа ушлади, «бир кор ҳол бўлдимикин» деган хаёlda дудукланди:

– Садоқат, тинчликми? Нима гап, нима қилиб юрибсан, тентираб?

Мен ўзимни хотиржам тутишга ҳаракат қилиб, дедим:

– Тинчлик, тинчлик, сиздан хавотир олиб...

– Нимадан хавотир оласан, бу ким? – деди у машина томонга имо қилиб.

– Такси ёллагандим. Отахон тоғ йўлларини яхши биларкан. Рус бўлса-да, ўзбекчада тиниқ гаплашаркан, – дедим мен «айбим»ни енгиллаштириш ниятида.

– Кеч маҳалда бегона таксида, жинни-пинни бўлдингми? Гапирсанг-чи?

Эримнинг кучли ҳаяжонланганда шундай дудукланиш одати борлиги ёдимга тушиб, вазиятни юмшатишга тушдим:

– Ёмон туш кўргандим, шунга хавотирланиб уйда ўтиrolмадим...

– Ҳе, тушинг ҳам бор бўлсин, ўтакамни ёрай дединг-ку! Шошмасанг эртага ўзим борардим.

– Негадир юрагим ҳаприқиб кетаверди, – эримнинг бир пофона пастга тушганини сезиб, атайлаб унинг пинжига тиқилдим. «Арақ ҳиди келмади. Демак, бугун шаҳарга тушмаган» хаёлимга келган фикрдан кўнглим бир оз кўтарили.

Кўтонга кириб, бир оз гаплашиб ўтирдик. Эрим бир коса қатиқ билан сийлади. Гап орасида ўнинг бугун қўрадан бир қадам ҳам нари кетмаганини, ёрдамчилари жавоб олиб, уйларига кетганликлари боис кун бўйи молларга ўзи қараганини билиб, ҳовурим босилди. Аёл тўғрисида гапирсам ўзим шарманда бўлишимни ўйлаб, индамай кўя қолдим.

Норбўта акам кеч бўлаётганини баҳона қилиб, кузатишга шошилди. Мен ортга қайтдим. Аммо эримнинг юз-кўзларида қандайдир бир хавотир, ташвиш борлигини сезгандай бўлдим. «Балки бунга менинг қўққисдан ташрифим сабабдир» деган ўйда ўша пайтда унинг бу ҳолатига унчалик аҳамият бермаганимдан, кечда ўша ерда қолмаганимдан афсусдаман...

\* \* \*

Тергов гуруҳига такси ҳайдовчисини топиш қийин кечмади. Михаил Иванович Садоқатнинг кўрсатмаларини тўла тасдиқлади. Экспертлар чўпоннинг қўтони ёнидан топилган шина излари шу таксига тегишли эканлиги аниқдашди.

Асосий тахминнинг йўқقا чиқиши, қолган тахминларнинг натижা бермаётгани, қолаверса жўялироқ, ҳақиқатга яқинроқ тахминнинг йўқлиги, Фахриддин Каримовичнинг хавотирини кучайтирди. Бу қотилликни очиш у ўйлагандан кўра анча қийин кечишини дилдан ҳис қилди.

Терговчининг иши игна билан қудук қазишдай бир гап. Шошма-шошарлик кетмайди. Кишидан мاشаққатли меҳнат, қатъият ва журъатдан ташқари мислсиз сабр-тоқат, тенгсиз ирода талаб этади. Фақат шундагина кутилган натижага эришиш, ҳар қандай сирли жиноятни фош этиш мумкин. Асосийси адашмаслик. Нотўғри йўлга кириб кетиши нафақат бехуда вақт сарфланишига, бесамар уринишларга сабаб бўлади, балки жиноятчи билан терговчи орасидаги масофани узоқлаштиради, унга жиноят изларини бекитиш, қилмишларини яширишга имкон беради. Фурсат ўтган сари жиноятчининг жазодан қутулиб қолиш эҳтимоли оша боради, аксинча терговчининг жиноятни очиш эҳтимоли даражаси пасая боради... Демак, ўтаётган ҳар бир дақиқа қотилларнинг фойдасига ишламоқда. Шошилиш керак! Қотиллик тафсилотларининг барча деталларини, ҳатто энг аҳамиятсиздек туюлганларини ҳам текшириб кўриш, ҳар бир воқеани, ҳар бир ҳолатни ипидан игнасигача чифириқдан ўтказиш лозим!... Дарвоҷе, улар тузган тахминлар фақат муҳим аҳамият касб этган жиҳатлар асосида тузилмадими? Унчалик аҳамиятга молик бўлмаган фактлар эътибордан четда қолмадими? Ахир унинг тажрибасида бир қарашда майда-чуйдадек туюлган ҳолатларни ўрганиш асосида очилган жиноятлар кам эмас-ку! Кам аҳамиятли ўша ҳодиса нима бўлиши мумкин? Биз нималарга унчалик аҳамият қаратмадик...

Нохосдан эшикнинг тақиллаши Фахридиннинг хаёлини бузди.

– Мумкинми, ҳали ухламадингизми? – эшикда Санжарбек кўринди.

– Келинг, келинг! Уйқу қаерда дейсиз? Тергов қилаётган жиноятини очмагунча терговчининг кўзига уйқу келармиди!

– Бизда ҳам шу касаллик...

Фахриддин ўрнидан қўзғалиб, шогирдига жой қўрсатар экан, «хойнаҳой хаёлига қизиқарлироқ бирор фикр келган бўлса ажабмас» деган ўйга борди:

– Қани гапиринг, қулоғим сизда!

– Устоз, миямга бир фикр келди, – Санжарбек ҳам бирдан муддаога кўча қолди. – Садоқатнинг ўйига қилинган қўнфироқ, унинг тутмачасининг қўрада тушириб қолдирилиши... кимdir бу қотилликни шу шўрликнинг гарданига осмоқчидай ту-юлмаяптими сизга! Менимча, бу ерда бир гап борга ўхшайди.

– Хўш, хўш давом этинг-чи! – қўлидаги тизгин билан телевизорнинг овозини пасайтирган Фахриддин шогирдига тикилди.

– Бу воқеаларнинг айнан ўша машъум кунга тўғри келганлиги тасодифга ўхшамайди. Аёл кишининг рашки ёмон бўлади. Эрининг бегона аёл билан кайфу сафо қилиб ўтирганини эшитган ҳар қандай аёл тинч ўтира олмайди. «Эр бермоқ – жон бермоқ!» дейди машойихлар. Нотаниш аёл ёки унинг шериклари шуни билган ҳолда Садоқатга қўнфироқ қилишган. Аёлнинг юрагида рашк ўтини ёқкан ва бу билан унинг эрини излаб, қўтонга боришига умид қилишган. Воқеалар улар ўйлаганчалик ривожлана борган. Кейин эса тутмача... Негадир бирламчи воқеа жойини кўздан кечиришда тутмача топилмаган. Биз топдик...

– Нима уни бирор кейинчалик атайлаб ташлаб кўйган демоқчимисиз? – деди Фахриддин ўзини бир неча кун олдин хаёлидан ўтган бу фикрга та-ажжуб билан қараётгандек қўрсатиб.

Устознинг қизиқиши билан тинглаётгани Санжарбекни илҳомлантириб юборди:

– Демак, тутмачани кимdir қотилликтан сўнг ташлаб кўйган. Мақсад эса аниқ. Терговни чалфи-

тиб, уни бошқа йўлга солиш, жиноятни эса бир begunoq aёlda afdariш ва vaqtдан yotiб, sувдан қуруқ чиқиб ketish... Aчинарлиси улар маълум maъnoda ўз режаларига эришдилар. Биз Садоқат билан ўралашиб қолдик...

– Мантиқан хулоса чиқарадиган бўлсак, қотил чўпоннинг оиласига яқин одамга ўхшайди, – устоз атайлаб шогирдини мунозарага чорлади.

– Худди шундай. Акс ҳолда у шахснинг қотилликдан сўнг қўтонга bemalol келиб, тутмачани ташлаб қўйиши осон кечмасди.

– Мушоҳадаларнгиз чакки эмас, аммо ким экан ўша «қаҳрамон»? Бирортадан гумонингиз борми?

– Албатта, биринчиси чўпоннинг хотини – Мастура, иккинчиси Яхшилик чўпон... яна...

– Мастура – тушунарли, эрининг хиёнатини сезиб қолиб, бир йўла иккисидан ҳам қутулиш йўлини тутган бўлиши мумкин. Аммо, Яхшилик чўпон нима мақсадда шундай мудҳиш жиноятга қўл урган деб ўйлайсиз?

– Мотив равшан – бойлик орттириш! Бош чўпоннинг хазинасидан хабар топган Яхшилик олтинларни қўлга киритиш пайига тушган. Ахир...

– Формал жиҳатдан сиз ҳақсиз! Бироқ Мастуранинг ҳам, Яхшиликнинг ҳам бу ишни уддалашига ишониш қийинроқмикин дейман, – деди Фахриддин телевизордан кўзини узмай.

– Одамнинг оласи ичида бўлади. Бу чўпон халимдек ювош кўринса-да, ичидан пишган кўринади. Бундай одамлар ўзини қаерда, қандай тутишни яхши билишади. Сиртдан қараганда беозор ва фариб кўринса-да, аслида ҳеч нарсадан тоймайдиган муттакам бўладилар. Мўминқобиллик улар учун бир ниқоб...

– Бундай фикрга келишинингизга бирор жўяли асосингиз борми? Ёки шундан бошқа тахмин қол-

магани учун... таваккал қиласыпсызми? – Фахриддин телевизорни ўчириб, шогирдига юзланди.

– Асослар етарли! Мастура хусусида: менимча, эрининг вафотидан унчалик куйинмаяпти, шундай бўлишини олдиндан билгандай... иккинчидан, эрининг бошқа хотинга уйланганини, ундан фарзанди борлигини, уларга уй-жой қилиб берганини эшитиб, бундай хиёнатга чидай олмаган. Рашик ўти кўзларини қонга тўлдирган. Муҳаббат билан нафратнинг ораси бир қадам... – Санжарбек «ошибириб юбормадимми?» деган истиҳолада сұхбатдошига тикилди. Устозининг диққат билан тинглаб тургани унга янада илҳом баҳш этди: – Мастура Эрининг олтинлари қаерда сақланишини билган. Хазинанинг фақат иккинчи хотин учун сарф бўлаётгани унинг разабини янада оширган. Ҳам эридан, ҳам бутун бошли хазинадан ажралиб қолишидан қўрққан. «Аёл кишининг макри қирқ туяга юк бўлади» дейдилар. Эридан тамомила умидини узган хотин энди ундан қутулиш чораларини излай бошлаган. «Фақат шу йўл билан шусиз ҳам таги кўриниб қолган хазинани сақлаб қолиш» мумкин деган тўхтамга келган... Қотил ёллаган....

– Қойил, жуда зўр, жуда ишонарли! – Фахриддин кулимсираб шогирдига тикилди.

Бу гап чин кўнгилдан айтилдими ёки шунчаки пичингми Санжарбек англолмай қолди.

– Бу тахмин билан ишлашдан олдин икки нарсани аниқлаш лозим, – давом этди Фахриддин. – Биринчидан, Мастура Эрининг бошқа хотини борлигини билганми? Агар билган бўлса, албатта тўполон кўтарган, эри билан жанжаллашган бўлиши табиий. Буни бошқалар билмаслиги мумкин эмас. Лекин Яхшилик чўпоннинг гапига қараганда «гумондор»имиз Эрининг хиёнатидан хабардор бўлмаган. Садоқат ҳам кундоши билан тўқнаш кел-

маганлигини таъкидлаган эди. Иккинчидан, Мастуранинг эри топган хазинадан воқиға эканлиги ҳам номаълум. Шу икки ҳолатга ойдинлик кири-тимасдан бу тахмин билан ишлашдан маъни йўқ.

– Рухсат этсангиз, эртага шу йўналишда иш бошласам!

– Рухсат, рухсат! – деди Фахриддин Каримович бошини сарак-сарак қилиб. – Одатда, бу каби жиноятларга ё рашк ёки бойлик, зебу зар сабаб бўлади. Бу ерда ҳам икки хотиннинг эр талашиши ёхуд Норбўта чўпон топган хазина қотилликни келтириб чиқарган бўлиши эҳтимолдан холи эмас. Нима бўлганда ҳам олтинларни излаб топишимиз зарур! Аммо биз бошқа тахминлар устида ишлашни ҳам тўхтатмаслигимиз лозим.

Санжарбек сұхбат якун топганлигини ҳис қилиб, ўрнидан қўзғалди, устозига хайрли кеч тилаб, хонасига шошилди...

\* \* \*

Кечаси билан турфа хаёллар оғушида тўлғаниб чиққан бўлишига қарамасдан Санжарбек каллаи саҳарлаб туриб оди. Бугунги кун ишида қандайдир силжиш ясашига, анча пайтдан буён бир жойда қотиб турган тергов жараёнлари ниҳоят жонланиб кетишига, қилаётган тахминлари, юритаётган мулоҳазалари тўғри чиқишига қалбининг бир чеккасида пайдо бўлган умид учқунлари унга илҳом бахши этаётгандай эди.

Устози ҳали уйғонмаганига ишонч ҳосил қилгач, меҳмонхона ошхонасида енгилгина нонушта қилиб, ишга шошилди. Терговчилар учун ажратилган мўъжазгина хонага кириб, бугунги кун режасини оққа тушира бошлади, сўнг телефон гўшагини кўтариб, тезкор гуруҳ аъзоларига топшириқлар беришга киришди...

Кўринишидан уйқуга тўймаганлиги аён бўлиб турган Фахриддин Каримович хонага кириб келгандা, Санжарбек унча-мунча ишларни ўринлашибди.

– Устоз сизни барваҳт безовта қилгим келмади, яхши дам оддингизми?

– Бирнав! Тунда уйқум қочиб кетди, тонг маҳали кўзим илинибди, – Фахриддин жойига ўрнашиб, «нима гап?» дегандай шогирдига юзланди.

– Ҳар икки йўналишда ишни бошладик. Йигитларни Мастура билан Садоқатнинг қўни-қўшнилари, таниш-билишлари, яқинлари билан сухбатлашиб, масалага ойдинлик киритиш учун юбордим. Ҳар иккисининг телефон рақамлари бўйича сўзлашувлар рўйхатини олиш учун телефон тармоқлари корхонасига сўровнома жўнатдим. Учта хонадонда тинтуб ўtkазиш тўғрисида санкция тайёр.

– Жуда яхши! Тинтувга кимларни юбормоқчилиз?

– Рухсат этсангиз, Садоқатникига ўзим борсам! Мастураникига – Маҳкам Ҳакимович...

– Мастураникига мен ўзим бораман. Маҳкам сиз билан борсин. Яхшилик чўпонникига шошмай турайлик! – Фахриддин шаҳд билан ўрнидан қўзғалди. – Ҳа, дарвоҷе метал қидирувчи мутахассислар таклиф қилинганми?

– Албатта! Буни ёддан чиқариб бўладими? – Санжарбек «хафа қилаяпсиз!» дегандай устозига кулимсираб қаради.

– Ундей бўлса, по коням! – устознинг чеҳрасида шогирдидан мамнунлик аломати зоҳир бўлди...

Норбўта чўпоннинг уйида – Мастураникида ўтказилган тинтувда терговга нафи тегиши мумкин бўлган арзигулик нарса аниқланмади. Хоналар, ёрдамчи бинолар, молхона, тандирхона, ўчоқ боши, уйларнинг шифтлари, томлари, деворлар,

ҳовли сатҳи метал қидирувчи маҳсус асбоблар билан обдан текширувдан ўтказилган бўлса-да, ҳазинадан ном-нишон бўлмади. Уйдан топилган унча-бунча нарсалар орасидан фақат Норбўтанинг пальтоси чўнтағидан топилган бир парча қофоз ва унинг орқа томонига ёзилган телефон рақами Фахриддиннинг дикқатини ўзига тортди. Сарғайиб, титилишдан нари-бери қофознинг олд томонида «Квитанция...», «ООО Биллур», «г.Самарқанд» деган ёзувлар аранг кўзга ташланарди. «От кого», «наименование», «масса», «подпись», «число» қаторлари тўлдирилмаган, бўш эди. Ҳужжатнинг бланкасидан телефон рақамини ёзиб олиш учунгина фойдаланилганлигини англаш қийин эмасди.

Фахриддин қофоздан нигоҳини узмай мантиқий хulosалар чиқаришга киришди: «Демак, Норбўта тилла буюмларини топшириш учун Самарқандга борган. «Биллур» номидан заргарлик дўкони ёки ломбард бўлса керак, деган хulosага келди. Ўша ердан кимнингдир телефон рақамини олган. Дўкондор ёзувидан аёл киши бўлса керак, қофоз топмасдан стол устидаги бўш квитанция бланкаси ортига рақамни ёзиб берган. Телефон рақами кимники бўлса! Балки тилла тангаларни сотиб оладиган одамни тавсия қилгандир. Балки китобларни ўтказиш ниятида...»

– Кетдикми? – аллақачон машинасини ўт олдириб, у ёқдан бу ёқقا бориб келаётган Маҳкамнинг зардали овози гуруҳ раҳбари хаёlinи бузди.

– Кетдик, кетдик! Ҳамма чиқдими? – Фахриддин атрофга аланглаб, машинанинг олд ўриндиғига жойлашди. Йўл бўйи «офзига талқон солиб келаётган» Маҳкамнинг тунд башарасига қараб, «тингтуб натижага бермаганидан, уринишлар бесамар кетаётганидан сиқиляпти шекилли, ажойиб феъли бор экан-да!» деган ўйга борди. Гарчанд шамолдай

учиб кетаётган машина деразадан атрофни кузатиб кетаётган бўлса-да, хаёллар уни Самарқанд тарафга етакларди: «Наҳотки калаванинг учи то-пилган бўлса! Аммо бундан бирор наф чиқармикин? Хўш, заргарни топдик ҳам дейлик. У «тўғри, чўпон менга тилла тақинчоқларини, айрим буюмларни топширган ва пулини олган, унинг илтимосига кўра яна бир заргар дўстимнинг ҳам телефон рақамини берган эдим» деса, иккинчи заргарни ҳам топсагу у ҳам «тўғри, чўпон менга тилла тангалардан бир қанчасини таклиф қилганди, мен тангаларни олишга рози бўлмадим» ёки «улардан бир қисмини сотиб олдим, бошқа уни кўрмадим» деса, нима бўлади? Тергов яна тупикка кириб қолмайдими? Балки... уларнинг қотилликка дахли йўқдир! Балки... Нима бўлганда ҳам бу бир парча қоғозда бир сир яширинга ўхшайди. Масаланинг бир учи Самарқандга бориб тақалса ажабмас!...

Санжарбекнинг гуруҳи аллақачон қайтиб, ишда ўтиради. Фахриддин машинадан тушаркан «уларда нима янгилик бор экан?» деган хаёлда кабинети томонга шошилди.

– Бўрими, тулки? – Санжарбек одатдагидек тиржайиб устозига пешвоз чиқди.

– Деярли ҳеч нарса йўқ! Сизларда нима гап?

– Мана бунга қаранг, – деди Санжарбек стол устидаги қалин муқовали дафтарни унга узата туриб, – Садоқатнинг кундалиги.

– Кундалик тутармикин? – Фахриддин дафтарни қўлига олиб, вараклашга тушди.

– Кундалик айрим нарсаларни ойдинлаштиришда бизга нафи тегади деб ўйлайман. Ундаги гапларга ишонадиган бўлсак, Садоқатнинг берган кўрсатмаларида деярли ёлғон йўқча ўхшайди.

– Нима учун «деярли»! – деди Фахриддин дафтардан кўзини узмай.

– Яъни у Мастура билан ораларидаги түқнашув-  
ни биздан яширган экан, холос.

– Демак кундошлар орасида...

– Мана бу жумлаларга эътибор беринг! – Санжарбек устозининг қўлидан кундаликни олиб, вараги қайрилган жойни очди ва овоз чиқариб ўқишга тушди: «Бугун уйга яна Мастура келди. Мени, боламни оғзига келган ёмон сўзлар билан ҳақоратлади. Мен қўшнилар эшитиб қолмаслиги учун уни тинчтишга ҳаракат қилдим. «Эримни тинч қўймасанг, сениям ўша ҳароми болангниям ўлдираман, хонумонингни куйдириб жараман» дея пўписа қилди. Мен унга «Эринг менга керак эмас, керак бўлса ўзинг йифиштириб ол!» дедим. У «агар эрим сен қанжиқдан кечмайдиган бўса, уни-  
ям гўрга тиқаман, қўшмозор бўласанлар!» деди. Мен бу машмашалардан безор бўлдим... тўйдим...»

– Садоқат нима учун бу ҳолатни биздан яширган экан? – деди Фахриддин қофоздан кўзини узмай.

– «Ўлган одам ўлиб кетди, энди бу гапларнинг кимга кераги бор» деди.

– Майли сиз кундаликни диққат билан ўқиб чиқинг! – Гуруҳ раҳбари дафтарни ёпиб, тўрдаги креслога чўкди. – Балки Садоқатнинг ички кечин-  
малари бирор нарса берар!

– Сизларда нима гап устоз! – Санжарбекнинг сабри чидамади.

Фахриддин Каримович Норбўта чўпоннинг уйи-  
да ўтказилган тинтуб натижалари ҳақида қисқача гапириб берди, чўнтакдан топилган телефон рақа-  
ми хусусида ўз мулоҳазаларини билдириди.

– Бу ерда бир гап борга ўхшайди! Ўйлаганимиз-  
дек, излар бизни Самарқандга чорламоқда! – Санжарбек «энди нима қилдик» дегандай устозига юз-  
ланди.

– Мен тезкор ходимлардан бирини олиб, Самарқандга жўнайман. Сиз бу ердаги ишларни да-

вом эттиринг! – Фахриддин ички телефон гўшаги-ни кўтариб, топшириқ берди: – Ярим соатдан ке-йин тергов гуруҳи аъзоларини йифинг!

Тергов-тезкор гуруҳ аъзоларига тегишли топши-риқ бергач, кеч бўлиб қолганлигига қарамасдан Фахриддин Каримович жиноят қидирув бўлими тезкор ходими Авазжон ҳамроҳлигига довон оша йўлга тушди...

\* \* \*

«Билур» масъулияти чекланган жамиятига қа-рашли заргарлик дўконини топиш унча қийин кеч-мади. Дўкон мудири – Раиса Халиловна олтмишлар-дан ошган бўлса-да, қош-кўзларини келинчаклардек бўяб олган, бақалоқдан келган, аммо чаққонгина аёл прокуратурадан ташриф буюрган «мехмонлар»ни ўзгача тавозе билан илиқ кутиб олди.

Фахриддин Каримович хизмат гувоҳномасини очиб, ўзини ва шеригини таништириди.

«Республика прокуратураси» сўзини эшитиб, мезбоннинг ранги хиёл ўзгарди. Шу тобда унинг кўнглидан нималар кечаётганини англаш қийин эмасди. Шундай бўлса-да, кўпни кўрган аёл ўзини бепарводек тетик тутишга ҳаракат қиласди:

– Хуш келибсиз, меҳмонжонлар! Как сеъздили! Чарчамасдан етиб келдингизларми? Б-и-и-знинг шаҳар с-и-и-зларга ёқдим-и-и?

Фахриддин саволларга қисқа – қисқа жавоб қайтариб, аёлнинг ҳаяжонини тезроқ босиш учун мақсадга кўча қолди:

- Опажон, дўконда қачондан бери ишлайсиз?
- Кўпдан бери, очилган кунидан демоқчиман, лет пятнадцать.
- Қашқадарёлик Норбўта чўпонни танийсиз-ми? – Фахриддин сумкасидан чўпоннинг расмини чиқариб, аёлга узатди.

Раиса суратга зимдан тикилиб, «Нет-нет, бу одамни танимайман, ким экан» деди.

– Сизга бирор нарса топширган бўлиши мумкин?

– Можетъ бытъ! Конечно, всех невспомнишь! Қачон топширган экан ўзи?

– Бир йилча олдин.

– Унда ҳужжатларни кўтариб, аниқласак бўлади! – Раиса қаҳва кўтариб кирган чиройли, бўйдор, аммо ҳар қандай йигитнинг эътиборини тортадиган дараҷада калта кийиниб олган котиба қизга буюрди:

– Милая, подними и принеси пожалиста, архив за прошлый год!

Қиз ўтирганларга илиқ табассум улашиб, қадам ташлаганда кўтарилиб тушаётган этагини пастга торта-торта чиқиб кетди ва зум ўтмай иккита қалин муқовали китоб кўтариб келди.

– Чўпонинг исми шарифи қанақа эди? – деди мудира китобларни варақлай туриб.

– Нормўминов Норбўта!

– «И», «Й», «К» вот-вот, значит «м» мана «н» – Раиса китобни ярмидан қайириб, керакли варагини очди.

– Нор... нор.. Нормўмин, бор экан... Йигирма турдаги тилла ювилерные изделия топширган! Мана, сами взгините! К статье, мен у одамни эсладим.

Фахриддин энгашиб қофозга тикилди. Ҳақиқатда чўпон топширган йигирма номдаги тилла буюмларнинг таснифи, вазни батафсил ёритилганига амин бўлгач, мудирага юзланди:

– Раиса Халиловна, айтинг-чи Номўминов топширган тилла буюмлар қадимий эдими? Чўпон уларни қаердан олган бўлиши мумкин? Демоқчи-манки, шунақа буюмлар ҳозир ишлаб чиқариладими?

– Если меня память не обмануть, тақинчоқлар ростдан старинный эди. Унақаси ҳозир чиқмай-

ди. Лекин биз клиентлардан буюмларни қабул қи-  
лишда уни қаердан олганлиги билан қизиқмаймиз.

Это не наше компетенция!

– Ўша буюмлардан ҳозир сотувда қолганми?

– Йўқ, қолмаган, давно продали!

– Уларни ким сотиб олганлигини билса бўлади-  
ми?

– Йўқ, йўқ! Бунинг иложи йўқ! Биз воситачимиз,  
клиентлардан оламиз, бошқасига сотамиз! Ким со-  
тиб олганини рўйхатга олмаймиз. Буюм сотилгач,  
биз ўз процентимизни олиб қолиб, пулини эгасига  
қайтарамиз.

– Норбўта чўпон топширган буюмларининг пу-  
лини қачон олган?

Мудира бошига қўндирилган қўзойнагини ту-  
шириб, китобга тикилди:

– Вот его роспись, ўтган йили 21 ноябрда охирги  
пулинни олган!

– Норбўта фақат шу 21 турдаги буюмларни топ-  
ширганми?

Мудира бир оз ўнғайсизланиб, эшитилар-эши-  
тилмас жавоб қайтарди:

– Только вот эти вещи! Больше нечего!

Фахриддин қўлидаги ҳужжатлар орасидан бир  
парча қофозни ажратиб, мудирага узатди:

– Мана бу ёзув сизга тегишлими?

Раиса қофоздаги ёзувга разм солиб, «действи-  
тельно мой почерк» деб пицирлади. Қофознинг  
орқа томонини ўгириб, «наш бланк» дея, таажжуб  
билин қаршисида кўзини лўқ қилиб турган тергов-  
чига қараб:

– Бу нима? Откуда это у Вас! – деди бўшашиб.  
У бир нарсани пайқагандай ҳаловатини йўқотди,  
унинг аввалги тетиклигидан асар ҳам қолмаган  
эди. Миясида «Бу яна нима бўлсайди, бир балога  
аралашиб қолдим-ов!» деган фикр чарх уради.

– Бу қоғоз марҳум Норбўта чўпоннинг чўнтағи-  
дан топилди.

– Ё Худо раҳмат қиласин! Бечора қачон ўлди,  
қандай қилиб? – Раиса кўзойнагини ечиб, тергов-  
чига ҳайрон тикилди.

– Шу ойнинг бошида, у қўтонида номаълум  
шахслар томонидан ўлдирилган. Биз шу қотиллик  
юзасидан терговни олиб бораяпмиз!

– Ё Оллоҳ, ё Оллоҳ! Раҳматли яхши одам эди,  
простойгина...вой бечора...

– Раиса Халиловна, бу телефон рақами кимга  
тегишли? – деди терговчи қофоздаги ёзувга ишора  
қилиб.

Мудира қоғозни яна қўлига олиб, ундаги рақам-  
ларга дикқат билан тикилди:

– Икки юз ўттиз беш тўқсон тўқсон! Ия, бу қўш-  
ним Адабанинг телефони-ку!

– Кўшнингиз... Адиба... нима...

– Бўлди, бўлди! Эсладим. Нор... Нор... оти ни-  
майди!

– Норбўта! – Келгандан бери бир оғиз очмай  
ўтирган Авазбек гапга қўшилди.

– Раҳмат! Норбўта охирги марта келганда «Мен-  
да бобомдан қолган старииний китоблар бор, улар-  
ни сотмоқчиман, танишингиз борми?» деб сўраган  
эди. Шу сабабли мен унга тарих музейида ишлай-  
диган соседим Адабанинг телефонини берган  
эдим. У араб тили бўйича специалист! Шунақанги  
қадимий китоблар билан қизиқиб юарди... – Ра-  
иса бир нарсадан халос бўлгандай енгил тин олди.

– Кейин-чи... кейин нима бўлди? Норбўта Ади-  
банинг олдига бордими? – Фахриддин тоқатсиз-  
ланди.

– Кейин билмадим! Улар учрашганми, йўқми  
сўрамапман! – Раиса гуноҳкордай елка қисди. –  
Ҳа, ҳа адашмасам ўша куни мен Адабанинг иш-

хонасига телефон қилиб, унга бир одамни юбора-ётганимни тайинладим. Унда қандайдир китоблар бор эканлигини айтдим. Адиба, китобларни эшитиб, «ҳозир келсин, ишда бўламан», деганди. Кейин Норбўтага ҳар эҳтимолга қарши унинг телефонини ёзиб берган эдим! – Раиса «Бор гап шу! Бўлдими?» дегандай терговчига юзланди.

– Норбўта сизга ўша китобларни кўрсатганимиди? – деди терговчи қофозларини йифишира туриб.

– Йўқ, йўқ! Ҳеч қанақа китоб кўрсатмаган!

– Балки китобларни ўзи билан бирга олиб юргандир, кўзингиз тушмаганмиди?

– Бўлса бордир! У доимо каттагина сумка билан юради, черт знает унда нималар бўлган! – хавотири анчагина босилган Раиса бардам жавоб берди.

Фахриддин бўлиб ўтган савол-жавобларни «Гувоҳни сўроқ қилиш баённомаси»га туширгач, дўкондагилар билан хайр-маъзур қилиб, тарих музейи томонга отланди.

– Хўш жаноб тезкор ходим, Раиса тўғрисида фикрингиз қандай? – Фахриддин орқасидан эргашиб келаётган шеригига ўгирилди.

– Анчагина олифта жувонга ўхшайди. Аммо тўғрисини гапирди чамамда! – Аваз ўйлаганларини тўкиб солди.

– Ҳа, менимча ҳам рост гапирди! Ёлғон гапиришдан унга нима наф! Аммо, у ниманидир биздан яширишга ҳаракат қилмадими? – терговчи жиддийлашди. – Нимани яширган бўлса экан?

– Унинг қинғир ишлари кўп! Қилмишининг ошкор бўлишидан қўрқади! – жиноят қидирув бўлими ходими касбига хос фикрлади.

– Бу гапингизда ҳам жон бор! Норбўта топширган олтинларнинг фақат бир қисмигина дўконга кирим қилинган. Тилла тангалар, яна айрим бу-

юмлар рўйхатда кўрсатилмаган. Дўкондор шундан хавотирда! Ҳа майли, ҳозир чалғимайлик, лозим бўлса масалага яна қайтамиз!...

\* \* \*

Адиба Раисанинг гапларини тасдиқлади. Норбўта ҳақиқатда унга ўн-ўн беш чоғли араб ёзувидаги қадимий китобларни сотиб олишни таклиф қилганлиги тан олди:

– Ўша пайтда мен қизимни турмушга берган эдим. Тўй харажатларини биласиз. Ортиқча пулим йўқ эди. Аммо у киши келтирган китоблар чиндан ҳам қадимий ва ноёб эди. Норбўта китобларни музеяга ҳадя қилишга унамади. Унга пул керак экан. Китоблар бегона бўлмаслиги учун уларни музейимиз директори ўринбосари Ҳикмат Юсуповичга кўрсатдим. Унга қандай қилиб бўлса-да, маблағ топиб, китобларни музейда олиб қолиш лозимлигини уқтиридим. Уларни таништириб қўйдим...

– Китоблар ҳозир музейда сақланмоқдами? – Адиванинг гапини бўлди Фахриддин.

– Йўқ, китоблар бизда эмас... Ҳикмат аканинг гапига қараганда, Норбўта китоблар учун... қиммат сўраган... «Нархида келишолмадик» деганди.

– Норбўта китобларни қайтариб олиб кетган демоқчимисиз?

– Бу ёфи менга қоронғи! Ҳикмат ака...

– Ҳозир у киши шу ердамилар?

– Менимча йўқ. Қаергадир хизмат сафарига кетган шекилли...

Фахриддин шеригига ходимлар бўлимида, ҳисбонада Ҳикмат Юнусович ҳақида маълумотлар йиғишини топшириб, ўзи музей директори қабулига кирди.

Қирқларни қоралаган, узун бўйли, истараси иссиқ раҳбар Эркин Абдуллаевич терговчини очик чеҳра билан кутиб олди.

Одатдаги салом-аликдан сўнг, терговчи хизмат гувоҳномасини кўрсатиб, ўзини таништириди ва бирдан мақсадга қўчди:

– Эркин Абдуллаевич, музей учун янги экспонатларни, осори-ақиқаларни қабул қилиш тартиби қандай?

– Фуқаролар, ташкилотлардан экспонатларни қабул қилиш учун биз уларни экспертизадан ўтказмиз. Агарда улар ҳақиқатда тарихий, маданий қийматга эга бўлса, белгиланган тарифларда сотиб оламиз. Албатта, биз бу экспонатлар учун бозор нархида ҳақ тўлай олмаймиз... – директор «ўзинима гап?» дегандай терговчига тикилди.

– Ўринбосарингиз Ҳикмат Юсупович хизмат сафарида экан-а! Қаерга кетган?

«Прокуратуранинг, яна Республика прокуратурасининг у билан қизиқиши бежизга эмас, бу Ҳикмат курсур бирор нарсани бошлаган кўринади. Айтдим-а, кейинги пайтларда юриш-туриши бежо эди, ҳаловати йўқолгандай... бир жойда ўтиромай қолганди... ишга кечикишлар... Икки-уч кунлаб ишга келмай қолишлар... ҳа, бу бола тек эмас... бирор жиноят устида кўлга тушдимикин?...» бир зумда Эркиннинг хаёли қай кўчаларга кириб чиқмади.

– Хизмат сафари узоқда эмасми? – терговчи саволини такрорлади. – Уни чақиришга тўғри келади.

– Ҳа, йўқ, Тошкентга кетган эди. Чақириш лозим бўлса – чақирирамиз.

Эшик оҳиста тақиллаб, хонага қўлида бир даста қофозлар билан Авазжон кириб келди:

– Ассалому алайкум! Халақит қилмадимми?

– Авазжон тергов гуруҳининг аъзоси, бирга келганимиз. Бу киши эса музей директори Эркин Абдуллаевич! – Фахриддин таништирган бўлди.

– Хуш кўрдик, меҳмон, ўтиринг! – директор ўрнидан туриб, Авазжонга жой кўрсатди. – Сизлар ўтира туинглар, мен Ҳикматни чақиритай!

– Бу Ҳикмат деганлари бало чиқди! – Авазжон қоғозларни варақлашга тушди. – Кейинги олти ой давомида деярли ишда бўлмаган! Навбатдаги таътилда бўлган, кейин уч марта ўз ҳисобидан таътил олган, хизмат сафарлари... Уч марта хорижга чиққан – Туркия, Россия, Францияда сафарда бўлган. Араб, инглиз ва рус тилларини мукаммал билади. Қадимий ва ноёб китоблар билан қизиқади, уйида каттагина кутубхонаси бор. Икки кун олдин Тошкентга Вазирликка иш билан кетган. Ҳамкасларининг айтишича, кейинги пайтларда ҳафтада бир-икки марта ишда кўринадиган бўлиб қолган...

– Муқаддам қаерда ишлаган экан? Ота-онаси кимлар?

– Уч йил олдин Тошкент давлат шарқшунослик институтини араб тили мутахассислиги бўйича та момлаган. – Аваз кўз қири билан қўлидаги «шпаргалка»га қараб олди. – Отаси Юсуф Жумаев, Самарқанд давлат университети профессори, фалсафа фанлари доктори, онаси Санобар Жумаева, университет кутубхонаси мудираси. Зиёли оила.

– Хорижга хизмат сафарига чиққанми ёки саёҳатга? – Фахриддин қоғоздан кўзини олмай «сўроқ»ни давом эттирди.

– Ҳар учала давлатга ҳам хизмат юзасидан эмас, сайёҳ сифатида борган, боя таъкидлаганимдек ўз ҳисобидан «отпуска» олган.

– Яна асосан қаерларда бўлган дедингиз?

– Хизмат сафарлари... а-с-о-с-а-н Республика миз и-чи-да-... – домласига имтиҳон топшираётган талабадай дудуқланди Аваз. – Ҳа, мана Тошкентга 4 марта, Бухорога 3 марта... яна... Қаршига...

– Қаршига ҳам борганмикин?

– 4 марта!

– Нима мақсадда?

– Билма-а-дим!

– Нима учун!!! Хизмат сафарининг мақсадини аниқламадингизми?

– Ҳали бунга улгурмадим! – Авазнинг пешанаси тиришди. Шундай бўлса-да, норозилигини сездирмаслик учун қўшиб қўйди: – Ходимлар бўлимига топшириқ бердим, бу ҳақда маълумотнома тайёрлашмоқда.

– Яхши! Раҳмат сизга! Офарин! – Фахриддин ҳамроҳини ноўрин хафа қилганлигини англаб, рағбатлантириб қўйди. – Бугунча етарли! Қолганини эртага давом эттирамиз...

\* \* \*

Фахриддиннинг уйқуси қочиб кетди. Меҳмонхонада бир нуқтага тикилганча хаёллар оғушига чўмди: «Наҳотки бу тахмин ҳам йўққа чиқса! Яна нотўғри йўлга тушиб қолишган бўлса! Аслини олганда бошқа тузукроқ тахмин ҳам йўқ-ку! Ноумид шайтон. Балки қалаванинг уни айнан шу ердадир. Таҳлил қиласиган бўлсак, Норбўтага тиллаларни ҳам, ноёб китобларни ҳам ўтказиш учун Самарқанд қулайроқ. Шаҳрисабз, Китоб ёки Қаршида бу нарсаларга унчалик харидор топилмаслиги мумкин. Чўпон бекорга Самарқандни танламаган. Раисага топширилган тиллалар унчалик кўп эмас. Демак, тиллаларнинг асосий қисми бошқа бирорга сотилган. Ёки Раиса уларни рўйхатга киритмаган... Бу заргарлар олиб қолган маҳсулоти учун олдиндан ҳақ тўламаса керак. Аввал сотиб, пулини кейин бериши табиий. Раиса тиллаларнинг пулени бермай чўпонни сарсон қилган. Ўртада низо чиққан, қарздан қутулиш учун заргар охирги йўлни танлаган... Албатта ўзи эмас. Ёлланма қотилларни ишга солган. Сўроқ пайти ўзини бошқача тутиши ҳам шундан бўлса ажабмас. Кейинчалик китоблар ҳакида сўрай бошлаганимдан сўнг ўзи-

ни бир оз босиб олди. Уйида тинтув ўтказиш керакмиди? Балки тангалардан сақланиб қолган бўлса. Йўқ, йўқ! Бунга асос етарли эмас. Қолаверса, у – заргар кўра-била туриб далилий ашёни уйида сақдашига ишониб бўлмайди... Бошқа томондан аёл киши бойлик йўлида шундай ишга қўл уриши... Ҳаётда ҳамма нарса бўлиши мумкин. Бой одам янада бойисам дейди. Мол-дунё кўзларини кўр қилиб қўяди... Балки Раисадан бекорга шубҳа қилаётгандир. Норбўта хазинанинг қолган қисмини ишончли жойга бекитиб кўйган бўлиши ҳам мумкин-ку! Садоқатнинг гапига қараганда хазинанинг салмоғи анчагина. Чўпон унинг қанчасини ишлатишга, сарфлашга улгурган бўлса! У нималарга харж қилган? Иккинчи хотин учун уйжой, шароит қилиб берганини, ўзига автомашина олганини инобатга олмаса, бошқа бирор нарса сотиб олгани ёки қургани кўзга ташланмади. Банкка ҳам пул қўймаган... Демак, хазинанинг каттагина қисми бузилмасдан турибди. Унда, қани ўша хазина? Иккала ҳовлида ҳам йўқ. Мастура бу ҳақда эшитмаган кўринади. Садоқат-чи? Аслида хазина унга тегишли-ку! Олтинлар унда сақданмаяпти-микин? Айтайлик, онасининг уйида... Йўқ, бунга ишониш қийин. Тиллани ҳеч ким бировга, ҳатто у тукқан онаси бўлсин – бериб қўйиб, тинч ухлай олмайди. Садоқат кўнса-да, бунга Норбўта кўнмаган бўларди... Шунча олтинни сақлашнинг ўзи бўлмайди. Эркин Воҳидовнинг «Олтин деворида»ги туппа-тузук Мўмин чолнинг топган тилласини яширомай жинни бўлиб қолгани бежиз эмас. Унинг дўсти – Абдусалом қария эса аксинча хазина топганини ҳеч кимга сездирмай, ўта босиқлик билан иш тутади, олтинларни шошмасдан сарфлашга тушади. Аммо девордан топилган бу олтинлар ҳар иккисига ҳам насиб этмайди... Норбўтани

бу қариялардан қай бирига ўхшатиш мумкин? У оддий чўпон бўлса-да, тилла учун девона бўладиган одам эмаслиги аниқ... Бундан чиқди хазина чўпонда ва у хазинани маҳкам бекитган... Кўтонига... йўқ, йўқ, у ерда кўз кўп, бирор тоққами, дарагами, форгами яширган. Унда тилла чўпоннинг ўлимига сабаб бўлмаганми? Балки кимдир хазинанинг дарагини эшитиб, уни топиб беришни талаб қилгандир. Чўпон бунга кўнмаган. Натижа ўлим билан тугаган. Йўқ, бу тахмин ҳам унчалик «ўхшамаяпти». Ахир ўша машъум кеча чўпон қотилларни кутган-ку! Чўлиқларга жавоб бериб юборган... Босқинчиларни ўзи чақирмагандир... Янаям Худо билади! Балки хазина аллақачон Самарқанд заминига етиб келгандир. Раиса Норбўтани кўрган, унинг олтинларига назари тушган эҳтимол ягона инсондир... Ҳа, қай томондан олиб қарамайлик масаланинг бир учи Раисага келиб тақалмоқда... Ёки қотилликка китоблар сабаб бўлганмикин? Ахир қадимий қўлёзмаларни «қора бозор»да жуда катта пулга ўтказиш мумкин эмасми? Ҳикмат – мутахассис, китобларнинг баҳосини яхши билади. У Норбўта олиб келган бир неча китобни арзимас нархда сотиб олишга эришган. Қолган китобларни қўлга киритиш учун уларни сотишни хоҳламаётган чўпонни жисмоний йўқ қилишга тўғри келган... Ҳикмат деганлари ким ўзи? Зиёли оиласда тарбия топган, бир неча тилларни биладиган иқтидор эгаси шунаقا жирканч жиноятга қўл ура оладими? Китоблар қаерда бўлса? Уйида сақлаётганмикин? Аллақачон сотиб юборган бўлса-чи! Кимга сотганини аниқлай олмасак, биз тағин боши берк кўчага кириб қолмаймизми? Қўлёзмалар топилмаса, Ҳикмат «Норбўта билан нархида келиша олмадик, китобларини қайтариб олиб кетди, шундан сўнг уни бошқа кўрмадим» деб туриб олиши мумкин... Агар

китоблар ўзида бўлса, уларни яширишга уриниши турган гап. Ҳар эҳтимолга қарши эрталаб, Авазни унинг уйини кузатув остига олиш учун юборгани маъқул! Дарвоқе, кейинги пайтда Ҳикматнинг кўп вақти сафарда ўтган. Хорижга нима мақсадда чиққан? Китобларни пуллашгами? Ёки бошқа юмуши бўлганми? Туркия... Франция... Россия... бу давлатларни бир-бирига қандай яқинлиги, боғловчи жиҳатлари бор! Шунчаки айланишга, саёҳатга борган бўлса-чи! Йўқ! Иш жойидан меҳнат ҳақи сақланмайдиган таътилга чиқиб, саёҳатга бориши эҳтимолдан йироқроқ. Бирор юмуш бўлмаса, ишли одам чет элма-чет эл бунаقا тентираб юрмаса керак! Музей раҳбари ҳам рухсат бераверар эканда! Ёхуд уларнинг тили бирмикин? Раҳбар уни бу ерда қўллаб туради, у эса бемалол хорижда ишини битириб келаверади! Йўғ-е, унчаликка бормас... Дарвоқе, Ҳикмат Қашқадарёда ҳам бир неча бор хизмат сафарида бўлган. Нима мақсадда? Норбўта билан учрашишга борганми? Бу ерда ҳам бир жумбоқ борга ўхшайди... Ҳаммасини текшириш, аниқлик киритиш лозим. Ҳикмат келсин-чи, иш бир томонга қараб силжир... Санжарбек нима қилди экан-а! Бирор янгилик бўлса, қўнфироқ қилиб, суюнчи олган бўларди...

\* \* \*

Санжарбек вақтни бой бермаслик мақсадида офтоб уфқча бош қўйганлигига қарамасдан Мастура ва унинг яқинларини қайтадан сўроқ қилиш, айрим масалаларга аниқлик киритиш мақсадида Ҳазрати Башир қишлоғига йўл олди. Машина илон из йўллар бўйлаб шитоб билан тепаликка қараб одимлар экан орқа ўриндиқда кўзларини юмгунча унсиз кетаётган терговчи толиққанини ҳис этди. Бир оз бўлса-да мизғиб олмоқчи бўлди. Аммо шуу-

ридаги минг бир хаёллар, жавобсиз саволлар, зиддиятлар унга тинчлик бермасди: «Аёл кишининг қўлидан шу иш келиши мумкинми? Ёки бу гапни шунчаки пўписа қилиш учун айтдимикин? Бир қараашда Мастура соддагина қишлоқ аёли. Чумолини ҳам ўлдириш қўлидан келмайдиган кўринади... Аммо аёл зотини тушуниш қийин! Бир қарасанг мусичадай беозор, бир қарасанг рашик уларни аждарга айлантириши мумкин. Бу нозик ҳилқат вакиллари икки ҳолатда, биринчидан, боласига хавф рахна солганда, иккинчидан, эрини тортиб олмоқчи бўлганларида йиртқич шерга ҳам ташланиши мумкин. Тергов-суд амалиётида эрини ўлдирган аёллар кам бўлса-да, учраб туради-ку! Анов шўринг қурғур хотиннинг исми нима эди-я! Шунга ҳам уч йил бўлибди. Каримамиди... Замирамиди! Йўқ, йўқ! Сапура... Сапура Қиличева эди! Эрини ваҳшиёна ўлдирган... Тўғрироғи ўлдиришга мажбур бўлган. Эрининг мунтазам равишда уйга маст ҳолатда келиб, ўзини, айниқса, болаларини уриб-сўкишлари, тунда ташқарига қувиб солишлари жонига теккан аёл шу йўлни танглашга жазм этган. Шу воқеа содир бўлган куни ҳам Холмурод уйига оёқда туролмайдиган даражада маст ҳолатда кириб келган. Арзимас баҳоналар билан аввал хотинини, сўнг болаларини ура бошлаган. Сапура жон ҳолатда болаларини ваҳший эрнинг исканжасидан сугуриб, бошқа хонага олиб ўтиб, яширишга уринган. Холмурод қутургандан қутуриб, қўрқувдан жовдираб турган болачаларни кўчага улоқтирган. Кўча совуқ, «туф» деган тупук ерга тушмайдиган аёзли қиши кунлари... Тунда шу ҳолатда бировникига кириб боришдан номус қилган аёл болалари билан молхонада жон сақлаб туради. Бир оз вақтдан сўнг эрининг ухлаганига ишонч ҳосил қилгач, уйга қайтиб, болаларини

жойига ётқизади... Тун оққанда уйғониб қолган эр «Хали ҳам шу ердамисинлар! Сен күрнамакларни едириб-ичирсам, мени айтганимни қилмайдиган, ўзбошимча бўлиб қолдиларингми? Баринг кўзимдан йўқол!» дея хотини ва болаларини тағин кўчага ҳайдаб соглан. Балки бир ўзи бўлганда аёл тақдирга тан бериб, молхонада зир титраб, тонггача ўтириб чиқса ҳам, совуқда қотиб қолса ҳам эрига қўл кўтаришга ботина олмас эди. Аммо эрининг ўз болаларини бу аҳволга солиши онанинг юрагида чексиз қаҳр-ғазаб уйғотди, кўзларини қонга тўлдирди... Энди унга бари бир эди. Болалари омон бўлса бас! Тун ярмида болтани қўлига олиб, оҳиста қадам ташлаб, Холмурод ётган хонага киради. Тўнғиздай тўзиб, дунёни ларзага согланча хуррак тортиб, уйқуда ётган эрининг бошига болта уради... уч-тўрт... беш... зарбалар аёл ҳолдан тойгунча давом этади... Ўшандада суд аёлни 8 йилга озодликдан маҳрум этганди. Кейинчалик ишни прокурор протестига асосан кўрган кассация инстанцияси биринчи инстанция судининг ҳукмини ўзгартириб, Сапурани 3 йилга озодликдан маҳрум қилиш тўғрисида адолатли қарорга келганди... Агар унинг қўлида бўлганда аёлни жазодан озод қилишга ёки шартли жазо беришга ҳам тайёр эди. Аммо, қонун қонун экан-да! Жазо бериш терговчининг эмас, суднинг ваколатига киради...

– Кеч тушмасдан бирор жойда тамадди қилиб олсак ёмон бўлмасди! – олдинги ўриндиқда йўлдан кўзини узмай кетаётган Махкамнинг дўриллаган овози Санжарбекнинг хаёлини бузди.

– Олдин ишни битиралик! Овқатланиш қочмас!

– Қайтишда ҳамма жой бекилиб қолади демоқчиман-да! Майли ишни битирсак битира қолайлик! Иш қочиши мумкин, овқатланиш ростданам қоч-

майди, – Маҳкам орқага қайрилиб, беўхшов тиржайди. Ҳамсуҳбатининг шу тобда ҳазилга ҳуши йўқлигини ҳис қилиб, юзи тундлашди. Ичида «Сен тирранчаларнинг қўлингдан нима иш келарди! Одамни сарсон қилиб, бекорга чиранганинг қолади! Шунча кундан буён нимага эришдинглар! Сенлар қилган ишни бизлар ҳам эплардик. Ҳар нарсага ёпишишдан нима фойда! «Далил, исбот» керакмиш! Сенларнинг ўринларингда бўлсам, аллақачон чўпоннинг иккала хотинини, ёрдамчи чўпонларни қамаган бўлардим. Улар билан салгина «ишланса» далиллар ўзи қўлимизга қўнарди...» деб қўйди.

Санжарбек эса гўёки ёнида ҳеч ким йўқдай ўз хаёллари банд эди. Туман прокуратурасида ишлаб юрган кезларида тергов қилган жиноят иши тафсилотлари театрдаги каби хаёлот саҳнасида намоён бўлди: унда жиноятнинг мотиви раشك эдими? Йўқ, йўқ! Хиёнат, ҳа-ҳа, хиёнат десак, муҳаббатга, садоқатга хиёнат, сотқинлик, яхшиликка ёмонлик десак тўғрироқ бўларди! Муҳаббатнинг нафратга айланиши. Воқеалар қандай бошланганди-я! Ҳа, севиб, севилиб бир ёстиққа бош қўйган Сунбула ва Самандар бахтдан масрур, кунларидан мамнун, тинч ва осуда кун кечиришарди. Эрининг мансаб пиллапояларидан юқори lab бораётганлиги, турмуши фаровон, оиласи хотиржам эканлиги хонадон маликасининг қалбида шукроналик туйгуларини уйғотарди. Оллоҳ уларга бир ўғил, бир қиз ато этиб, ширин ҳаётларини болга айлантиради. Аммо... ўша куни меҳмондорчилик кеч тугайди. Одиндан келишувларига мувофиқ, агарда эри арақ ичадиган бўлса, автомашина рулига Сунбула ўтириши лозим бўлган. Кузатишга чиққан ўртоқдари олдида хотинини рулга ўтқазиб, ўзи ёш боладай итоаткорона унинг ёнига ўтиришдан номус қилган эр калитни хотинидан тортиб олиб, маши-

на рулига ўзи ўтирган. Хотинининг ялиниб-ёлво-риши ширакайф йигитга кор қилмаган... Сунбула «Илтимос, секинроқ ҳайданг! Секинроқ!» деган сайин Самандарнинг қувлиги тутиб, «Нексия»нинг тезлигини ошираверган... «Хотинжон, хавотирга асло ўрин йўқ! Мен ас ҳайдовчиман! Бирор марта машинамга тиф тегдирмаганман! Қара, «жонивор» шамолдай елади-я!...» Ёмғир шивалаб турганлиги сабаб чироқлардан тушаётган ёруғлик тим қора асфальтда синиб, кўриш масофасини камайти-рарди. Боз устига қаршисидан келаётган машиналарнинг чироқлари кўзни қамаштириб, йўлнинг қатнов қисмини тузукроқ кўришга тўскенилиқ қиласади... Самандар хотинининг овозини бостириш учун пайпаслаб, магнитофонга энганишиб, бир лаҳза нигоҳини йўлдан узади... У бошини кўтарганда кеч бўлган эди... Машина тормозининг чи-йиллаши... гумбурлаган овоз... қалқиб кетаётган машина устидан нимадир учиб ўтгандай бўлади. «Нексия» мувозанатини йўқотиб, йўл четидаги сим-ёғочга зарб билан урилади... Ташқаридан қараганда машина ичида соғ одам қолмагандек эди... Сунбула ҳушига келиб, ёнгинасида рулга бошини қўйгунча беҳуш ётган эрини кўриб, бақириб юборади... Қўллари билан уни туртиб, ҳушига келтирмоқчи бўлади. Устига марвариддай ёғилган шиша синикларини қоқиб, эшикни очишга уринади. Қийшайиб, буришиб қолган эшикни очиш имкони бўлмагач, амаллаб ойна орқали ташқарига отила-ди. Эндиғина ҳушига келиб, нима бўлганлигини англай олмасдан дир-дир титраётган Самандар эшикни очишга уринаркан, йиғлаб дерди:

– Сунбула... н-и-м-а б-ў-л-д-и! Н-и-м-а! Э-н-д-и мен тамомман! Ҳаммаси тамом. Одам... у-р-и-б ю-бор-дим!!!

Сунбула эрини суяб машинадан тушириб, бетон тўсиққа ўтқазади. Бир муддат атрофга жимлик

чўккандай бўлади. Фақат магнитофондан янграётган қўшиқ овози бу сокинликни бузиб турарди....

Бўлиб ўтган воқеаларни қўрқинчли тушдай бир-бир хаёлидан ўтказар экан Сунбула бирдан ҳушёр торти: «Наҳот ўлган бўлса! Зарба кучли эди... Машина устидан ошиб ўтиб кетдими?» Ичидан зил кетиб, атрофга аланглади.

Сал нарида беш-олти чоғли машина тўхтаган, одамлар уймалашиб қолганди. Беихтиёр ўша томонга юради... Шунда машина чироқлари шуъласида уч-тўрт кишининг бақириб-чақириқлар билан қонга беланган, тириклик белгиларидан тамоман маҳрум аёлни оҳиста кўтариб, «Жигули»нинг орқа ўриндигига жойлаштираётганини кўради. Машина шитоб билан жойидан қўзғалгач, ўн-ўн беш қадам нарида бир тўп одамлар тўпланишиб, нимагадир уннашаттанига кўзи тушган жувон ўзини ўша ёққа уради. Туртина-суртина олдинга ўтиб, балчиқда ичак-чавоfigа ўралашиб, қонга беланиб ётган, жуссасидан 12-14 ёшли қизга кўзи тушади. Кимнингдир «бечоранинг жони аллақачон узилибди!», «Вой бечора қизгина, ҳали гўдак экан!», «Икки киши экан, она-бола шекилли!», «Ўзиям катта тезликда урган кўринади!», «Шу ҳавода тез ҳайдаб бўладими? Ўлгудек ичган бўлса керак-да! Ҳайдовчи ким экан ўзи!» деган гаплари кулогига чалинади.

Сунбуланинг вужудини совуқ тер босган: «Демак икки одам ўлган! Энди қамашади, узоқ муддатга қамашади! Яна маст ҳолатда! Даҳшат... Наҳотки, баҳтили кунлари шу билан поёнига етган бўлса?! Нима қилиш керак? Балки ҳаммасини ўз бўйнига олгани маъқулдир. Ичмаган бўлса! Ҳар ҳолда, аёл кишига жазо енгироқ бўлади дейишади-ку!»

Жувон хаёлига келган фикрдан кўнгли алланечук тасалли топгандай эрининг олдига шошилади. Сочлари тўзиб, ранги докадек оқариб кетган Самандар

машина атрофида телбадек айланар, юз берган фо-  
жианинг даҳшатини ҳали тўлифича англаб етмаган  
эди. Хотинини кўриб, унга илтижоли тикилади:

– Ким экан, ўлмабдими?

– Икки киши экан! Она-бола! Онасини касалхонага олиб кетишди! Қизчанинг... жони узилибди!

– Оҳ! Нима қилиб қўйдим, хотин! Нималар қилиб қўй-дим-а?!... – Самандар юзларини қўли билан бекитиб, ерга ўтириб қолади.

– Самандар aka! Менга қаранг, туриңг! – Сунбула эрининг қўлидан тортиб, турғизади. – Рулда сиз эмас, мен эдим! Тушунаяпсизми? Машинани мен ҳайдаб келаётгандим, сиз ёнимда бўлгансиз!

– Бу нима деганинг? – Самандарнинг қўзи косасидан чиққудай хотинига тикилади. – Ни-ни-малар д-д-е-е-я-п-с-а-н Сунбула! Йўқ, йўқ! Бу асло мумкин эмас! Ўзим пиширган ошни ўзим ейман!

– Сиз мастсиз! Одам ўлган ахир! Сизни қамаб қўйишади! Аёл кишига енгилоқ жазо беришади! Тез бўлинг! Милиция келиб қолмасин. – Сунбула эрининг қўлтифидан олиб, машинанинг ўнг томон олд ўриндигига суюб ўтқазади. Ўзи эса илдамлик билан айланиб, ҳайдовчининг жойига ўтиради. Эшик чўнтағидан латтани олиб, аввал рулни, тезлик ричагини, торпедаларни артиб чиқади. Сўнг бармоқ изларини қолдириш учун бошқарув ва кўрсаткич асблоларига қўлини теккизиб чиқади.

– Сунбула бу нима қилганинг! Ахир сени ҳам қамашлари мумкин-ку! Болаларни ўйлаяпсанми? Мен виждон азобида ўламан-ку! Ундан қилма, хотин! Қўлимни қўйвор! Мен жойимга ўтираман! – Самандар эшикни очиб, машинадан тушишга ҳаракат қилган.

– Сизни узоқ муддатга қамашади! Оиласиздан, соғлиғингиздан, мансабингиздан айриласиз!

– Сунбула эрининг қўлига ёпишиб, маҳкам тутиб тураверади.

Тез орада етиб келган милиция ходимлари эр-хотин ва бошқа гувоҳдарнинг кўрсатмалари асосида тегишли ҳужжатларни расмийлаштирган. Сунбуланинг «Эrim арақ ичса, рулга ўтирумайди, ҳар доим машинани мен ҳайдайман!» деган асосли ва дадил таъкиди ҳеч кимда шубҳа-гумон қолдирмаган. Экспертиза хulosалари ва иш ҳолатлари орасида қарама-қаршилик туғилмаган.

Прокурор автоҳалокатда бир киши ўлганлиги (иккинчи жабрлануви шифохонада бўлган), айбланувчи аёл киши эканлиги, икки нафар вояга етмаган фарзанди борлиги ва бошқа енгиллаштирувчи ҳолатларни ҳисобга олиб, Сунбулани тилхат орқали судгача очиқда қолдиради.

Эр-хотин елиб-югуриб, марҳума қизчанинг ошу обини ўтказишга бош-қош бўлишади. Қизалоғининг ҳаёт билан видолашганидан бехабар, шифохонада ҳушига тоғ келиб, тоғ кетаётган онанинг бошида парвона бўлишади. Кеча-кундуз гулдай боласидан ажралиб қолган онаизорнинг соғайиб, оёқча туриб кетишини Парвардигордан сўрайдилар...

Аммо... тақдир инсон измига бўйсунмас экан. Орадан ўн кун ўтиб, она жон таслим қиласди. Энди Сунбула икки инсоннинг ўлими учун жавоб бериши лозим эди. Бундай ҳолатда жиноятнинг таснифи ўзгариб, оғирроқ даража касб этиши ўз-ўзидан равшан...

Суд Сунбулани уч йилга озодликдан маҳрум қиласди. У қанчалик қийин бўлмасин биргина нажот – жазони ўтаб чиқиб, яна жонажон оиласи бағрига қайтиш умиди билан яшай бошлайди. Бошида виждон азобидан ўзини қўярга жой тополмай юрган Самандар хотинидан тез-тез хабар олиб туради. Орадан ойлар ўтади... Қамоқхона шароитига кўниколмай, аянчли кунларни бошдан кечираёт-

ган, фақат эртанги кун орзуси билан яшаётган аёлни кейинги пайтларда турли баҳоналар билан қатнови сийраклашиб бораётган эрининг ўзини тутиши, хулқ-авторидаги ўзгаришлар безовта қила бошлайди: «Наҳотки, садоқатга хиёнат, мардликка номардлик билан жавоб қайтарса! Наҳот эрини йўқотишдан қўрқиб, бир йўла ҳаммасидан – оиласидан, болаларидан, эркидан, ор-номусидан ажralиб қолса! Йўқ, йўқ! Самандар акам бундай қабиҳликка қодир эмас! Бу иш унинг қўлидан келмайди. Ахир бу ерларда унинг қилмиши... Йўқ, йўқ! Ҳаммаси Оллоҳнинг иродаси!»

Сунбула хаёлига келган фикрдан ўзи уялиб кетади. Ўзини бошқа нарсага овутишга, ўйламасликка ҳаракат қилади. Аммо, бемаъни мулоҳазалар уни таъқиб қилишдан тўхтамайди: «Наҳот бир-икки ойда ҳамма нарса унут бўлса! Оғир дамда ишонганинг сендан юз ўгирса! Дўсту ёrim деб юрганинг фаним чиқса! Кўнглингда асраганинг, қўйинингда сақлаганинг заҳарли илон чиқса! Наҳотки ҳаётнинг арзимас синовлари олдида инсон ўзининг нотавон ва қўрқоқ, сотқин эканлигини намойиш қилса! Йўқ!!! У бундай қилолмайди!... Унда нима сабабдан камнамо бўлиб қолди! Ҳатто навбатдаги учрашувларга ҳам бошқаларни юбормокда! Баҳонаю важлари кўпайиб кетмаяптими? Юз-кўзлари ҳам ташвишли... совуқ... Мендан ниманидир яшираётгандай... Ёки бирорта жодугарни топиб олдимикин? Аёл макри қирқ туюга юк бўлади дейдилар. У беномус эримни йўлдан уриб... ўзига оғдириб олган! Эркак кишининг нозик жойи ҳам шунда эмасми? Бутун бошли қўшинни тор-мор қилишга қодир бўлган марди-майдон ботирларнинг бир мегажиннинг ҳийлаю найрангларига учиб, бору йўғидан жудо бўлганлигини кўп эшитган. Тарихда ҳам бунга мисоллар жуда кўп!...

Бечора аёлнинг хавотирлари асосли бўлиб чиқади. Бир йил ўтар-ўтмай Самандарнинг ундан ажрашиб, Ҳилола исмли котибасига уйланиб олганлигини, болаларни ҳам унинг тарбиясига берганлигини эшитади... Кўзларига дунё қоронфи кўринади... Бир зумда яашнинг маъноси йўқолгандай, орзу-умидлари шаъми сўнгандай бўлади, ўзини эса ҳеч кимга кераксиздай ҳис этади. Қувноқ, шўх ва шаддод жувон ҳамманинг кўз ўнгига паришонхотир, тунд ва жоҳил одамга айланади.... Ўз жонига қасд қилмоқчи ҳам бўлади. Камерадошлари қутқариб қолади... Энди фақат бир умид – қамоқдан чиқиб, болалари бағрига қайтиш учун яшай бошлайди...

Озодликка чиққач, Сунбула болаларини эридан олишга ҳаракат қиласи. Аммо, Самандар унга болаларни бериш у ёқда турсин, кўрсатишни ҳам хоҳламайди. Юзма-юз гаплашишдан қочиб юрган эрини кўриш учун борганда Ҳилола «Самандар акам бообрў инсон, унинг «зик»лар билан қиласидан иши йўқ», – дея ҳақоратлайди. Чорасиз аёл болаларни олиб бериш масаласида судга мурожаат қиласи. Суд даъвони рад қиласи. Маълум бўлишича, Самандар анча олдин қамоқхонага бориб, хотинини алдаб, «кассация шикояти киритиш учун», дея бир қанча қофозларга қўл қўйдириб, қамоқхона маъмуриятидан тасдиқлатиб олган. Бу сохта ҳужжатлар Самандарга никоҳни бекор қилиш ва болалар тарбиясини ўзига олишга асос бўлган.

Яқинларининг қистови билан Сунбула ишга кирмоқчи ҳам бўлади. Бироқ унинг қамалиб чиққанини эшитган раҳбарларнинг бирпаста пешанаси тиришиб, «кечирасиз, ҳужжатларингизни қолдиринг, лозим бўлса ўзимиз чақирамиз!»дан нарига ўтишмайди.

Ноҳақлик, адолатсизлик, хиёнат ва ҳақоратлардан тўйиб кетган аёлнинг муҳаббати нафратга айланади. Эридан ҳаммаси учун ўч олиш режасини тузади...

Қамоқда бирга ўтирган дугонаси – Жаннанинг ёрдамида Самандарни ижарага олинган хонага учрашувга чақиришга эришади. Жанна ҳирси капалак отиб бораётган сармаст йигитга сездирмасдан уйқу дори беради. Йигит қаттиқ уйқуга кетгач, дугонасининг асл ниятидан бехабар қиз Сунбулани чақиради ва «бевафо эр»ни унга «топширади».

Жанна кета туриб, «Мана дугон! Бемалол йигитингизнинг қучогига киришингиз мумкин. Фақат шўрликни жуда қийнаб қўйманг! Мен учун ҳам битта бўсин!» – дейди.

Сунбула креслода пишиллаб ухлаб ётган Самандарнинг нурсиз юзига тикилиб, у билан бирга кечган баҳтли дамларини, қувончли кунларни хаёлидан ўтказади, тўйиб-тўйиб йифлайди... Сўнг файритабиий шиддат билан қўлидаги пичоқни унинг чап кўкрагига санчади...

Бу ерда ҳам Сунбуланинг қўлига қурол олишига фавқулодда жиддий сабаб бўлган. Мастирада шундай асос бўлганми? Эрини – болаларининг отасини ўлдиришга уни нима мажбур қилган бўлиши мумкин?

– Етиб келдик! – Маҳкам машина тўхтаса-да, қилт этмасдан хаёллар оғушида ўтирган Санжарбекка юзланди.

– Шундоғми? Афу этгайлар! – терговчи жилмайиб, ўрнидан қўзғалди. – Хаёлимиз жиндек фаромуш тортибдур!

Маҳкам беўхшов тиржайди.

Узун-қисқа бўлишиб, таниш дарвозадан ичкарига киришди. Тандирхонадан чиқиб келаётган Мастира чақирилмаган меҳмонларни кўриб, худди кутиб тургандай буюри билк этмади. «Яна келдиларингми?» дегандай совуққина саломлашиб, истар-истамас ичкарига таклиф қилди.

Қисқагина одатий ҳол сўрашишдан сўнг Санжарбек жарбдийдаларни иззат-нафсига тегмай-

диган оҳангда олдиндан ўйлаб қўйган саволлари-ни бера бошлади:

– Янга, бизларни яна бир бор кечиринг! Жиноятчини... қотилни топмагунимизча сизларни қайта-қайта безовта қилишга ўфри келмоқда! Ўзимиз ҳам хижолатдамиз!

Аёл индамади. «Сўрайдиганингни сўрайвер!» дегандай бошини ҳам қилиб тураверди.

– Садоқат билан алоқаларингиз қанака? Унга «ўлдираман, қўш мозор бўласанлар!» деганингиз ростми? – Санжарбек гапни индаллосидан бошлади.

Мастура яшин ўргандай чўчиб чиқди. Юзи тундлашди. Атрофга бежо аланглади. Хонада икки терговчидан бошқа ҳеч ким йўқлигига ишонч ҳосил қиласа, ичини «ёрди»:

– Ёримнинг бошига шу қунжик етди!... Шу алвастини топгунча, гўринг нурга тўлгур хўп ба-маъни, кўнгилчан, содда, меҳрибон одам эди. Ҳеч кимга жомонлиқни соғинмасди. Мениям, қизлариниям қўйгани жой тополмасди... Мен тўртингчими овири тувдим. Дўхтирлар апираса қилиб, бачадонимни олиб ташлашди. Менгина вўлгур унга ул тувиб беролмадим. Лекин ерим буни бир мартаям юзимга солмаган. Бари бир ули жўқлигидан эркак одам эзилади-да! Қиз бола бирорнинг ҳатми! Бир кун узатилади – кетади! Улинг эса авладининг давомчиси, хонадоннинг шамчироги! Ёрим бирон пайт менга ҳасратини тўкиб солмаган. Дарду ала-мини ичига жутиб келган! Ул боладан гап очилса, чуқур «уф» тортиб, гапни бошқа жоққа буради. Мен унинг бир умр вўксиниб яшашини хоҳламадим... Эримга бирор қиз-жуонга уйланиб, улли бўлиш режасини вўзим бердим... Бошида у унамади: «Жиннимисан, қайси аҳмоқ хотин эрини уйлантиради!» деб туриб оди. Қиз ахтара бошладим... Менга эримга битта ул тувиб берадиган,

шунингман бирга хотинликни даъво қимайдиган аял керак эди... Бир куни қўнғишимизнинг уйига Китобдан қуда-андалари келишди. Қишлоқчиликда ҳамсояларни миймоннинг олдига айтишади-да! Бордим. Тухмолдан бир кампирнинг қўйнига қўл солиб қўрдим. Гап ичида ниятимни билдиридим. «Еrim» дейишга юзим чидамай «иним» деб қўяқолдим. «Аяли туғмас чиқди, ажралишни истамай ўзи бош-қош бўлиб бирортасига уйлантирмоқчи, турмуши бузилган жувонми ёки қиз болами, ишқилиб боласи бўлмаса, укамга ул тувиб берса бас, шарт-шароитини, жамики майдада-чуйдасини, харажатини ўзим қиласман» дедим. Кампир ўйланиб туриб, «бир қўшнимиз бўларди, бояқиши ҳозир уйини сотиб, тўғрироғи қарзи эвазига тавон тўлаб, бошқа жойга кўчиб кетди. Эри ўлгач, жўжабирдай жужуқларини беколмай қийналиб, касалманд бўлиб қолди. Ҳозир ижарада яшаб юрганмиш. Катта қизининг ҳам турмуши бузилиб қайтиб келди. Кенжаси қўл оёғи чаққонгина қиз эди-я. Оилани боқиши учун шу шўрлик ўқишиниям ўлда-жўлда қолдириб, кафедаофисант бўлиб ишлаб юрганмиш. Шу қизни бир кўрса бўлади. «Шароитингни тўғирлайман» десангиз, рози бўлиши мумкин! Бари бир онаси уни тўй қилиб узатишга чофи йўқ. Қийналган оилалардан!» деди.

Орадан бир-нечага кун ўтгач, Китобга жўнадим. Зиёда кампирни излаб топдим. У ҳамсоясининг жонғи адресини топиб қўйган экан. «Совчилик»ка бордик. Қизнинг энаси касалманд ва нотавон бўлсаям ўжар экан. «Инимнинг хотини борлигини эшитиб, «қизим ўлсаям иккинчи хотин бўлишга рози бўлмайди, кундоши бор кун кўрмас!» деб, тўнини тескари кийиб олди. Зиёда кампир «бўлмаганга бўлишма, ўзи қай аҳволдаю нозига ўлайми!» дея уйигача жавраб келди. Мен момони уйига ку-

затиб, овулга қайтдим. Туни билан ўйлаб чиқдим: Қайтанга, қизнинг энаси рози бўмагани ажаб бўлди! Уям, Зиёда момоям минг қилса-да аял киши. Гап кеганда бирорга гуллаб қўйиши мумкин. Яхшиси қизи тушмагурнинг ўзи билан ишни пишитгани маъқул. Энаси касалманд, рўзгори оғир, қўл учидагу кун кўриб туришибди! «Ёрдам бераман, муаммоларингни ҳал қиласман» деган одам бўлса, қизнинг калласи ишласа, «еккинчи-пеккинчи» деб ўтирмасдан чолга бўлсаям тегишга кўниши керак!

Эртаси куни бир балоларни баҳона қилиб, яна Китобга тушдим. Зиёда кампирдан ҳар эҳтимолга қарши қизнинг отини сўраб олганим тузук бўлган экан. Уйига жақин ошхоналарни тўрт-бештасини суриштириб, шу қизди топдим. Отини Садоқат дейишаркан. Кўҳликкина қиз экан. Соддагина кийиниб олган бўлса-да, ҳаммаси ўзига ярашиқ. Ичим куйиб кетди. Унинг чаросдай кўзларига, камондай қошлирига, қоп-қара сунбул сочларига, сарв қоматига тикилиб, юрагим орқага тортиб кетди. Кўз очиб кўрган эримни, болаларимнинг отасини йўқотиб қўядигандай, ҳамма нарсамни бой бергаётгандай ҳис қилдим ўзимни. «Қош қўяман деб, кўз чиқармасайдим!» деган хаёлда бир сира фикримдан қайтмоқчиям бўлдим. Яна ўзимни босдим... Садоқатни қўрқитиб юбормаслик, кўнглида ортиқча шубҳа-гумонларни тугдирмаслик учун «укам яхши одам, келиним ҳам тилла, аммо ўрталарида фарзанд бўлмади. Шу боисдан ажралишмоқчи. Сиз у билан бир учрашиб қўринг! Ўзи топарман-тутарман йигит! Турмушингизни тўқис қилади! Эртага шу ерга овқатланиш баҳонасида келади. Бир қўринг, ёқмаса, ихтиёр ўзингизда! Қиз болага минг киши назар қилади, бир киши олади» деб ётифи билан тушунтирдим, қўлимдан келганича яхши-жомон сўзлар билан алдаб-аврадим. Қиз

«йўқ» демади. Масаланинг бир томони ҳал бўлди. Энди эримни кўндириш қолди. Уйга келиб, кечки пайт мақсадимни ётиғи билан эримга тушунтирдим. У «бобиллаб берса керак!» деб ўйлагандим. Сал эътиroz қилгандай бўлдию, адогида «ўзинг билласан, билганингни қил!» деб ётоғига кириб кетди. Бир томондан ўйлаган мақсадимга осонгина эришаётганимдан юрагим таскин топаётган бўлса-да, бошқа томондан эримнинг бу ишга бунчалик тез рози бўлганилиги қалбимни кемирарди, шусиз ҳам зил кетиб юрган ичимни ит тирнарди.

Туни билан эримни «пишириб» чиқдим. Саҳар-мардондан эр-хотин йўлга тушдик. Иккаلامиз ҳам жим кетаётган бўлсак-да, унинг хаёлидан нималар ўтаётганини фаҳмлаб кетардим. Ҳойнаҳой хурсанд! Сиртида сездирмаётган бўлса-да, ичида ҳурлиқога тезроқ етишсайдим деб дийдорига интизор кетаётгани аниқ. Эркак зотининг бари бир гўр экан! Бу одамам обод эмас! Ақалли, кўнглим учун бўлса-да, «қўй хотин, ўғлимиз бўлмаса-да, мана бир-биридан ширин қизларимиз бор. Улар қайси ўғилдан кам. Мен ўғил суюшни истасам, сен ўғил суюшни хоҳламайсанми? Қизларни узатсак, Худо ўғил невараларниям берар!» демади-я! Бугун уларни топиштириб, эртага ажратолмай эсим кетмасайди! Ҳамма шароитини қилиб берсак, Садоқат боласини бизга рози бўлармикин? Қайси она боласини бирорга бериб қўярди, бермаса керак! Лекин отаси унга бегона бўлмайди-ку! Берса отасига бераяпти-да, бегона-га эмас-ку! Бир умр қийналиб яшагандан, кун ўтказиш учун уйини сотиб, бирорларнинг эшигида юргандан, касалликдан сўлиб бораётган энасига қарашга қўли калталиб қилиб, виждан азобида юргандан шу яхши эмасми? Ота уйини қайтариб олиб берсак, қўлдан келганча пулдан ёрдам бе-

риб турсак бу қызга яна нима керак! Эрим ундан анча катта. Отаси қатори одамга тозаям ёпишиб қолмас. Ўлипти энди! Садоқатни-ку бир амаллар, эр ўлгур унга чирмашиб қолса нима бўлади? Гижинглаган ёш хотин, нафси қурфурини қондириб турса, жигит тумшуғидан илинмайдими? Аял, бола-чақасини ёдидан чиқариб, ёш хотинчага ила-кишиб қолса қандоқ қилади? Дардини кимга айтади? Норбўта табиатан анчайин содда, оми, ишонувчан ва кўнгилchan одам! Бундай кишини ўз сиртмоғига илинтириш аял учун қийин эмас! Тунда қулоғига бир нималар деб шивирлаб, у жоғидан – бу жоғига ўтиб, жилпанглаб, эрини ундан тортиб олиб қўйса, нима деган одам бўлади! Вўзи қўшқўллаб тўрасини бирорга топширган бўлиб чиқмайдима? Эшитган қулоқ овзи қолиб, бошқа жери билан кулмайдима? Эси-хуши жойида, топарман-тутарман, мўминқобил, тайёргина эрни кимам ҳавас қилмайди?...

Ўй-хаёлларим билан бўп қандай Китобга етиб келганимизният сезмай қолипман. Ҳали вақт бор эди. Бозор айландик. Тушликка яқин «куёв бола»ни «келин»нинг олдига – ресторанга киритиб юбордим. Бир оз вақт ўтиб, у шўтпайиб чиқиб келди. «Нима бўлди?» десам, «Ҳеч нима бўлмади!» деб қўя қолди. «Ишқилиб қиз бирор қўпполлик қилиб қўйган бўлмасин-да!» деган хавотирда менам индамай қўя қолдим...

Кейинги кун тағин Садоқатнинг олдига бордим. «Иним қалай экан?» деб сўрадим. У «амаки экан-ку!» деб қўяқолди. Мен қизгинанинг «Ие, бўмайди, укангизнинг чоли чиқиб қолибди-ку!» дейишидан қўрқсан эдим. Кетарда қўлига пул қистирдим. У ийманибгина бўлса-да, қўлимни қайтармади. Демак, ҳаммаси жойида! Садоқат менинг таклифими қабул қилганлигига амин бўлдим...

Садоқат билан аҳдлашувимизга биноан у эримга шаръий никоҳ ўқитиб, турмушга чиқиши,

битта улли бўлиши, болани эса бизга бериши, ўз навбатида бизар унинг ота ҳовлисини қайтариб олиб беришимиз, пулдан ёрдам қилиб туришимиз, онасининг тузалиб кетиши учун харажатларни кўтаришимиз, хуллас, оиласини оёқقا туришида кўмаклашишимиз лозим эди.

Кейинчалик у турмушга чиқадиган бўлса, тўйини чиройли қилиб ўтказиб беришниям бўйнимга олгандим.

Бошида ҳаммаси мен ўйлагандай текис кетаётган эди: эrim уни никосига олди. Бир пасл ўтмасдан кундошим тушкур овур ойоқам бўлди. Дўхтирилар «ул бола» дейишди. Эримнинг овзи қулоғида эди. Мол-ҳоллардан беш-олтисини сотиб, Садоқатнинг ота ҳовлисини қайтариб олиб бердик, онасини қаратдик...

Ниҳоят бола тувиљди. Барчаси ўшандан бошланди... Садоқат аҳдини бузиб, чақалоқни бизга беришдан бош тортди. Ялиниб-ёлворишлиарим фойда бермади. Бошида ўзини мен томонда тургандай тутиб юрган раҳматли эrim ҳам кейинчалик очиқ-часига ёш хотини томонга ўтиб олди. Бола тўғрисида гапирганимда «Гўдакни онасидан ажратиб бўлмайди! Кўявер ўзи ўстирсин. Катта бўлса бир гап бўлар. Ахир бари бир бола меники-ку! Қаерда ўсишининг нима аҳамияти бор!» дейишга ўтди.

Аста-секин воқиялар ривожи мен чизган чегарадан чиқиб борарди. Эримнинг Китобга қатновлари кўпайиб қолди. Унинг менга, қизларига бўлган эътибори, меҳри энди ёш хотинчаси, ули – Улуғбекка бўлган муҳаббатнинг соясида қоп кетаётгандай эди...

Нимаям қилардим. Гуноҳ ўзимда! Барчасига чидашга, борига қанат қилишга мажбур эдим. Эримга «қўш хотинли бой бўлмоқчи экансиз унда икки томонни teng ушланг!» деган шарт қўйдим. У ваъда берди...

Бироқ... мен шу ишларни бошлишдан оддин қилган хавотирларим кўз ўнгимда содир бўлаётганини фаҳмлай бошладим. Эрим биз билан унчалик иш тутмайдиган, иссиқ-совуғимиз билан қизиқмайдиган, ҳали уни, ҳали буни баҳона қип, уйга келмай қоладиган бўп қолди. Авваллари қизларининг овзидан чиққанини муҳайё қилиб юрган киши энди «кейин-кейин, амаллаб туринглар!»дан нарига ўтмайдиган, баъзида уларни жеркиб берадиган, жizzаки ва жоҳил одамга айланиб қолаётгандай эди. Айниқса кейинги олти ойда анча ўзгариб қолганди. Менга ичида бир дарди борга ўхшаб кўринарди...

Бизнинг яшашимизни кўриб турибсизлар! Хўжайним болаларининг рисқини қийиб, топганини ёш хотинга тошиди. Данғиллама ҳовли-жой солиб берди. Ичини гирди-бало билан тўлдирди...

Хуллас, ўз эримни ўзим қўшқўллаб, шу жодугарга топширдим-қўйдим. Садоқатнинг олдига бир неча марта бордим. «Эримни тинч қўй! Уни батамом ўзингники қилишга уринма. Майли болангта қарайди. Камингни тўлдиради! Менинг уйимни куйдирма!» деб роса ёлвордим. Бўмади! Эримга айтмасдан бир-икки марта уйига бориб, пўписа ҳам қилиб кўрдим. Шу куниям жаҳл устида «сенижям, эримниям ўлдирман, қўшмозор бўласанлар!» – деган гап овзимдан чиқиб кетди. Худоясан товба, паришталар овмин деб жуварган шекилли... Лекин сираям бунақа бўлишини хоҳламаган эдим. Эрим минг қилса ҳам кўз очиб кўрганим, болларимнинг отаси эди! Оллоҳ шоҳид...

Мастура жимиб қолди. Бир фурсат ўйланиб турриб яна нимадир демоқчи бўлиб, оғиз жуфлади-ю, сўнг фикридан қайтди шекилли, уни бутун вужуди билан тинглаб турган Санжарбекка «бор гап шу» дегандай термилди.

Терговчи сухбатни «совутмаслик» учун савол беришда давом этди:

– Хўжайнингизнинг олтинларидан, хазинадан хабарингиз бормиди?

– Яна «олтин» дийдия мунов одам! Қанақа тилла! Қанақа хазина! Эрталаб шеригингизам уйни има-тешик қилиб жарди ўзиям. Афти-ангоримизга, туруш-турмушимизга қаранг, олтини бор одамга ўхшаймизми? Хўжайнимнинг қўтондаги молидан бошқа ҳеч воқаси жўқ. Бориниям анов хотинчасига бериб бўлди!

– Демак, сизнинг хазинадан хабарингиз йўқ! – терговчи саволни такрорлади.

– Хазина, тилла дейсизлар, тушунмай қолдим гап нима ҳақида кетаяпти ўзи? – Мастура саволга-савол билан жавоб қайтарди.

– Майли, хазинани қўя турайлик. Ҳозирча бу терговнинг сири бўлақолсин! – Санжарбекда аёлнинг рост гапираётганига шубҳа қолмади. Терговчи халқи психолог бўлади. Қисқа муддатли мулоқотдан «бу ишни у қилмаган. Унинг қўлидан қотиллик келмайди» деган узил-кесил хulosага келди.

Шундай бўлса-да, ҳар эҳтимолга қарши марҳумнинг қизларини ҳам сўроқ қилди. Уларнинг кўргазмаларида ҳам шубҳали бирор ҳолат сезмагач, кўнгли таскин топгандай ўзини енгил ҳис қилди...

\* \* \*

Фахриддин барвақт уйғонди. Енгилигина нонуштадан сўнг Авазни Ҳикматнинг уйини кузатувга олиш учун юбориб, ўзи вилоят прокуратурасига йўл олди. Ҳамкаслари билан тергов қилаётган иши бўйича ҳозирча ягона гумондорнинг уйида тинтуб ўтказиш, телефон сўзлашувларини эшитишга санкция масаласини ҳал қилгач, музейга қайтди.

– Ие, меҳмон, яхши дам олдингизми? – музей директори илиқ қарши олди. – Эндиғина машина юбормоқчи бўлиб тургандим.

– Раҳмат! Самарқанд кўчаларида тоза ҳавода пиёда юришга нима етсин, – Фахриддин қўлидаги сумкасини стол устига қўйиб, мезбон кўрсатган жойга ўтириди.

Директор унинг рўпарасига ўтириб, дуога қўл очди. Одатий сўрашишди. Сўнг чаққонлик билан ўрнидан туриб, котиба қизга қаҳва буюрди, меҳмоннинг эътирозига қарамай шкафдан ширинликлар олиб қўйди.

Ортиқча мулозаматдан ўзини ноқулай сезаётган терговчи мақсадга кўчди:

– Ҳикмат келдими?

– У бугун ишда. Кечаси етиб келган экан. Чакирайми?

– Майли, фақат сизга халақит бермаслик учун...

– Тушунарли, тушунарли! Сизга маърифат хонасини очиб бераман. Бемалол ишлайверасиз! Ёки мен чиқиб турайми?

– Биз бошқа хонага ўтганимиз маъқулроқ, – Фахриддин ўрнидан қўзгалди.

Директор уни айтган хонасига бошлаб борди. Зум ўтмай эшикда чамаси 30-35 ёшлардаги узун бўйли, соч-соқоли чиройли қиртишланган, дума-лоқ юзли, қалин қошлиари ўзига ярашган, дид билан башанг кийинган йигит кўринди.

– Мана, Ҳикматжоннинг ўzlари ҳам келиб колди,

– директор йигитни ичкарига чорлади. – Бу киши Республика прокуратурасидан Фахриддин... ака...

– Фахриддин Каримович! – деди терговчи ўзидан ёши анчагина катта одамнинг «ака» дейишидан хижолат чекиб.

– Рухсатингиз билан, мен ўзимда бўламан! – директор эшикка қараб юрди. – Бирор нарса керак бўлса...

– Йўқ, йўқ! Ҳаммаси жойида! Сиз бемалол... – деди Фахриддин сумкасини титкилай туриб.

– Ака, яхши етиб келдингизми? Янгамлар, жи-янчалар яхшимилар? Самарқанд сизга ёқдими?

– Ҳикмат тожикча талаффузда саволларни қаторлаштириб ташлади.

Фахриддин қандайдир қоғозларни тўлдирап экан, ора-сира «раҳмат, шукр» дегандай бош иргаб кўярди. Сўнг эринмасдан сұхбатдошининг шахсига оид маълумотларига аниқлик киритди. Ёлғон гувоҳдик бермаслик, гувоҳдик беришдан бош тортмаслик ҳақида огоҳлантириб, баённомага қўл қўйдирди. Расмиятчиликни ўринлатгач, ҳужжатлар орасидан бир расмни олиб, Ҳикматга узатди:

– Бу кишини танийсизми?

«Гувоҳ» расмга бир муддат тикилиб, «танишга ўхшаяпти» деди. Сўнг ёдига тушди шекилли, қўшимча қилди:

– Бу анави Қашқадарёлик чўпон эмасми?

– Тўғри, бу Норбўта чўпон! Сиз уни қаердан танийсиз? Қачон танишгансиз? Батафсил гапириб берсангиз!

– Бу одамни менга кимдир тавсия этганди. Ҳозир ёдимда йўқ! Аммо уни қабул қилиб, ёрдам беришни танишларимдан бири илтимос қилгани аниқ... Ҳм... агар хотирам алдамаса, Раиса опа юборгандилар.

– Чўпоннинг сизда нима иши бор экан? – терговчи ҳеч нарсадан бехабар одамдай қизиқсинди.

– Ҳа, у тўрт-бешта китоб олиб келган экан. Менинг кутубхонам бор, «редкий» китобларни йиғиб юришимни эшитган бўлса керак-да!

– Хўш кейин-чи?

– «Ноумид қайтмасин» деб китоблардан икки-учтасини олдим. Қадимий китоблар экан, – Ҳикмат негадир кўзини олиб қочди.

– Сиз араб тили бўйича мутахассис экансиз-а.  
Китоблар нима ҳақида экан?

– Тўғри, шарқшунослик институтини араб тили ихтисослиги бўйича битирганман. Китоблар асосан диний мазмундаги... иккитаси «Қуръон»нинг қадимий нусхаси, иккитаси «Ҳадис»дан олинган парчалармиди-ей, ишқилиб шунга ўжашаш-да!

– Ўша китоблар ҳозир сиздами? – Фахриддин тоқатсизланди.

– Ҳа, уйда! Н-и-м-а... олиб келиш... керакми?  
– Шусиз ҳам терговчининг ташрифи мақсадини англаб ололмай хуноби чиқиб турган Ҳикматнинг хавотири кучайди. – Ўзи нима гап? Чўпон китобларни ўғирлаб олганмикин?

– Ўғирлашга ўғирламагану, аммо Норбўта чўпонни ўлдириб кетишган! – терговчи ёнида ўтирган шахснинг юз-кўзидаги ўзгаришни ҳис қилиш учун унга тикиди.

– Астофирулло, астофирулло! – Ҳикмат дуога қўл очди. – Оллоҳ раҳматига олган бўлсин! Омин!

Юз силашди. Ҳикмат чўнтағидан рўмолчасини чиқариб, юзини артди. Бўйинбогини хиёл бўшатиб, кўйлагининг юқори тутмачасини ечди. Терговчи ўзини сезмаётган қилиб кўрсатсада, кўз қири билан қаршисидаги кишини зимдан кузатиб турарди, ўзича ички бир туйфу билан унинг хаёлидан нималар ўтаётганини тахмин қилиш билан овора эди: агар қотилликка алоқаси бўлса, бунчалик тез қўлга тушгани, қаерда хатога йўл қўйилгани, энди нима бўлиши, бу вазиятдан қандай қутулишни мумкинлигини тўғрисида бош қотираяпти. Қотилликда қўли бўлмаса, «бу жиноятни содир этишда мендан гумонсираяптими ёки жиноятни мени бўйнимга осишмоқчими?» деган ўйга бораётгани аниқ.

– Чўпоннинг уйидан сизга топширилган китобларнинг рўйхати топилган, – суҳбатдошини рост

сўзлашга мажбур қилиш мақсадида Фахриддин гапига бир «чимдим» ёлғон қўшди. – Сизни топишимиизга шу қофоз ёрдам берди...

Ҳикмат баттар безовталанди. Оғзи қуриб бора-ётганиданми томоқ қириб, ютиниб қўйди. Атрофга аланглади. Терговчи котиба келтирган чойнакдан пиёлага чой қуйиб, унга узатди. Чой аллақачон совиган бўлса-да, шошилмасдан чойдан ҳўплай бошлади. Унинг шу фурсатда терговчининг кейинги саволларига қандай жавоб бериш, вужудга келган вазиятда ўзини қандай тутиш ҳақида ўйлаётгани аниқ эди.

– Лекин мен... ҳеч кимга рўйхат бермаганман! – елкасини қисди Ҳикмат, – Китобларни шундай, яъни ҳужжатсиз олиб қолган эдим.

– Тўғри! Чўпон ҳар эҳтимолга қарши сизга топширган китобларини рўйхат қилиб қўйган экан. Тинтувда ўша қофоз чиқиб қолди, – терговчи сўзлари ишончлироқ чиқиши учун атайлаб «тинтув» атамасини қўллади. – Китобларни вақтинча бизга топширишингизга тўғри келади.

– Лекин... китобларни... ҳалиги... анчагина... кейин қайтариб олсан бўладими? Ахир бу қадимий қўлёзмаларни... – Ҳикмат «китобларни яхшигина пулга сотиб олганман» демоқчи бўлди-ю, аммо бу билан терговчида китобларга нисбатан янада қизиқиш ортишидан чўчиб, гапни бошқа томонга бурди. – Улар шахсий коллекциямда!

– Зарурият йўқолса, қайтарамиз! – Фахриддин бир нарса ёдига тушгандай ўрнидан туриб, хонадан чиқди. Хонада ёлғиз қолганига ишонч ҳосил қилгач, Ҳикмат қўл телефонидан кимгадир қўнфироқ қилиб, паст овозда ниманидир тайинлади.

Сал фурсат ўтиб, кириб келган терговчи стол устидаги қофозларни йигиштиришга тушди:

– Қани кетдик бўлмаса! Китобларни олиб келамиз!

Ҳикмат оғринибина ўрнидан қўзғалди.

Индамасдан пастга тушишди. Машинага ўтиришлари олдидан бир неча ҳамкаслари билан Ҳикматнинг уйи ёнида «қўриқчи»лик қилаётган Авазжон кўнғироқ қилди. Фахриддин машина эшигини ёпиб, хиёл четроқقا чиқди:

– Эшитаман, нима гап!

– Биз объектдамиз, – Аваз пичирлаган овозда ахборот берди, – деярли ҳеч гап йўқ. Уйдан бир аёл киши чиқди, хотини бўлса керак! Қўлида қофозга ўралган ни мадир бор эди. Кузатдик. Уч-тўрт уй наридаги хона донга кириб, қўлидагини қолдириб чиқди...

– Тушунарли! – Фахриддиннинг хаёлида ўйлаган р ежаси иш берганди. – Биз сизлар томонга юраяпмиз. Холислар масаласини ҳал қилиб туринглар!

Машина Регистон майдонини ортда қолдириб, Сузангорон кўчаси томонга қараб юра бошлади.

Гарчанд ойнадан шаҳарнинг фусункор тароватини томоша қилиб кетаётган бўлса-да, терговчининг хаёли бошқа ёқда эди: «Хонадан чиққанимдан уйига телефон қилган. Хотинига ортиқча нарсаларни йўқ қилишни тайинлаган. Бундай пайтда қўшнининг уйи бехавотир бўлади. Аммо... ўша нарса нима бўлса? Китобми? Тиллами? Қуролми? Йўғ-е, унчаликка бормас. Балки гиёҳвандлик моддасимикин? Нима бўлганда ҳам биздан бекитишга ҳаракат қиласяптими – бу ерда бир гап бор! Ишқилиб қўшни «далилий ашё»ни бирор жойга чиқариб кетмасайди. Авазга қўшнининг уйини ҳам кузатиб туришни тайинласам бўларкан. Ўзининг ақли етса керак, тажрибали ходим-ку!»

Ҳайдовчига «росга, солга» деб кетаётган Ҳикмат икки қаватли ҳашаматли уй олдига етганларида ўзини хотиржам кўрсатишга уриниб, «мана бизнинг кулбай вайронага келдик!» деб «камтарлик» қилди. Машина ойнасидан бинога қараб, оғзи

очилиб қолган Мубин амаки «Ҳамманиям кулбаси шундай вайрона бўлса қанийди!» деб қўйди. Орқадан оқ рангли «Нексия» келиб тўхтади. Ундан Аваз икки ҳамкасби билан тушиб келди. Улар Фахриддин Каримович билан келиб кўришгандан сўнгтина Ҳикмат бу «мехмон»лар ҳам уникига келганигини, масаланинг у йилагандан ҳам жиддийроқ эканлигини фаҳмлагандай бўлди. Шундай бўлса-да, сир бой бермасдан барчани ичкарига чорлади. Йигитлардан бири сал нарироқда ийманибгина турган эр-хотин қўшниларни ҳам таклиф этди. Фахриддин Авазни бир четга тортиб, қўшни хонадонни кузатиб туришга одам қўйган-қўймаганлигини суриштирди. Ижобий жавоб олгач, ийғилганларни ичкарига бошлади.

Терговчи тегишли қоғозларни расмийлаштириб, тадбир иштирокчиларига процессуал ҳақ-хуқуқларини тушунтиргач, тинтувга киришилди. Ҳикмат ваъдасига кўра кутубхонасидаги иш столи тортмасидан 8 дона қадимий китобларни чиқариб берди.

– Ҳаммаси шуми? – деди Фахриддин муқоваси хийлагина сарғайган китобларни кўздан кечира туриб. – Чамамда чоғи сал камдай.

– Икитасини... негадир топмай турибман! – Стол тортмаларини бир-бир кўздан кечираётган Ҳикмат ўнгайсизланди. – Тунов кун ҳам ахтаргандим. Бирорвга ўқиш учун бериб, хотирамдан чиқдимикин?

– Шунаقا нодир китобларни бирорвга бериб бўларканми?

– Бермасанг хафа бўлишади. Ишониб берсанг, қайтаришмайди.

– Китобларнинг номи ёдингиздан чиқмагандир!

– терговчининг қошлари чимирилди.

– Эътибор қилмаган эканман. Ишқилиб араб алифбосидаги китоблар эди-да!

Терговчи индамади. Бир оз ўтиб, тезкор ходимлар тинтув ҳаракатлари тутаганлигини хабар қилишди.

Бу пайтга келиб Ҳикмат анча ўзини босиб олган, юз ифодасидан хавотирлари чекингандай эди.

Бу ҳолат терговчининг эътиборидан четда қолмади: шу китобларда бир бало борга ўхшайди. Уларни ишончли жойга яширгач, кўнгли таскин топди, ўзини босиб олди. Демак, хавотири фақат ўша китоблардан. Ҳозир буни синаб кўрамиз.

– Шу кўчадаги 25-хонадонда кимингиз туради?

Томдан тараша тушгандай қўйқисдан берилган савол Ҳикматни яна саросимага солиб қўйди. Бир сония ичида хаёли гумонларнинг минг бир кўчасига кириб чиқди: «Ҳаммасини билар экан-да! Йўғ-е, қаердан билиши мумкин? Балки шунчаки «пушкага» олаётгандир. Қариндошларим ҳақида маълумот тўплаган ҳам бўлиши мумкин-ку!» Бундай чоғда сукут сақдаб, жим туриш аҳволини баттар оғирлаштириши мумкинлигини ҳис қилиб, фудранди:

– Қобил акамники! Нимайди...

– Балки китобларни ўқиши учун уларга бергандирсиз? – терговчи саволни ойдинлаштирди. – Балки янгам бериб юборгандир.

Ҳикмат терговчининг илмоқли гапларидан ўзини тамомила йўқотди. Ўсал одамдай қотиб қолди.

– Илтимос, янгани чиқиринг! – Фахриддин Каимович тезкор ходимлардан бирига топшириқ берди.

Зум ўтмай хонага қораҷадан келган истараси исик, қош-кўзлари келишган уй бекаси кириб келди.

– Янга, сиздан узр сўраймиз, хизматчилик экан! Хўжайнингиз боя Қобил акангизнига ташлаб келган нарсангизни қайтариб олиб келишингизни сўраётганди, – Фахриддин «шундайми?» дегандай Ҳикматга тикилди.

Аёл ичидан зил кетиб, бир чеккада айб иш қилиб қўйган боладай қисиниб ўтирган эрига қарди. Унинг нигоҳида «нима қилай?» деган савол

мужассам эди. Ҳикмат қаршилик қилиш бефойдалигини англаб, истар-истамас «бор олиб кел!» дегандай бош иргади.

Аваз аёлга эргашди. Таниш дарвозага яқинлашганларида тезкор ходим огоҳлантириди:

– Янга, тағин акангизга гапириб ўтирманг, гапсўз кўпайиши мумкин!

Жувон ёвқарашиб қилдию, аммо индамади. Дарвоза очиқ экан. Авазни ташқарида қолдириб, ҳовлига кириб кетди. Сал ўтмай қўлида қофозга ўралган нарса билан қайтиб чиқди. Аваз унинг нима эканлигини билгиси келаётган бўлса-да, шусиз ҳам кайфияти бузилиб турган аёлга бир сўз дейишга ботина олмай, ортидан эргашди. Кўчада ҳеч ким йўқ бўлса-да, қўни-қўшнилардан бирортаси кўриб қолишидан чўчиётган аёл тез-тез одимлаб, тўғри «мехмон»лар ўтирган хонага кирди. Қўлидаги нарсани эрига бериб, ошхона томонга ўтиб кетди.

Ҳикмат устидаги қофозни олиб ташлаб, қалин муқовали, кўринишидан анчагина қадимий китобни терговчига тутқазди.

Фахриддин китобни авайлаб қўлига олар экан, бехосдан юраги хаприқиб, ўзини алланечук сезди. Китобни олди-ортини айлантириб, маҳдиё бўлиб тикилди. Теридан пишиқ қилиб ишланган муқовасида ҳеч қандай ёзув ёки белги йўқлигига ишонч ҳосил қилгач, қўлёзмани вараклашга тушиди. Терговчининг китобни чаппа томондан вараклаётганини кўриб, Ҳикмат китобни ўнглаб қўйди. Қўлёзма моҳир хаттот томонидан араб алифбосидада битилган эди. Фахриддин бир неча сахифани вараклаб, ҳеч нарсани тушунмади шекилли, ёнида китобдан кўзини узмай турган Ҳикматга сўз қотди:

– Кимники? Нима ҳақда?

– Али Қушчининг «Рисола фи ҳалла аш-шакл ал-ҳилол» асари.

- Нима ҳақида, таржимаси қанақа?
  - Математикага оид. Ўзбек тилига «Ҳилолсизмон шакларни ўлчаш ҳақида рисола» деб таржи-ма қилинади. Шу пайтгача китобнинг қўлёзмаси сақланмаган деб ҳисоблаб келинган.
  - Демоқчисизки, бу асар шу кунга қадар фанга номаълум бўлган, шундайми?
  - Шунақа. Али Қушчининг кўпгина асарлари Буюк Британия, Франция, Миср, Россия, Туркия ва бошқа хорижий давлатлар кутубхона ва музей-ларида сақланмоқда. Бу қўлёзманинг асли ёки нус-хаси ҳеч қаерда топилмаган. Аммо, шундай китоб бўлганлиги ҳақидаги маълумот бошқа манбаларда кўп учрайди.
  - Китобни яширишдан мақсад нимайди? – деди Фахриддин китобни варақлай туриб.
  - Орага жимлик чўкди.
  - Мақсад... қанақа мақсад бўлиши мумкин? – деди Ҳикмат талмовсираб. – Уни биринчи бўлиб тадқиқ қилмоқчи эдим. Фанда янгилик бўларди.
  - Тадқиқ қилиш учун яшириш шартми? Сиз уни ўғирлаб олмаган бўлсангиз! – терговчи тушун-мади.
  - Сизлар... олиб қўясизлар деб қўрқандим!
  - Бизлар вақтинча олишимиз мумкин, аммо жиноятга алоқаси бўлмаса қайтариб берамиз.
  - Фахриддин қўлёзмани Авазга узади. – Расмий-лаштиринг!
- Тегишли қофозлар тўлдирилгач, гурӯҳ аъзолари қўлёзмаларни олиб, вилоят прокуратурасига ке-лишди. Шу куннинг ўзида нуфузли мутахассислардан иборат маҳсус комиссия китобларни ўрганишга киришди...

Терговнинг бир қисми боши берк кўчага кириб қолганидан сиқилиб юрган Санжарбек ҳар куни Фахриддин билан телефон орқали хабарлашиб, Самарқанд тарафлардан бирор янгилик эшитилиб қолар деган умидда эди. Кечки пайт устози айтган гаплардан бу умиди ҳам пучга чиқаётганини англагандай бўлди: «Демак, китобларнинг ҳам, тиллаларнинг ҳам терговга нафи тегмайди. Уларнинг қотилликка алоқаси йўқ. Бу йўналиш ҳам берк кўчага қараб кетаётгандай... Энди нима қилмоқ керак? Бир қарашда оддийгина туюлган қотиллик наҳотки шунчалик пухта сценарий асосида амалга оширилган бўлса! Ёки биз нўноқлик қилаяпмизми? Чўпоннинг ўлими кимга керак экан-а! Ҳар иккала хотиннинг бу ишга алоқаси йўққа ўхшайди. Унда ким? Яхшилик чўпон ҳам роса чифиридан ўтказилди. Бефойда. Яна ким қолди? Норбўтанинг атрофидагилардан деярли ҳеч ким қолмади. Демак, қотил четдан! Лекин оддий бир чўпонни ўлдириш учун киллер ёллаш кимга керак! Бунинг учун фавқулодда бир сабаб, инкор этиб бўлмас асос бўлиши шарт эмасми? Хазина, олтинлар қотилликка сабаб бўлиши мумкинми? Албатта, мумкин! Мол-давлат одамни диндан чиқаради дейдилар. Садоқатнинг бобоси бу хазинани кўмиб ташлаган, у соҳибига бахтсизлик келтиради дея ишонган. Ўзи қўл учида яшасада, уларни қазиб олмаган. Фарзандларига ҳам раво кўрмаган. Уларни ҳам бадбаҳт қилиб қўйишдан қўрқсан. Мана, шунча вақт ўтиб, Норбўта уларни қазиб олди. Оқибати нима билан тугади... Қотилликнинг мотиви шу олтинлардан бошқа нарса эмас! Аммо, ким ўша қотил? Хазинадан кимлар хабардор бўлган. Чўпоннинг ўзи, Садоқат... бўлди! Яхшилик, Мастура бу ҳақда билмаган. Норбўта ўзига пишиқ одам, би-

ровга алжираб қўйиши эҳтимолдан йироқ. Лекин Садоқат... минг қилса ҳам аёл киши-да! Бирорта дугонасига ёки опасига мақтанган бўлиши мумкин. Ўз навбатида улар хазина ҳақида кимдантир суюнчи олишлари тайин. Садоқатнинг яқинлари билан ишлаб кўриш бирор натижага берармикин? Бошқа томондан олиб қарайдиган бўлса, хазина чўпонда сақланган. Норбўта буни ҳатто хотинларидан ҳам сир тутган. Ўзи аста-секин ҳеч кимга сездирмасдан сарф қилган. Тилла ошқовоқ эмас, бозорга бориб сотиб келадиган. Уни оладиган одами бўлади. Кўпчиликнинг бу ҳақда хабар топиши хатарли. Бирортаси сотиб қўйиши мумкин. Демак, тиллалар битта заргарга топширилган. Хазинанинг чўғини билган бўлса, заргарнинг ҳам кўнгли бузилиши турган гап. Ўзи бу ишга қўл урмаса-да, бирортасини жалб қилган бўлиши мумкин. Ёки ўрталарида низо келиб чиққан. Нархиде келишолмаган бўлишлари мумкин. Одатда заргарлар тилла буюмларни олиб қолиб, сотилгач, пулини тўлайди. Заргар тиллаларни сотишга сотгану пулени тўлашга нафси ўлгур қўймаган. Қарзлардан қутулишнинг энг осон йўли эса чўпонни йўқ қилиш эмасми? Китоб, Шахрисабз, Қаршидаги тиллафурушлар билан «ишланди», натижага чиқмади. Чўпон ҳам анойи одам эмас. Бу томонларда уни кўпчилик танийди. Тиллаларни таниш одамга сотса, гап-сўз кўпайиши тайин. Энг мақбул йўл – Самарқанд ёки Тошкент. Пойтахт узоклик қилиши мумкин. Самарқанд эса бир қадам. Бу қадимий шаҳарда заргарни топиш қийин кечмайди. Нима бўлганда ҳам бу йўналиш бўйича ишларни жадаллаштириш лозим».

Санжарбек бугун агар устози билан гаплашса, албатта ўз мулоҳазаларини унга билдиришни юрагига туйиб, телефонда Маҳкам Ҳакимовични ҳузурига чорлади.

Зум ўтмай эшик тақиллаб, хонага халлослаб қо-  
воидан қор ёғаётган Маҳкам кириб келди:

– Сўрадингизми?

– Маҳкам ака, қўйинг кўп куюнманг! Бир жиноят  
бўлса, очиларда! Қотил сизу биздек изқувардан қочиб  
қайга борарди, – Санжарбек шеригининг кайфиятини  
кўтариш учун атайлаб гапни ҳазилга бурди.

Маҳкам зўраки тиржайди. У бу «тирранча»нинг  
ўзидан беш-олти кўйлак кўпроқ йиртган одамга ҳа-  
деб топшириқ беришларидан елкаси тиришса-да,  
шу билан бирга унинг ишига пишиқлиги, зийрак-  
лиги, тиришқоқлиги, айниқса ҳар хил мураккаб  
вазиятларда кишининг кўнглига йўл топа билиш  
қобилиятига тан бермасдан иложи йўқ эди. Гапни  
ҳазилга йўйишидан унинг яна ниманидир ўйлаб  
топгани, «теша тегмаган» режалар тузгани аниқ.  
Шуларни хаёлидан ўтказар экан, Маҳкамнинг чи-  
ройи салгина очилгандай бўлди. Мухими шу аҳ-  
моқона қотилликнинг фош қилиниши эмасми?

– Менда бир гаройиб фикр пайдо бўлди, – Сан-  
жарбек пешанасида «хўш, яна қай гўрдаги нарса-  
ларни ўйлаб топдинг!» дегандай чақчайиб турган  
ҳамсұҳбатига қараб жилмайди.

– Эшитайлик-чи!

– Норбўтанинг олтинларини излаб топишимииз  
керак!

– Қандай? Нима... н-и-м-а учун? – Маҳкам  
анқайди. Шу тобда унинг хаёлидан «бу бола нима  
таклиф қиласяпти ўзи, бир ками қотил қолиб, энди  
олтинларни қидириш қолдима!» деган фикр ўтди.

– Мени тушунмадингиз! – деди Санжарбек ёни-  
даги одамнинг хаёlinи уққандай. – Мен узил-ке-  
сил қотилликка ўша олтинлар сабаб бўлган деган  
фикрга келдим. Бўмаса, чўпоннинг ўлими кимга-  
ям керак! Кимдир чўпонда хазина борлигини би-  
либ қолган. Балки ўша шахс тилла буюмларнинг

бир қисмини сотиб олган ҳам бўлиши мумкин. Қараса, чўпон тушмагурда олтинлар тутамаяпти. Шунда унинг фикри бузилган. Чўпонни гумдон қилиб, бир йўла олтинларга эга бўлишнинг пайига тушган. Балки у чўпонни «ҳаётингни сақлаб қоламан» дея алдаб ёки мажбурлаб, хазинанинг жойини билиб олган. Чўпонни омон қолдириш, қўлга тушиш билан баробар эканлигини англаб, қўлинин қонга булаган...

– Худди кўриб тургандай гапиришини қаранг-а!  
– Маҳкам пичинг қилди.

– Кўз билан кўриб туриш шарт эмас, – Санжар ҳам бўш келмади. – Терговчи қалб кўзи билан идрок этмоғи даркор! Лекин ишончли-я!...

– Ўша қотил хазинани жойини билган бўлса, уни аллақачон ўмарган. Унда тиллаларни излашдан нима фойда?

– Бизга тиллалар эмас, далил керак, далил! – Санжарбек шуни ҳам тушунмайсанми галварс дегандай ўқрайди. – Кўмманинг жойини топсак, у ердан ҳеч бўлмаганда бирор улги топилар. Гап ўша жойни излаб топишда!

– Агар чўпон васият қолдириб, кўмган жойини айтиб кетганда, топсак бўларди! – деди Маҳкам совуққонлик билан. – Тоғу тошларда яшайдиган чўпоннинг олтинларни қайси гўрга яширганини аниқлаб бўлармиди?

– Каллани ишлатсак, топамиз!  
Маҳкам ичидан зил кетди. Вой маҳмадона-эй!  
Бу билин мени каллаварамга чиқармоқчими?...

– Мисол учун сиз каттагина хазина топиб олдингиз. Шунча бойликни уйда сақлаш хатарли. Хўш, қаерга яширган бўлардингиз?

– Давлатга топшириб, йигирма беш фоизини мукофот сифатида олган бўлардим!

Кулишди.

– Менам албатта шундай қилган бўлардим! Лекин ўзингизни Норбўтанинг ўрнига қўйиб, мушоҳада юритинг-чи!

– Ҳали ўлиш ниятим йўқ!

– Майли, сиз юзга киринг! – Санжарбек жиддийлашди. – Олтин топган одам уларни эҳтиётлаш учун қаерга яшириши мумкин? Биринчидан, бу жой бегона кўздан ҳоли бўлиши, иккинчидан, вақти-вақти билан кузатиб туриш учун қулай бўлиши, учинчидан, унчалик узоқ бўлмаслиги, тўртинчидан, бехатар бўлиши, яъни сувга чўкмайдиган, оқмайдиган, ўтда ёнмайдиган бўлиши лозим.

– Шоир бўлиб кетинг-э!

– Хуллас, бугун бу ердаги юмушларни якунлаб, эртага барвақт Ҳазрати Баширга – қўтонга кетамиз. Фахриддин Каримович Самарқанддан қайтгунча, биз ҳам қўл қовуштириб ўтирмасдан, нимадир қилишимиз керак-ку!

– Тушунарли! Фақат... мен машинамни бугун ремонтга топширгандим... – Маҳкам каловланди, сўнг ҳамкасбининг «баҳона қилаяпти!» деган ўйга бормаслиги учун қўшиб қўйди: – Майли бирорта машина айтарман!

– Раҳмат! Ўзингизга қаранг, ака! Менга қолса, йўл машинада ҳам кетавераман, – деди Санжарбек хушчақчақлик билан.

Йигитлар эрталаб соат еттида ишхонада учрашишга келишиб, хайрлашдилар...

Санжарбек прокуратура биносига яқинлашганда ёнига қора рангли яп-янги «Жип» келиб тўхтади.

– Хўжайнин, яхши дам олдингизми? – машинанинг олди ўриндигидан Маҳкам Ҳакимович тушиб келди.

– Шунда кетамизми? – деди Санжарбек бир машинага, бир рулда ўтирган басавлат йигитга разм солиб.

– Бу жўрам – Ҳолиқул! – Маҳкам машинадан тушиб, эҳтиром ила меҳмонга қўл тутаётган ўртоғини таништириди. – Ўн йил бир партада ўтирганмиз. Шаҳримиздаги энг илфор тадбиркорлардан.

– Сал ошириб юбординг! – деди Ҳолиқул дўстига қарата бир оз хижолат бўлиб. – Илфор бўлмасак-да, тадбиркорлигимиз рост.

– Санжарбек! Танишганимдан хурсандман! – терговчи меҳмон билан худди эски танишлардан илиқ кўришди. – Кетдикми?

Санжарбек орқа ўриндиқقا, Маҳкам олд ўриндиқка ўтириди. Йўлда у ёқ, бу ёқдан гаплашиб кетишиди. Икки ўртоқнинг бир-бирини «сен-сенлаб», аммо чин кўнгилдан самимий муносабатлари Санжарбекнинг ҳавасини келтирди.

«Жип» Китоб шаҳридан ўтиб, Ҳазрати Башир тарафга бурилганда бекатда соқоллари селкиллаган чол қўл кўтарди. Ҳолиқул машина санжап кетаётганда йўлда кекса ёшли отахон-онахонлар, ёш болали аёллар учраса, савоб учун уларни манзилигача олиб бориб қўярди. Чолни кўриб, одатига кўра машинани тўхтатмоқчи бўлиб, газдан оёғини олди-ю, ёлғиз эмаслигини ҳис қилиб, фикридан қайтди. Орқадан йўлни кузатиб кетаётган Санжарбек унинг фикрини англағандай қичқирди:

– Тўхтанг! Илтимос тўхтатинг! Шу отахонни олиб кетайлик. Савоб бўлади.

Ҳолиқул машинани четга олиб тўхтатди. Анчадан бери мулгиб келаётган Маҳкамнинг уйқуси қочиб, «Нима гап? Нега тўхтадик» дегандай жўрасига тикилди.

– Отахонни олайлик! – Ҳолиқул машинани орқага бериб, чолга яқинлашди ва ойнани тушириб:

– Ассалому алейкум ота! Йўл бўлсин, – деб сўради.

– Раҳмат чироғим! Ҳазрати Баширга кетаётгандим...

– Йўлимиз бир экан! Чиқинг отахон! – Ҳолиқул чаққонлик билан машинадан тушиб, чолнинг қўлидаги зил-замбил сумкаларни машина юкхонасига жойлаштириди. Сўнг унинг тирсагидан тутиб, машинанинг орқа ўриндиғига чиқиб олишига кўмаклашди.

Маҳкам орқага бурилиб ҳам қарамасдан чолнинг саломига алик олган киши бўлди. Шу тобда унинг хаёлидан дўстининг бир нотаниш чолга кўрсатаётган меҳрибончилиги – бегоналар олдида ўзини кўрсатишдан бошқа нарса эмас деган фикр ўтди: Санжар-ку тушунарли. Ҳамма нарсадан «наф» қидиради, «далил» излайди. Чолни бекорга олмади, энди уни гапга солади...

У ҳақ эди. Санжарбек отахон билан худди юз ийллик танишлардек сўрашиб, сўнг «мақсад»га кўчди:

– Бобо, исмингиз нима?

– Шерқул!

– Мен – Санжарбек, булар Маҳкам ака, Ҳолиқул акалар!

– Нечага чиқдингиз?

– Уч кам саксон... Энди бу жоғи отман тужа бўлармиди! Амаллаб кириб-чиқиб журибмиз, қаричилик... болам, қаричилик!

– Аммо, анча ёш кўринасиз, ҳеч ким сизни етмиш еттига кирган демайди! Ҳали қирчиллама йигитдайсиз-ку! – терговчи бу гапни чин дилдан айтдими ёки уни гапга солиш учун атайлаб мақтаяптими билиб бўлмасди.

– Гўрда дейсиз! Шу кунларда аввалги шаштим жўқ. Бурун бир қоп унни елкага ташлаб, бир тош йўлга опкетаверардик. Энди манов бир сумка беда уруғи динкамизни қуритиб ташляяпти, – деди чол машина юкхонасига ишора қилиб.

– Ҳалиям бақувватсиз... биздача йигитларнинг икки-учини елкасини ерга текизсангиз ажабмас.

– Қайдан билдинг, ёшлигимда қишлоқнинг олд полвонларидан эдим! Унча-бунчасини кўрдим демасдан, ошириб отардим... – ҳамсуҳбатининг дикқат билан эшитиб турганини ҳис қилиб, отахоннинг мақтангиси келиб кетди. – Шу вўртада мени жиғодифон полвон топилмасди. Э, нимасини айтасиз вў кунлар тушда кўргандай бирпасда ўтди-кетди...

– Отахон, момо тирикмилар? – гапга Ҳолиқул аралашди.

– Нариги дунёга рихлат қилганига беш йил бўлди! Раҳматли тилла кампир эди-да! Оллоҳнинг иши экан, нима қиласиз!

– Узр ота! Бандалик! Ярангизни янгилағман-да!

– Аллақачон уйланиб олгандирсиз! – Ўзини ухлаганга солиб келаётган Маҳкам гап қистирди. – Бирорта ёшроғини топгандирсиз бобой!

Чол овоз келган тарафга қараб нимадир демоқчи бўлди-ю, аммо индамади. Санжар ичида ҳамкасини қўполлик ва калтафаҳмликда айблади. Ноқулай вазиятдан чиқиши учун Ҳолиқул гапни бошқа ёққа бурди:

– Отахон, уйингиз қишлоқнинг қаерида? Олдиндан айтиб қўймасангиз... ўтиб кетмайлик тағин.

– Ҳайдайвер болам! Мен қишлоқнинг одогида тураман. Ҳазрати Башир зиёратгоҳидан ҳам тепада, яйловга чиқиб кетиш йўлида, – деди чол йўлдан кўзини узмай. – Айтгандай, сиз анави сафар биз томонга келгандингиз-ку!

Ҳолиқул ҳайрон бўлиб, «Менми? Тушунмадим!» дегандай ойнадан чолга қараб қўйди. Санжар ҳам чолнинг нимага шама қилаётганини англай олмади. Шерқул бобо буни фаҳмлади шекилли, изоҳ берди:

– Мошинингизни кўргандайман-да!

– Қаерда, қачон кўргансиз? – Санжар «тергов»-ни бошлаб юборди. Саволига расмий тус бериб

юборганидан хижолат бўлиб, қўшиб кўйди: Шунга ўхшаш машинани кўрганман демоқчисизда-а!

– Йўғ-е, худди шу машина эди! Нўмири ҳам 707 эди!

Ҳолиқул машина давлат рақамини эслаб қолганидан чолнинг ёлғон сўзламаётганига амин бўлди. Ўзи шунаقا одамлар бор. Рақамга хотираси яхши бўлади. Бир кўрганини сира ёддан чиқармайди.

Санжар касбига хос қизиқувчанлик билан чолни «ўрашда» давом этарди:

– Қаршида кўрганмидингиз?

– Қанақа Қарши! Унда итимни йўқотибманми? Қишлоқда! – Чол «тўғрими?» дегандай Ҳолиқулга мурожаат қилди. – Бир ҳафта-үн кун олдин Баширга келганмидинг, улим!

– Йўқ! Қишлоғингизга беш-олти йилдан бери борганим йўқ! Бу машинада сиз томонларга биринчи марта келишим! – Ҳайдовчи эътиroz билдириди. – Адашаяпсиз отам, адашаяпсиз!

– Ҳе адашиб ўлибманми, қари бўлсамам кўз ўлгур яхши кўради! – бўш келмади чол. – Бир кўрган нарсамни эслаб қоламан. Ахир нўмиринг «707»ми?

– Тўғри, 707.

– Унда яна нима дейсан! Қора «Жип», нўмири ҳам ўша! – чол ғолибона тиржайди. – Лекин ҳайдовчига аҳамият берганим йўқ. Сен бўлмасанг, балки рулни бошқа бирорга бергандирсан.

– Машинани ўзимдан бошқа одам ҳайдамайди!

– Ҳолиқул елкасини қисди.

– Нима мен сенларни алдаяпманми? Кўрганимни айтдим қўйдим-да! – Бобой ўр ёнини бергиси келмасди.

– Ҳеч ким сизни ёлғон гапирди демаяпти! Сиз шунга ўхшаш машинани кўрган бўлсангиз керак. Нўмири бир хил бўлса-да, серия рақами ва ҳудудий мансублиги фарқ қиласди. – Санжарбек чол-

га далда берди. – Жип Қашқадарёни кимиidi ёки бошқа вилоятга тегишли миди? «707»дан олдинги ва кейинги ҳарфлар ёдингизда қолмаганми?

– Унисини қаердан билай! Яп-янги қора «Жип», нўмири 707! Бошқасига эътибор қилмапман! – қария бир оз «чекинди». – Шу куни уйимиз жонидан ўта туриб, мошин фиддирагининг қопқоғи тушиб қолганди. Қайтганда бераман деган хаёлда қапқоқни олиб қўйдим. Аммо бояқиши кечга довур қайтмади.

– Қопқоқ ҳозир қаерда! – Санжарбек қизиқсинди.

– Оғилга ташлаб қўйгандим, тургандир-да!

– Ўша машина «Ҳазрати Башир»ни зиёрат қилишга келганмикин?

– Ит биладими? – Чол юзини тескари буриб олди.

– «Уйим Ҳазрати Башир зиёратгоҳидан тепаликда» дегандингиз. Демак, улар зиёратчилар бўлмаган, – терговчи мантиқий хulosса чиқарди.

– Зиёратчи бўлса, пастдан – зиёратгоҳдан қайтишарди! – мушоҳада юритди чол. – Ҳазрати Баширга ҳар куни юзлаб машиналар келиб кетади. Ҳеч ким уларга эътибор бермайди. Менинг уйим эса қишлоқнинг энг чеккасида! У ёфи қир-адир! Одам яшамайди. Тепада чўпонларнинг қўраси бор холос.

«Чўпон» сўзини эшитиб, ҳар иккала терговчи сергакланди.

– Қайси чўпон... қанақа қўра? – Санжарбек хаёлига келган фикрларни таҳдил қиласар экан, савол беришга шошилди.

Махкам ўриндиқлар орасидан бошини суқиб, илк бор чолга тикилди.

– Тепада раҳматли Норбўтанинг қўрасидан бошқа ҳеч нарса йўқ, – қария муҳим сирни айтатётгандай пичирлади. – Гўринг обод бўлгур яхши одам эди. Яқинда ўлдириб кетишиди!

– Йўғ-э! – Санжар ҳайратга тушгандай бош чайқади. – Чўпонни ўлдириш кимга керак экан?

– Ҳайронман! Туппа-тузук одам эди. Шаҳарлик бир жошгина аялга илакишиб қолган дейишяяпти. Хотин кишининг макри қирқ туюга жук бўлади... Шу баччагар бошига етди-ёв!

– Ота, сиз бояги «Жип»ни кўрганимга ҳафта-ўн кун бўлди деяпсиз. Эслай оласизми – бу воқеа чўпоннинг ўлимидан олдинмиди ё кейинмиди? – Санжарбек бошида чарх ураётган фикрларга ойдинлик киришишга киришди.

Мўйсафид бир оз ўйланиб қолди. Сўнг нимадир ёдига тушди шекилли, дадилланди:

– Норбўтани жума куни ерга қўйдик. Ундан кейин мен 4-5 кунга Қаршига – қизимникига кетдим... Демак: мен мошинани Норбўта чўпоннинг ўлимидан бир ёки икки кун олдин кўрган бўлишим керак...

– Аниқми? – Маҳкамнинг сабри чидамади.

Чол жини сўймаган одамининг гапга аралашганидан жаҳли чиқдими, Маҳкамга хўмрайиб қараб қўйди:

– Аниқми, тиниқми, сизларга нима? Милисами-санлар! Бу одамларга бир гапни айтибам бўлмайди-я!

Ростини айтмаса, қариянинг жини қўзиб, тағин ҳозир айтган гапларидан мункир келиб қолмасайди деган ўйда Санжарбек бор гапни айтишга аҳд қилди:

– Отахон, бизлар ўша қотиллик бўйича ишлатётган терговчилармиз. Сизнинг «Жип» ҳақидаги маълумотингиз бизга асқатиши мумкин.

Чолнинг юзи ёришди:

– Айтдима, нимага бунча саволга тутишяяпти деб. Зап одамига йўлиқибман-ку!

– Отахон, энди менга ўша куни кўрганларингизни бир бошидан, ипидан игнасигача гапириб берсангиз! – Санжарбек бобосидан эртак тинглайдиган боладай ўнгай ўрнашиб олди. – Фақат сиздан

илтимос, ҳеч нарса, ҳатто майдын чуйда деталлари ҳам ёдингиздан чиқмасин.

– Олди Худо! Энди милисама-милиса, судма-суд юрмасайдим! – шу тобда қария ҳазиллашайтими ёки жиддий гапирайтими англаш қийин эди.

– Ҳозирги замонда сиздай эътиборли, сермулоҳаза ва кўпни кўрган одамни учратиш қийин бўлиб қолди. – Санжарбек бу чапани чолни «йўлга солиш»нинг бошқача йўлини тополмади.

Мақтов иш берди. Қария қора «Жип» билан боғлиқ воқеаларни шошмасдан бирма-бир сўзлаб берди. Терговчилар бири олиб, бири кўйиб, чолнинг бошини роса қотиришди.

– Ўзимам шу мошинада бир гап бор деп журибидим! – деди чол ўзини оғир жиноятни фош қилган қаҳрамондай ҳис қилиб. – Яхшиям, фидирак қопқофини сақлаб қўйган эканман...

Машина Ҳазрати Башир зиёратгоҳига етганда, ҳайдовчи «юраверайми?» дегандай Маҳкамга қарди. Унинг ишораси билан «Жип» сойнинг ўнқирчўнқир йўлларини ортада қолдириб, тепага одимлай бошлади. Қишлоқнинг адогида чол йўлнинг чап томонидаги уйга ишора қилиб:

– Шу ерда сақла, болам! Мана уйга ҳам жетиб келдик! Қани тушингизлар! – деди.

Холиқул қулайроқ жойни ўнғайлаб «Жип»ни оҳиста тўхтатди. Машинадан тушишди. Ажиб баҳор ифори димоқча урди. Меҳмонлар табиатнинг ҳусни-тароватига маҳлиё бўлганча чолнинг ортидан юришди. Шерқул бобо номигагина ип билан тамбаллаб қўйилган ёғоч эрганакни очиб, меҳмонларни ичкарига бошлади ва ўзи ёшига хос бўлмаган чакқонлик билан уйга кириб кетди. Сал ўтмай қўлида дастурхон ва икки дона тандирда ёпилган буғдой нон кўтариб чиқди:

– Уйга киринглар десам, бари бир кирмайсизлар! Тик туриб бўлса-да, нондан татиб кўринглар, насиба-да!

Ҳолиқул нонни ушатиб, шерикларига узатди:

– Тандирда пишган буғдой нондан ширин таом бўлмаса керак!

– Ош бўлсин! Олинглар! – деди Шерқул бобо ичкаридан соchlарини майдалаб ўриб олган қизалоқ (набираси бўлса керак) кўтариб чиққан икки коса қатиқни меҳмонларга узата туриб. – Қатиқдан ҳам татиб кўринглар. Жониворларнинг қорни кўкка тўйиб қолди... Туришиман витамин!

Ҳолиқул косани чолнинг қўлидан олиб, бирини Санжарга, бирини Маҳкамга узатди. Санжар «ўзларидан бўсин!» дея эътиroz билдириди. Унинг танимаган хонадонга дабдурустдан кириб келиб, бемалол еб-ичиб ўтирганларидан хижолат бўлаётгани сезилиб турарди.

– Олинг болам! Олинг. Сув жошдан! – деди Шерқул бобо меҳмоннинг ўнғайсизланаётганини сезиб. – Туя сўйиб чақирса, келмайдиган миймон-жонлар! Туз насиба, бир кеп қопсизлар!

Ҳаш-паш дегунча уч меҳмон икки патир, икки коса қатиқни пакқос туширишди. Шерқул бобонинг «мина журган хўролардан бирини қозонга бостирамиз, уйга киринглар, меҳмон бўлиб кетинглар» деб қисташига қарамасдан Санжарбек кетишга изн сўради:

– Ота, роса маза қилдик! Еган таомларимизнинг мазаси ҳеч қачон тилимиздан кетмаса керак! Раҳмат! Энди анави топган қопқоғингизни кўрсатсангиз!

Чол мамнун жилмайиб, «мен ҳозир» деб ҳовлиниг пастки томонидаги оғилхонага кириб кетди. Зум ўтмай қўлида фидирак қопқоғини кўтариб чиқиб келди.

Терговчилар эҳтиёткорлик билан қопқоқни кўздан кечиришди. Қандайдир қофозларни тўлдириб, ҳаммага қўл қўйдиришди. Сўнг қопқоқни авайлаб, салафан пакетга жойлашди. Шеркул бобо айтган гапларни оқقا кўчириб, йўлга чиқишиди.

Меҳмонларни кузатишга чиққан чол улар билан минг йиллик қадрдонлардек илиқ хайрлашди...

Машина илон изига ўхшашиб сўқмоқ бўйлаб тепаликка қараб шитоб билан кетар экан, Санжарбек хаёлга толди: Шу «Жип» тек эмас, бир балоси борга ўхшайди. Агар зиёратга келган бўлса, зиёратгоҳ пастда. Агар биронкиига меҳмонга келган деб ҳисоблайдиган бўлсак, тепада аҳоли яшамайди, факат чўпонларнинг қўралари бор. Вақти ҳам тўғри келмоқда. Ёки бу шунчаки тасодифмикин. Нима бўлганда ҳам текшириб кўриш керак! Чол машинанинг ҳудудий мансублигига аҳамият бермаган. Бундан чиқди «Жип»ни биринчи навбатда Қашқадарё, Самарқанд вилоятлари ва Тошкент шаҳридаги машиналар орасидан қидириш лозим. Қизиқ, бир вилоятда «707» рақамли нечта қора рангли «Жип» бўлиши мумкин? Унча кўп бўлмаса керак. Чол рақамларда адашган бўлса-чи! Бўлиши мумкин. Лекин жуда ишончли гапирди. Дарвоҷе, уч кам саксондаман деганимиди. Яъни 77 ёшда! 707 рақамини шунинг учун эслаб қолгандир... Фахриддин Каримовичга ахборот бериш лозим.

– Ҳолиқул ака, телефонда гаплашиб олишга қуайроқ жойда тўхтатсангиз! – деди Санжарбек олдиндаги тепаликка ишора қилиб.

Ҳолиқул телефон тўлқини бемалол етиб келадиган жойни танлаб, машинани тўхтатди.

– Маҳкам ака, Сиз штабга телефон қилиб, вилоятдаги барча «707» рақамли «Жип» русумли автомашиналар ва уларнинг эгалари ҳақидаги маълум

мотни сўраб олишларини тайинланг! Мен Фахриддин Каримовичга вазиятни «должить» қиласман.

Маҳкам «есть» деб, сал нарироқдаги катта харсанг тош устига чиқиб, баланд овозда телефонда кимларгадир топшириқ берди. Санжарбек ҳам бир оз четга чиқиб, телефонда Фахриддин Каримович билан боғланди ва унга Шерқул бобо ҳангомасини оқизмай-томизмай сўзлаб, шу йўналишда олиб борилаётган ишлар ҳақида ахборот берди:

– Мен ўша машина Қашқадарё, Самарқанд ёки Тошкент ҳудудларига тегишли деган фикрдаман,  
– деди Санжарбек ахборотига якун ясаб. – Биз Қашқадарёдаги «707» рақамли «Жип» русумидаги автомашиналар ҳақида маълумот тўплашни бошладик. Фахриддин ака... Самарқанд ва Тошкент бўйича нима қилишни...

– Яхши, сизлар ишларни шу аснода давом этти-раверинглар! Самарқанд, Тошкент масаласи билан ўзим шуғулланаман, – деди Фахриддин шогирдининг сўзини бўлиб. – Фақат сиз ишхонага боргач, чолнинг кўрсатмаларини факсда менга ташланг!

– Тушунарли! Фахриддин ака сизда нима гаплар?

– Ишлайпмиз! Бўпти! Кейин гаплашамиз! Мен вилоят прокурори қабулига кираётгандим, – устоз гапни қисқа қилди...

Ҳар галгидек терговчиларни Яхшилик чўпон кутиб олди. Унинг турқи-тароватидан чақирилмаган меҳмонлар ташрифидан унчалик хурсанд эмаслигини англаш қийин эмасди. Салом-аликдан сўнг чўпон уларни қўтонга таклиф қилди. Санжарбек эътиroz билдириб, чўпонни саволга тутди:

– Яхшилик ака, марҳум Норбўта қўтонга тез-тез келиб турармиди?

– Бошлиқ бўғоч келади-да! – Чўпон «бир нарсани неча марта сўраш мумкин» дегандай зарда қилди.

– Биз қатори молди кетидан узи-кун журмасаям,

ҳар куни шунда эди. Баъзи пайтлар жотиб ҳам қоларди.

– Сурувларни асосан қаерга олиб чиқарди?

– Қаерга оп чиқарди, ўт-ўлан, хашак қаерда мўл бўлса шўйирга-да!

– Демоқчиманки, унинг яхши кўрган дарасими, ...мол боқадиган ёки ўзи тез-тез бориб турадиган яхши кўрадиган деймизми... доимий жойи... бормиди? – терговчи фикрини аниқ баён қилолмай чайналди.

– Қўли бўшаса, ҳов анав Падаркуш тови томонга кийик вўт теришга чиқиб турарди, – деди чўпон рўпарадаги чўққига ишора қилиб.

– У ёқда кийик ўт кўпми?

– Мол туёғи тиймаган жерларда топса бўлади.

– Норбўта чўпон кийик ўтни нима қиласади?

– Нима қилайди, чойга солиб ичади-да! – чўпон «шуниям билмайсанми, галварс» дегандай юзини буриштириди.

– Сотадими демоқчийдим-да! – Санжарбек ноўрин савол берганини фаҳмлаб, у гапига аниқлик киритган бўлди.

Бир-икки пакет нарсани сотганда нима бўларди!

– Сизам кийик ўт теришга чиққанмисиз?

– Қаерда дейсиз, бизда бекорчи вақт бормиди! Хўжайин бир ўзи чиқиб кетарди, – деди чўпон қўлидаги таёқни ўйнаб.

– Бир чиққанда қанча доривор олиб келарди?

– Унақа кўп опкемасди, бир салафан пакетда силарақ опкегичиди!

– Яхши! Унда бизам бир кийик ўт теришга бориб келайлик! – Санжарбек боядан бери чурқ этмай турган Маҳкамга юзланди. Сўнг қувноқ оҳангда чўпонга сўз қотди: – Яхшилик ака, сиз бизга йўл кўрсата оласизми? Тағин адашиб-нетиб ўтирумайлик!

– Санжарбек, рухсат этсангиз мен шу атрофда бўлиб турсам, – Маҳкам ўртоғига маъноли тикилди. – Мана Ҳолиқул бунақа саёҳатларни жон-дилдан яхши кўради. Бирга бориб келақолинглар. Негадир оёғим қақшаб турибди.

– Майли, сиз шу ерда дам олиб туринг. Биз ака билан айланиб келамиз, – Санжарбек Ҳолиқулга тикилди.

– Бундай имкониятдан воз кечиб бўларканми? – Ҳолиқул мамнун жилмайди. – Маёвкага чиқмаганимга ҳам анча бўлганди.

– Унда қани командир бошланг! – терговчи Яхшиликнинг кўнглига йўл топиш учун атайлаб унга шундай мурожаат қилди.

Чўпон бир терговчига, бир қўраси томонга қараб, эшитилар-эшитилмас «Нима десангиз шу» деди. Сўнг бир нарса ёдига тушди шекилли, қўрага қараб юрди. Шу орада ивирсиб юрган ёрдамчисига нималарнидир тайинлаб, эски хуржунини елкасига ташлаб чиқиб келди:

– Қани кетдик!

– Яхшилик ака, хуржунингиз намунча зўр, ичидан нима бор? – қизиқсинди Санжарбек.

– Манзил олис, ука! Ҳар эҳтимолга қарши сув, нон олводим-да!

Йўлга тушишди. Чўпон олдинда, Санжарбек билан Ҳолиқул сал орқароқда у ёқ бу ёқдан гаплашиб кетдилар. Баланд қоянинг этагига борганларида бир оз тин олишди.

– Амир Темурам, Мирзо Улуғбегам манов Падаркуш тови орқали Самарқандга ўтишган, – деди Яхшилик қўли билан тепаликни кўрсатиб. – Айтишларича, шу жердан катта карvon йўли ўтган. Соҳибқироннинг жанубга қилган юришларида аскарлар ҳам шу товни ошиб ўтишган. Шунинг учун товнинг беш-олти жерида катта-катта горлар

бўлган. Булардан аскарлар учун истеҳком ўрнида фойдаланилган дейишади. Кейинчалик уларнинг оғзи бекилиб кетган экан.

– Ўхў, тарихчимиз! Буларни қаердан биласиз? – деди Ҳолиқул чўпонга тикилиб.

– Норбўта акадан эшитганман. Раҳматли бунақа нарсаларга тоза қизиқарди-да!

– Нима учун тоғни Падаркуш деб аташган?

– Қайдан билай?

– Балки, Мирзо Улуғбек ўғли Абдулатиф томонидан шу тоғда ўлдирилгандир, – Санжарбек мантиқий холоса чиқарди.

– Бу гапингизда жон бор. «Падаркуш» номи бекорга қўйилмаган бўлса керак... – деди Ҳолиқул ўйланиб туриб.

– Қани эди бу чўққиларнинг тили-забони бўлса! Қанча-қанча воқеаларнинг шоҳиди бўлган, қанча буюк инсонларни кўрган, – деди терговчи чўққидан кўзини ололмай.

Яхшилик чўпон сал иддамлаб, тепаликдан нималарнидир териб олишга киришди. Ҳолиқул Санжарбекка эргашиб, тоғ этаги бўйлаб оҳиста одимлади.

– Санжарбек, мени кечирасизу, агар сир бўлмаса, ўзи бу тоғлардан нима қидираяпсиз? – ёлғиз қолишганидан фойдаланиб, Ҳолиқул анчадан бери унга тинчлик бермаётган саволни беришга жазм этди. – Ҳар ҳолда маёвка учун келмагандирмиз...

– Ҳолиқул ака, айтайлик сиз Яхшиликнинг ўрнида чўпон бўлсангиз. Қўлингизда бир неча кўза тилла тангалар бўлса, уларни қаерга яширган бўлардингиз?

Терговчининг жавоб ўрнига қандайдир мантиқсиз саволни бергани тадбиркорни баттар таажжублантириди. Шундай бўлса-да, хаёлидан «тилла ҳақида сўраяптими, бу ерда бир гап бор» деган фикр ўтди:

– Демак чўпон бўлсам, шу ерда яшасам, анчагина тиллам бўлса, нима қилишим мумкин? Қаерга яширган бўлардим? – Ҳолиқул ўйланиб қолди. Саволни бир неча марта такрорлаб, бир қарорга келди шекилли сўз бошлади:

– Мен тиллаларни тоққа кўммаган бўлардим!

– Нима учун?

– Биринчидан, тоғ узоқ, бу ерга кўмса, кўммани ҳар куни кузатиб туриш имкони бўлмайди. Одам феъли шунаقا, у тилла турган жойни кўзи билан кўриб туриши даркор. Иккинчидан, зарурат бўлганда қазиб олиш мушкул бўлади. Ундан ташқари қиши пайти бу ерлар қалин қор остида қолади. Икки-уч ой келиб-кетишнинг иложи бўлмайди. Бундай «азоб»га одам зотининг бардоши етмаса кераг-ов!

– Лекин анчагина тиллани пастда, қўтонда сақлаш ақлсизлик эмасми?

– Бу нарса ўша чўпоннинг ақл-фаросатига боғлиқ! – Ҳолиқул бу гапни айтишга айтди-ю, унинг бир учи терговчига ҳам тегиб кетиши мумкинлигини ўйламаганидан хижолат бўлиб, хатосини тўғирлашга ҳаракат қилди. – Шунча тилласи бор одам уни қандай яширишни ҳам ўзи яхши билади. Бойлик одамни калласини ҳам ишлатиб юборади...

– Хўш, сиз айтганча пастда яширган бўлақолсин! Унда терговчи бўлсангиз тиллаларни қаердан излаган бўлардингиз?

– Унда... унда... – Ҳолиқул бир оз ўйланиб қолди. – Бу жой ҳеч кимнинг хаёлига келмайдиган ва айни пайтда кўзга яқинроқ бўлиши лозим...

– Пастда қўтонни кўрдингиз. У ерда шунаقا жой бор деб ўйлайсизми?

– Масалан, итнинг ини – қулай жой. Тайёр кўриқчиси ҳам бор. Бегонани ёнига йўлатмайди...

– Сиз ҳақсиз! Қойил! Чиндан ҳам итнинг ини ҳар томонлама маъқул жой-ку! Нега бу фикр хаёлимга

келмаганига ҳайронман! Сизга раҳмат! Бари бир ҳаётий тажриба муҳим омил экан-да!

Ҳолиқул бош иргаб, ҳамсұхбатининг гапини маъқуллаган бўлди. Анча пайт жим кетишиди. Ҳар ким ўз хаёли билан банд эди. Терговчи шу тобда итнинг инидан тиллаларни қандай топиб олиш хусусида бош қотираётган бўлса, Ҳолиқул оддий чўпоннинг шунча тиллани қаердан олган бўлиши мумкинлиги тўғрисида бош қотирарди.

– Ҳа, бу тоғларнинг поёни йўқ, – Санжарбек юришдан тўхтаб, бир тепага, бир пастга разм солди.  
– Бу ердан бир-икки хум тиллани ахтариш – уммонда игна излаш билан баробар. Ортга қайтамиз!

Ҳамроҳларининг тўхтаганини кўриб, чопонининг этагини турфа хил ўтлар билан тўлдириб олган чўпон ҳам етиб келди. Ўтдан саралаб, икки турамини шерикларига узатди:

– Мановдан жеб кўринглар, ажойиб нарса!  
– Бу нима! – деди Санжарбек қўлидаги ўтга тикилиб.

– Такасоқол! Минг дардга даъво!

Ҳолиқул олдиндан еб кўрган шекилли, ўтни буқлаб оғзига тикиди:

– Озроқ туз бўлганда бундан ҳам мазали бўларди-да!

Санжарбек чўнтагидан дастрўмолчасини чиқариб, ўтни чангдан тозалаган бўлди ва камгинасини оғзига солди, таъми ёқди чамаси, қолган қисмини ҳам пақкос туширди...

Қўтонга етиб келишганларида қуёш уфқقا ёнбошлиганди. Ҳали қоронфи тушишига камида бир соатча вақт борлиги учун Санжарбек итлар овози чиқаётган ёққа шошилди. Ярми темир сетка билан ўралган инда 4 та бир-биридан баҳайбат ит қўйиб юборса, одамни егудек «вов»иллаб, бегоналар томонга ташланишарди. Яхшилик итларни тинчлантиришга ҳаракат қиласарди. Терговчи инга яқинлашди:

– Кечаси қўйиб юборасизларми?

– Анов икки бўрибосарни кечда бўшатамиз. Авчаркаларни уясидан чиқариб бўлмайди, – деди Яхшилик итларни қўли билан кўрсатиб. – Бўрилар келса, улардан фойда бўлмайди... қўрқиб қолиша-ди бечоралар. Сизам кучукларга қизиқасизми?

Терговчи индамади. У итларни безовталигига аҳамият бермасдан яқинроқ бориб, иннинг ичига назар солди. Сўнг ёнида турган чўпонга деди:

– Яхшилик ака, итларни бошқа жойга кўчириб туришнинг имкони бўладими?

– Н-е-г-а? – чўпон «тушунмадим» дегандай тер-говчига қаради.

– Биз сал четроққа бориб турдикамиз. Сиз уларни бошқа жойга олиб ўтсангиз!

Терговчининг буйруқ оҳангига гапириши ёқ-маётган бўлса-да, чўпон тўмтайиб, инга кирди ва бирин-кетин итларни занжирга боғлаб, олиб чиқа бошлади.

Берган маслаҳати аскатаётганидан фуурланиб, воқеани нарироқдан кузатиб турган Ҳолиқул ёнига Маҳкамнинг келганини ҳам сезмай қолди:

– Роза мириқиб ухлабман! Ия, Санжарбек яна нима қилмоқчи?

– Итларни инидан бошқа ёққа кўчираяпти, – деди Ҳолиқул ҳеч нарсани билмагандай совуққон-лик билан.

– Итларни кўчириш кимга керак экан?

– Бошига бирор фикр келган бўлса керак-да!

– Тинчимайдиган бола экан-да! Бўлар-бўлмас нарсага ёпишгани ёпишган!

Ҳолиқул бир хаёл Санжарбекка ўзи маслаҳат бермоқчи бўлганини айтмоқчи бўлди-ю, дўсти-нинг феълини билгани учун сукут сақлашни афзал кўрди. «Жиноятни очиш энди сенга қолдима, то-шингни тер!» деса нима деган одам бўлади. Аввал натижага чиқсин. Кейин мақтанса, арзийди.

Маҳкам итхонадан кўзини узмай турган Санжарбекка яқинлашди:

– Хўжайин тинчликми? Кучук уриштирмоқчи мисиз?

– Ҳа, Маҳкам ака, яхши дам олдингизми? Ёрдамчи чўпонни, Ҳолиқул акани бошлиб келинг! Ит инини кўздан кечирамиз!

– Хўп! – Маҳкам ортиқча савол бермасдан ортига қайтди: демак, тиллани итхонадан изламоқчи! Дикқатга сазовор! Нега бу фикр олдинроқ ўзининг хаёлига келмади-я! Ёш бўлсаям бало экан!...

Итхона бўшагач, Яхшилик терговчиларни ичкарига таклиф қилди. Қандайдир ёқимсиз ҳид димоққа урилди. Маҳкамнинг пешанаси тиришиб, рўмолчаси билан оғиз-бурнини бекитгунча бир четга ўтиб, нигоҳида хонани кузата бошлади. Санжарбек энгалиб, итхонанинг деворларини, бурчакларини, оёқ остини синчковлик билан кўздан кечира бошлади. Ҳолиқул ҳам аланглаб, хонанинг гоҳ деворига, гоҳ шиптига синчилаб разм соларди. Икки чўпон икки ёнда ҳамон гап нимадалиги ни фаҳмлай олмай анқайиб туришарди...

Санжарбек хонанинг у ёғидан бу ёғига ўтиб, роса ҳаракат қилса-да, шубҳали бирор нарса ёки бирор жойни аниқлай олмади.

– Итлар билан асосан ким шуғулланарди? – деди у Яхшилик чўпонга тикилиб.

– Итлар – хўжайнинники. Биз овқат-повқат бериб турамиз, кечда икки бўрибосарни қўйиб юбориб, саҳарда уларни жойига байлаб қўямиз. Раҳматли итларга теккан одамни ёмон кўрарди.

Демак, тилла шу ерга кўмилган. Қани эди темир изловчи мослама бўлган-да! Бирпасда топиб олса бўларди!

– Мана бунга бир қаранг! – хона тўридаги деворга тикилиб турган Ҳолиқулнинг овози Санжарбекнинг хаёлинин бузди. Ҳамма ўша ёққа юрди.

– Деворнинг мана бу қисми негадир унинг бошқа қисмидан фарқланиб турибди, – деди Ҳолиқул қўли билан деворда доира ясаб.

Санжарбек яқинроқ бориб, деворга разм солди. Ростдан ҳам 5-6 шлакаблок бошқаларидан ажраблиб турибди. Қалаш учун ишлатилган цементнинг ранги-рўйида ҳам фарқ бордек...

– Деворнинг ортида нима бор? – деди Санжарбек чўпонга қараб.

– Ҳеч нима!

– В-ў-ў-ё-ғ-и м-о-л-х-о-н-а, – деди ёрдамчи чўпон дудуқланиб.

– Илтимос, бирор асбоб топиб келинг, фиштни жойидан кўчириш учун! – Санжарбек ёрдамчи чўпонга юзланди.

– Деворни... бузасиларми? – чўлиқ бир хўжайинига, бир терговчига қараб талмовсиради.

– «Опкел» дегандан кейин опкелмайсанми? Қанақа бефаросат одамсан! – Маҳкам бобиллаб берди.

Яхшилик гарчи бу ҳақорат унинг ёрдамчисига айтилаётган бўлса-да, Маҳкамга егудек бўлиб ёвқарашиб қилди. Аммо бирор номаъқул сўз айтиб, бошқаларнинг ҳам кўнглини хуфтон қилиб кўйишини фаҳмлаб, ёрдамчисининг кетидан ташқарига чиқди. Кўп ўтмай чўпонлар қўлларида лом, болта, белкурак билан кириб келишди. Бир-икки зарба билан шлакаблоклар жойидан қўпорилиб, тандирнинг оғзидаи туйнук очилди. Девор орти қоп-қоронғи эди. Кимдир телефонининг чироғини ёқиб, ичкарини ёритди. Бирин-кетин туйнукдан ошиб ўтишди. Икки девор ораси 1,5-2 қулоч торгина йўлакдан иборат эди. Кимдир оёқ остидан эски фонус топиб ёқди. Йўлак ёришиб, тўрдаги бурчакка тахлаб қўйилган беш-олти чофли ёғоч қутилар ёққол кўринди. Терговчиларнинг ишораси билан чўпонлардан бири бўш қутиларни бир четга

олиши. Санжарбек қўлидаги фонусни кўтариб, яшиқдан ҳоли қилинган жойга диққатини қаратди, оёғи билан пайпаслаб босиб кўрди. Нисбатан юмшоқ. Тупроғининг рангидан яқин атрофда қазилганлиги кўриниб турибди. Қўлида белкурагини ҳозирлаб турган Ҳолиқул терговчининг имоси билан қазишга кириши. Кимdir кетмон топиб келди... Чамаси тўрт-беш қарич қазиганларидан сўнг, кетмон қаттиқ жисмга урилди. Ҳамманинг диққати ўша ёқقا қадалди. Жисм атрофи тупроқдан тозалангандаги ўрадаги нарса олтмиш литрлик алюминий бедон эканлиги маълум бўлди. Кўпайлашиб бедонни юзага чиқариши... Авайлаб қопқоғини очганда барчанинг кўзи чақнаб, оғизлари ланг очилиб қолди... Умри бино бўлиб ҳеч ким бунчалик кўп олтинларни кўрмаган эди...

Бир талай ҳужжатлар тўлдирилиб, олтинлар тўлиқ саноқдан ўтказилгач, тун ярмидан оққандага ортга қайтиши. Кун бўйи йўл юриб, толиқдан бўлсалар-да, барча хуррам эди. Айниқса, терговчиларга тўғри маслаҳат бериб, шунча хазинанинг топилишига сабабчи бўлган Ҳолиқул ўзини қаҳрамонлардек ҳис этиб кетарди. Аслида терговчиликка ўқишига кирса бўларкан. Ҳар қандай жиноятни қийналмасдан, ички ишонч ёрдамида очган бўларди. Мана ўртоғи Маҳкам – мактабда тузукроқ ўқимаган бўлсаям вилоят прокуратарасида туппа-тузук терговчи бўлиб ишлаб юрибди. Мактабни яхши битирмагани бари бир оёғига бир умр тушов бўлса керак... Лекин дўқ уришни, «сиёsat» қилишни бошлиди...

Санжарбекнинг хаёлида битта фикр чарх уради: Норбўта чўпон шунча олтинни қаердан олган бўлса! Садоқатнинг гапига ишонадиган бўлсак, унинг бобосидан қолган хазинанинг чўғи унча катта бўлмаган. Ошиб борса бир-икки хумга жойлашиши

мумкин эди. Яна қилич, тақинчоқдар... Тиллалардан бир қисми ишлатилганлигини ҳисобга олинса... бунча қолиши керак эмасди-ку! Ёки Садоқат ёлғон гапирганмикин? Ё Норбұтада олдиндан ота-боболаридан қолган тилла бўлганми? Йўқ, йўқ! Садоқатни топгунча, ундаи пулдор бўлмагани аниқ. У кейинчалик бойиб кетган. Юриш-туришида ҳам кейинчалик ўзгаришлар пайдо бўлган! Унга қадар ғарибгина ҳаёт кечирган... Балки, топилган хазинанинг асосий қисмини хотинидан яширгандир. Йўқ, бу ҳам тўғри келмайди. Ахир улар хазинани бирга қазиб олишган-ку! Балки ўша пайт хазинанинг бир қисмини кавлаб олишган бўлса-чи! Кейинчалик яна қазиб кўрган. Асосий хазинани ёлғиз ўзи қазиб олган ва яширган... Кейин қазиган...

– Тўхтатинг! – Санжарбекнинг қичқирифи ҳаммани чўчитиб юборди. – Ортга қайтамиз!

Машина чийиллаб тўхтади.

– Тинчликми? – Маҳкам кўзларини чақчайтириб, орқага қаради.

– Қўрага қайтамиз!

– Яна нима гап!

– Битта нарса ёддан чиқибди!

– Ярим тунда тентираб нима қиласмиз! Эрталаб-гача жин урмас ўша нарсага! – деди Маҳкам хуноби чиқиб.

– Ҳолиқул ака илтимос, қўрага ҳайданг! – Санжарбек кимга бўларини билмай турган ҳайдовчига юзланди. – Биламан... шу пайтда... лекин бормасак бўлмайди... Керак-да!

– Керакка терак йиқилибди! Қайт десангиз – қайтдик-да! – Ҳолиқул машинасини изига қайирди. У иддао билан гапирайтими ёки сўзлари са-мимийми англаш қийин эди.

Маҳкам бошқа эътиroz билдиrmadi. Хаёлига «бу боланинг калласига яна нима бало келган бўл-

са керак-да!» деган фикр келди. Лекин ўтаётган куни натижаларга бой бўлгани, каттагина бойликни давлат хазинасиغا қайтарилишига эришгани, асосийси топилган хазина учун раҳбарият уни ҳам берабат қолдирмаслигини, ол қулим деса мансаби ҳам ошиши мумкинлигини ўйлаб, жимгина кетишига ҳаракат қилди...

Машина қўрага яқинлашганда Санжарбек олдинга эгилиб, ҳайдовчига «Итхона олдига ҳайданг», деди.

Ҳолиқул тўғри итхона томонга юрди. Машина нинг чироғида ит инида қандайдир шарпа қўрингандай бўлди. Шу пайт икки бўрибосар икки ёндан «вовиллаб» машинага ёпиша кетишиди. Ҳолиқул «Жип»нинг чироғини итхонага тўғирлаб, тўхтатди. Итхона бўм-бўш эди. Машина яқинлашгач, ҳалиги шарпа ҳам ўзини панага олди шекилли, қўринмай қолди. Машинадан тушишнинг имкони йўқ эди. Ҳолиқул бостириб-бостириб сигнални босди. Шундан сўнг чопонининг ўнгирини қоқиб, итхонадан Яхшилик чўпон чиқиб келди. Орқасидан ёрдамчи чўпон кўринди.

– Йиғиштир манави аждарларингни! – Маҳкам машина ойнасини бир оз тушириб, бақира кетди.  
– Одамни еб қўяман дейди-я!

Чўпонлар бақириб-чақиришиб итларни олиб кетишиди. То улар қайтиб келгунча, ҳеч ким машинадан тушишга жазм қила олмади. Яхшилик қайтгач, меҳмонлар бирин-кетин машинадан тушишиди.

Санжарбек Яхшиликка яқинлашиб, унинг негадир қалтираб бораётганини ҳис қилди. Чўпон меҳмонлардан яна нима мақсадда қайтиб келишганини сўрашга ҳам ботина олмади. Шунда у ўйлаган нарсаси тўғри чиққанига амин бўлди ва ҳеч кимга қарамасдан итхона томонга юрди. Қолганлар ҳам беихтиёр унга эргашди. Боягина ўзлари очган туйнукдан фонуснинг хира

шувласи тушиб турарди. Буни күриб, Маҳкам орқасида келаётган Яхшиликка юзланди:

– Ҳа жўра! Бу ерда нима қилаяпсизлар? Тилла изляяпсизларми?

– Йўғ-е! К-е-ч бўсаям... чуқурни... ҳалигидай... кўмиб ташламоқчи...

– Эрталаб кўмса бўлмасмиди? Тинчмайсанларда...

Туйнукдан ўтишиб, чуқур томонга юришди. Санжарбек кўлидаги фонусни кўтариб, хазина чиққан чуқурга дикқат билан разм солди. Ўра қисман кўмилган бўлса-да, лекин икки ён томонга кенгроқ қазилганлиги шундоққина кўриниб турарди. Буни Маҳкам ҳам, Ҳоликул ҳам фаҳмлади шекилли, браварига орқада иштонини хўллаб қўйган боладай дир-дир титраб турган Яхшиликка қараши.

– Ҳа чўпон! Бойигилари келиб қолдиларми? Бир танга бўлсаям тилла топтиларми? Қойил-эй!

– Мен ўрани... кўмиш учун...

– Кўмсанг, кўмда ташла! Юмронқозиқча ўхшаб қазиб ташлабсан-ку!

Санжарбек «бас» дегандай ҳамкасбига маъноли қарашиб қилди. Сўнг индамай оёқ остида ётган кетмонни олиб, бир сакраб чуқурга тушди ва қазишга тушди. Тупроқ ҳозиргина кавланиб, қайта кўмилгани учун юмшоққина эди. Бирпасда олдингисидан икки баробар келадиган ўра ҳосил бўлди. Бир маҳал кетмон тақиллаб, нимагадир урилди...

Иккинчи бедондан ҳам аввалгисидан кам бўлмаган тилла, тангалар, заргарлик буюмлари борлиги маълум бўлди...

Тонгга яқин хайрлашиш олдидан анчагина ўзини босиб олган Яхшилик Санжарбекни чеккароқча тортиб деди:

– Ука узр! Силар кетгандан сўнг манов ёрдамчим ўлгур «юринг қазиб кўрайлик, бирорта танга-панга тушиб қолгандир» деб қўймади. Менгина

ўлгур шайтон васвасасига учиб, шартта кўнибман-да! Ковлаб, энди бедоннинг учи кўринганда яхшиям силар кеп қолдинглар!

– Яхшилик ака, сиз самимий ва ҳалол одамсиз! Хазинани топиб олганларингизда ҳам бизга хабар бермоқчи бўлгансиз. Шундайми? – терговчи чўпонга кулимсираб қараб, елкасига уриб қўйди. – Сизлар катта ёрдам қилдингизлар! Раҳмат! Энди бизга жавоб! Ҳа айтгандай, у хонани муҳрлаб қўйдик. Хонани маҳсус асбоблар ёрдамида текширувдан ўтказишимиз лозим. То биздан маҳсус рухсат бўлмагунча у ерга ҳеч кимни қўйманг! Келишдикми?

– Келишдик! – чўпон елкасидан оғир юк тушгандай енгил нафас олди...

Йўл-йўлакай Санжарбек Фахриддин Каримовичга, Маҳкам вилоят прокурори ўринbosарига бўлиб ўтган воқеалар хусусида ахборот берди. Топилмани вилоят прокуратурасида қолдириб, меҳмонхонага келганларида тонг ёриша бошлиганди...

Санжарбек бир оз бўлса-да ухлаб олишга ҳаракат қилди. Лекин кўзларига уйқу келмади. Хаёлларичувалашиб кетди: Норбўта чўпон бунча олтинни қаердан олган бўлиши мумкин? Садоқатнинг бобосидан қолган хазинанинг бунчалик чўфи баланд бўлмаган. Бундан келиб чиқди чўпон яна битта кўмма топган кўринади. Балки Садоқатнинг бобоси қолдирган хазинанинг давоми бўлгандир?! Кейинчалик чўпон ўша олтиналарни излаб топган ва ҳеч кимга сездирмасдан яширган. Ёки Садоқат ёлғон гапириб, бизни чалғитмоқчи бўлаяптими? Нима сабабдан? Бундан унга нима наф? Менимча, у ёлғон гапирмаган. Бундай ҳолатда шунчатилла қаердан пайдо бўлди? Бу ерда бир сир борга ўхшайди. Чўпоннинг ўлими шу олтиналарга боғлиқ эмасмикин? Бўлиши мумкин! Нима бўлганда ҳам масала тобора чуқурлашиб бормоқда... «707»

рақамли «Жип» эгасини топиш имкони бўлармикин? Калаванинг уни шу машинага бориб тақалармикин? Бу томонда Ҳикмат деганлари...

...Гўри Амир мақбараси ёнида тумонат одам тўпланган. Ўша ёқقا юрди. Ичкаридан шоҳона либосда юз-кўзларидан нур ёғиб турган бир киши чиқди. Чеҳраси танишга ўхшайди. Ким бўлди экан бу муборак зот! Ҳамма таъзим бажо қилишди. У ҳам хиёл энгашиб, қўлини қўксига қўйганча салом берди. Ҳалиги киши бир сўз демасдан атрофдагиларни кузата бошлади. Нигоҳларининг ўткирлигини қаранг! У ҳам ўгринча муборак зотта разм солди... Ҳақиқатда жуда таниш... Мирзо Улуғбекка ўхшайдими? Ҳа, ҳа ростдан ҳам Улуғбек Султоннинг ўзлари! Юраги энтикиб, негадир кўзларидан ёш қалқиди. Ахир шундай буюк олимни, 40 йил Мовароуннаҳр тахтини адолат ва маърифат ила бошқарган шоҳни ёнгинасидан кўриб туриш баҳтига мұяссар бўлиш ҳар кимга ҳам насиб этавермайди-ку! Аммо... у 1449 йилда ўғли Абдулатиф томонидан ўлдирилмаганмиди?

Шу пайт Улуғбек Мирзо уни ёнига чорлаб қолди. Аввалига қўрқиб кетди... Сўнг кимнинг ҳузурида эканлиги ёдига тушиб, ўзини босиб олди. Одамлар орасидан ўтиб, шоҳга яқинлашди.

– Ўғлим! Мен шунча йиллардан буён сени муштоқ кутдим. Танлаган йўлинг ҳақ йўл. Яна жиндек ҳаракат қилсанг, иншооллоҳ муродинг ҳосил ўлғай! Маним эса бобом Соҳибқирон Амур Темур олдида юзим ёруғ бўлғай! Фақат сен...

Телефон қаттиқ жиринглади. Санжарбек салгичиб ўрнидан туриб кетди. Атрофга аланглади. Улуғбек Мирзо... одамлар... Гўри Амир мақбараси... Телефоннинг овози ўчиб, бирпастдан сўнг яна ёқимсиз жиринглашга тушди. Истар-истамас гўшакни кўтарди:

– Эшитаман!

– Санжарбек яхшимисиз! Узр, уйғотиб юбормадимми? – Фахриддин Каримовичнинг овози эшитилди.

– Йўқ, раҳмат! Кечаси бир оз... кечроқ... саҳар пайти қотиб ухлаб қолибман!

– «Жип»лар хусусида жавоб олдик: Тошкент шаҳрида 504 дона «707» рақамли автомашина бўлиб, шулардан 156 таси «Жип» русумли экан...

– Ўхў! Қора ранглиси қанча экан? – деди Санжарбек ҳайратини яшиrolмай.

– Қора ранглиси бор-йўғи... 79 тагина экан.

– Вой-бўй, роса кўп экан-ку!

– Энди Самарқанд вилоятига келсак, шунаقا рақамли машиналар сони 456 та экан. Шундан қора «Жип»лар сони 67 тани ташкил этаркан. Биз уларнинг тўлиқ рўйхатини олдик. Улар устида ишлашни бошладик... Сизда нима гаплар?

– Хазинани бугун банкка сақлаш учун топширамиз. Тиллоларнинг қайси даврга тегишлилиги бўйича мутахассислар холосасини олишимиз керак!

– Яхши! Қаршида малакали мутахассислар бўлмаслиги мумкин. Мутахассисни бу ёқдан юборишга ҳаракат қиласман. Йигитлар сизга алоқага чиқишиади.

– Раҳмат устоз! Ҳали... – Санжарбек яна нимадир демоқчи бўлиб, чайналди. – Устоз, минг бор узр-куя... ҳали бу ерда анчагина бўладиган кўринамиз. У ёқда келинингиз... оғир оёқ дегандай...

– Сизни тушундим. Ишлар сал енгиллашсин, келинни кўришга бориб келасиз. Ҳозирча амаллаб туришсин! Келишдикми?

– Келишдик! – деди Санжарбек масалани номаврид кўтарганидан хижолат чекиб.

Телефонни стол устига қўяр экан, соатига қаради – 07.12. Икки соат ухлабди. Кўрган туши ёдига тушди. Тавба, одамнинг тушига нималар кирмай-

ди-я! Улугбек Мирзо билан гаплашдими? Ҳа, ҳа унинг ўзи эди. Нима деганди-я!... «Шунча йилдан бери сени кутдим» дедими? «Ҳақ йўлни танлабсан, яна озроқ ҳаракат қилисанг, муродинг ҳосил бўлади» деганда нимани назарда тутган бўлса? Жиноятнинг очилишини башорат қилдилармикин? Йўғ-е, шундай буюк инсоннинг қаердаги бир чўпоннинг қотиллик жиноятига қанақа алоқаси бўлсин! Унда нима демоқчи? «Менинг Амур Темур бобом олдида юзим ёруғ бўлади», дегани нимани англатса экан? Бу улуғ зот нимага шаъма қилмоқда? Қизиқ, жуда қизиқ! Устозга айтсам бирор маслаҳат берган бўлармиди? Йўқ, йўқ, айтмагани маъқул бўлди, ҳар дамгидек устидан кулган бўларди. У киши бунақа нарсаларга ишонмайди. Тушингни сувга айт дейишади. «Подшоҳни тушда кўриш хайрли» деб эшитган жойи бор. Ишқилиб ҳаммаси хайрли бўлсин-да!...

\* \* \*

Фахриддин Каримович ички ишлар бошқармаларидан олинган маълумотларни таҳдил қиласр экан, негадир Самарқанд вилоятидаги «Жип»лар рўйхатига диққатини қаратди: Наҳот битта вилоятда бир хил рақамли, бир хил русумдаги машиналардан 67 та бўлса! Булардан қай бири ўша мудҳиш кунда Ҳазрати Баширга борган экан-а! Балки бу тасодифдир. Норбўта чўпонга умуман алоқаси йўқдир. Балки... Аксинча бўлиши ҳам мумкин-ку! Наҳотки шулардан бири қотил бўлса? Унда қай бири? Рўйхатдагилардан 12 таси аёл киши экан. Уларни гумондорлар сафидан чиқариш мумкинми? Йўқ, йўқ! Булардан ҳеч бирини шубҳадан ҳоли деб бўлмайди. Машина аёл кишининг номида бўлса-да, уни эркак киши ишончнома асосида бошқариб юрган бўлишиям мумкин...

Эшик тақиллаб, хонага Аваз кириб келди:

– Мумкинми?  
– Марҳамат келинг! Нима гаплар!  
– Қарши давлат университетидан жавоб олдик,  
– изқувар қўлидаги қофозни терговчига узатди. – Ҳикмат Юсупович ҳеч қанақа семинарда қатнашмаган экан. Лекин 4 марта семинарда иштирок этганлиги ҳақида хизмат сафари расмийлаштирган.

Терговчи қофозга кўз югуртириб чиқиб, Авазга юзланди:

– «Ҳеч қандай халқаро семинар бўлмаган» дeng. Демак, бу бир баҳона бўлган! Норбўта билан учрашиш учун борган! Балки Қаршида бирорта шериги бўлгандир...

– Шу «кал» менга бошиданоқ ёқмаганди! Унда қандайдир носамийликни сезгандим. Ўзини сипои қилиб кўрсатса-да, бинойидек муғамабир...

Фахриддин ўз хаёллари билан бўлиб, изқуварнинг гапларини эшитмади: наҳотки шу йигит қотил бўлса! Бир неча тилни биладиган, иқтидорли, олим одам-а! Сира ишонгинг келмайди! Аммо... мол-давлат, зебу зийнат ҳар қандай одамни динидан чиқариши, разиллик гирдобига итариши мумкин. Яна гап ўша олтиналарга бориб тақалади шекилли. Лекин Норбўтанинг тиллалари топилди-ку! Балки тиллаларни топиб бермагани учун чўпоннинг бошига шу кунлар тушгандир. Бўлиши мумкин. Ҳикмат чўпон билан яқиндан таниш бўлган. Ундан қадимий китобларни сотиб олган. Чўпон ўзида тиллалар ҳам борлиги тўғрисида мақтанган. Ёки тиллаларнинг нарх-навосини суриштирган. Бу маълумот Ҳикматнинг тинчини бузган...

– Мен кетаверайми? – Аваз чуқур ўйга толган терговчининг фикрини бўлмаслик учун оҳиста гапирди.

– Яхши, яхши! «Жип»лар тўғрисида маълумот тўплашни тезлаштиринглар. Ҳеч нарса эътибор-

дан четда қолмасин. Кечқурун йигитларни түпланг, гаплашиб оламиз.

Орадан хийла вақт ўтар-ўтмас чор тарафдан маълумотлар ёғилиб кела бошлади. Фахриддин ҳар бир ҳужжатни қунт билан ўрганиб чиқар, нималарнидир ёзиб-чизарди. Кечга бориб барча «Жип» эгалари, уларнинг машғулоти, қизиқишилари, яқин қариндошлари, оиласвий шароити, мулкий аҳволи, судланган-судланмаганлиги ҳақидаги маълумотлар жамланди. Терговчи уларнинг ҳар бирини дикқат билан ўрганиб чиқар экан, ногаҳон битта ҳужжат дикқатини тортди... Давлат рақами 707 СА «Prada» русумли автомашина соҳиби Абдулаев Талъат Халилович, дастлаб «Олмос» дўконида сотувчи, кейинчалик фирма раҳбари бўлиб ишлаган, муқаддам ўзганинг мулкини талон-торож қилганлиги учун жинонин жавобгарликка тортилган... яқин қариндошлари – отаси Абдулаев Халил, савдо ходими, 1989 йилда вафот этган. Онаси уй бекаси, марҳума. Опаси Абдулаева Раиса Халиловна «Билур»...

Фахриддин тилла топган одамдай суюниб ўрнидан туриб кетди... Бу ўша! Вой кампиршо-эй! Шунча давлати камлик қилибди-да! Янада бойигилари келиб қолибди-да! Ҳайҳотдай тилла дўконнинг эгаси бўла туриб... Наҳотки туппа-тузук аёл, қуда-андали одам, бойлик йўлида қотилликка қўл урган бўлса! Ишониш қийин... Чўпон бир неча марта тилла тангаларни дўконга топширгач, Раисанинг фикри айнигган. Чўпонни даф қилиб, олтин тангаларни осонгина қўлга киритиш пайига тушган. Бунда ишончли ҳамкор керак бўлади. Укаси айни у ўйлаган одам. Ҳам ишончли, ҳам қулай. Бегона одам кун келиб, сотиб қўйиши мумкин. Талъат қамалиб чиқсан, ҳеч нарсадан тап тортмайди, оғзи ҳам маҳкам... Вақтни бой бермаслик керак! Ҳойнаҳой ўzlари тўғрисида маълумот йифилаётга-

нини сезиб қолишиңа, опа-ука жуфтакни ростлаб қолишилари мүмкін.

Фахриддин шитоб билан ўрнидан туриб, телефон гүшагини күттарди ва таниш рақамларни терди:

– Ало, Тоҳир Фоғурович, ассалому алейкум!

– Салом! Фахриддин Каримович, нима гап, янгилик борми?

– Тоҳир ака, «Жип»ларга доир маълумотларни ўрганиш жараёнида бир нарса чиқиб қолди...

– Хўш, хўш!

– Бизнинг дикқатимизни тортган қора «Жип»лардан бири «Билур» заргарлик дўкони эгаси Раиса Халиловнанинг укаси Талъат Абдуллаевга тегишли эканлиги аниқланди...

– Ана буни янгилик деса бўлади! – деди Бош прокурор ўринбосари қувончини яшиrolмай. – Ким экан у шоввоз?

– Савдо ходими, муқаддам ўзганинг мулкини жуда кўп миқдорда талон-торож қилганлиги сабабли судланган...

– Нима қилмоқчисиз?

– Қўлга олиб, уйида тинтув ўтказиш...

– Тўғри қиласиз! Опа-уканинг уйида бир пайтда тинтув ўтказиш лозим. Қамоқча олиш масаласини тинтув натижасига қараб ҳал этган маъқул. Мен вилоят прокурорига тайинлайман. Нима ёрдам керак бўлса, тортинмай айтаверинг!

– Тушунарли! Натижалари тўғрисида сизга ахборот бериб бораман!

– Фахриддин Каримович... эҳтиёт бўлинг! – Тоҳир Фоғуровичнинг сўз оҳангидага раҳбарнинг ўз ходими учун ташвишидан кўра отанинг фарзанди учун хавотирини англаш қийин эмасди. – Ҳар ҳолда тиллафурушлар билан ишлайпсиз... Улардан ҳар нарса кутиш мүмкін...

– Тоҳир ака, раҳмат! – Фахриддин бошқа гап айттолмади. Хаёлидан «Устоз яхши одам-да! Шунча

ташвиши бошида бўла туриб, бизниям ғамимизни ейишдан толмайди, оталарча ғамхўрлик қила-ди-я!» деган фикр ўтди...

Опа-ука Абдуллаевлар хонадонида ўтказилган тинтувда Норбўта чўпоннинг ўлимига даҳлор да-лий ашёлар топилмади. Шундай бўлса-да ҳар эҳтимолга қарши Талъатни гумондор шахс сифа-тида ушлаб туришга қарор қилинди. Раиса эса очиқда қолдирилди. Энди терговчилар олдида ўта муҳим масала – 72 соат ичида гумондорнинг жи-ноятчи эканлигини исботлаш, акс ҳолда ундан ке-чирим сўраб, озод қилиш вазифаси турарди.

Бошида Талъат Норбўта чўпонни танимаслигини, Ҳазрати Башир қишлоғига умуман бормаганлигини, машинасини бирор кимсага бошқариш учун берма-ганлигини айтиб, терговни чалғитишга ҳаракат қил-ди. Шунда Фахриддин Каримович тегишли мута-хассисларни ишга жалб қилиб, Талъатнинг «Жипи» фидиракларига ҳашам учун маҳсус ясатиб қўйилган қўлбола қопқоқлар билан Шерқул бобо топиб олган фидирак қопқофининг бир хиллиги (бир комплект-га мансублиги) бўйича техник экспертиза ўтказди. Мутахассислар Талъатнинг машинаси фидиракла-ридаги З та қопқоқ билан Ҳазрати Башир қишлоғи атрофида топилган қопқоқ айни бир хиллигини, ма-шинанинг тўртинчи фидираги қопқоғи эса бошقا комплектга мансублигини аниқлашди. Фақат шун-дан сўнггина ушлаб туришнинг учинчи куни Таль-ат «ёрилди». У экспертиза хulosаси билан танишиб чиққач, стол устидаги қопқоқни қўлига олиб, гапни узоқдан бошлади:

– Ҳазрати Баширдан қайтиб келгач, эрталаб машинамнинг олд фидираги қопқоғи йўқлигини кўриб қолдим. Узоқ тоғ йўли, бирор жойда ил-кисдан тушиб қолгандир-да деб ўйладим. Аммо уни бирор кимса топиб олиб, ўзимга қайтариши-

ни сиräям хаёлимга келтирмагандим. Дунёning ишларини қаранг-а!

– Демак, 28 апрел куни Ҳазрати Баширга борганигингизни тан оласиз! – терговчи саволини такрорлади.

– Бахтга қарши шундай! – Талъат чуқур «уф» тортди. – Энг ёмони сизлар менинг гапларимга ишонмасликларингиз мумкин...

– Сиз ҳақиқатни сўзланг! Ишониш-ишонмаслик бизнинг ишимиз! Ростини айтсангиз, бизнинг ҳақиқатни аниқлашимиз шунча осон кечади.

– Фақат бир нарсани айтиб қўяй: Норбўта чўпонни мен ўлдирганим йўқ! Бундай ниятимам бўлмаган!

– Яхши, яхши! Ҳали ҳеч ким сизни одам ўлдирганликда айблаётгани йўқ. Айбиззлик президумцияси деган қоида бор. Сиз ҳаммасини бир бошидан, батафсил гапириб беринг! Айбингиз бўлмаса, сизни ҳеч ким бунда ушлаб туролмайди. Сизга ишонмасликка ҳаққим йўқ. Фақат сиз ҳам очиқчасига гапиринг, бизни чалғитишга ҳаракат қиласлигингиз лозим! – Фахриддин ҳамсуҳбатининг ҳаяжонини босишга ҳаракат қилди.

– Ўша чўпонни биринчи марта Раиса опамнинг дўконида кўрган эдим, – ўзини бир оз босиб олган йигит секин гап бошлади. – Унинг икки-уч марта дўконга тилла тақинчоқлар, тангалар топширганини опамдан эшитган эдим. Бир куни дўконга борсам опам бир қишлоқи киши билан гаплашиб турган экан. Хаёлимга опам айтган чўпон келди. Ўзимни телефонда гаплашгандек тутиб, сал нарида уларнинг гапини эшитиб турдим. Гап авзойидан шу куни ҳам чўпон унча-мунча тилла топширганини билдим. Опам ярми ҳазил, ярми чин қилиб «ҳали тилла тангалардан анча борми, қаердан ола-япсиз ўзи буларни, банк-панкни урмаяпсизми?»

деб сўради. Чўпон қулимсираб, «унчалик... эмас, бовомдан мерос қолган!» дея жавоб берди. Опам «майли қолганларини ҳам бегона қилманг, сиз билан родной бўлиб қолдик!» деди. Чўпон «Опажон, биз Сиздан бошқасини тан олмаймиз!» деди шилқимланиб.

Шу кундан тинчим бузилди. Чўпоннинг бобосидан қолган олтинлари хаёлимни буткул ўғирлади-қўйди. Қандай қилиб бўлмасин шу олтинларни кўлга киритиш режасини туза бошладим. Опамга билдирмасдан дўконидаги кирим китобидан чўпоннинг манзилини топдим. Телефон рақамини олдим... Бу ишни бир ўзим эплашим қийин эди. Шу сабабли шерик ахтардим. Нихоят ёшлиқдан бирга ўсган дўстим Шодиёрни кўндиридим. У спорт билан шуғулланиб юрарди. Оғзи ҳам берк. Мен тузган режага кўра, чўпонга опамнинг номидан телефон қилиб, қўрасида учрашув тайинашимиш, унга олтинлари учун одатдагидан икки баробар ҳақ ваъда қилиб, каттагина мўмай хазинага эга бўлишимиш, пулини эса олтинларни сотгач, беришга чўпонни кўндириб, жуфтакни ростлашимиш лозим эди. Чўпон бизни органга ёзиб бермаслигига ишонардик...

Бошида ҳаммаси биз ўйлагандек хамир ичидан қил сугургандек силлиқ кетди. Шодиёр Раиса опамнинг номидан чўпонга телефон қилиб, «бизга срочно икки юз дона тилла танга керак» деди. Чўпон тўртбеш кунда ўзи уларни дўконга олиб келишини билдириди. Аммо бизга бунақаси тўғри келмасди. Мабодо опам бу ишимиздан хабар топиб қолса, режамиз чиппакка чиқиши тайин эди. Опамдан нақ балога қолардим. Шу сабабли икки баробар ҳақ тўлашга рози эканлигимизни айтиб, оққўнгил чўпонни кўндиридик. У бизни қўтонида кутадиган бўлди. Биз унга ҳар эҳтимолга қарши ўша куни қўтонда бегона кўзлар бўлмаслиги лозимлигини уқтиридик. Чўпон

«хавотир олманглар, ўша куни ишчиларимга жавоб беріб юбораман», – деди.

Келишилган пайтда менинг машинамда йўлга отландик. Қоронғи тушганда қўрага кириб боришимиз лозим эди. Кечки соат тўртларда шаҳардан чиқиб, тоғ оша Китоб туманига ўтдик. Сўраб-сўраб Ҳазрати Башир қишлоғини топдик. Бир оз вақтимиз борлиги учун Башир ота зиёратгоҳини томоша қилдик. Қуёш уфққа бош қўйганда қўтон томонга юрдик. Чўпон менга қўрага борадиган йўлни аниқ тушунтирган экан, адашмасдан манзилга етиб келдик. Қўра жимжит эди. Итларнинг хуришидан бошқа сас эшитилмасди. Машинани чеккароқда қолдириб, уй томонга юрдик. Хона эшиги ланг очиқ эди. Чўпоннинг отини атаб, бир-икки чақирдик. Ҳеч қандай садо чиқмади. «Балки чарчаб ухлаб қолгандир» деган хаёлда хонага кирдик... полда бир одам юзтубан ётарди. Маст бўлса керак деб ўйладик. Лекин у жонсиздай эди. Мен қўрқиб кетдим. Шодиёр бояги одамга яқин бориб, секин энгашиб, бармогини бўйнига текизди... Аммо бирдан худди яшин ургандай қўлини тортиб олиб, «Ўлипти! Бу ловушка» деди. Иккимизнинг ҳам эсимиз чиқиб кетди... Тузоққа тушган қушдай питирлаб, нима қилишимизни билмай қолдик. Кинолардагига ўхшаб ҳозир ортимиздан милиция ходимлари кириб келадигандай эди.

– Балки нохосдан юраги тўхтаб қолгандир, – дейман мен жавдираб.

– Томоғига кўзинг тушмадима, кўкариб кетган-ку! Бўғиб ўлдиришган, – дейди Шодиёр билагонлик қилиб.

– Ким ўлдирган бўлса?

– Ким билади?! Агар бу ердан тезроқ кетмасак, аниқ биз ўлдирган бўламиз!

Боядан бери бошимда чарх ураётган фикрни шеригимдан эшитиб, баттар эзилдим. Бойлик

орттириш мақсадида бошлаган ишимдан минг бир пушаймон бўлдим... Ташқарига отилдик. Шодиёр ортга қайтиб, қўл изимиз тушган жойларни артиб чиқди. Ортга қайтдик. Машина изи қолишидан хавотирда эдик. Бахтимизга ёмғир қўйди. Шовуллаб ёғаётган жала изларимизни бекитгандай эди...

Талъат жимиб қолди. Фахриддин ҳам гумондорнинг фикрларини жамлаб олишига изн бергандай бир муддат жим турди. Сўнг босиқлик билан сўз қотди:

– Ҳа, иккимизнинг ҳам аҳволимизга ҳавас қилиб бўлмайди. Сизга ўзингизнинг айбисизлигинизни исботлаш қанчалик мураккаб бўлса, менга ҳам сизнинг айдорлигинизни исботлаш шунчалик қийин кечади.

Талъат терговчидан бундай гапни кутмаган шекилли унга ҳайрат билан тикилди. У терговчи ҳозир ўрнидан разаб билан туриб, уни итдан баттар қилиб сўқади, ҳақорат қиласи, «чўпонни сен ўлдиргансан, яхшиликча бўйнингга ол, акс ҳолда умрингни қамоқда чиритаман» дея роса бақирса керак деб ўйлаганди. Йўқ, адашган экан. Ундай бўлиб чиқмади. Терговчи ўзини унга хайриҳоҳдай тутаяпти. Негадир у ҳамма терговчиларни сержаҳл, тили заҳар, одамни қамашдан бошқага ярамайдиган кишилар деб ҳисобларди. Бу одам терговчига ҳам ўхшамайди-я! Тавба...

– Сизлар ўзларингизнинг жиноий режаларингиз ҳақида бирор кимсага айтганмидингизлар? – терговчининг саволи Талъатнинг хаёlinи бузди.

- Йўқ, ҳеч кимга айтмаганмиз!
- Балки Шодиёр айтгандир!
- Йўқ, бўлиши мумкин эмас. Унинг оғзи маҳкам!
- Балки сизга ўхшаб бирор кимса бехосдан сизларнинг гурунгларингизни эшитиб қолгандир.
- Бунака бўлиши эҳтимолдан йирок!

– Сизлар мурдани кўрган биринчи гувоҳсизлар, айтинг-чи майит қай ҳолатда ётган эди? – терговчи гапни бошқа ёққа бурди.

– Юзтубан ерга қараб ётганди. Соғ одам бундай ётмайди. Мен дастлаб масти бўлса керак деган фикрга бордим.

– Унда сиз майитнинг Норбўта чўпонга тегишли эканлигини қандай билдингиз?

– Шодиёр унинг бўйин томирини ушлаб кўриб, юраги урмаётганини, нафас олмаётганини, аллақачон ўлганлигини билди. Менимча, ўша пайтда унинг юзига кўзим тушди. Дарров танидим.

– Майли сизларнинг чўпоннинг ўлимига алоқаларингиз йўқ деб ҳисоблайлик, унда нима сабабдан қотиллик тўғрисида хуқуқ-тартибот идораларига хабар қилмадинглар? – терговчи жиддийлашди.

– Ким бизга ишонарди! Унда бизни қамокқа тикишарди. Асосийси бизда бу жиноятни содир қилмаганилизни тасдиқловчи далил йўқ эди. Ҳамма нарса бизга қарши эди. Шунинг учун кўрқдик.

– Унда нима сабабдан чўпоннинг мулкини фирибгарлик йўли билан ўзлаштиromoқчи бўлганликларингизни, яъни бошқа бир жиноятни осонликчата олдингиз?

Талъат бир оз сукут сақлаб, сўнг оҳиста жавоб қайтарди:

– Гарданимизга қотиллик жиноятини осмасингиздан, бор ҳақиқатни айтишга мажбур эдик. Ҳазрати Баширга борганимиз аниқ бўлгандан кейин сизга «Норбўта чўпонни соғиниб, кўришга бордим» десам ишонармидингиз?

– Фикрлашингиз чакки эмас! Лекин бари бир сизни вақтинча ушлашга мажбурмиз, – терговчи ўрнидан қўзғалди. – Сизга ўйлаб кўришга, бизга текшириб, масалага ойдинлик киритиш учун 72 соат вақт берилади.

– Айбимизга яраша жазо олишга тайёрмиз! Фақат пешанамизга қотиллик тамғасини ёпиштир- масангиз бас! – Талъат беүхшов илжайди.

– Ҳар ким қылмишига яраша жазосини олади. Ҳеч ким беайб жазога тортилмайди. Бундан хавотир олманг! – Фахриддин ёрдамчисига ҳужжатларни тегишли тартибда расмийлаштиришни тайинлаб, Фарҳод Шириновичнинг хонаси томонга юрди...

Шу куннинг ўзида ўтказилган сўроқ давомида Раиса Халиловна ҳам, Шодиёр ҳам Талъатнинг кўргазмаларини тасдиқлашди. Шодиёр ҳам гумондор сифатида ушланди...

Фахриддиннинг боши қотди: бу ёғи қандоқ бўлди! Уч одам қамоқда. Лекин уларнинг бу қотилликка алоқалари борми-йўқми буниси номаълум. Иш кундан-кунга чигаллашиб бормоқда! Бу томонда Ҳикматнинг сирли қылмишлари... Бу томонда Талъат билан Шодиёрнинг «эртаклари»... Хўш, улар чўпонни ўлдириши мумкинми? Назарий жиҳатдан – ҳа! Айтайлик, бошида уларда чўпонни гумондон қилиш режаси бўлмаган. Лекин Норбўта шунча тиллани қарзга беришга унамаган. Пулини беришни талаб қилган. Албатта шоввозларнинг чўнтағида шунча пул бўлмаган. Ниғоқ келиб чиққан. Йигитларга осонгина бойиш нияти тинчлик бермаган. Мўмайгина бойликни ташлаб кетиш оғзидаги сукни олдириш билан баробар бўлмайдими? Чўпон ҳам паст келмаган. Қаттиқ, қаршилик қиласан. Жиноятчиларнинг чўпонни ўлдиришдан бошка чоралари қолмаган! Жиноят жойида бўлишганлиги фош бўлгач, ноилож жиноягини қисман бўйнига олишмокда. Қотилликдан кўра фирибгарликда айбланиш енгилроқ-да! Лекин Талъатнинг кўргазмалари Шодиёрнига айнан мос келганини қандай тушуниш мумкин? Балки улар қўлга тушишларини олдиндан сезиб, тил бириктириб олишгандир. Балки айтганлари ростдир...

Воқеаларнинг бундай ривожи Фахриддин Каримовични Санжарбек ва Маҳкамни Самарқандга чақиришга мажбур этди. Тергов гуруҳи иккига бўлинган ҳолда ишга киришди. Биринчи кичик гуруҳ Ҳикмат ва унинг сирли китоблари билан, иккинчи гуруҳ Талъат ва унинг шериги билан шуғуллана бошлади. Вақт зикр эди. Қонунда кўзда тутилган 72 соатлик ушлаб туриш муддатининг ўтиши нафақат гумондорларни қўйиб юбориш, балки жиноят излари ва далилларни йўқ қилиш, гувоҳларни бартараф этиш, терговни чалғитиш учун замин яратиши мумкин эди. Терговчилар кечани-кеча, кундузни – кундуз демасдан ишлар, ҳар бир тахмин, ҳар бир ҳолатни чуқур таҳдил қилишар, ҳужжатларни ўрганишар, турфа ахборот ва маълумотларни тадқиқ қилиб, тегишли хуносалар чиқаришдан чарчашмасди. Аммо, барча чиранишлар бефойда кетарди. Гўёки ишни тергов қилганлари сари ҳақиқат улардан узоқлашиб кетаётгандай, бошида оддийдек туюлган қотиллик ўта мавҳум, сирли жумбоққа айланиб бораётгандай эди...

Фахриддин Ҳикматни қанчалик яқиндан билгани сари унинг анчагина пухта ва уддабурон, билимли ва зукко, айни пайтда пул учун, мол-давлат учун ҳеч нарсадан тап тортмайдиган одам эканлигини ҳис қиласди. У ҳар қандай вазиятдан устамонлик билан чиқиб кетишни уddeлар, қўйқисдан берилган мураккаб саволларга ҳам ҳозиржавоблик билан маънили жавоб қайтаришни эпларди.

Терговчиларнинг «Қарши шаҳрига нима мақсадда боргансиз, нима сабабдан аслида бўлмаган конференцияга бориш учун хизмат сафарига қалбаки ҳужжат расмийлаштиргансиз?» деган саволларга ҳеч иккиланмасдан Қаршига ўз юмуши билан борганини, курсдош дўстларининг тадбирида қатнаш-

ганлигини, иш жойдан жавоб олиш учун унинг илти-  
мосига кўра дўстлари конференцияга сохта таклиф-  
нома тайёрлаб берганлигини, айбига иқрорлигини,  
чин кўнгилдан пушаймонлигини, давлатга етказил-  
ган заарни тўлашга тайёр эканлигини билдириди.  
Унинг кўрсатмаларини Қарши шаҳридаги Эркин,  
Чоршанби исмли ўртоқлари ҳам тасдиқлашди.

Ҳикматдан олинган китобларни ўрганиб чиққан  
Камолхон Каттаев раҳбарлигидаги олимлар гурухи  
тайёrlаган хulosада қўлёзмалар чиндан ҳам қа-  
димий ва ноёб эканлиги, улар бир пайтлар йўқо-  
либ кетган Амир Темур кутубхонасиغا тегишли  
бўлиши мумкинлиги, мазкур дурдона асарларнинг  
топилиши фанда оламшумул янгилик сифатида  
баҳоланиши лозимлиги қайд этилганди.

Фахриддин хulosани дикқат билан ўқиб чиқар  
экан, тергов қилаётган иши бўйича силжиш бўл-  
маса-да, ҳар ҳолда илму фанга нафи текканидан  
қалбida қандайдир қониқиши пайдо бўлганини ҳис  
қилди. Қўлёзмаларнинг қимматини теранроқ, анг-  
лаш ва бу билан ўзининг илмга қўшаётган хизмати  
салмоғини билиш мақсадида кечки пайт суҳбатга  
гуруҳ раҳбарини таклиф этди.

– Камолхон ака, мен хulosangizни дикқат билан  
юқиб чиқдим. Бу китоблар чинданам шунчалик  
ноёб ва қадимийми? – терговчи атайлаб ҳамсуҳба-  
тини мунозарага чорлади.

– Нимасини айтасиз Фахриддинжон! Сиз топган  
китобларнинг тенги йўқ! Нақ хазинанинг ўзи! Фан  
оламида кейинги ўн йилликда рўй берган энг ға-  
ройиб воқелик деса бўлади! Сизга олимлар номи-  
дан катта раҳмат, азизим!

– Сизларга раҳмат! Агар сизлар бу асарларни  
юқиб, бизга маъносини етказмасангизлар, бизлар  
уларни оддий китоб сифатида баҳолардик-қўярдик.

– Шунча йиллар давомида бу дурдона асарлар  
қўлдан-қўлга ўтиб, қадрсиз ётган. Мана энди сиз-

ларнинг шарофатингиз билан халқимиз мулкига айланди. Ахир уларнинг кўпчилиги йўқолиб кетган деб фараз қилинарди, фанга номаълум эди, – Олим стол устидаги китоблардан бирини қўлга олди. – Масалан, мана бу асар юртдошимиз Мусо ал-Хоразмий қаламига мансуб. Унинг 9 та илмий асаридан 7 таси бизгача етиб келган. Иккитаси фақат бошқа манбаларда тилга олинган. Яратганга шукрки, алгебра фани асосчиси бўлган бу буюк энциклопедик олмининг яна бир китоби қўлимизга тегди. Ўн асрдан зиёд бу бебаҳо дурдонани кўз қарогида сақлаган яхшиларнинг қабрлари Қуръони Каримнинг муборак нурлари или мунаввар бўлсин, омин!

Дуога қўл очишиб, юз силашдилар. Фахриддин Каримович сухбатдошининг гапларидан таъсирланиб, бир муддат жимиб қолди. Жуссаси кичкина бўлса-да, катта иқтидор эгаси бўлган бу инсон билан китоблар ва уларнинг муаллифлари тўғрисида мириқиб сухбат қуриш истаги бўлса-да, шу пайтда асосий ишдан чалғишининг мавриди эмаслигини ўйлаб, истар-истамас мавзууни ўзгартирди:

– Домла, мен сизга биз тергов қилаётган жиноят тафсилотларини гапириб бергандим. Айтинг-чи, бу китоблар бир чўпоннинг қўлига қандай тушиб қолган бўлиши мумкин?

– Бу нарсанинг тарихи жуда узоққа бориб тақлади, чамамда! – олим терговчи узатган чойдан бир ҳўплаб, гап бошлади. – Бу хусусда менда бир неча тахминлар бор...

– Хўш-хўш, қанақа тахминлар экан?

– Сиз Амир Темур кутубхонаси тўғрисида эшитганмисиз? – саволга-савол билан жавоб берди олим.

– Йўқ, эшитмаган эканман!Faқат сиз ёзган хулосада бу ҳақда тилга олинган экан, – терговчи «наҳотки туппа-тузук зиёли киши шуни билмаса!» деган дашном эшитишдан чўчиса-да, ростини тан олди.

– Бу табиий! Сизу биз ўқиган даврда бу ҳақда гапиришнинг имкони бўлмаган, дарсликларда бу мавзу четлаб ўтилган. Фақатгина мустақиллик йилларида аждодларимизнинг бебаҳо мерослари ни ўрганишга имкон яратилди...

– Тўғри айтасиз! – Фахриддин қўл телефонидаги соатга бир қараб қўйди.

Камолхон домла терговчининг вақтдан сиқила-ётганини фаҳмлаб, бошлаган мавзусига қайтди:

– Бу кутубхона баъзи манбаларда Амир Темур кутубхонаси, бошқа манбаларда Мирзо Улуғбек кутубхонаси номи билан машҳур. Ҳар иккаласи ҳам тўғри. Сабаби кутубхонага Соҳибқирон Амир Темур асос солган. У бу кутубхонага даставвал Туровн замин алломаларининг кўп асрлик ижодий меросини жамлаган. Сўнг узоқ йиллар давомида кутубхонани ўзи забт этган давлатлардан олиб кelingан ёзма манбалар билан тўлдириб борган. Айтишларича, марифатпарвар бобокалонимиз қайси давлатта бормасин олтину зардан кўра китобларни Самарқандга олиб келишни хуш кўрган. Тақдир тақозоси билан Ҳиндистон, Ироқ, Эрон, Сурья, Ассирия, Вавилон, Арманистон, Туркияning йирик кутубхонасида сақданаётган грек, лотин, араб, арман, форс ва бошқа тиларда яратилган нодир китоблар, битиклар, қўлёзмалар, мамлакат пойтахтига келтирилган ва Кўксаройда – Амир Темур кутубхонасидан жой олган. Масалан, ривоятларга кўра Туркияning Брусс шаҳридаги машҳур «Антик Пергам» кутубхонасидан антик даврнинг буюк олимлари Аполлон, Антигон Каристекий, кичик Ненаф ва бошқа машҳур олимларнинг асалари Самарқандга олиб келинган. Китобларнинг кўпчилиги ўта ноёб ва ягона нусхада бўлган. Жумладан, кутубхона фондида VII асрнинг биринчи чорагида куфий хати билан қўчирилган Қуръони

Каримнинг фанда «Усмоний Қуръон» номи билан машҳур нусхаси сақланган. Таассуфлар бўлсинки, Амир Темурнинг машҳур кутубхонасидан бизгача етиб келган оз сонли китоблар орасида «Усмоний Қуръон» ҳам бор...

Камолхон домла «зерикиб қолмадингизми?» дегандай ҳамсуҳбатига қараб қўйди. Фахриддин Каримович сұхбат йўналиши у кутганидан бошқа томонга оғиб кетаётганини ҳис қиласа-да, эшитаётгандари қизиқарли бўлганлиги боис домлани диққат билан тинглаб туради. Бу нотиқни илҳомлантириди:

– Соҳибқирон вафотидан кейин кутубхонани янада бойитишда унинг ўғли Шоҳруҳ Мирзо ва суюкли набираси Мирзо Улуғбек ҳазратларининг хизматлари бекиёс бўлган. Ёнида Мавлоно Аҳмад, Қозизода Румий, Фиёсiddин Жамшид Коший, Шамсуддин Муҳаммад Ҳавафий, Мавлоно Муиддин Кошоний, Али Кушчи сингари Мовароуннаҳр ва Хуросоннинг 100 га яқин номдор олимларини тўплаб, математика, астрономия, география ва бошқа йўналишларда катта илмий изланишлар олиб борган Улуғбек бобоси асос солган кутубхонани янги ва янги адабиётлар билан бойитган, уларни кўз қорачиғидей асраб, келажак авлодларга етказишини ўйлаган. Мирзо Улуғбекнинг 40 йиллик ҳукмронлиги давридаги мамлакатда ҳукм сурган тинчлик, осойишталик, хотиржамлик илму фан, санъат ва маданиятнинг ривожига, улкан бунёдкорлик ишлари тараққиётига сабаб бўлган. Аммо бир кун келиб, эзгулик ўрнини жаҳолат, илму маърифат ўрнини хурофот эгаллаши, натижада кутубхонанинг йўқ бўлиб кетиши тўғрисидаги хавотир Амир Темурни ҳам, Мирзо Улуғбекни ҳам умр бўйи қийнаб келган. Негаки, тарихда бундай мисоллар кўп учраган... Бир гуруҳ жоҳил дин пешволари таъсирига тушган шаҳзода Абдулатифнинг тожу таҳт учун ўз отасига қарши бош кўтари-

ши Мирзо Улубекнинг ўз жонидан кўра бобосидан қолган ноёб кутубхона хусусида жиддийроқ бош қотиришга мажбур қилган. Абдулатиф ва унинг бир гурӯҳ гумашталари мабодо таҳт тепасига келиб қолса, кутубхонанинг кулини кўкка совуриши, расадхонани яксон қилиши аниқ эди. Шу туфайли Улубек ҳаётини хатарга қўйиб бўлса-да, то доруломон кунлар келгунга қадар кутубхонани ишончли жойга яшириб қўйишига, шу йўл билан бобосидан қолган ва ўзининг ҳам жуда катта меҳнати сингган нодир ёдгорликни авлодларга етказишга қарор қиласди. Бу ишни ўзининг энг яқин, энг иқтидорли ва ишончли шогирди, замонасиининг буюк математик, астроном олими Али Қушчига топширади...

Али Қушчи номини эшитиб, терговчи бир қалқиб тушди. Шу тобда унинг хаёлидан «Товба, негадир кейинги пайтда шу буюк зотнинг муборак номи тез эсга олинмоқда. Али Қушчининг китоби, Али Қушчи қишлоғи... энди эса кутубхонани яширган олижаноб инсон, фидойи олим...» деган фикр ўтди.

– Шу хусусда олимлар орасида бир қанча тахминлар бор, – домла терговчининг хаёlinи бўлиш учун атайлаб, баландроқ овозда гапира бошлади.

– Биринчи тахмин, кутубхона Кўксарой остидаги ёхуд Амир Темур саройларидан бирининг тагидаги маҳсус ертўлага яширилган ва унга кириш йўли фақат Улубекка маълум бўлган. Бу тахминни илгари сурувчи олимлар Мирзо Улубек кутубхонаси жуда катта эканлиги, бундай улкан карвонни ҳеч кимга билдирамасдан шаҳардан олиб чиқиб кетишининг мумкин эмаслиги билан изоҳдашади. Бундан ташқари кўпгина манбаларда Самарқанд шаҳридаги муҳим обьектларни бир-бири билан туташтирувчи ер ости йўллари бўлганлиги қайд этилган. Ушбу ер ости йўлларининг харитаси қаттиқ сир сақланган. Мазкур тахмин тарафдорларининг

фикрига кўра маҳсус ясалган сандиқларда ҳамон ўша жойда сақланмоқда. Афсуски, ҳали бу борада изланишлар ўтказилмаган, шаҳар остидаги йўлларда қазиш ишлари деярли олиб борилмаган. Ўтган йиллар давомида хазинани кимдир топиб олганлиги ҳам ҳақиқатдан йироқ. Негаки, ҳақиқатда тилга олинган кутубхона фонди катта бўлган. Агарда кутубхона топилганда унда сақланган китоблардан ҳеч бўлмагандан бир қисми мутахассислар қўлига тушган бўларди. Иккинчи тахмин, Али Кушчи кутубхонани вақтинча бирор жойга яширган ва кейинчалик уларни ўзи билан Туркияга олиб кетган. Бу мулоҳаза бизнингча, унчалик асосли эмасдай. Сабаби биринчидан, Али Кушчи устози вафотидан кейин 6-7 йил Ҳазрати Башир қишлоғида, кейинчалик Самарқандда яшаб, ижод қилган. Орадан анча вақт ўтгандан кейин Туркия сафарига чиққан. Иккинчидан, ёзма манбаларда унинг сафарга бир неча хос одамлари ҳамроҳлигига кичикроқ карвон билан кетганлиги зикр этилган. Учинчи тахмин, Мирзо Улуғбек вафотидан сўнг кутубхона талон-торож қилинган ёки ёндириб юборилган. Бу тахмин ҳам анча ишончсиз. Агарда шу воқеа юз берганда бу қабиҳлик ва уни амалга оширган шахслар ҳақида тарихчилар ўз солномаларида ёзган, фикр билдирган бўларди. Яна бир тахмин 1911 йилда «Туркистанские ведомости» газетасида Амир Темур кутубхонаси билан боғлиқ бир мақолада қайд этилган. Унда россиялик журналист Вовченконинг ҳикоясига асосланиб, бир ривоят келтирилади. Ривоятда айтилишича, Соҳибқирон Амир Темур китобни жуда севган ва дунёда энг катта кутубхона ташкил қилган. Ул муборак зот ўз ўлимни олдидан кутубхонасидаги китобларнинг нобакор шахслар қўлига тушиб қолишидан қўрқиб, китобларни шаҳардан

ташқаридаги форга яширган ва ер юзида ёмонлик, ноҳақдик тугамагунча кутубхона китоблари дахлизиз бўлиб қолиши шарт, деб дуо қилган. Амир Темур руҳи ҳар йили бир неча маротаба кутубхонага келиб шамолдан сўрар эмиш. Гарчи бу бир ривоят бўлса-да, улуғ бобомизнинг илмга, китобга эътиқодини, юртига фидойилигини, келажакка ишончни ифодалаш билан бирга халқнинг ўз соҳибқиронига муҳаббати ва ихлосини ўзида акс эттирган. Ва ниҳоят бешинчи тахмин, кутубхона Али Қушчи томонидан Самарқанддан тунда ҳеч кимга сездирмасдан каттагина карвонда олиб чиқиб кетилган ва Китоб туманидаги Ҳазрати Башир қишлоғи атрофидаги форга яширилган. Кўпчилик тарихчи олимлар шу тахминни ҳақиқатга яқинроқ деб ҳисоблашади. Нимага деганда, Али Қушчи Улуғбек ҳазратларининг энг суюкли ва ишонган шогирди бўлган. Кутубхонани яшириш уни кўмиб ташлаш, йўқ қилиш дегани эмас. Бу иш кишидан юксак билим, нозик дид, уддабуронлик ва алоҳида иқтидорни талаб қиласди. Али Қушчи ана шундай сифатларга эга олим эди...

– Сиз ўзингиз қандай фикрдасиз! – бутун вужуди қулоққа айланиб тинглаб турган Фахриддиннинг сабри чидамади.

– Менимча, охирги тахмин тўғри, – Камолхон домла қандайдир бир ўзгача ишонч билан гапирди. – Мен бу ҳақда кўп ўйладим. Ҳаммасини тарозига солиб, таҳдил қилиб чиқдим. Мантиқий холоса чиқардим: демак, тарихда Амир Темур ёки Мирзо Улуғбек кутубхонаси номини олган нодир ва бой кутубхонанинг бўлганлиги юз фоиз аниқ. Кутубхонанинг йўқ қилинмаганлиги, бошқа давлатларга олиб чиқиб кетилмаганлиги бу ҳам факт. Шундан келиб чиқиб, айтиш мумкинки, кутубхона Самарқанд ёки унинг атрофидаги ишончли жойда сақланмоқда. Шунда

бизда иккита тахмин қолади. Кутубхонанинг Самарқанддаги ер ости горига яширилганлиги ҳақидағи тахминни ўрганиш ҳам ижобий натижаш бериши мумкин. Негаки, ўша даврларда ҳарбий ва ҳимоя мақсадларида ер ости йўллари тизими анча такомиллашган бўлган. Ривоят қилишларича, ҳатто Самарқанд ва Бухорони боғловчи ер ости йўли мавжуд бўлган эмиш. Кўксарой, Регистон, Гўри Амир, Шохизинда мажмуаларини бир-бири билан туташтирувчи мураккаб ва яширин ер ости иншоотларининг мавжуд бўлганлиги бу тахминга умид билан қарашга унданади. Аммо бу тахминни йўққа чиқарувчи битта ҳолат борлигини унумаслик лозим. Бобокалонларимиз узоқни кўзловчи, фаросатли ва уддабурон инсонлар бўлишган. Мирзо Улуғбек, Али Қушчи кутубхонани яширас эканлар, ундан фойдаланиб туриш, вақти-вақти билан шамоллатиб, қўлёзмаларининг сифатини йўқотишнинг олдини олиш чораларини ўйламасликлари мумкин эмас эди. Агарда кутубхона ер ости йўлакларига яширилганда ҳокимият алмашганда у ерга Али Қушчининг ўзи ҳам қадам босолмай қолган бўларди. Олим учун кутубхона фонди сув ва ҳаводай зарур эканлиги инобатга олинса, масаланинг моҳиятини англаш қийин бўлмайди. Бошқа томондан эркин бориш имкони бўлмаган жойдаги китобларнинг ҳолидан хабардор бўлиб туриш қийин кечишини ҳам унунтмаслик керак.

Шу нуқтаги назардан қараганда, Али Қушчининг дарвеш кийимида тун қоронфисида кутубхонани Самарқанддан карвонда Тўй Темур йўли орқали Шаҳар довони оша Падаркуш тогига олиб бориб, олдиндан тайёрлаб қўйилган форга яширганлиги ҳақидағи тахмин анчагина ишончли кўринади. Бу тахминнинг ҳақиқатга яқинлигини яна қўйидаги ҳолатлар билан ҳам изоҳлаш мумкин: биринчидан, Али Қушчи у жойларни яхши билган. Ўзи Самарқандда вояга ет-

ган бўлса-да, келиб чиқиши ўша ёқдан бўлганлиги унга кўзлаган ишини амалга оширишда қўл келиши табиий эди. Иккинчидан, Амир Темурга ҳам, Мирзо Улуғбекка ҳам бу жойлар беш қўлдай таниш бўлган. Улар жанубга асосан шу йўл орқали ўтган. Юришлиридан зафарли қайтгандан аҳди Самарқанд шу ерда кутиб олган. Учинчидан, бу жой кутубхонани одамлар кўзидан йироқ, бехатар ва ишончли сақданиши учун ҳар тарафлама қулай. Бундан ташқари Али Кушчи ёки унинг ишончли одами зарурат бўлганда кутубхона фондларидан фойдаланиш, китобларниң сақданишини вақти-вақти билан назорат қилиб бориш имконига ҳам эга бўлган. Устозининг васиятини чин дилдан адо этган буюк олим шу мақсадда 7 йилга яқин кутубхона яширилган ғорга яқин жойда яшаганлиги ҳам бежиз эмас. Шу даврда у кутубхонанинг сақданишини кузатиб турган. Кўлёзмаларниң чириб кетмаслиги олдини олиш чораларини кўрган. Тегишли шарт-шароитлар ҳозирлаган. Кутубхонани янги жойга мослашишини таъминлаган. Ва табиийки, ундаги китобларни саралаган, улардан илмий изланишларида фойдаланган, энг зарур қўлланма ва асарларни танлаб олган ва кейинчалик уларни ўзи билан Туркияга олиб кетган. Бу ҳақда эл ичида ҳар хил ривоятлар юради. Уларниң бирига кўра, Китоб туманидаги Али Кушчи қишлоғида ўтган асрнинг бошида шу ерлик Мансур Хожа деган киши оғил қураётгандаги молхона остидан ясси ва катта бир тош чиққан. Тошни кўпчилик бўлиб қўтариб олишган. Тошнинг остида 3 метрлар чамасида чуқур бўлган. Бу чуқурга 4-5 киши арқон ёрдамида тушишган. Шунда улар Ҳазрати Башир қабри бўлган тепалик остига қараб ер ости йўли борлигини кўришган. Чуқурга туширилган кишилар шу йўлдан 40 метрлар чамаси юришганда кўркув пайдо бўлади. Шу боис улар ташқарига чиқишиб, тошни жойига кўйиб, чуқурни ёпиб ташлашган. Одамларниң айти-

шича, ўша ер ости йўли яширилган кутубхонага олиб бориши мумкин. Айрим ривоятларда Ҳазрати Башир қишлоғидаги масжидда Улуғбек замонига мансуб мол терисига ёзилган, икки киши зўрға вараклай оладиган китоблар сақлангани, Шўролар даврида бу китоблар қаровсизликдан йўқ бўлиб кетгани айтилади.

Таъкидлаш керакки, мазкур тахмин қўллаб-қувватламайдиган олимлар асосан бир нарсага ургу беришади. Мирзо Улуғбек 1449 йилда ўлдирилганлиги ҳисобга олинса, кутубхонани кўчириш ишлари тахминан 1448–1449 йилларда амалга оширилганлиги аён бўлади. Унда Али Қушчи тахминан 1456 йилларга қадар Ҳазрати Башир қишлоғида яшаган. Щундан сўнг у яна тахминан 16 йил Турон заминда яшаб, ижод қилган. 1572 йилда 70 га яқинлашганда Ҳаж сафарига отланган. Савол туғилади: Нима сабабдан Али Қушчи шу 20 йилдан зиёд вақт давомида Мирзо Улуғбек кутубхонаси ни ўз жойига кўчириб келиш чорасини кўрмаган? Нима сабабдан кутубхонанинг тақдирини хатарга қўйган? Ахир Абдулатиф вафотидан кейин 1457 йилда Самарқанд тахтига ўтирган Султон Абу Саид, 1469 йилда Ҳирот тахтини эгаллаган Ҳусайн Бойқаралар илму маърифатни қўллаб-қувватловчи ҳукмдорлар бўлмаганми?

Домла «сиз нима дейсиз?» дегандай терговчига тикилди.

– Уларнинг фикрлашида ҳам жон борга ўхшайди. – Фахриддин хулоса қилди. – Кутубхона жоҳил кучлар ҳокимият тепасига келиши муносабати билан яширилган. Кейинчалик маърифатли ҳукмдорлар тахтга чиққач, Али Қушчи агарда у ҳақиқатда шу ишларнинг бошида турган бўлса, кутубхонани жойига – Самарқандга қайтарган бўлармиди!

– Мулоҳазаларингиз жўяли. Аммо Али Қушчи жуда зукко, доно одам бўлган. Устози унга кутуб-

хонани яширишни васият қилар экан, биринчи навбатда бу нодир битикларнинг келажак авлодларга етиб боришини ўйлаган. Ривоят қилишларича, Улугбек Султон ўз васиятида шогирдига мамлакатда тўла тинчлик ва хотиржамлик барқарор бўлмагунча, ҳокимият тепасига илму урфонни, илм аҳлини қадрловчи ҳукмдор келмагунча, Турон заминда осуда ҳаёт бошланмагунча кутубхонани ошкор этмасликни такрор-такрор уқтирган. Устози васиятига охиригача содик қолган Али Қушчи мамлакатда ҳокимиятнинг тез-тез алмашиниб туришидан хавотирда бўлган. Тахт тепасига қисқа муддат эзгу кучлар келса-да, сал ўтмай уларни ёвуз кучлар маҳв этган. Тожу тахт учун қирғинбарот курашлар давом этаверган. Бундай шароитда кутубхонани ошкор этиб, жойига кўчириб келиш унинг тақдирини хатарга қўйиш билан баробар эди. Буни яхши англаган Али Қушчи кутишга қарор қиласди ва йигирма йилдан ортиқ шу орзу билан яшайди. Аммо бу даврда Темурийзодалар ўртасида кечеётган тахт учун курашлар тўхтамайди. Мамлакатда рўй берәётган сиёсий жараёнлардан тўлиқ хабардорлиги уни таваккал қилишига йўл бермайди. Менимча, Туркия сафари олдидан буюк олим кутубхона ҳакида ўзининг энг яқин кишисига айтган ва ундан устози васиятини адо этишни илтимос қиласан. Агарда бу ишларни бажаришга унинг умри етмаса, ўз навбатида у ҳам бир инсофли ва ишончли кишиига (масалан фарзандига) шундай васият қолдиришни сўраган...

– Сизнинг мулоҳазаларингизга кўра васият авлоддан-авлодга ўтиб, бугунги кунгача етиб келган бўлиши мумкин, шундайми? – Фахриддин масала-га ойдинлик киритган бўлди.

Домла «шундай-шундай» дея бош чайқади.

– У ҳолда ҳозир бизнинг орамизда кутубхона яширилган жойни биладиган одам бор экан-да!

Хўш, мана доруломон кунлар келди. Ватанимиз мустақилликка эришди. Юртда тинчлик, осойишталик, хотиржамлик барқарор бўлди. Илм, илм аҳли қадр топди. Унда нега ўша инсофли шахс Улурбек Мирзонинг васиятини бажаришга, кутубхона сирини ошкор қилишга шошилмаяпти?

– Гапингизда жон бор, – босиқдик билан сўз бошлади домла. – Аммо орадан 500 йилдан зиёдроқ вақт ўтганини, камида 25 авлод алмашганини, шу даврда урушлардан, оғатлардан, бедаво дардлардан қанчадан-қанча одамлар нобуд бўлганини унумаслик керак. Қайси бир даврга келиб, занжир узилган бўлиши мумкин. Васиятнинг бирор ноинсофнинг қўлига тушиб қолган бўлиши ҳам эҳтимолдан ҳоли эмас.

– Энди нима бўлади? – соддалик билан сўради терговчи.

– Бу бир тахмин холос. Ҳар ҳолда шу кутубхонага тегишли китобларнинг одамларнинг уйидан топилиши мени шундай фикрлашга мажбур этмоқда...

Жимиб қолишиди. Шу тобда ҳар ким ўз хаёли билан банд эди. Бошида домланинг тарихни тит-килаб, эзмаланишидан, ўзининг асосий масаладан четлашаётганидан безовта бўлиб турган Фахриддиннинг энди суҳбатдан кўнгли тўлиб, қалби ёриша бошлаганди: Домлани суҳбатга тортиб тўғри қилган эканман. У айтган нарсалар терговга нафи тегиши мумкин. Нафи текканда қандоқ! Янги тахминни илгари суришга асос бўлади. Норбўта чўпоннинг ўлими билан Мирзо Улурбек кутубхонаси ўртасида боғлиқдик борга ўхшамайдими? Балки Норбўта Али Кушчи устози васиятини адо этишини ишониб топширган шахснинг авлодидир. Балки чўпоннинг уйидан топилган тиллалар кутубхона китобларини сотиш эвазига йифилган маблағдир. Балки чўпоннинг отаси ҳам шу иш билан шугуллануб келгандир...

– Бошқача бўлган ҳам бўлиши мумкин, – деди чўпон терговчининг фикрини уққандек. – Али Кушчи китоблардан бир қисмини Ҳазрати Баширга, қишлоқ масжидига тухфа қилган. Айтишларича, Ҳазрати Башир зиёратгоҳида яқин-яқинларгача турли хил нодир қўлёзмалар сақланган. Зукко олим бу ишни икки мақсадни қўзлаб қилган бўлиши керак: биринчидан, ўзининг ва устози Мирзо Улуғбекнинг Ҳазратга эътиқоди баландлигидан. Иккинчидан, кутубхонанинг бир қисмини халқقا ошкора ҳадя қилиб, асосий фондни одамлар хаёлидан чиқариш мақсадида. Тўғри-да, кимдир Али Кушчи Мирзо Улуғбек кутубхонасини Самарқанддан олиб чиқиб кетганлигини сезиб қолса, китоблар халқقا тортиқ қилингандиги маълум бўлади. Кутубхонанинг асосий фонди ҳар қандай хавотирдан ҳоли бўлади.

– Агар ҳақиқатда шундай бўлган бўлса, Али Кушчи кутубхонанинг сирини нариги дунёга ўзи билан олиб кетган бўлмайдими? – деди Фахриддин хавотири ортиб.

– Тўғри фикладингиз, азизим! – деди домла кулимсираб. – Аммо такрор айтаман, Али Кушчи ўта зийрак, ақлли инсон бўлган. Агарда у кутубхона сирини ҳеч кимга ошкор қилмасликка қарор қилган бўлса, уни авлодларга етказишнинг албатта, бошқачароқ йўлини топган бўлиши лозим. У шундай нодир кутубхонани форга яшириб, унинг бир кун келиб, бус-бутун ҳолда авлодлар қўлига тушиш механизмини яратмасдан бемалол Ҳаж сафарига отлана олмасди.

– Қанақа механизм? – терговчининг таажжуби ошди.

– Бу менинг бир тахминим. Математиклар тиљида айтганда «аксиома». Локин, қўлимда ҳеч қанақа исбот-далилим йўқ, азизим! – домла бир оз ўйланиб, сўнг давом этди. – Ҳар хил гаплар билан сизнинг ҳам бошингизни қотириб ташладим-а!

– Йўқ, йўқ! Суҳбатингиз мен учун жуда мароқли! Илтимос, тахминингиз ҳақида батафсилоқ гапириб беринг!

– Али Қушчи буюк математик ва астроном бўлганлигидан келиб чиқиб, менинг хаёлимда бир фикр кечади. Аллома ўша замонда кутубхона сирини ҳеч кимга ишона олмасди. Бир киши билган сир – сир, икки киши билган сир – сир эмас дейишади доно халқимиз. Таваккал билан иш тутиб, қанча машаққатлар эвазига асрлар давомида тўпланган ва фақат халқимизга тегишли бўлган бу ноёб хазинани хавф остида қолдиришга олимнинг ҳақи йўқ эди. Шу сабабли Али қушчи кутубхона сирини ҳеч кимга айтмаган бўлиши ҳақиқатга яқин. Аммо у бир нарсани ҳам яхши тушунган. Бу ноёб кутубхона сирини билган ягона одам дунёдан ўтиб кетса, сир сирлигича қолиб кетиши, кутубхона бошқа дунё юзини кўрмасдан абадий фор ости мулкига айланиб қолиши ҳам мумкинлиги унга тинчлик бермаган. Нима қилмоқ керак? Бу муаммога донишмандинг ўзи гаройиб ечим топган. Унга кўра, олим кутубхона сири – унинг яширилган манзили, координатларини ўз асалари ичига шифровка ҳолда сингдирган. Бу анчагина мураккаб ва ҳимояланган тизим бўлиб, уни бузиш ёки ичига кириб маъносини англаш кишидан жуда катта билим, иқтидор талаб қилган. Бу соҳада мутахассис бўлмаган ёки бунга иши тушмаган одам шифровкани кўрганда ҳам унга заррача аҳамият бермаслиги тайин. Али Қушчи бир нарсага умид қилган бўлса ажабмас. У қачонлардир Худо ярлақаган бу заминда тинч ва осуда ҳаёт бошланиб, илму фан равноқ топиб, юртнинг қайсиadir бир илмли ўғлони бу шифровкани очиши ва кутубхонани халқига қайтаришига ишонган. Шу йўл билан устози Мирзо Улуғбекнинг васиятини охиригача адo этмоқчи бўлган...

– Али Қүшчи фойдаланган шифровка тизими сизнинг тасаввурингизда қандай бўлган? – Фахриддин бир оз хижолат бўлиб, олимнинг сўзини бўлишга журъат топди.

– Мендаям сиз каби бу ҳақда аниқ тасаввур йўқ, азизим! Ҳар соҳанинг ўз усталари бўлади... Али Қүшчининг энциклопедик олим бўлганлиги ҳисобга олинса, шифровканинг анчагина мураккаб эканлигини ҳис этса бўлади.

– У ҳолда шифровкани очиш осон кечмаса керак!

– Бу аниқ! Аммо ҳозир интернет бор! Баъзи хакерлар унинг ёрдамида ҳар қандай мураккаб шифровкани ҳам очиши, ҳар қандай ҳимоя усулини ҳам синдириши мумкин.

– Домла, айтинг-чи, Али Қүшчи кутубхона сирини яшириш учун бошқачароқ усулдан фойдаланган ҳам бўлиши мумкинми?

– Албаттa мумкин!

– Масалан!

– Масалан, қуёшнинг чиқиши ва ботиши, ойнинг тўлиши ёки тутилиши, ернинг айланиши, сайёра-ларнинг ҳаракати, юлдузларнинг жойлашиши таснифида, тарихий воқеалар, ҳатто ғазал ва ашъорлар баёнида кутубхона сири яширилган бўлиши мумкин. Бундан ташқари Мавлоно Қүшчи жаноблари кутубхонанинг нодонлар қўлига тушиб қолишидан астойдил хавотирда бўлганлиги инобатга олинса, сирли битик бир жойда – бир манбада эмас, балки бир неча манбаларда бўлиб-бўлиб жойлаштирилган бўлиши ҳам мумкин. Демак, мантиқий хulosса асосида аввал ўша манбалар топилиши ва шундан сўнг улар бир бутун матн ҳолига келтирилиб, сирли лавҳа ажратиб олиниши лозим...

– Ўхў, роса мураккаб масала экан-ку! – терговчи гарчанд сухбатдошининг гапларигига унчалик ту-

шунмаган бўлса-да, ўзини ҳаммасини англагандай тутди. – Тушунарли!

– Мен бу ҳақда кўпроқ китобларда ўқиганман.  
– деди домла қўлидаги пиёлани стол устига қўя туриб.

– Раҳмат Камолхон ака! Сиз берган маълумотлар мен учун жуда қизиқарли ва қимматли бўлди. Терговга ҳам нафи тегса ажабмас. Ижозатингиз билан яна битта савол берсам.

– Марҳамат! Тортинманг, азизим!  
– Шундай ноёб, нодир кутубхонанинг борлиги аниқ экан, шу кунга қадар уни излаб топиш учун ҳаракатлар бўлганми?

– Албатта! Инглиз ёзувчиси М.Уоллес 1889 йилда кутубхонани қидириш ишларини олиб борган. Ундан оддин европалик олимлар Вамбери, Скайлерлар ҳам бу тўғрисида бош қотиришган. Чор Россияси истилосидан сўнг рус олимлари ҳам бу борада ўзларини синаб кўришган. Аммо барча ҳаракатлар зое кетган. Балки Амир Темур ҳазратларининг дуолари вожиб бўлиб, кутубхона истиқдол кунларга қадар ўзини босқинчи кучларга намоён этмасдан келганлиги ростдир.

– Демак, ҳали бу борада кўп ишлар қилиниши керак экан-да! – деди терговчи жилмайиб. – Сиз билан бир экспедиция ташкил қилсак, балки улуғ бобомизнинг кутубхонасини топиш бизга насиб қиласмиди?

– Қанийди! Мен ҳам анчадан буён шуни ў-й-ла-б ю-р-а-м-а-н-да! – Камолхон домла терговчининг ҳазилини жиддий қабул қилди.

– Аввал манову қотиллик ўлгурни очиб олайлик, кейин бир йўлинни топармиз! – домланинг соддалиги Фахриддинни таажубга солди. – Тошлар остига яширинган бу бебаҳо дурдонани сизу биз топмасак, ким топади!

Кетиш олдидан Камолхон домла дуога қўл очди. Фахриддин меҳмонни чиқиши йўлагигача кузатиб борди. Илиқ хайрлашиши. Терговчи хонага қайтгач, қўли ишга бормай бир муддат кўзини юмганча хаёлга ботди: Ҳикматнинг нимадандир чўчиётгани бежизга эмасга ўхшайди. Наҳотки шу мураккаб вазифани бир ўзи уддалаган бўлса! Мутахассисларни жалб қилдимикин? Кутубхонани топишга улурганмикин? Ёки ҳали изланишда бўлганми? Унда чет давлатга нима мақсадда борган? Китобларни пуллаганими? Лондон, Париж, Петурбург... бу шаҳарлар боғловчи умумийлик нимада? Балки у ерларда Али Кушчининг асарларини ахтаргандир! Аллома яширган сирни Ҳикмат очишга қодирми? Балки...

Эшик тақиллаб, хонага бир даста хужжатлар билан Санжарбек тиржайиб кириб келди:

– Ижозат этсинлар!

– Келдингизми? Гапиринг, нима янгиликлар!

Фахриддин ўрнидан туриб, шогирдига яқинлашди.

– Талъатнинг иккинчи хотининикида ўтказилган тинтувда 8 дона олтин тангалар топилди.

Чўпоннинг чўнтағидан чиқсан тангаларга ўхшаш,

– Санжарбек қўлидаги қоғозларни стол устига қўйиб, тинтув баённомаси ва бир неча расмларни бошлиққа узатди.

– Хмм! Бу Талъат деганлари анчагина пиҳини ёрганларданми дейман?

– Жуда пиҳини ёрганлардан кўринади. Сиз унга ишониб ўтирибсиз! Менимча, чўпонни шундан бошқа итам ўлдирмаган! Бугун учинчи кун бемалол санкцияга ҳозирласак бўлаверади!

– Ўзи нима деяпти?

– Ўзи нима дерди, яна ёлғонни сувдай ичаяпти.

«Олтин тангалар ерда ётган экан, мен ўғрибаччаман, ўзимни тиёлмадим» деб турибди. Лекин «илло-билло чўпонни биз ўлдирмаганмиз» дея оёқ тираб туришибди, – деди Санжарбек елкасини қисиб.

– Балки рост гапираётгандир! – деди совуққонлик билан Фахриддин. – Инсонни айлаш осон, аммо айбни исботлаш мураккаб масала. Бизда Талъатни қотиллиқда айлашга асослар етарлими? Албатта йўқ!

– Ахир у бошидан ёлғон гапириб, терговни чалфитмоқчи бўлди-ку! Ўша мудҳиш тунда жиноят жойида бўлганлиги, чўпоннинг тангаларини ўмарганлиги, тинтувда уйидан тилла тангаларнинг топилиши – бу асос эмасми? – Санжарбек қизишиди.

– Булар ҳали уни қотиллиқда айлашга асос бўла олмайди. Буни ўзингиз ҳам яхши биласиз-ку!

– Унда нима қиласиз?

– Талъатга бошқа жиноятлар бўйича айб эълон қилиб, санкция беришга асосларимиз етарли-ку!

– Тўғрику-я... аммо...

– Яна нима?

– Бизда бошқа... ишланмаган... жўялироқ тахминларам қолмади демоқчийдим, – Санжарбек талмовсиради.

– Ҳа дарвоҷе, сизга айтиш ёдимдан кўтарилибди, яна битта гаройиб тахмин пайдо бўлмоқда, – Фахриддин муҳим сирни очмоқчи одамдай шогирди томонга энгашди. – Афсонага ўхшаб кетса-да, ҳарқалай ишлаб кўрса бўлади.

– Эшитайлик-чи!

– Гап Норбўта чўпоннинг, кейин Ҳикматнинг уйидан топилган қадимий китобларга бориб тақалмоқда. Бу қўлёзмаларнинг Мирзо Улуғбек кутубхонаси фондига тааллуқли эканлиги сизга маълум. Менам сизга ўхшаб, бу масалага унчалик эътибор бермаган эдим. Камолхон домла бир қизиқ гапни айтиб қолди. Унинг фикрича, Али Қушчи устозининг васиятига амал қилиб, кутубхона жоҳил шахслар қўлига тушиб қолмаслиги учун уни Падаркуш тоғидаги горга яширган. То омон-омон за-

монлар келгунича бу хазина хавфсиз сақданиши, иккинчи томондан бу нодир китобларнинг абадий ер остида қолиб кетишининг олдини олиш учун авлодларга «шипровка» қолдирган эмиш.

– Бу яна нимаси бўлди? – Санжарбек «ҳеч нарса тушунмадим» дегандай қаради.

– Шипровка сирли матн, – Фахриддин қофозга нималарнидир ёза бошлади. – Қаранг, мен сизга қандайдир бир сирни етказмоқчиман. Хатда бу сирни очиқ ёзсан, мабодо хат душман қўлига тушиб қолса, сиримиз ошкор бўлиб қолади. Шу сабабли мен шундай жумла ёки чизма ишлатаманки, уни фақат сиз ўқиб тушуна оласиз. Бошқа одам уни ўқиши мумкин, бироқ ҳеч нарса тушуна олмайди.

– Али Күшчи замонида одамларнинг шу нарсага ақллари етган деб ўйлайсизми? – Санжарбек берган саволидан ўзи хижолат бўлди шекилли қўшимча қилди. – Демоқчиманки, бундан қарийб 600 йил олдин шунақа мураккаб шифровкалар қўлланилганмикин?

– У замонларда бу нарсага эҳтиёж ҳозиргидан минг чандон кўпроқ бўлган. Жанг жадаллар тўхтовсиз давом этаётган бир пайтда душман ҳақидаги, қўшинларнинг жойлашуви, ҳаракат йўналиши, таркиби, қуролланиш даражаси, мақсадини ифодаловчи ҳар қандай хабарнинг қиймати юқори бўлган. Масалан, Амир Темур қўшини муваффакиятининг асосий сири унинг ахборот билан етарлича таъминланганлигида бўлган. Қимматли маълумотларнинг ёғий қўлига тушиб қолишини олдини олиш учун шифровкадан фойдаланилган. Ахборотнинг салоҳиятига қараб, «сирли матн» оддийроқ ёки мураккаброқ шаклда тузилган. Ўз навбатида ҳар бир қўшинда шифровкаларни «очувчи» мутахассислар бўлган. Хуллас, ахборот узатиш ва уни қабул қилиш ўша даврнинг энг катта муаммоси бўлган...

– Бу тушунарлику-я! Аммо... Али Қүшчи.. кутубхона... шифровка... буларнинг биз тергов қилаётган ишга нима алоқаси борлигини англолмай...

– Алоқаси бўлганда қандоқ! – Фахриддин шогирдининг сўзини бўлди. – Шу шифровкани кимдир топиб, «ўқиган». Кейин кутубхонани излаб Падаркуш тоғига борган.

– У ёқда Норбўта чўпон... Ҳа-ҳа, бир нималарни тушунгандай бўляйпман... Аммо ўша «ақлли» одам ким бўлиши мумкин!?

– Масалан Ҳикмат...

– Тўғри-тўғри...вой муттаҳам-эй! Бу «кал»дан ҳар бало чиқишини сезгандим-а!

– Ҳой-ҳой, ҳали шошилманг! Бу ҳали бир тахмин холос, – Фахриддин жилмайди. – «Ўйнаб гапирсанг ҳам ўйлаб гапир» деган нақл бор. Айниқса, гап инсон тақдиди ҳақида бораётганда...

– Энди нима қиласиз!

– Энди каллани ишлатамиз! Ҳаммасини бошидан бошлишга тўғри келади...

– Бошидан бўлса, бошидан-да! Биз тайёр...  
Фақат эртага келинингизнинг...

– Туғилган куни демоқчисиз!

Санжарбек тасдиқ маъносида бош иргади.

– Нима қилмоқчисиз? – Фахриддин жиддийлашди.

– Телефонда табриклаб қўйишдан бошқа нима иложимиз бор! Ахир бу ёқда ишлар қайнаб турган бўлса...

– Адолатли қарорлари муборак бўлсин! –  
Фахриддин мамнун ҳолда шогирдининг елкасига қоқиб қўйди. – Гулзодаҳонни менинг номимданам табриклаб қўйишни унутманг!

Санжарбек устозига миннатдорчилик билдириб хонадан чиқди. Прокуратуранинг узун йўлаги бўйлаб одимлар экан, турфа хил хаёллар уни ўз гирдобига олди: бошида «бораман» деб ваъда бер-

маса бўларкан... Энди қандай қилиб, хотинининг кўнглига йўл топса! Уйга меҳмонлар ҳам келмоқчи эди-я! Иш ўлгур сал жойидан силжиганда ҳам бошқа гап эди. Амаллаб, бир кунга бориб келса бўларди... Гулзода уни тўғри тушунармикан? Париизоданинг туғилган кунида ҳам қатнаша олмаганди-я! Нима қилсин! Иши шунаقا...

Фахриддин шогирдига нисбатан «қаттиққўлиги» учун ўзини койиди. Бир кунга рухсат берса бўлармиди?! Ўзи бир амаллаб турса бир жойи камайиб қолмасди. Бир кун минг кун бўлармиди?! Иш ҳеч қачон тугамайди. Терговчининг юки қачон осон бўлган! Ҳеч қачон! Бечора энди хотинига нима дейди? Келин бола уни тушунармикин? Гулзода эсли-ҳушли аёл. Аммо бундай пайтда ҳар қандай аёл жаҳл отига миниши тайин. «Бир келиб кетишга ярамадингизми?» дейиши аниқ... Шаҳноза нима қилган бўларди. Дарвоҷе, бир ойдан сўнг унинг ҳам туғилган куни. Ишқилиб унгача ишлар охирига етиб қолса бўлгани. Турмуш қурганларидан буён хотинининг туғилган кунини канда қилмаган, қаерда бўлса етиб келган. Албатта бунақа оғир вазиятга тушмаган. Агарда бутун унинг туғилган куни бўлганда, у ҳам бора олмаган бўларди. Хотинига тушунтирган бўларди... Давлатнинг иши ўйинчоқ эмас-ку! Бунақа чигал, мураккаб жиноят иши ҳар куни тергов қилинмайди-ку! Ҳатто қўнғироқ қилишга вақт йўқ...

Фахриддин стол устидаги телефонни ёнига тортиб, таниш рақамни терди. Хотини, ўғиллари билан қисқа муддатли мулоқотдан сўнг кўнгли анча ёришгандай бўлди...

\* \* \*

Иш юзасидан янги тахминнинг пайдо бўлиши терговчиларни эсанкиратиб қўйди. Шунча йил-

лик иш тажрибаларига қарамасдан улар бу каби жиноятларни фош қилишга билим ва кўникмалари етарли эмаслигини ҳис қилишарди. Албатта, терговчи кўп нарсаларни билиши, катта иқтидор эгаси бўлиши лозим. Аммо Фахриддин жиноятни очиш учун ўрта асрлар тарихини, астрономия ва алгебрага оид шифровкаларни ўрганишни хаёлига ҳам келтирмаган эди...

Кейинги кунларни терговчилар мутахассис ва олимлар билан сұхбатлашиш, тегишли адабиётларни титкилаш билан ўтказдилар. Негаки, Ҳикматни гумондор сифатида қайта сўроқ қилиш, уни мудҳиш жиноятларни қилганликда айблаш учун терговчиларнинг ўзлари бу соҳада муайян даражада билимга эга бўлишлари лозимлигини улар яхши тушунишарди.

Негадир устозидан фарқли ўлароқ Санжарбекнинг бу ишлардан бирор наф чиқишига ишончи комил эмасди. У ҳамон қотилликда Талъатни айбдор деб ҳисобларди. Шундай бўлса-да ўзидан бир-икки кўйлакни кўп йиртган, тажрибаси ҳам кўпроқ бўлган устозига қарши боришга журъати етмас, шу билан бирга жиноятни кинолардагидек маҳорат билан очишга ҳаракат қилаётган бу «изқувар»га ҳалақит беришни ҳам истамасди. Баъзида хаёлига: «Агарда шу Фахриддин ақадан бошқа терговчи бўлганда аллақачон қотилликни Талъатнинг бўйнига осиб, ишни судга оширган бўларди» деган ўй келса-да, буни устозига очиқ айтгиси келмасди. Устознинг «шахснинг айдорлиги 99 фоиз исботланса-да, ҳали бир фоиз исботланмаган бўлса, уни айбдор дейишга шошма! Унда айбсизлик презумцияси бор!» деган гаплари қулоғи остида жаранглаб тургандай эди...

Учинчи куннинг адогида маълум тайёргарликлардан сўнг терговчилар Ҳикматни сўроқ қилишга киришдилар:

– Домла, – Фахриддин атайлаб унга шундай мурожаат этди. – Сиз Амур Темур кутубхонаси тўғрисида эшитганмисиз?

Бундай саволни кутмаган шекилли Ҳикмат бир қалқиди, сўнг кўзини бақрайтириб, елқасини қисди:

– К-а-а-н-а-қа к-у-у-т-уб-хо-на!!!

– Амир Темур ёки Мирзо Улуғбек номи билан машҳур йўқолган кутубхонани сўраяпман, – ҳамсуҳбатига зимдан тикилиб турган терговчи саволини такрорлади.

– Ҳа, У-л-уғ-бек кутубхонасини айтиб турибсизми? Эшитганман. Ҳамма билади-ку уни!

– Ўша кутубхона қаерга яширилган деб ўйлайсиз?

– Мен қадимий китоблар билан қизиқаман, археология менинг ишим эмас, – Ҳикмат истар-истамас жавоб қайтарди.

– Бу тушунарли! Сизнинг шахсий фикрингизни билмоқчиман.

– Менинг билишимча, олимлар бир қанча версияларни илгари суришади. Айримлар кутубхонани шаҳар остидаги ертўлага яширилган деб ҳисоблашса, бошқалари кутубхона ёндириб юборилган, деган фикрни билдиришади. Менимча, кейинги фикр тўғри.

– Сизнинг бундай фикрга келишингизга бирор асосингиз борми?

– Қанақа асос! Айтдим қўйдим-да! Мен бу соҳа билан қизиқмаганман. Ўйлаганимни айтдим, – Ҳикмат Фахриддинга юзланди. – Ҳар ҳолда мени Улуғбек кутубхонаси ҳақида суҳбатлашишга чақирмагандирсиз, тўғрими?

– Саволни биз берамиз! Сизнинг ишингиз жавоб бериш, – гапга қўшилди Санжарбек. – Бизда кераксиз саволнинг ўзи бўлмайди!

– Кутубхона Самарқанд билан Китоб оралифида-ги тоққа – ғорга яширилган деган қарашлар ҳам

бор-а. Сиз бунга қандай қарайсиз? – Фахриддин савол беришда давом этди.

– Э-с-и-и-м-дан кўтарилибди, шунаقا тахминлар ҳам йўқ эмас, – Ҳикмат бошини қашиди. – Аммо менимча, бу тахмин ҳақиқатдан йирокроқ.

– Нега унақа деб ўйлайсиз?

– Сабаби оддий. Улуғбек кутубхонаси жуда катта бўлган. Уни ҳеч кимга сездирмасдан Самарқандан тоққа олиб кетиш амримаҳол. Иккинчидан, тоғ шароитида шунча нарсани заарсиз саклаш қийин масала. Қолаверса, бундай катта кутубхонани форга сифдиришнинг ўзи бўлмайди.

– Унда Улуғбек кутубхонаси фондига тегишли китоблар Норбўта чўпоннинг қўлига қандай тушиб қолганлигини қандай изоҳдайсиз?

– Биринчидан, бу қўлёзмаларнинг айнан шу кутубхонага тегишли эканлигига ҳеч ким кафолат беролмайди. Иккинчидан, беш-олти чоғли китобнинг топилишини йўқолган кутубхонани топиш сифатида баҳолаб бўлмайди. Бу бирор бир алломанинг авлоддан-авлодга мерос бўлиб ўтиб келаётган шахсий кутубхонаси фонди ҳам бўлиши мумкин, – Ҳикмат «яна саволлар борми?» дегандай Фахриддинга юзланди.

– Аммо олимлар ўша китобларни айнан Улуғбек кутубхонасига тегишли эканлигини таъкидлашмоқда, – деди Фахриддин совуққонлик билан.

– Ҳеч бир олим бундай қатъий холосага келиши мумкин эмас. Ахир орадан беш юз йилдан зиёдроқ вақт ўтган.

– Унда қўлёзмаларда Улуғбек кутубхонасига тегишли эканлигини тасдиқловчи белгилар мавжудлигини қандай изоҳдайсиз? – деди терговчи қўлидаги китобнинг муқовасидаги белгига ишора қилиб.

– Бўлиши мумкин. Китобларни кимдир фойдаланишга олган бўлиши ва қайтармаган бўлиши ҳам мумкин-ку! – деди Ҳикмат хотиржамлик билан.

– Манбаларнинг гувоҳлик беришича, Мирзо Улубекнинг ўзи кутубхонага мудирлик қилган, – деди Фахриддин қўлёзмани варактай туриб. – Китоблардан фойдаланишга фақат унинг рухсати билан йўл қўйилган. Бундай шароитда кимнингдир китобларни фойдаланиш учун уйига олиб кетганингига ишониш қийин.

– Тўғри! Аммо кутубхонанинг бошқа хизматчилари ҳам бўлганлигини унутмаслик керак...

– Норбўта чўпоннинг ўлими сабаби шу кутубхонага бориб тақалмоқда? – Терговчи гумондорнинг юзидаги ўзгаришни кўриш учун унга тикилди. – Сиз бунга қандай қарайсиз?

– Шундай хулосага келибсиз, демак шунга яраша асосингиз бордир – дудуқланди Ҳикмат. – Лекин жуда кулгили... Оддий чўпоннинг кутубхонага қандай алоқаси бўлиши мумкин?

– Шу кутубхонага тегишли қўлёзмаларни сизга айнан Норбўта келтирганини рад этмассиз? Хўш, чўпон китобларни қаердан олган? – Терговчи ўрнидан туриб, сухбатдошига яқинлашди. – Сиз бу ҳақда ҳеч ўйлаб кўрдингизми?

– М-е-н-г-а «қўлёзмалар бобомдан қолган» деган. Мен ишонганман...

– Эътиборингиз учун Норбўта чўпоннинг унақа мерос қолдирадиган бобоси бўлмаган! – Санжарбек гап қўшди.

– У ёфи менга қоронғи! Мендан нима истайсизлар ўзи? – деди Ҳикмат норози оҳангда.

– Биз сизнинг мутахассис, олим сифатида бу масаладаги фикрингизни билмоқчи эдик, холос, – деди Фахриддин Каримович босиқдик билан. – Бугунча етади. Ҳаммага раҳмат!

Терговчининг ишораси билан эшик ортида пойлаб турган икки милиционер Ҳикматни хонадан олиб чиқди.

– Устоз энди нима қиласыз? – Санжарбек ташвишланди.

– Қүйиб юборамиз! Мен Тоҳир Фофурович билан телефонда гаплашаман. Сиз керакли ҳужжаттарни расмийлаштириң! – деди Фахриддин бир нұқтага тикилғанча.

– Қочиб қолса-чи?

– Ушлаб туришга асосимиз йүқ! Мен раҳбарият билан гаплашай, балки орқасидан одам қўярмиз...

Стол чекасидаги ички телефон жиринглади. Гўшакни Фахриддин кўтарди.

– Ўртоқ бошлиқ! Мен навбатчи Соиповман. Санжар акани сўраб келишган экан!

– Сизни сўраяпти, – Фахриддин гўшакни шогирдига узатди.

– Эшитаман!

– Санжар ака, сизни курсдошингиз излаб келган экан! – нариги тарафдан навбатчининг овози жаранглаб эштилди. – Мана ўзига бераяпман.

– Аъло! Санжар яхшимисан! Аҳволларинг яхшими?

– Ассалому алайкум, раҳмат! Ўзингиз...

– Танидингми?

– Узр, сал...

– Қодирман... Абдуллаев!

– Эй Қодиржон, яхшимисан! Узр, танимабман – бой бўласан!

– Айтганинг келсин! Бизнинг юртларга келган экансан, айтмайсанам...

– Эй бу ёғини қўявер... ҳозир чиқаман, – Санжарбек гўшакни ўрнига қўйиб, Фахриддинга юзланди: – Қодир деган курсдошим келибди, беш дақиқага рухсат берасиз... тезда қайтаман.

– Яхши, ҳаялламан!

Санжарбек хонадан чиқиб, тўғри чиқиши эшиги томонга юрди. Курсдошлар қучоқлашиб кўришдилар. Одатдаги сўрашувдан сўнг Қодир мақсадга кўчди:

– Дўстим, сени қора қилиб келдим. Битта ишда ёрдаминг керак бўлиб қолди. Биласан, биз адвокатларнинг иши одамларни ҳимоя қилиш.

– Кўлимиздан келса, бажонидил!

– Кўлингиздан келганда қандоқ! «Дело» сизда экан!

«Дело» сўзини эшитиб, Санжарбекнинг юзи тундлашди. Хаёлидан «гап бу ёқда экан-да!» деган фикр ўтди. Шундай бўлса-да, дўстини ноумид қилмаслик мақсадида гапни ҳазилга йўйди:

– Қонун доирасида бўлса, бир оғиз сўзинг-да жўражон!

– Албатта қонуний! Ноқонуний ишни сизга айтиб ўлибманми! – Қодир дўстининг жавобидан кўнгли тўлиб, атайлаб «сиз»лашга ўтди.

– Қанақа иш экан!

– Ҳикмат Юсуповичнинг ишида! Бизга озроқ хешлиги ҳам бор. Ўзи зўр инсон! Жувонмарг бўлмасин! Нима хизмат бўлса, акалари тайёр... ўлар-қолар жойда эмас...

Санжарбек ток урган одамдай қотиб қолди. Бир зумда хаёлидан кўплаб фикр ўтди: «Бу одам менга пора таклиф қилаяптими? Нима учун? Ҳикмат Юсуповични қўйиб юбориш эвазигами? Шусиз ҳам уни қўйиб юбормоқчимиз-ку! Акаси ҳамма нарсага тайёр демоқчими? «Ўлар-қолар жойда эмас дегани, ўзига тўқ деганими?»

Дўстининг ўйланиб қолганини ўзича бошқача тушунган Қодир жаврашда давом этарди:

– Бу ёғидан кўнглингиз тўқ бўлсин! Мен кафил. Айтсангиз бир соатда «ест» қиласиз... Оғзингизга сиққанича айтаверинг! Бизга Ҳикмат ака чиқса бўлгани...

Санжарбек қаршисида турган одамнинг гапларини ҳазм қилолмай тилини ютган одамдай ҳамон жим турагарди: «Ўҳу ниятлари анча жиiddийга

ўхшайди-ку! Бир соатда... оғзинггә сиққанича... деяптими? Мени ким деб ўйлајпти, бу аҳмок! Қонун талаби бўйича уни пора берувчи шахс сифатида расмийлаштиришим керак-ку! Йўғ-э, ундан қилсан бошқа курсдошларим нима деб ўйлади! Яхиси «бу иш қўлимдан келмайди» дея қутулиш керак. Лекин нима учун булар бир «айбсиз» одам учун «оғзимга сиққанча» пора таклиф қиласпти? Бу ерда бир гап борга ўхшайди! Айбсиз одам шунчага пулни беришга рози бўларми? Балки бу довдир «оғзингга сиққанча» деб ошириб юбормаяптимикин? Балки синааб кўриш керакдир...»

– Ўзи нима дейишаяпти?

– Бу ёғи сиздан дўстим, мол одамнинг жонидан азиз бўлибдими? Тортинмай айтайверинг? – Қодир дадилланди.

– Ростини айтсам мен бунаقا ишларни... – деди Санжарбек хижолатомуз.

– Кўкидан 100 та етадими? Ками бўлса, тўлдиррамиз!

– 100 долларми? – терговчи атайлаб ўзини ҳеч нарсага тушунмагандай тутди.

– Одамни уялтирманг! Генералидан гапиринг! Юз минг доллар!

– Юзминг!

– Камми?

– Йўқ-йўқ! Ҳаммаси жойида! Фақат мен... бошлиқлар...

– Ўзингизни алоҳида хурсанд қиласмиз! Юзтани бошлиқларга...

– Йўқ-йўқ! Мен бошлиқлар билан маслаҳатлашишим керак демоқчийдим, – деди Санжарбек хаёлига келган режани амалга ошириш учун вақтдан ютиш мақсадида.

– Гап йўқ! Кўнмаса, дозасини оширамиз! Ишқилиб бизнинг одам чиқса бўлгани! – Қодир мамнун жилмайди.

Санжарбек «тушунарли!» дегандай бош иргаб, ичкарига юрди. Зинадан күтарилиб, Фахриддин Каримовичнинг олдига шошар экан, хаёлини турфа хил ўйлар банд этганди: «Вой аblaç-эй! Шу бола ростданам кечагина ўзи билан бирга ўқиган Қодирми? Дозасини оширармиш! Одамми у шайтонми? Шунча пулни қаердан оларкан? 100 минг доллар-а! Нима учун шунча пул ваъда қилишаяпти? Бу Ҳикмат дегани ким ўзи? Нима айби борки, тап тортмасдан шунча порани таклиф этмоқда... Бир балоси бўлмаса – шудгорда қуйруқ на қилур... Қуйруқ бўтандан қанақа қуйруқ...»

Санжарбекни бир аҳволда кўриб, Фахриддин ҳайрон бўлди:

– Тичликми, рангингиз докадек оқариб кетибди, мазангиз йўқми?

Хонага отилиб кирган Санжарбек гапни нимадан бошлишни билмай дудуқланарди:

– У-с-т-о-з... б-и-л-а-с-и-з-ми? Бу ерда бир гап борга ўхшайди... бу аblaç... бекорга...

– Санжарбек, илтимос ўзингизни босиб олинг! Мана бу ерга ўтиринг! – устоз шогирдига жой кўрсатиб, ёнидаги чойнакдан чой қуйиб узатди. – Ана энди бир бошидан гапиринг-чи, нима бўлди?

Санжарбек пиёладаги иссиқ чойдан бир-икки ҳўплаб, бўлган воқеани оқизмай-томизмай сўзлаб берди.

– Ҳа, Санжарбек! Биз тергов қилаётган иш тасаввуримиздагидан анчагина мураккабга ўхшаб қолди, – деди Фахриддин шогирдининг гапларини дикқат билан эшитгач. – Демак, Ҳикматнинг ашаддий жиноятчи экани аниқ. Бекорга шунча пора таклиф этмайдилар...

– Энди нима қиласиз?

– Бу иккинчи ҳодиса! – Фахриддин одатига кўра тажрибасидан сўз очди. – Туман прокуратураси-

да ишлаб юрган кезларимда Эргаш деган одам хотини Заринанинг бедарак йўқолгани тўғрисидаги ариза билан мурожаат этиб қолди. Бир неча кундан сўнг аёлнинг мурдаси Чирчиқ дарёсидан топилди. Экспертиза мурданинг танасида ҳаёти учун унча хавфли бўлмаган жароҳатлар борлигини, лекин ўлим сув ютиш натижасида келиб чиқсанлигини кўрсатди. Олиб борилган тергов-қидирув ҳаракатлари ҳеч қандай ижобий натижа бермади. Барча тахминлар ўзини оқламади. Тергов тақозоси билан туман ташкилотларидан бирида раҳбар бўлиб ишловчи Эргашни ҳам уч-тўрт чақиришга тўғри келди. Одатда, бу каби ишларда гумондор биринчи навбатда марҳумнинг яқинлари орасидан қидирилади. Шунга кўра Эргашни ҳам асосий гумондор сифатида «ушлашимиз» лозим эди. Эргаш яхшигина актёр чиқиб қолди. Ҳар келганда «Илтимос хотинимнинг қотилини топиб беринглар, усиз энди қандай яшайман», «жуда яхши кўрардим» деб айюҳаннос соларди. Тақдим этган далиллари ҳам тўғри чиқарди. Натижада мен уни гумондорлар сафидан чиқардим. Тергов боши берк кўчага кириб қолди. Мен ишни жиноят таркиби йўқлиги учун тугатишга қарор қилдим... Шу куни кечаси уйимга Эргаш кириб кеди. Бардамлик учун яхшигина ичиб олган. Мен «бечора хотинидан ажрабиб, куйганидан ичиб олган бўлса керак», – деган хаёlda уни уйга таклиф қилдим. Эргаш илтифотимдан руҳланиб кетди шекилли, дангал мақсадга кўчди: «Укажон, қийналиб кетдим. Шу ишни ими-жимида ёпиб берсангиз 10 минг доллар бераман», – деб қолди. Эсим чиқиб кетаёзди. Унинг қанча пора бераётгани эмас, нима учун пора бермоқчи бўлаётгани мени ташвишга соларди. Нима қилиш керак? «Йўқ» десам, кейин у айбини бўйнига олмаслиги мумкин. Мен ҳам сизга ўхшаб, ўйлаб

кўриб, бошлиқлар билан маслаҳатлашиб, жавобини эртага айтишимни билдиридим. У пулнинг қудратига тасанно айтиб, хурсанд чиқиб кетди. Мен ҳам тезда кийиниб, вилоят прокуратурасига йўл олдим. Воқеани эшитган прокурор «тўғри қилибсиз, эртага пулни бераётганда қўлга оламиз» деди. Эртаси куни пора беришда ушланган Эргаш сал ўтмай рашки туфайли хотинини ўлдирганини тан олди... Қаранг, жинояти парвонага ўхшайди. Содир этган жинояти атрофидан кета олмай қолади ва натижада оловга ўзини тутиб беради.

– Бундан чиқди, Қодирни пора бераётган чоғда қўлга оламиз демоқчимисиз? – ташвишли оҳангда сўради Санжарбек. – Ахир у курсдошим... нима деган одам бўламан...

– Буни мен эмас, раҳбарият ҳал этишини яхши биласиз! – деди устоз телефон гўшагини кўтара туриб. – Тоҳир Фофурович нима деса шу.

Фахриддининг ахбороти прокурор ўринbosарини ҳам ўйлантириб қўйди. У бу масалада Бош прокурор билан маслаҳатлашиб, кейин бир қарорга келишини билдириб, гўшакни қўйди.

– Жуда ёмон иш бўлди-да! Ҳар ҳолда беш йил бирга ўқиганмиз! – Санжарбек ҳамон ташвишда эди.

– Ҳозирча ташвишланишга ҳожат йўқ! Раҳбарият бир қарорга келсин! Бирор йўли топилар, вахима қилмай туринг! – Гуруҳ раҳбарининг хаёли бошқа ёқда эди. – Ҳайронман, Ҳикмат қайси жинояти учун шунча катта пулни таклиф этаётган бўлса, нима деб ўйлайсиз?

– Эй, бу одамни тушуниб бўлмайди. Туришидан қўйнинг оғзидан чўп олмагандай ювош кўринсада, нақ шайтоннинг ўзи! Сиз уни қўйиб юбормоқчи бўлиб турувдингиз. Олим одам шунча пулни қаердан олиши мумкин? Икки юз минг доллар беришга ҳам оғринмаётганига қараганда сармояси талайгина...

– Гап пулда эмас! Гап унинг шунча порани нима сабабдан бермоқчи бўлаётганида! Шунга яраша айби бордирки, «офзингга сикқанини ол!» деб туриди, – деди Фахриддин нигоҳини бир нуқтадан узмасдан. – Ҳикмат қотилми, ўғрими, жосусми? Нимадан чўчиб, шунча пора бермоқчи? Ҳеч нарсага ақлим етмаяпти...

Шу пайт стол устидаги хизмат телефони жиринглаб қолди. Фахриддин илдамлик билан гўшакни кўтарди:

– Фахриддин Каримович! – гўшакдан Тоҳир Фоғуровичнинг босиқ овози эшитиди. – Мен Бош прокурор билан маслаҳатлашдим. Адвокатни пора берәётган маҳалда қўлга олиш лозим. У ёғини ўзингиз яхши биласиз... Ҳар ҳолда бу Ҳикмат деганлари оддий жиноятчига ўхшамаяпти. Вазиятга қараб иш тутинг...

– Тоҳир ака, анави адвокат... – Фахриддин ёнида қулоғи тўрт бўлиб турган шогирдига маъноли қарашиб қилди. – Санжарбек жуда ноқулай вазиятга тушиб турибди... ҳар ҳолда курсдоши...

– Фахриддинжон бу давлат иши! Сизлар ўта оғир қотиллик жиноятини тергов қилаётгани克拉ингизни унутманг! Вазиятга келсак, чиндан ҳам ноқулай. Лекин нима қиласиз, сизу биз қонундан чекина олмаймиз! Санжарбекка айтиб қўйинг, тергов билан ҳамкорлик қилса, жиноятни очишга нафи тегса, дўстига қонун доирасида ёрдам қиласиз. Сизларга омад!

– Раҳмат! – Фахриддин телефон гўшагини жойига қўяр экан, «Ана кўрдингмизми?» дегандай елкасини қисиб қўйди.

Гап авзойидан Санжарбек ҳамма нарсани тушунган эди. Бир тарафдан шундай оғир жиноятни очишга шахсан ҳисса қўшаётганидан унинг кўнглининг бир чеккасида алланечук мамнунлик ҳисси

уфуриб турган бўлса-да, бошқа томондан уни виждан азоби қийнар, дўстлари олдида «Энди ким деган одам бўлдим!» деган хаёл қалбини ўртарди...

– Кўпам хижолат бўлаверманг! – устоз шогирдининг ўйларини уққандай, далда бера бошлиди.  
– Тоҳир Фофурович, агарда Қодир тергов билан ҳамкорлик қиласидиган бўлса, унга қонун доирасида ёрдам қилишга ваъда берди...

– Шу ёғига ҳам раҳмат! – Санжарбек бу гапни чин дилдан айтдими ёки пичинг қилаяптими англаш қийин эди...

Операцияга пухта тайёргарлик кўрилди. Санжарбек Қодирга келишилган пулни қаерга, қачон олиб келишини тайинлади. Дўстининг хатти-ҳаракатида ҳеч қандай шубҳани сезмаган Қодир эртаси куни тайинланган жойга нақд 100 минг долларни кўтариб келди ва пулни терговчига бераётган пайтда тезкор-тергов гуруҳи томонидан қўлга олинди. Ўша пайтдаги Қодирнинг ҳолатини сўз билан тасвирлаш қийин... Унинг нималар деб жаврагани Санжарбекнинг қулоғига кирмади. Аммо... «дўстим десам, ҳайвондан фарқинг йўқ экан-ку!», «бу дунёда ҳеч кимга ишониб бўлмас экан-да!», «сотқин... сенга ҳам боқсан бало бордир!» деган заҳарханда гаплари қулоғида муҳрланиб қолди...

Ранги докадек оқариб кетган Санжарбек ҳужжатлар расмийлаштирилгач, ўзини ташқарига отди. «Энди ким бўлдим!» деган деган бемаъни хаёл унга тинчлик бермасди...

Қодир биринчи сўроқдаёқ унга пулларни Ҳикматнинг акаси Қобил берганини, аслида ундан олинган пул 120 минг доллар бўлганини, шундан у 20 мингини ўзида олиб қолиб, қолган пулни Санжарбекка топширганини тан олди. Унинг уйида ўтказилган тинтувда 20 минг АҚШ доллари далилий ашё сифатида олинди.

Шу куннинг ўзида қўлга олинган Қобил бошида бир оз ўжарлик қилиб, ҳеч нарса билмаслигини тақрорласа-да, сал ўтмай «ёрилиш»га мажбур бўлди:

– Ҳаммасини укамнинг топшириғи билан қилдим. Унинг нима жиноят қилганини билмайман. Аммо унинг қандайдир эски-туски китоблар билан шуғуланиб юришини билардим. Қамалиб қолгач, биз нима қилишни билмай қолдик. Бир-икки кун оддин ўша ёқдан бир хат юборибди...

– Ўша хат қаерда? – Фахриддиннинг сабри чидамади.

– Хат йўқ, ўшалар олиб кетишган, – деди Қобил шалвираб. Сўнг бир нарса ёдига тушди шекилли, чўнтагини ковлай бошлади.

– Нима изляпсиз?

– Телефоним...

– Шу пайтда телефон нимага керак бўлиб қолди? – терговчи ажабланди.

– Ўша хатни расмга тушириб олган эдим, йўқолиб-нетиб қолмасин деб...

Фахриддин Қобилнинг чўнтагидан олинган нарсалар орасидан телефонни топиб, унга узатди.

– Марҳамат!

Қобил аппаратни кавлай-кавлай излаган нарсанини топди шекилли, телефонни очиқ ҳолда авайлаб терговчига узатди:

– Мана!

Фахриддин шоша-пиша телефондаги ёзувни ўқий бошлади: «Ака! Москвадаги дўстларга – 495\_40 1414 (тушиб қолдирилган рақам – биз ўқиган мактаб рақами) телефон қилинг. Мени ментлар олиб кетганини айтинг! «Иш серёзный» денг! Кўкидан 150 минг етказсин! Чиққач, ўзим ҳисоб-китоб қиласман. Кейин қариндошни топинг! Анавилар билан гаплашсин. Қуш тилини қуш билади. Кам деса яна берамиз!»

Терговчи телефонни стол устига қўйиб, Қобилга юзланди:

- Сизлар қайси мактабда ўқигансизлар?
- 9-сонли ўрта мактабда.
- Демак, телефон рақами 940 1414 экан-да! Сиз ўша одамни танийсизми?
- Йўқ! Танимайман. Телефонда гаплашдим, холос.
- Исли шарифи нима?
- Билмадим! Ўзини таништириб ўтирмади.
- Унга нима дедингиз?
- Нима дердим, телефон қилдим. «Мен Ҳикматнинг акасиман», дедим. «Уни ментлар... кечирасиз милиция ходимлари олиб кетди, шунга укам гаплашишга пул керак деб турибди», дедим. Улар «Хорошо, ждите. Что нибуд придумием» дейишди...
- Кейин-чи, кейин нима бўлди? – терговчи тоқатсизланди.
- Кейинги кун кечки маҳалда бир ўрис йигит уйга келиб, бир сумка пул ташлаб кетди. Укамнинг хатини ўзи билан олиб кетди. Битта-яримтага кўрсатса керак-да!
- Сиз шунча пулни индамай олиб қолавердингизми? – Фахриддин жиддий гапирайтими ё ҳазиллашаятими билиб бўлмасди.
- Мен санаб кўрмоқчи эдим! «Топиб олсанг ҳам санаб ол!» деганлари дай... Аммо у «не стоить, не беспокоитесь всё на месте» деди. Бари бир кетгандан кейин эшик-деразани тамбалаб, пулни санаб кўрдим. 150 минг экан...
- Ўша ўрис ўзини таништиридими?
- Қаерда дейсиз! Бир оғиз ҳам ортиқча гапирмади. Шамолдай келиб, шамолдай кетди, – деди Қобил елкасини қисиб.
- Ўрис Москваликмиди ёки ўзимизникилардан?
- Ўзимизникига ўхшамади! Россиялик бўлса керак! Ҳар холда бир оғиз ҳам ўзбекча сўзламади... кўриниши ҳам ажнабий башара...

– Яхши, кейин мутахассислар сиз билан ишлаб, унинг фото роботини чизишади, – терговчи қофозга нималарнидир ёзиб, кейин яна Қобилга тикилди. – Хўш давом этамиз!

– Кейин қариндошни... Қодирни топиб, вазиятни тушунтирдим.

– Хатда «қариндош» деб тилга олинган одам шу Қодирмиди?

– Укам уни шундай атарди... узоқроқ қариндошимиз-да!

– Инанкейинчи! – Фахриддин сұхбатдошининг эркин мулоқотга киришиши учун атайлаб «Шум бола»даги бой ролига кирди.

– Қодир «майли гаплашиб кўраман, нималаринг бор» деб сўради. Мен уни қўрқитиб юбормаслик учун «кўқидан юзтамиз бор, кўнишмаса яна қўшамиз», дедим. У бир оз ўйланиб туриб, «ундай бўлса бир ҳаракат қилиб кўрамиз!» деди. Кечки пайт оғзи қулогида қайтиб келди: «Бахтимизга ўша терговчиларнинг каттаси менинг курсдошим бўлиб чиқди, Худо хоҳласа бу ёфи «бўри бўлади!» деди ва ҳозирча ҳар эҳтимолга қарши 120 та тайёрлаб қўйишимни тайинлади. Мен айтилган суммани тайёрлаб, кутиб ўтирдим. Эртаси куни у келиб пулни олиб кетди... – Қобил бор гап шу дегандай Фахриддинга қаради.

– Укангиз ўша Россиялик ўрис билан қандай танишган бўлса? – Фахриддин савонни бошқачароқ қўйди.

– Қайдам! Ҳикматнинг таниш-билиши жудаям кўп. Мен уларнинг айримларини биламан холос.

– Балки ўша дўсти укангизникига муқаддам меҳмонга келгандир. Ҳар ҳолда жуда қалин бўлишгани аниқ. Ахир шунча пулни бекорга бериб юбормайдилар-ку!

– Йўқ, укамникига Россиядан меҳмонлар келганини билмайман. Ҳикматнинг ўзи саёқ юришни

яхши кўрарди. Бормаган жойи, кирмаган тешиги қолмаган... – Қобил чуқур тин олди.

– Саёҳат яхши, бесиёқ юриш ёмон! – терговчи мақолга мақол билан жавоб берди. – Укангиз билан муносабатларингиз қандай эди?

– Ёмон эмас... ака-укаларнинг муносабати каби оддийгина...

– Демак, унчалик яхши бўлмаган, – терговчи ўзича хulosса қилди.

– Аёлларимиз бир-бирини унчалик хушлашмайди. Шундан сал... лекин мен укамга ҳамиша хайриҳоҳ бўлганман. Укам ҳам... фақат келиннинг сўзидан чиқмасди.

– Укангизнинг бир оғиз гапи билан шунча пулни келтириб берганлигини қандай изоҳдайсиз?

– Менам ҳайронман! Туққан-туғишганингдан 50 минг сўм сўраб олишнинг ўзи даргумон... Балки шунчалар қадрлайдиган, бошига оғир кун тушганда туриб берадиган дўстлари бордир... Лекин мен ўтган йили қизим касалхонага тушиб қолганда шу укамдан 200 минг сўм қарзга сўраб ололмаганман... Бермай кетади деб ўйлаганми? Ё ростдан ҳам пули бўлмаганми? Бу ёғи Яратганнинг ўзига маълум... «Менинг пул заводим борми» деган! Ўшанда ёмон хафа бўлганман. Лекин бу ёғи жигарчилик бошига иш тушганда қараб туролмайсан киши... – Қобил кўзида қалқиган ёшни сездирмаслик учун тескари ўтилди.

– Балки ҳақиқатан ҳам ўша маҳалда пули бўлмагандир! – деди Фахриддин вазиятни юмшатиш учун. – Ҳа майли, ҳар кимнинг виждонига ҳавола. Лекин бизни бошқа нарса ташвишга солмоқда. Укангиз қайси қилган жинояти учун бизга шунча пора таклиф қиласати?

– Билмадим! Қамоқдан чиқиши учун бўлса керак-да!

– Биз укангизни қамаганимиз йўқ. Гумондор сифатида вақтингча ушлаганмиз холос.

– Ушлагансизларми ёки қамоқقا олгансизларми ишқилиб уч кундан бери уйига бормагани аниқ, – пичинг қилди Қобил.

– Қонун бўйича 72 соат ушлашга ҳақлимиз!

– Ушлабсизлар, демак, нима жиноят қилганини яхши биласизлар!

– Биз гумон қилган ишда унинг иштироки аниқланмаганди, биз уни қўйиб юбормоқчи бўлиб тургандик... бирдан у шунча пора таклиф қилиб қолди, – терговчи гаплари ҳамсухбатига қандай таъсир этаётганини кузатиш учун унинг кўзига тикилди. – Бир гапи бўлмаса, шунча пулнинг баҳридан ўтмаган бўларди. Жинояти каттага ўхшайди. У сизнинг туфишган жигарингиз, билмаслигинги, сезмаслигинги мумкин эмас.

– Мен билганимни айтдим! Укам унақа жиноят қиласидиган, бирорга озор берадиган инсон эмас. Ноҳақ қамалиб кетишидан қўрқиб, ўртоқларидан ёрдам сўраяпти. Нима қилсин, ҳаммага жон ширин. Пул қўлнинг кири, топилади. Лекин қамоқнинг бир кунини айтинг... Укамнинг жиноят қилганига ишонмайман...

– Эътиборингиз учун пора бериш ҳам, пора беришда воситачилик қилиш ҳам жиноят! – Фахриддин ўрнидан турди.

Қобил индамади. Терговчи бир соатлик мулоқоти давомида чиндан ҳам қаршисида ўтирган одам ўз укасининг қилмишларидан бехабар деган тўхтамга келди.

Шу куни кечки маҳал Фахриддин бир оз ўзига келиб қолган Санжарбек билан Ҳикматни сўроқ қилишди. Ҳаммаси терговчилар кутганидек чиқди. Ҳикмат ҳеч қандай жиноят қилмаганигини айтиб, сўзида қаттиқ туриб олди. Пора хусусида эса «Нима

қилай, құрқиб кетдим! Мол кетса кетсин, обрү кетмасин деб, ўртоқларга мурожаат қылдим. Барака топгурлар, йўқ дейишмапти! Чиқсам қарзимни қайтарардим» деган гапни айтиб тураверди.

– Хўш, ўша дўстингизнинг исми-шарифини нима? – деди Санжарбек хуноби чиқиб. – Сизга ким бўлади? Қандай танишгансиз?

– Исми Саша – Александр Петрович!

– Фамилияси? – Санжарбек ёзишга тушиб кетди.

– Фамилиясини билмайман. Сўрамапман...

– Фахриддин ака, нима бу бизни аҳмоқ қилаяптими? – Санжарбекнинг жаҳли чиқди. – Бир оғиз гапи билан 150 минг доллар бериб турибди. Бу киши шундай одамни танимас эмиш. Кулгили эмасми?

Ҳикматнинг юзида норозилик аломати зоҳир бўлса-да, индамади. Фахриддин вазиятдан чиқиш учун гапни бошқа ёққа бурди:

– Ҳикмат ака, Александр Петрович билан қандай танишгансиз? Иш юзасиданми?

– Икки йил олдин қишида Санкт-Петурбургга боргандим. Кун совуқ. Бир оз шамоллаб қолгандим. Дорихонага кириб, дори харид қылдим. Чиқища шундоқ йўлакда бир одамнинг ётганини кўрдим. Йўловчилар парво ҳам қилмай ён веридан ўтиб кетишарди. Аввалига мен ҳам маст-аласт бўлса керак деб ўйлаб, ўтиб кетдим. Лекин кийинишидан унақа одамга ўхшамасди. Изимга қайтиб, томирини текшириб кўрдим. Арақ иси анқимади. Ҳушидан кетса-да, юраги билинар-билинмас уриб турарди. Шу ҳолда беш дақиқа ётса, совуқдан ўлиб қолиши аниқ эди. Елкасидан кўтариб, йўл томонга судрадим. Бир аёл киши менга ёрдамлашган бўлди. Такси тутиб, яқин орадаги касалхонага олиб бордим. Докторлар юрак хуружи дейишди. Агар яна ярим соат кечикканимизда бечора бу дунёни тарк этган бўларкан...

– Кейин нима бўлди? – бетоқат бўлди Санжарбек.

– Кечани шифохонада ўтказдим. Дўхтирлар мени унинг яқин одами деб ўйлашди шекилли «шу ерда бўлиб туринг, у-бу керак бўлиб қолиши мумкин» дейишди. Кетмаганим яхши бўлган экан. Бир-икки марта навбатчи дорихонадан керакли дори-дармонларни олиб келишимга тўғри келди. Тонгга яқин дўхтирлар операция муваффақиятли чиққанини, хавф ортда қолганини айтишди. Аммо мени беморнинг олдига қўйишмади. Кўнглим таскин топиб, ўз юмушларим билан кетдим...

Орадан уч-тўрт кун ўтиб, телефоним жиринглаб қолди. Бу ўша йигит эди. Телефон рақамимни қандай топганига ҳайрон бўлдим. Саша мени шифохонага келиб-кетишимни илтимос қилди. Мен унга бирор нарса зарур бўлса керак деган хаёlda унинг олдига етиб бордим. У телефон рақамимни дўхтирлардан олганини айтиб, безовта қилгани учун минг бор узр сўради. Шунда мен ўша куни дўхтирлар беморни шифохонага олиб келган шахс сифатида менинг барча маълумотларимни ҳужжатларда қайд қилгани эсимга тушди. Бир оз гаплашиб ўтирдик. Саша ажойиб йигит чиқиб қолди. Каттагина компаниянинг раҳбари бўлишига қарамасдан камтарин; хушчақчақ, самимий ва оқкўнгил киши экан. Ўша куни ҳайдовчиси уни дорихона ёнида қолдириб кетган экан. У дорихонадан керакли дориларни олиб, қўшни мавzedаги уйига пиёда – сайр қилиб кетмоқчи бўлган. Кўчага чиқиши билан мазаси қочиб, ерга йиқилган...

– Шу гапларингизга бизни ишонади деб ўйлайсизми? – Санжарбек қаршисида ўтирган кишига ўқрайди. – Тузукроқ чўпчак топилмадими?

– Кейинчи, кейин нима бўлди? – Фахриддин норози қиёфада шогирдига кўз қирини ташлаб, сўнг Ҳикматга ўтирилди. – Давом этинг!

– Кейин яна бир икки марта учрашдик. Саша мени уйига, дачасига олиб борди, катта зиёфат ўюштирди. Оиласи билан таништирди. Хотини, икки қизи бор экан... Қайтишда у менга, хотиним, болаларимга совفالар улашди. Пул ҳам таклиф қылди. Аммо мен пулни олмадим! Шунда у муқаррарар үлимдан сақлаб қолганлигим учун мендан умрбод қарздор эканлигини, бошимга бирор иш тушса ҳар доим ёрдамга тайёр эканлигини билдириди,

– Ҳикмат «бор гап шу» дегандай ийманибина терговчиларга термилди.

– Биз сизни ушлагандан кейин дўстингизнинг ўша гапи ёдингизга тушиб, у билан боғланиб, ёрдам сўрашни акангизга топширгансиз, шундайми? – деди Фахриддин қўлидаги қаламни ўйнатиб.

Ҳикмат тасдиқ маъносида бош иргади.

– Лекин акангизнинг биргина телефони ишониб, ҳе йўқ, бе йўқ, Сашанинг шунча катта пулни бериб юбориши сал шубҳалироқ туюлмаяптими? – Санжарбек луқма ташлади.

– Александр бадавлат одам! Мен сўраган пул унинг учун унчалик катта маблағ ҳисобланмайди...

– Ҳеч ким пулни супуриб олмайди. Бадавлат одам аксинча хасис бўлади... Улардан 150 минг доллар у ёқда турсин, 10 доллар олиш жонини олиш билан баробар! – Санжарбек ўрнидан қўзғалди.

– Саша унаقا йигитлардан эмас! – эътиroz билдириди Ҳикмат. – Ҳар ҳолда илтимосимни ерда қолдирмади-ку! У қилган мардликни ҳамма ҳам қила-вермайди...

– Ҳа, бунақа саховатпеша инсонларнинг бўлгани яхши! – деди Фахриддин пиёладаги чойдан ҳўп-ларкан. – Аммо улар берган эҳсондан пора сифатида фойдаланиш яхши эмас!

Ҳикмат индамади.

– Майли, гапларингизга ишондик ҳам дейлик, хўш унда марҳамат қилиб айтинг-чи, – Санжарбек Ҳикматга яқин келди. – шунча порани бизга нима сабабдан бермоқчи бўлдингиз? Сизга ҳали бирор бир айб қўйган бўлмасак...

Гумонланувчи «бир саволни неча марта такрорлаш мумкин?» деган маънода Фахриддинга бақрайиб қаради.

– Бугунча бас! – гуруҳ раҳбари эшик томонга юрди. – Санжарбек, сиз тегишли ҳужжатларни расмийлаштиринг. Нима қилишни яхши биласиз... Мен раҳбариятга қўнғироқ қилишим лозим.

Ўша куннинг ўзида Қодир, Қобил ва Ҳикмат пора бериш ва пора берища воситачилик қилганилиги учун қамоққа олинди. Шу орада тергов гуруҳи аъзоларидан бири Москвага хизмат сафарига юборилди. Кутилганидек, Александр Петрович Ҳикматнинг гапларини тўлиқ тасдиқлади.

Тергов гуруҳи фаолияти янада жадаллашди. Аммо Норбўта чўпоннинг қотиллиги билан боғлиқ асосий жиноят бўйича тергов яна боши берк кўчага кириб қолгандай эди...

\* \* \*

Фахриддин Каримовичнинг боши қотиб қолди. Соат тунги ўн бирга яқинлашаётган бўлса-да, турфа хил хаёллар унга тинчлик бермасди: Бу қандай иш бўлди! На учи, на қўйруғи бор! На боши, на адоги! Терговда шунча ишлаб, бунақа бир қарашда оддий, бироқ чигал, мужмал ишни кўрмаган. Бир тарафда қадимий китоблар, олтинлар, иккинчи томонда Амир Темур, Мирзо Улугбек, Али Қушчи каби буюқ сиймолар, бошқа томондан Ҳикмат, Қодир, Қобил, Александр Петрович... Талъат... Садоқат... Мастура ... Буларнинг ўртасида қандай кўзга кўринмас ришта бўлса? Ёки бу шунчаки та-

содифми? Калаванинг учи қаерга яширинган бўлса? Норбўта чўпонни ўлдириш кимга керак бўлган? Ўлдиришдан мақсад нима?

Эшиқ тақиллаб, хонага Санжарбек кириб келди:

– Мумкинми? Фахриддин ака қайтмаймизми?

Соат ўн бир бўлаяпти! Эртага ҳам иш қолсин...

– Бўлди, бўлди! Кетдик! – гуруҳ раҳбари шаҳдам ўрнидан қўзғалди.

Вилоят прокуратурасининг бўшаб қолган йўлаклари бўйлаб ўтишиб, ташқарига чиқишиди. Ҳовлида терговчиларни навбатчи машина кутиб турарди.

– Эътиrozлари бўлмаса, меҳмонхонагача тоза ҳавода маза қилиб, пиёда кетсан! – деди Фахриддин кўча томонга қадам ташлай туриб.

– Пиёда бўлса, пиёда-да! – Санжарбек устозга эргашди ва ортига қайрилиб, машинасидан бошини чиқарип «нима қилай?» деб турган ҳайдовчига қараб «Носир ака, сиз бораверинг, биз пиёда кетамиз» деб қўйди.

Анча пайтгача ҳар ким ўз хаёли билан жим кетишиди. Университет хиёбони бўйлаб юришар экан майин эсаётган баҳор насими кўкракларига тегиб, кўнгилларида ажиб бир сархушлик уйғотди.

– Устоз, менга бир нарса тинчлик бермаяпти! – Орадаги жимликни Санжарбек бузди. – Менимча...

– Фақат ишдан гаплашмайлик! Соат ўн иккига қараб кетаяпти... Ўзингиз айтгандай эртага ҳам қолсин! – устоз ҳазиллашайтими ёки чин гапираптими билиб бўлмасди.

– Майли, эртага бўлса, эртага-да! – шогирд аразлагандай юзини тескари бурди.

Бир оз жим кетишгач, устоз вазиятни юмшатган бўлди:

– Баъзи-баъзида сиздан жўяли фикрлар чиқиб қолади! Хўш, гапиринг-чи! Нима демоқчи эдингиз?

– Нима учун баъзи-баъзида экан! Биздан ҳар доим ақлли фикрлар чиқсан!

- Ким ўзини мақтайди?
- Бу мақтаниш эмас, эътироф!
- Яхши, сиз айтганча бўла қолсин! Гапиринг-чи!
- Менга негадир Ҳикмат билан Александр Петрович ўртасидаги муносабат шубҳали кўринаяпти-да! Бу ерда бир сир борга ўхшайди...

– Қанақа сир? Ҳикмат уни ўлимдан сақлаб қолган! Бошига иш тушганда у ҳам ўз ёрдамини аямаяпти! Бунинг нимаси сизда шубҳа уйғотмоқда.

– Устоз атайлаб шогирдини мунозарага чорлади.

– Ўлимдан кутқарган бўлса, бу унинг фуқаролик бурчи бўлган. У қутқармаса, бошқа бирор қутқариши мумкин эди. Лекин унчалик қадрдон бўлмаган, тасодифий танишнинг бир телефонга оз эмас, кўп эмас 150 минг долларни ҳадя қилиб юбориши ақдга сигадиган иш эмас! Улар ўртасида бошқачароқ муносабат борлиги аниқ! Балки танишишлари шундай кечган бўлса ажаб эмас. Кейинчалик уларни ягона мақсад бирлаштирган. Уларнинг бир ишни бошлашгани аниқ. Ахир Ҳикмат хорижда бекорга тентираб юрганинг-ку! Александр Петрович бизнесмен. Менинг тасаввуримда бундай одамлар пулни бекорга совуришмайди! – Ҳамсуҳбатининг дикқат билан тинглаётгани Санжарбекни илҳомлантиради.

- Хўш нимани таклиф қиласиз?
- Миямга Александр Пертович шахсини, оиласини, яқинларини ўрганиб чиқиш лозим деган фикр келганди...
- Ким сизга халақит бераяпти! Ўрганинг! Сиз тергов гуруҳи аъзоси, тажрибали терговчисиз!
- Питердаги дўстларимиз орқали айrim нарсаларни ойдинлаштирудим, – ниҳоят Санжарбек мақсадга кўчди.
- Қани, қани! Эшитайлик-чи! – Фахриддин мамнун жилмайди.

– Александр Петрович шаҳарнинг 10 та катта бизнесменидан бири экан. Компанияси асосан қурилиш билан шуғулланар экан. Икки фарзанди бор. Хоббиси автомашиналар коллекцияси. Хотини Тамара Булатовна шарқшунос...

– Шарқшунос! – тилла топган одамдай Фахриддининг кўзлари чақнаб кетди. – Келинг, ўтириб гаплашайлик!

Йўл четидаги ўриндиқقا ўтиришди. Санжарбек оҳиста давом этди:

– Бу ҳали ҳаммаси эмас...

– Тезроқ гапирсангиз-чи! Яна нима гап!

– Тамара Булатовна Эрмитаж музейида ишларкан...

– Аниқми?

– Албатта! Юз фоиз! Бир курсдошим МУРда ишлайди. Мана у факс орқали юборган маълумотнома, – Санжарбек чўнтаgidan бир варақ қофоз чиқарди.

Фахриддин тепадан тушиб турган чироқ шуъласида қофозга кўз югуртириди:

– Демак, Эрмитажда ишлайди... шарқшунос! Қайси тил бўйича мутахассис экан, буни аниқлагадинлизми?

– Нима учун? Аниқлагандан қандоқ! – Санжарбек атайлаб гапни чўзди.

– Одамни диққи-нафас қилмасдан гапирсангизчи! – Устознинг сабри чидамади. – Қайси тил?

– Араб тили бўйича мутахассис экан!

– Ана холос, пишди гилос! Шарқшунос... араб тили бўйича мутахассис... яна музейда ишласа... Бу нимани англатади! Сизга калаванинг учи топилгандай бўлмаяптими? Ҳикматнинг жазавага тушишида гап бор экан-да! – Фахриддин шогирдига юзланди. – Нима учун буни менга олдинроқ айтмадингиз!

– Ҳаммаси боя чиқишимиздан сал олдин аниқ бўлди. Ишхонада айтсам, туни билан ишлатардингиз-да! – деди Санжарбек қувлик билан.

– Бу гапингиз ҳам тўғри! – Фахриддин ўрнидан қўзғалди. – Кетдик!

Устоз-шогирд университет хиёбонини ортда қолдириб, меҳмонхона томонга юришди.

Эртаси куни каллаи сахарлаб туриб олган гурӯҳ раҳбари Санжарбекни ҳам кутиб ўтирмасдан ишга отланди. Туни билан ўйлаб чиқсан фикрларини жамлаб, қофозга туширди. Навбатдаги қилинажак ишлар режасини тузди. Сўнг иш вақти бошланиши олдидан Тошкентга – Тоҳир Фоғуровичга қўнғироқ қилиб, вазиятни тушунтирида.

– Энди нима қилмоқчисиз? – деди терговчининг ахборотини дикқат билан тинглаган Бош прокурор ўринбосари гап охирида.

– Санжарбек бу ердаги ишларни юритиб турса, мен гурӯҳ аъзоларидан бирини олиб, Питерга учсам дейман!

– Тўғри қиласиз! Сиз ишларни Санжарбекка топшириб, Тошкентга қайтинг! Мен кечки рейсга чиптага буюртма бердиртираман! Шерикликка кимни олиш ўзингизга ҳавола!

Сал ўтмай кўпроқ ухлаганиданми ёки ухломаганиданми қовоқлари шишиб, одатдагидек қуюқ саломлар билан Санжарбек кириб келди:

– Э, бунақа эмас-да, устоз! Уйғотай ҳам демабиз!

– Мен барвақт тургандим. Сизни безовта қилгим келмади. Қани ўтиринг, – Фахриддин шогирдига жой кўрсатди.

Санжарбек стол устидан қофоз ва қалам олди.

– Мен пешиндан сўнг Тошкентга жўнайман. Худо хоҳласа, кечки рейсда Санкт-Петербургга учаман. Бу ердаги ишлар сизга қолади. Нималар қилишни ўзингиз яхши биласиз. Сизга ўргатишга

ҳожат йўқ! Ҳозир Ҳикматни олиб келишади. Уни кечаги масалалар хусусида сўроқ қилишимиз лозим. Балки бирор нарса ойдинлашар...

Шу пайт эшик тақиллаб, икки милиционер Ҳикматни ичкарига бошлаб киришди ва одатига кўра қўлидаги кишанни ечиб, бирин-кетин хонадан чиқиб кетишиди.

– Яхши дам олдингизми? Ўтиринг! – Фахриддин жой кўрсатди.

– Раҳмат! Агар буни дам олиш деб ҳисоблаш мумкин бўлса!

Тергов олдидан таъбини тирриқ қиласлик учун терговчилар Ҳикматнинг пичингига эътибор қилишмади.

– Тамара Булатовнани олдиндан танирмидингиз? – гуруҳ раҳбари мақсаддага кўчди.

Ҳикмат бундай саволни кутмаган шекилли яшин ургандай чўчиб тушди. Ўзининг танг ҳолатини сездирмаслик учун чўнтағидан рўмолчасини олиб, юз-қўлини артган бўлди. Шу тобда унинг хаёлидан нималар кечаётганини англаш қийин эмасди. Одатда сўроқ қилинаётган шахсга кутилмаган саволга жавоб топиш учун муайян фурсат лозим бўлади. Буни яхши тушунган терговчилар ёнларида терлаб-пишиб ўтирган бу шахсга ҳам бир муддат мушоҳада қилиб олишига қаршилик кўрсатишимади.

– Т-а-м-а-р-а Бу-лат-ов-нани олдиндан таниманман. Саша билан уйига борганда кўрганман, – деди ниҳоят Ҳикмат дудукланиб.

– Тамара нима иш қиласди?

– Қизиқмаганман!

– Биздаги маълумотларга қараганда у ҳам Сизга ўхшаб шарқшунос, араб тили бўйича мутахассис экан, музейда ишларкан...

– Бўлса бордир, сўрамаган эканман! – деди Ҳикмат кўзини ердан узмай. Сўнг вужудидаги ҳая-

жонни сездирмаслик мақсадида ўзини дўстининг хотини тақдиридан хавотирланаётган қилиб кўса-тишга уринди: нима гап, унга бирор нарса бўлибдими?

Бурчакда кузатиб ўтирган Санжарбекнинг хаёлидан «Вой шайтон-эй! Устига сув юқтиргиси келмайди-я!» деган фикр ўтди. Ўзини тутиб туролмай ўрнидан турди ва Ҳикматга ўдағайлади:

– Ҳали Тамаранинг Эрмитажда ишлашини ҳам билмайман, Эрмитажга ҳам бормаганман дерсиз?!

– Тамара менга қаерда ишлашини айтмаган! Менам сўрамаганман! Лекин Эрмитажга борганман! Питерга борган одам уни кўрмасдан қайтмаса керак!

– Тамара билан Эрмитажда учрашдингизми?

– Биз Саша билан бирга бордик. Тамара бизга «гид»лик қилди.

– Сиз Тамара билан Норбўта чўпондан олган қўл-ёзмалар тўғрисида гаплашмадингизми? Ҳар ҳолда у ҳам шарқшунос экан, – давом этди Фахриддин.

– Йўқ! У пайтда китоблар менда эмасди. Уларни чўпон кейин олиб келиб берган-ку!

– Китоблар сизнинг қўлингизга тушгач, Питерга неча марта боргансиз? – Санжарбек гап қотди.

– Икки марта шекилли!

– Аниқроқ гапиринг!

– Ўтган йили ёзда... шу йил бошида... қишида... тўгри икки марта!

– Питерга бунча серқатнов бўлиб қолишингизнинг сабабини билсак бўладими? – Санжарбек ўрнидан туриб кетди.

– Бир нарсани неча марта такрорлаш мумкин?

– Ҳикмат норози оҳангда бир Санжарбекка, бир Фахриддинга тикилди.

– Бу тергов! Керак бўлса юз марта такрорлай-сиз! – деди Санжарбек ҳам бўш келмасдан.

– Мен бу саволингизга жавоб берганман! Бошқа гапим йўқ!

Фахриддин ғазабга тўлиб, ўдағайланиб турган шогирдига «керак эмас» деган маънода қараш қилди. Санжарбек ноилож жойига ўтирди.

– Ҳикмат ака хафа бўлмайсиз энди, ишимиз шунаقا! Мана бу қофозга Питерга қилган саёҳатингиз тафсилотларини обдан ўйлаб, батафсил ёзсангиз, – Фахриддин стол устидан қофоз ва ручка олиб, Ҳикматга узатди. – Ҳеч нарса ёдингиздан чиқмасин! Қачон, қаерга боргансиз, ким билан учрашгансиз, қаерда тунагансиз, қачон қайтгансиз...

Ҳикмат бир оз ўйланиб, ёзишга киришди...

Тушга яқин Фахриддин гуруҳ аъзолари орасидаги энг тажрибали изқувар Аваз билан бирга Тошкентга йўл олди...

\* \* \*

Баҳорфасли охирлаб бораётган бўлса-да Санкт-Петербургда қуёш тафти сезилмасди. Фахриддин меҳмонхонадан чиқиб, шаҳар кўчалари бўйлаб одимлар экан, аъзои-бадани жунжикканини ҳис қилди, қалинроқ кийиниб чиқмагани учун ўзини койиди. Такси тўхтатишга мажбур бўлди. Қорачадан келган ҳайдовчи йигит мижозни илиқ кутиб олиб, у айтган манзил томон газни босди.

– Брать вы откуда? – шафер русчада билин-пар-билинмас акцент билан гапирди.

– Из Узбекистана, из Ташкента!

– Э ака, ўзбекман денг! Яхшимиз! Ишқилиб кўзимга иссиқ кўриндингиз-да! Питрга хуш келибсиз!

– Раҳмат укажон! Ўзингиз қаердансиз?

– Мен Самарқандикман! Уч-тўрт йилдан бери шу юртларда насибамизни териб юрибмиз-да ака! Менинг отим – Азимжон!

- Менинг исмим Фахриддин!
  - Танишганимдан хурсандман, ака! Юртдошларни кўрса одам бир бошқача бўлади-да! – Азимжоннинг қувончи ичига сифасди.
  - Менам хурсандман! Қайда бўлсаям омон бўлинглар!
  - Фахриддин ака, ўзимизда нима дейишади, «йўл бўлсин» дейишадими? Бу юртларда... нима юмушлар билан... саёҳатми, бизнесми?
  - Хизматчиликда, укажон! – Фахриддин жилмайди. – Мен прокуратурда ишлайман. Хизмат сафарига келгандим.
  - Тушунарли! Юрлар тинчми? Тошкент таниб бўлмас даражада ўзгариб кетган дейишади.
  - Тўғри айтишади! Нафақат пойтахт, бутун Ўзбекистон кундан-кунга чирой очиб бормоқда. Ҳар қадамда курилиш, янгиланиш, яшариш...
  - Бу ерда яшашимиз ёмон эмас. Лекин бари бир одам ўз киндик қони тўкилган жойни, Ватанини соғинар экан. Баъзида бу ерлардан учиб кетгим келади...
  - Асли касбингиз нима? – деди Фахриддин Азимжонга тикилиб.
  - Ўқитувчи! Математика муаллимидим.
  - Шундай муборак касбни ташлаб, бу жойларда нима қилиб юрибсиз?
  - Пешана экан. Шунаقا бўлиб қолди. Оила, болам-чақам деб, одам ўзини ўтга ҳам, қирга ҳам ураркан. – Азимжон чуқур «уф» тортди.
  - Рисқингиз шу ерларга сочилган экан-да, ука! Болалар ҳам келишганми?
  - Хотиним, икки ўғлим қишлоқда қолган...
  - Ҳа, бу ёфи чатоқ экан. Оиласиз одамга қийин...
- Уларни ҳам олиб келсангиз бўлмайдими?
- Бунинг ҳам иложи йўқ! У ёқда энам ёлғиз...
  - Ҳа, оналарни ёлғизлатиб бўлмайди, – деди терговчи ойнадан кўзини узмай. – Мана бу черковми?

- Машхур Исаков сбори деганлари шу. Бу хиёбон ҳам Исаков номи билан аталади.
  - Ленинградни чиройли шаҳар деганларича бор экан! – деди Фахриддин шаҳар тароватига маҳдиё бўлиб.
  - Мана Почтамт кўчасига ҳам келдик! Қаерга ҳайдай! – деди Азимжон машина тезлигини пасайтириб.
  - Шаҳар прокуратураси қаерда экан?
  - Ҳозир сўраймиз-да! – Азимжон машинани йўл четига тўхтатиб, йўловчилардан биридан манзилини сўраб, қайтди. – Адашмапмиз, ҳов ана олдиндаги катта бино прокуратура экан.
- Такси сал юриб, пештоқига «Прокуратура города Санкт-Петербурга» деган салобатли бино олдида тўхтаганда Азимжон мижозига юзланди:
- Фахриддин ака, мен нима қиласай, сизни кутиб турайми?
  - Қандоқ бўларкан, мен бирор соат қолиб кетишим мумкин. Сизни куттириб қўймайманми?
  - терговчига юртдошининг таклифи маъқул бўласа-да, ўзини хижолат чекаётгандай тутди.
  - Э ака, гап бўлиши мумкин эмас, кечгача бўлсаям кутиб тураман! – деди Азимжон самимий оҳангда.
  - Раҳмат Азимжон! Менга катта ёрдамингиз тегаяпти. Сизсиз бу катта шаҳарда йўлимни тополмай тентираб юрган бўлардим! Мен тезда! – терговчи қўлидаги сумкани чанглаб, ичкарига кириб кетди.
- Питерлик ҳамкаслар Фахриддин Каримовични илиқ қарши олишди. Ёши элликдан ошган, новчадан келган прокурор ўринбосари Сергей Константинович меҳмонни қабул қиласа экан, Ўзбекистон, ўзбеклар ҳақида фахрланиб гапирди:
- Мен Гдяян, Ивановлар гуруҳида юртингизда борганман. Ажойиб ўлка. Одамлари меҳмондўст,

халқи содда, меҳнатсевар... Ўшанда мен бу ишларга қарши бўлганман. Бутун бошли миллатни жиноятчига чиқармоқчи бўлган ўша ярамасларга таъсир қилишга ҳаракат қилганман. Қайда дейсиз, улар ўз айтганларидан қолишмаган. Қайтанга раҳбариятга ёмонлаб, мени терговдан четлаштирган.

– Нимасини айтасиз, уларнинг халқимизга етказган зуғуми ҳамон юраклардан чиқмайди. Ҳар ким ҳам сиздек мардлик қиrolмайди. Ўша пайтларда у каллакесарларга қарши бориш осон бўлмаган...

– Ташрифингиз ҳақида Москвадан қўнфироқ қилишганди, – ниҳоят Сергей Константинович мақсадга кўчди. – Давлатларимиз ўртасида ҳуқуқий ёрдам тўғрисида шартнома бор. Биздан қанақа кўмак лозим бўлса, тортина масдан айтаверасиз, муаммо бўлмайди.

– Раҳмат!

– Сизга энг тажрибали ходимларимиздан берамиз, ёрдам қилишади, – прокурор ўринбосари ички телефон гўшагини кўтарди. – Вадим Михайлович, хонамга киринг!

Бир оз ўтиб хонага 30-32 ёшлардаги кийган формаси ўзига ярашган «капитан» кириб келди:

– Рухсат этинг, ўртоқ полковник!

– Вадим таниш, меҳмон серқуёш Ўзбекистондан,

– деди Сергей Константинович стол устидаги қоғозга кўз қирини ташлаб, – Фахриддин Каримович!

– Вадим Михайлович! – «Капитан» меҳмонга қўл узатди. – Танишганимдан хурсандман!

– Мен ҳам!

– Вадим! Мана бу ҳужжатлар билан танишиб чиқиб, ҳамкасбимизга тегишли тергов ҳаракатларини олиб борища амалий ёрдам кўрсатилишини ташкил этасиз! – Бошлиқ қўлидаги қоғозларни узатди. – Меҳмонни ёлғизлатиб қўйманг! Ахир қанча йиллар бир тизимда, бир мақсадни кўзлаб елкама-елка ишлаганмиз! Муаммо бўлса, кирагисиз!

Вадим меҳмонни ўз хонасига бошлаб чиқди. Терговчилар масалани атрофлича муҳокама қилишиб, амалга ошириладиган тергов ҳаракатлари режасини тузиб олишиди.

– Демак келишдик, тинтүвни бугун кечки пайтда, одамлар ишдан қайтадиган пайтда ўтказамиз!  
– деди Вадим прокуратура остонасида Фахриддинни кузата туриб. – Соат 17 да менинг хонамда учрашамиз!

– Келишдик! Кечгача!

Фахриддин иши осонликча ҳал бўлганидан хурсанд ҳолда машиналар тўхташ жойига шошилди.

– Азимжон, зерикмадингизми? Сизни ҳам ташвишга қўйдим-да!

– Ҳечқиси йўқ, меҳмон оти Худо! Сизга нафимиз тегмаса, бу юртларда нима қилиб юрибмиз! – Азимжон машина моторини ўт олдирди.

– Анча ишдан қолдирдим...

– Бу гапларни қўйинг, кетдик сизни бир питерча меҳмон қиласай! – Азимжон газни босди. – Ҳадемай тушлик ҳам бўлиб қолади.

– Яхши! Олдин меҳмонхонадан шеригимни олайлик. Кейин бизларга Эрмитажни кўрсатсангиз...

– Гап бўлиши мумкин эмас! Ленинградга келиб, Эрмитажни кўрмай кетиш – «грех»! Ўшаёққа ҳайдайми?

– Ҳозир меҳмонхонага, Авазжонни олайлик!

– Ҳа эсим қурсин! Шеригим бор дегандингиз-а!

– ҳайдовчи орқа ойнага қараб, машинани чап томонга бурди. Меҳмонхонадан Авазни олишиб, тўғри Эрмитаж музейи томонга юрдилар. Азимжон меҳмонларга «гид» топиб берди. Ўзи машинада кутиб турадиган бўлди. Авазнинг «юринг, бирга айланамиз, шериклари учун еврей ўзини осган экан!» дея ҳазиломуз қистовига Азимжон «Сизлар бемалол айланиб чиқаверинглар. Меҳмонлар билан келавериб, музей менга ёд бўлиб кетган!» деб жавоб берди.

Гарчанд Фахриддин Каримович бу даргоҳ түғрисида ўқиган, телевизорда кўрган бўлса-да, бунчалик деб тасаввур қилмаган эди. Бир-бираидан ҳашаматли бинолар, ҳайбатли устунлар, турфа хил ранглар, қадим ота-боболаримизнинг ҳаётидан далолат бериб турувчи экспонатлар, жозабали суратлар, кўзни қамаштирувчи ҳайкаллар, қурол-аслаҳалар, тангалар, китоблар, қўлёзмалар одамни ўзига маҳлиё этади. Киши ўзини бошқа оламга тушиб қолгандай ҳис қиласи. Бу ажойиботдан, бу гўзалликдан кўзини ололмай сармаст бўлиб қолади гўё. Латофати ўзига ярашиб турган «гид» аёл ўз тилида тўлқинланиб гапиради:

– Музейга 1764 йилда рус подшоси Екатерина II томонидан асос солинган. У берлинлик бир савдогардан 225 та картинкани сотиб олиб, бугун сиз кўриб турган мана шу даргоҳнинг тамал тошини кўйган. Айни пайтда музей З миллионга яқин санъат ва бошқа маданий мерос ёдгорликларига эга. Ундаги ҳар бир коллекция давлат томонидан муҳофаза қилинади.

– Кечирасиз, Ларисахон! Ўн тўққизинчи асрнинг иккинчи ярми, йигирманчи асрнинг бошида Самарқанд ва Бухородан келтирилган бойликлар қаерда сақланади? – Аваз сал талаффуз билан бўлса-да русчада бехато гапирди.

Лариса мийигида кулиб қўйиб, тушунтиришда давом этди:

– Албатта, музей коллекциялари турли даврларда турли шахслар томонидан олиб келингган. Музейда Ўрта Осиё халқдарининг Россияга қўшилиши туфайли келтирилган экспонатлар ҳам талайгина...

– Қўшилиши эмиш, босиб олиниши дессанг тўғри бўлармиди! – тўнғиллади Аваз ўзбекчалаб.

Фахриддин «керак эмас!» дегандай шеригига қараб қўйди. Сўнг орадаги нокулайликни барта-рафт этиш учун:

– Лариса Григорьевна, Ўрта Осиёнинг қадимий халқлари маданияти ва санъатига доир экспонатларни ҳам кўрсак бўладими? – деди.

– Албаттa! Улар музейнинг Ўрта Осиё маданияти ва санъати доимий экспозициясида сақланмоқда. Ҳозир айнан ўша ёққа кетаяпмиз!

Қишки саройнинг биринчи қаватига етганда Лариса меҳмонларни катта залга чорлади ва таништиришга тушди:

– Экспозиция 11 та залга жой бўлган. Экспонатларни шартли равишда иккига бўлиш мумкин: исломгача ва исломдан сўнгги даврдаги маданий ёдгорликлар...

Фахриддин ҳар бир экспонатни дикқат билан кўздан кечирар экан, кўз олдида мозий гавдалангандай бўлди. Гўё самодан туриб, она юртининг ўтмишини кузатиб тургандай эди. Хаёлида экспонатлар тилга кираётгандай, кечмишини сўзлаётгандай, мингминг йиллар танасида сақлаган сирларини ошкор этаётгандай... қора кўзли бу инсонларни таниётгандай, нажот сўраётгандай туришарди...

– Экспонатлар икки йўл билан – шахсий коллекцияларнинг топширилиши ва археологик қазишлар орқали узоқ йиллар тўпланган, – «гид» оладиган пулини ҳалоллаш учун тер тўкарди.

Аваз Фахриддинга маъноли қараб, ўз тилида «Босқинчилик йўли билан тўпланган экспонатларни айтишмайди-я!» дея луқма ташлади. Гуруҳ раҳбари «қўяверинг!» дегандай мийифида кулиб қўйди.

– Лариса Григорьевна, кечирасиз, музейда Амир Темур кутубхонаси фондига кирган қўлёзмалар ҳам борми? – Фахриддин Каримович рус тилида чиройли ва бехато гапирди.

– Албаттa бор! Улар турли даврларда турли хил йўллар билан музейга олиб келинган. Яқинда, – Лариса ён атрофига аланглаб, шивирлади, – яна бир

қанча қўлёзмаларни қўлга киритдик! Бебаҳо бойликка, ҳа-ҳа, бебаҳо дурдонага эга бўлдик!... Нима, сиз қадимий қўлёзмаларга қизиқасизми?

– Ҳа, мен ҳам коллекционерман! Ўша қўлёзмалар музейга қандай келиб тушганлигини айтолмайсизми? – терговчи касбига хос эҳтиёткорлик билан савол беришда давом этди.

– Йўқ, йўқ! Хабарим йўқ! Бу бизнинг ишимиз эмас, – Лариса сергакланди.

– Сиз Амир Темур ёки Мирзо Улуғбек кутубхонаси ҳақида биласизми?

– Университетда ўқиб юрган кезларимда мен қадимда йўқолиб кетган кутубхоналар тарихидан диплом иши ёзгандим. Ўшанда Амир Темур кутубхонасига қизиқиб қолганман. Яқинда музейга шу кутубхона фондига кирувчи китоблар топширилганда «кутубхона топилдимикин?» деган ўйга бордим. Ростдан ҳам шунақами? – деди Лариса мовий кўзлари жавдираб.

– Ҳозирча йўқ! Лекин... Сиз у қўлёзмаларнинг Амир Темур кутубхонасига тааллукли эканлигини қандай билдингиз?

– Ахир уларга Темирийлар тамфаси босилган-ку!  
– Лариса «коллекционер бўла туриб шуни билмайсанми?» дегандай маъноли қарааш қилди.

– Сиз қўлёзмаларни ўз кўзингиз билан кўрдингизми?

– Нима, сиз мени тергов қиласпизми? – қизнинг қошлари чимирилди.

– Минг бор узр! Қўлёзмаларга азбаройи қизиқанимдан... Сизни хафа қилмоқчи эмасдим, – Фахриддин қўлинни кўксига қўйди.

Шу билан гап узилиб қолди. Лариса меҳмонларни кейинги залга бошлади. У ҳар бир экспонат олдида тўхтаб, мароқ билан гапирав, ўз бурчини садоқат билан бажаришга ҳаракат қиласади. Фахриддин

гарчанд ўзини «гид»нинг гапларини эшитаётгандек тутаётган бўлса-да, аслида унинг хаёlinи тамоман бошқа нарсалар банд этганди: наҳотки қўлёзмаларни Ҳикмат олиб келиб музейга топширган бўлса! Нима учун ўзимизнинг давлат музейимизга эмас, бошқа давлатнинг музейига! Кўп пул тўлашадими бу ерда? Балки ўзимизга топширса сири ошкор бўлишидан чўчиғандир! Балки бошқа бирор сири бордир... Лекин давлат музейи қўлёзмалар учун унақа катта пул тўлай олмайди-ку! Коллекционерлар, шу соҳага қизиқувчилар кўпроқ ҳақ тўлаши аён-ку! Нега уларга топширмаган? Бу ишларга Сашанинг, Тамаранинг алоқаси борми? Ахир Тамара шу ерда ишлайди-ку! Балки у Ҳикматни қўлёзмаларни шу ерга топширишга кўндиргандир. Раҳбарлари билан гаплашиб, каттагина пул ундириб бергандир... Бу ноёб қадимий қўлёзмалар ҳеч бир одамни бефарқ қолдирмаслиги тайин...

– Яхши йигит, сиз мени эшитмаяпсиз шекилли!  
– Ларисанинг назокатли овози терговчининг хаёлини бузди. – Бўлмаса тугата қолайлик!

– Йўқ, йўқ! Мен яхши! Давом этамиз!

Мижозларининг вақти тифиз эканлигини англаған Лариса кейинги заллардаги осори-атиқалар билан сал юзакироқ таништиришга ҳаракат қилди. Фахриддин ҳам бунга эътиroz билдирамади. Аваз толиққанидан йўлак четидаги ўриндиқлардан бирига ўтириб олди.

– Лариса Григорьевна қизиқувчалигим учун мени афу этгайсиз, – Фахриддин кетишига тайёрланиб турган қизни четга тортди. – Сиз чиндан ҳам ўша китобларни ўз кўзингиз билан кўрдингизми?

– Эй Худо! Яна ўша китобларми? – қиз бу барно йигитдан бошқачароқ сўзни эшитишни хоҳлаган шекилли, қовоғи уйидди.

– Эҳ Л-а-р-и-с-а, Лариса, гўзал Лариса! Ўтина-ман, менга ёрдам беринг! Бу мен учун жуда муҳим!  
– Фахриддин аёлни кўнглини юмшатиш учун яли-нишга тушди.

– Айтишларича, бир олим киши қўлёзмаларни музейга қолдиришни васият қилган эмиш! Бўлди, бошқа нарса билмайман! Керак бўлса ана раҳбариytta кириинг, айтиб беришади, – Лариса «бўлди-ми, қутулдимми?» дегандай йигитта тикилиб, сўнг оҳиста одимлай бошлади. – Кўришгунча!

– Кўришгунча! – Фахриддин тилига тузукроқ сўз келмаганидан хижолат бўлиб, бир муддат жойида қотиб қолди.

Демак, васият қилган! Бу яна ким бўлди? Кекса олим бўлса, балки қўлёзмалар унга уруш йилларида келиб қолгандир. Унда Амир Темур кутубхонаси сири кимларгадир олдинроқ маълум бўлганми? У ҳолда нима сабабдан шу пайтгача бу ҳақда ҳеч ким, ҳеч нарса билмайди... Ҳар нарса бўлиши мумкин. Ёки бу Ҳикматбойнинг ишимикин?

– Фахриддин ака, кетдик! Қоринлар ҳам ногора чалиб юборди-ку! – Авазнинг овози эшитилди.

Музейдан чиқишиди. Азимжон кутиб турган экан. У ҳамюрларини шинамгина қаҳвахонага олиб бориб, меҳмон қилди. Кечга яқин мезбон эртага учрашиш шарти билан меҳмонларни шаҳар прокуратураси олдида қолдириб кетди...

\* \* \*

Тинтув соат 19 да бошланди. Тамара Булатовна терговчилар ўзбекистонлик эканлиги, жиноят иши Ўзбекистон Республикаси прокуратураси томонидан қўзғатилганлигини эшитиб, аввалига ҳарҳаша қилди, тергов ҳаракатларини олиб боришга халақит қилмоқчи бўлди. Аммо Вадим ўз хизмат гувоҳномасини кўрсатиб, қонун талабини тушун-

тиргач, бир оз тинчланди. Эрига қўнфироқ қилди. Сал ўтмай башанг кийинган, бўйнига аёлларга ўхшаб тилла занжир осиб олган Александр Петрович кириб келди. У нима гаплигини англаган бўлса-да, терговчилар тақдим этган ҳужжатлар билан хотиржам танишиб чиқди. Сўнг жавондаги китобларни кўздан кечираётган Фахриддиннинг олдига келди:

– Жаноб терговчи, марҳамат қилиб айтинг-чи, нима, сизларнинг қонунларингиз бўйича дўстига ёрдам бериш жиноят ҳисобланадими?

Фахриддин Каримович бир Вадимга, бир тинтувда холис сифатида иштирок этаётган икки қўшни хотинга қараб, кулиб қўйди. Бу қалтис саволга муносиб жавоб бериш учун бир муддат фикрини жамлаб олди:

– Нега унақа дейсиз? Бирорларга, айниқса, дўстларга бефараз ёрдам бериш ҳеч бир қонунда жиноят саналмайди. Аксинча, бизнинг одоб-ахлоқ қоидаларимиз ўзгаларга ёрдам беришни энг олижаноб инсоний қадрият сифатида баҳолайди.

– Ундай бўлса, нега бизни безовта қилаяпсизлар, уйимизни тинтиб, тинчимизни бузаяпсизлар. Нима, биз жиноят қилдикми? Ахир олдин юборган терговчинизга мен бор ҳақиқатни айтиб бергандим-ку! Яна нима хоҳдайсизлар биздан! – Саша ранги доқадек оқариб кетган, ўзини қўярга жой тополмай тинмай «оҳ-воҳ» чекаётган хотинини бағрига босди.  
– Бўлди жоним, бўлди! Ҳаммаси жойида!

– Александр Петрович, Тамара Булатовна сизлар ахир олий маълумотли, тушунган одамсизлар-ку!

– Фахриддин қилаётган ишидан тўхтаб, хонадон соҳибларига юзланди. – Бизни тўғри тушунинглар, ўз хизмат бурчимизни бажарайпмиз! Тергов зарурияти бизни шунча йўлдан келиб, сизларни, қолаверса, питрлик ҳамкасларимизни безовта қилишга мажбур қилди. Биз тергов қилаётган жиноятга

тааллуқли ҳеч нарса топилмаса, янада яхши, узр сүраб қайтиб кетамиз.

– Ўзи нима қидирайпсизлар? – эрининг пинжида бир оз ўзини босиб олган Тамара қизиқсинди.

– Қадимий китоблар, қўлёзмалар... тилла тангалиар, – Фахриддин Тамаранинг юз-кўзидағи ўзгаришни кўриш учун унга зимдан разм солди.

– Унақа нарсалар бизда нима қиласди! – уй соҳибаси ўрнидан турди ва стол устидан сигарета олиб, тутатди. Сўнг эрига қараб: «Бу ҳаммаси ўша йигит туфайлими?» деди.

Саша «билмадим» дегандай елкасини қисди.

Терговчи эр-хотиннинг ўзларини тутишидан берган маълумоти уларни унчалик ҳаяжонга солмаганлигини англади. «Демак, улар тинтувнинг мақсадини, бизнинг нима излаётганимизни яхши билишади. Ҳар ҳолда бу гал тўғри йўлдан кетаётганга ўхшаймиз!» хаёлдан ўтказди у.

– Нима Ҳикмат бирор музейни тунаганми? – деди хонадон соҳиби терговчига ўкрайиб.

– Биз сизга ҳали ўша қўлёзмалар Ҳикматга таалуклилиги тўғрисида сўз очмадик шекилли. Нега ундей деяпсиз? – деди Фахриддин таажҷуби ортиб.

– Тўғри, сўз очмадингиз, лекин қачондан бери мени Ҳикмат масаласида безовта қилаяпсизлар-ку! Бошқа бизни ўзбекистон билан боғлаб турган нарса йўқ!

– Тўғри мушоҳада қилаяпсиз! Бизда Ҳикматнинг Питерга қўлёзмалар олиб келганлигини тасдиқловчи далиллар бор. Агар сизларнинг унинг энг яқин одами эканликларингизни ҳисобга олсак, бизнинг гумонимиз бекорга эмаслигини англаш қийин эмас. Бундан ташқари Сизнинг унга қилган саховатингиз... бизнинг ўрнимизда бўлганда сиз ҳам шундай йўл тутган бўлмасмидингиз? – Терговчи атайлаб дераза ёнида сигарет тутаётган

үй соҳибаси эшитсин деб овозини бир оз кўтариб гапирди. – Булардан ташқари Тамара Булатовнанинг Эрмитаж музейида ишлаши, шарқшунос, аниқроқ айтадиган бўлса, араб тили бўйича малакали мутахассис эканлиги ҳам бизни шундай қарорга келишга мажбур этди.

– Ўхў, мен ҳақимда ўзимдан ҳам кўра кўпроқ нарсаларни биладиганга ўхшайсизлар-ку! – Тамара сигаретини кулдонга бостириб, Фахриддин Каримовичга ўдағайланди. – Бу билан нима демоқчиз? Бизни жиноятчига чиқармоқчимисиз? Эшитганман, сизларда бўлар-бўлмас нарсага одамларни қамаб юборармиш. Бу ерни йигитча, Россия дейдилар, ҳа-ҳа Р-о-с-с –и – я!!!

– Кечирасиз, хоним! – Фахриддин аёлга еб қўйгудек тикилди. – Биринчидан, сизларни ҳеч ким жиноятчи деган эмас. Иккинчидан, сизга нотўғри айтишибди. Сиз зиёли одамсиз. Қайсиdir бир бетамизнинг гапига ишониб, бутун бошли миллатни ёмонотлиқ қилиш яхши эмас. Билмасангиз, билиб қўйинг, Ўзбекистон собиқ шўролар маконида биринчилардан бўлиб, жиноятчиликнинг, зўравонликнинг, миллатчиликнинг пойини қирқди. Қонун устуворлиги қарор топди. Уйда, кўчада, ишда бехавотир яшаш мумкин. Автомашинангизни очик қолдирсангиз ҳам бирор ёнига йўламайди... Сиз ўзи Ўзбекистонда бўлганмисиз?

Тамара «йўқ» деган маънода бош чайқади.

– Унда сизга бошқа гапим йўқ! Фақат имкони бўлганда Ўзбекистонга бир бориб, у ерда рўй берәётган ўзгаришларни ўз кўзингиз билан кўришни маслаҳат бераман.

Орага жимлик чўкди. Уй эгалари эътиroz билдириш фойда бермаслигини ҳис қилдилар чофи, диванда ўтирганча терговчиларнинг ҳаракатини кузатиб турдилар.

– Ўртоқ бошлиқ, мана буни қаранг! – жавондаги китобларни бирма-бир күздан кечираётган Аваз қалин муқовали китоб ичидан чиққан бир варақ қофозни гурух раҳбарига узатди.

Фахриддин шоша-пиша хатни қўлига олиб, рус тилида битилган матнни ўқий бошлади:

«Мұхтарама Тамара Булатовна! Йўллаган совфандан бошимиз осмонга етди. Сизга ўз номидан, арман халқи номидан чуқур миннатдорчилик изҳор этишга ижозат бергайсиз! Бу бебаҳо дурдоналар кавказ халқлари учун тарихий ҳақиқатни тиклашда тилсим бўлади деган умиддаман. Камоли эҳтиром ила профессор А.Р.Саркисян».

Терговчининг қўлида хатни кўриб, Тамара жон ҳолатда унга яқинлашди:

– Хатни беринг! Бунинг сизга алоқаси йўқ, шахсий мактуб...

– Ниманинг алоқаси бор, ниманини йўқ биз ҳал қиласиз! – деди Фахриддин қатъият билан. – Сиз марҳамат қилиб жойингизга ўтиринг!

Тамара бир оқариб, бир кўкариб, ноилож жойига чўкди. Аёлнинг бу ҳолати «хатда бир гап борга ўхшайди» дея ўйлаб турган терговчининг хавотирини баттар кучайтирди. Мактубга тикилганча ундаги сирли сатрларни хаёлан таҳдил қила бошлади: совғангиз – бебаҳо дурдона деяпти... арман халқи номидан раҳмат айтмоқчи! Кавказ халқлари учун тарихий ҳақиқатни очувчи тилсим! Бу нима бўлса! Наҳотки қўлёзмалар назарда тутилаяпти! Йўғ-э, балки бошқа нарсадир... Қўлёзмаларнинг арман халқига нима алоқаси бор? Балки бу арман халқининг тарихига оид китоблардир. Ахир Амир Темур бобомиз Кавказни ҳам босиб олган-ку! Ўшандада арман қўлёзмаларини Самарқандга олиб кетганмикин! Камолхон домла Соҳибқирон бобомиз қаерга борган бўлса, олтин олмаса-да, китоб олган демаганмиди?! Демак,

бу ўша бир пайтлар Арманистандан олиб кетилган қадимий битиклар! Ҳикмат уларни Тамарага етказган, у эса таниши Саркисянга пуллаган... Домлага телефон қилиб, аниқлик киритиш керак!

Фахриддин Авазга «Сиз давом эттираверинг, мен беш дақиқа телефонда гаплашиб олай», деде ташқарига чиқди. Қўл телефонидан таниш раҳамларни терди:

– Ассалому алайкум Камолхон ака! Яхшимисиз, уйдагилар соғ-саломатми?... Раҳмат, раҳмат! Безовта қилганим учун узр... Мен хизмат сафарида эдим... Сал узокроқда... Бир-икки кунда қайтиб қоламиз... Борганда албатта учрашамиз, сизнинг маслаҳатингиз ишимизда жуда асқатмоқда! ... Албатта, албатта! Ака, минг бора узр, телефонда бўлса-да бир нарсани сўрамоқчи эдим... Амир Темур бобомизнинг сиз айтган ўша кутубхонасида арман манбалари ҳам бўлганми?... Шунаقا денг.... Тушунарли!... Йўқ, йўқ, ҳаммаси жойида, боргандаба-тафсил гаплашамиз, хайр... Саломат бўлинг!

Фахриддин тилла топган одамдай мамнун хонага қайтди. Бир бурчакда қандайдир газета ва-рақлаб ўтирган Вадим ўрнидан туриб, «нима гап, тинчликми?» деди.

– Ҳечқиси йўқ! Ҳаммаси яхши! Узр! Раҳбариятга ахборот бериб қўйдим! – терговчи ҳамкасбини тинчлантириди.

Сўнг ўзини анча сипо ва хотиржам тутишга ҳаракат қилмасин, бари бир хавотирини яширомай, ер шохлаб ўтирган Тамаранинг олдига борди:

– Тамара Булатовна, марҳамат қилиб, профессор Саркисяннинг сизга ёзган мактубининг маъносини бизга тушунтириб бера оласизми?

Тамара индамади. Саша, хотининг тил ютгандай туриши яхшиликка олиб келмаслигини англаб, унга танбеҳ берган бўлди:

– Тамара, сендан гап сўраяпти, гапир ахир! Саркисян сен юборган қадимий сопол идишлар

учун миннатдорчилик изҳор қилганлигини айтиб бермайсанми?

«Демак, бу ишда Сашанинг ҳам қўли бор! У хотинига танбеҳ бериш асносида унинг биз бераётган саволларга нима деб жавоб қайтаришини ҳам шипшишмоқда!» хаёлдан ўтказди Фахриддин ва фикрини тасдиқлаш учун саволни такрорлади.

– Альберт Робертович менинг курсдошим, – Тамара ердан нигоҳини узмай гап бошлади. – Мен унга шогирдларим Ереван атрофида ўтказилган археологик тадқиқотлар пайтида топилган беш-олти чоғли ўн иккинчи-ўн учинчи асрга оид сопол идишларни совфа қилгандим. Шунга миннатдорчилик билдириб, мактуб ёзган. Унинг сизларга кераги йўқ! Текшириб кўришларингиз мумкин...

Тамара шундай ишончли гапирдики, бошқалар қатори Фахриддиннинг ҳам ишонгиси келиб кетди. Ҳатто «хатни эгасига қайтариб берсамикин?» деган ўйга борди. Лекин воқеалар занжиридаги бундай кетма-кетлик, ҳодисалар ривожидаги мантиқий боғлиқлик уни фикридан қайтишга мажбур қилди. Ҳар қанча оғир бўлмасин хаёлидан ўтгандарини текшириб кўришга аҳд қилди.

Икки соатдан кўпроқ давом этган тинтувда бошқа диққатга сазовор ашё топилмади. Терговчилар холислар иштирокида барча расмиятчиликларни ўринлатиб, Саркисяннинг хатини далилий ашё сифатида олишди.

Зинопоядан туша туриб, Аваз хавотирда орқасига қараб қўйди:

– Фахриддин ака, энди булар Саркисянни телефонда огоҳлантириши тайин! Келишиб олишса, қийин бўлади-да!

– Мен ҳам шуни ўйлаб тургандим. Албатта огоҳлантиради. Лекин на илож, афсуски, бунинг одини олиш имконига эга эмасмиз! – деди гуруҳ раҳбари надомат билан.

- Балки телефон сўзлашувларини...
- Буни ўйлаб қўйганман! Аммо қўнфироқни ўз телефонидан қиласмикин бу шайтон!
- Мана ҳозир кечки тўққиздан ўттиз беш дақиқа ўтибди. Саркисяннинг телефонига шу вақтдан кейин Москвадан қилинган қўнфироқларни текшириб кўрса бўлади, – билағонлик қилди Аваз.

Фахриддин индамади. Унинг бошида турфа хил хаёлларни пишириб кетаётгани аниқ эди. Машина олдига яқинлашганларида Вадимга юзланди:

- Эрталабга уй эгаларининг телефон сўзлашувлари таҳдилини олсак бўладими?
- Но проблем! Эрталаб телефон тармоқларига сўровнома берсак бас! Фақат телефонлари ўз номида бўлса... Акс ҳолда қийин бўлади!

Вадим ҳамкасларини меҳмонхонада қолдириб, уйига шошилди.

Кейинги кунни терговчилар шаҳар прокуратурасида Александр ва Тамарани иш юзасидан гувоҳ сифатида сўроқ қилишдан бошладилар. Бахтга қарши гувоҳларнинг кўрсатмаларидан жиноят ишига ойдинлик киритиши мумкин бўлган бирор ҳолат аниқданмади. Ҳар иккаласи Ҳикмат билан баҳтсиз ҳодиса туфайли танишиб қолишганликларини, бу йигит Сашани ўлимдан сақлаб қолганлигини, шу сабабли унга ҳурматлари баландлигини, бошига иш тушганда улар ҳам баҳоли қудрат ёрдам берганликларини, Ҳикмат уларга ҳеч қанақа қўлёзма олиб келмаганлигини, қадимий китоблардан мутлақо бехабар эканликларини айтиб тураверишди.

Пешиндан сўнг Фахриддин питерлик ҳамкаслари ҳамроҳлигига яна Эрмитажга борди. Музей раҳбариятининг рухсати билан Амир Темур кутубхонасига тегишли қўлёзмаларнинг музейга топширилиши билан боғлиқ ҳужжатларни қараб чиқди. Тушунмаса-да ўша китобларни ҳам кўздан

кечирди. Музей ходимининг тушунтиришича, қадимги араб тилида ёзилган бу ривоятлар ўн учинчи асрда дамашқлик алломалар томонидан жамланган. Дурдоналар тарихчи олим, академик Б.С.Савицкий томонидан музейга тухфа қилинган экан. У ўзининг ўлими олдидан қилган васиятномасида шахсий кутубхонасидаги уч мингдан ортиқ китобларни Эрмитаж музейига мерос қилиб қолдириши васият қилган.

Кечга яқин Фахриддин Вадим билан бирга академик Савицкийнинг хонадонига борди. Эшик қулф эди. Қўшнилардан суриштириб, академикнинг қизи Светлана Борисовнани топишиди. Аёл чақирилмаган меҳмонларни қўполлик билан қарши олди. Уларнинг прокуратурадан эканлигини эшитиб, баттар хуноби чиқди:

– Сизларга нима керак?! – деди у беписандлик билан.

– Мұхтарам Борис Саломоновичнинг кутубхонаси хусусида бир-икки оғиз саволимиз бор эди!  
– деди Фахриддин вазиятни юмшатиш учун такаллуф билан.

– Кутубхонани у музейга васият қилган. Ҳамма китоблар Эрмитажда, – Светлана сал юмшагандай бўлди.

– Хабаримиз бор. Аммо бир нарсани... мана сиз ҳам илмий даргоҳда ишларкансиз, отангизнинг китобларни сизга қолдирмасдан музейга тухфа қилганлигини қандай изоҳдайсиз?

– Жуда оддий! Бунга ичкилик сабаб! Мен отам хоҳдагандай илмий ишшимни давом эттира олмадим. Катта илмий ходим бўлиб қолавердим. Бунинг устига кейинги йилларда отамнинг ҳолидан хабар ололмадим. Араққа пул зарур бўлганда бир неча китобларини арzon-гаровга сотиб юбордим... Ишончларини йўқотдим... Бир ҳисобга тўғри қил-

дилар. Раҳматли ўша китобларини ҳамма нарсадан яхши кўрарди. Уларни еру қўкка ишонмасди. Менга қолдирса, тез орадан китоблар йўқ бўлиб кетишини сезиб, нотариусни чақиртирди. Мени олдимда бутун кутубхонасини Эрмитажга мерос қолдиришини васият қилдилар...

– Сиз отангизнинг кутубхонасидаги китоблар билан танишмидингиз? – Фахриддин «ноўрин савол бермадимми?» дегандай Вадимга қаради.

– Ёшлигимда, илмий иш билан шуғулланиб юрган кезларимда кутубхонадаги китобларнинг кўпини ўқиб чиққанман. Кейинчалик арақ қурғурга берилиб, уларга эътибор қилмай қўйдим...

– Илмий ишингиз нима ҳақда эди? – терговчи «арқонни узоқдан ташлади».

– Олтин Ўрта хонлигининг маданияти ва санъатига бағишлиланганди. Бундан энди нима наф? Ҳаммаси қолиб кетди...

– Қизиқарли мавзу экан, – Фахриддин зўр бериб аёлнинг кўнглига йўл топишга ҳаракат қиласди.

– Бу тўғрисида гаплашишни хоҳдамайман!

– Светлана Борисовна, отангиз музейга ҳадя қилган китоблар орасида Амир Темур кутубхонасига тегишли қадимий қўлёзмалар ҳам борлигидан хабарингиз борми? – терговчи мақсадга кўчди.

– Э ҳа, ўша китобларми? Хабарим бор! Отам мен мактабда ўқиб юрган кезларимда у ҳақда гапириб берганди. Қирқинчи йилларнинг охирида у Ўрта Осиёда – Ўзбекистонда яшаб, археологик қазишмалар олиб борган. Қайсиadir қишлоққа борганларида бир кампир писта сотиб ўтирган экан. Улар ҳам писта олишибди. Писта ўралган қофозда арабча битикларни кўриб отам ҳангуманг бўлиб қолган. Кампир қофоз тополмаганидан пистани солишга қадимий китобдан фойдаланаётган экан. Шу тариқа отам кампирнинг уйидан яна бир қанча китобларни

арzon-гаровга сотиб олибди... Уларни жуда эҳтиёт қиласыларди... Нима сизлар ўша китобларни деб...

– Света, ўша китоблар бизни қизиқтираётган қўл-ёзмалар эканлигига аминмисиз? – Фахриддин сал нобопроқ савол бериб қўйганини англаб, қўшимча қилди. – Отангизни Зинг кутубхонасида китоблар кўп бўлгани боис, сиз бошқа китобларни назарда тутмаяпсизмикин демоқчиман...

– Ўзингиз айтдингиз-ку, Темирланнинг йўқолган кутубхонаси фондига тегишли деб, – мезбоннинг хуноби чикди. – Ўзи сизларга нима керак?

– Демак, отангизда Амир Темур... – Фахриддин атайлаб лўнда-лўнда қилиб гапирди, – кутубхонасига таалуқли фақат шу 10 дона китоб бўлган шундайми?

– Сизларни нима қизиқтиради билмайман-у, аммо отам ҳар бир китобни рўйхатга олиб, унинг олинган жойи, вақтини ҳам қайд этиб бораарди.

– Света ўрнидан туриб, тўғридаги хона томонга юрди. – Мен ҳозир...

Сал ўтмай қўлида тўрт-бешта қалин муқовали дафтарларни кўтариб келди:

– Мана, ўзларингиз кўришларингиз мумкин. Бу ерда барча китоблар рўйхаттга олинган.

Света дафтарларни стол устига қўйиб, улар ичидан бирини очиб, дикқат билан кўздан кечира бошлади:

– Шу ерда бўлиши керак! 45... 46... йил... 47, 48, 49 – йил... ҳа мана, 1025 – 1034 рақамларда қайд этилган... Ўша қўл-ёзмалар 1949 йил 20 августда К-и-т-о-б – Кеш шаҳрида Ри-со-лат Ч-о-р-и қизидан олинган экан, марҳамат! – аёл дафтарни терговчига узатди.

Фахриддин дафтарга кўз югуртириб, бир неча кундан бўён уни қийнаётган саволларга жавоб топгандай бўлди. Ён дафтарини чиқариб, нималарни дир қайд этди ва дафтарни эгасига қайтарди:

– Отангиз жуда олижаноб, тартибли ва қобилиятли инсон, улуг олим бўлган эканлар! Сизга минг раҳмат! Энди бизга ижозат берасиз...

Ўринларидан туришди. Света шунча йўлни босиб келган терговчиларнинг ташрифи сабабини тушунолмай турган бўлса-да, ортиқча саволлар бериб ўтирмади. Таассуфини сездирмасликка ҳаракат қилди. Остонада улар билан совуққина хайрлашди.

Пешиндан кейин алоқа тармоқларидан маълумотномалар олинди. Уларда терговчилар ташрифидан сўнг Саша ва Тамара ўзларига тегишли қўл телефонлардан ёки уй телефонидан Арманистонга қўнғироқ қилмаганлиги маълум бўлди.

«Наҳотки Тамара рост гапирган. Наҳотки у Саркисян домлага археологик қазилмаларда топилган осори-ақиқаларни топширган. Акс ҳолда у домлани телефонда огоҳлантирган бўларди. Эр-хотин анчагина сергак одамлар. Биз уларнинг кўрсатмаларини текшириб кўриш учун Арманистонга бориб, Саркисян билан учрашишимизни яхши билишади. Унда нега огоҳлантиришмади? Балки бошқа бизга номаълум бўлган телефондан сим қоққандир. Буни қандай аниқласа бўлади... Фақат у ёққа борганда домлага тегишли бўлган телефонлардаги сўзлашувларни таҳдил қилиб, Питердан қўнғироқ бўлган ёки бўмаганлигини билиб олиш мумкин...» – Фахриддин хаёлига келган фикрдан енгил тортгандай бўлди.

Вадим билан хайрлашиб, меҳмонхонага қайтди. Бир оз дам слиш ниятида жойига чўзилди. Бўлмади. Ўрнидан туриб, қўлига қофоз ва қалам олди. Питерда қилинган ишларни сарҳисоб қилди. Қилинажак ишлар режасини тузди. Сўнг Тошкентга – Тоҳир Фофуровичга қўнғироқ қилиб, вазиятни тушунтирди.

– Энди нима қилмоқчисиз? – деди суҳбат адодида раҳбар босиқдик билан.

– Рухсат берсангиз Арманистонга бориб, Саркисян билан учрашсам? – Фахриддиннинг овозида аввалги қатъият сезилмади.

– Бундан бирор нарса чиқишига ўзингиз ишонасизми?

– Тоҳир ака, бу тахмин ҳам ўзини оқламаслиги мумкин! Аммо бошқа иложимиз йўқ. Эҳтимоллик даражаси бир фоизлик бўлса-да, ҳар бир важни текшириб кўришга мажбурмиз! Ҳеч бир ҳолатни очиқ қолдириб бўлмайди...

– Яхши, яхши! Мен йигитларга ҳозир топшириқ бераман. Тегишли ҳужжатларни расмийлаштириб, Арманистон прокуратурасига юборишади. Қачон йўлга чиқмоқчисиз?

– Эртага эрталаб Еревандада бўламан!

– Бўлади, унгача ҳужжатлар ҳам етиб боради. Фақат... Фахриддинжон ўзингизни эҳтиёт қилинг! Ҳар ҳолда у ерларни Кавказ дейишади... Сиз ҳали Ватанга кераксиз!

– Тоҳир ака, раҳмат! – Фахриддин кўнгли бўшшиб гўшакни қўйди...

Азимжон келишилган пайтда меҳмонхонага етиб келди. Машинасини пастда қолдириб ўзи тепага кўтарилди. Фахриддин билан Аваз аллақачон нонушта қилишиб, жомадонларини йиғиширишиб, кутиб туришарди. Таниш эшикни оҳиста тақиллатиб, жавобини кутиб ўтирумасдан хонага мўралади:

– Эрталабки салом! Яхши дам олдингизларми?

– Раҳмат Азимжон! Ўзингиз яхшимисиз? Сизни ҳам роса безовта қиласидиган бўлдик-да! – Фахриддин ҳамюртини бафрига босди.

– Ўзбекистонга борсангиз Худо хоҳласа бизам хизматингизда бўлайлик! – Аваз ҳам меҳмон билан эски қадрдонлардай қучоқлашиб кўришди.

Бир зумда жомадонларни машинага ортишиб, аэропорт томонга йўлга тушишди.

– Ишқилиб ишларингиз битдими? – деди Азимжон йўлдан кўзини узмай.

– Битди деса ҳам бўлади! – жавоб қайтарди Аваз.

– Демак, унча яхши бўлмапти! – Азимжон мантиқан хулоса қилди. – Ўзи нимани текшириб юрибсизлар?

– Э, шу нимани текшириб юрганимизни ўзимиз ҳам билмай қолдик, Азимжон ака! – Аваз гапни ҳазилга бурди. – Китоб, Самарқанд, Питер, энди эса Ереван... билмадим яна қаерларга тумшук тиқамиз! Ўзи ўша қадимий китоблар ҳақиқатда бўлганими ёки йўқми буни ҳам билмаймиз!

Фахриддин шеригига ўқрайиб қараб қўйди.

– «Қадимий китоблар» денг. Кимга керак экан улар! Янги китобларни ўқишига вақт тополмаймиз-у. Хотя... – Азимжон бир нарсани эслагандай жимиб қолди.

– Бирор нарса ёдингизга тушдими? – анчадан буён жимгина кетаётган терговчи сергакланди.

– Китоб деганларингга, бир ҳангома ёдимга тушиб кетди.

– Эшитайлик-чи! – Аваз шеригига қараб қўйди.

– Бизнинг устозимиз доимо одамларни эшит, улар ҳамма нарсани билади дерди. Қани гапиринг!

– Ён кўшнимиз Муродилла ака уч боласи, хотинини олиб, Тошкентга бориб келганди. Кўпчилик бўлгани учун самолёт қимматлик қилган. Поездга чипта олибди. Қайтишда купеда уларга Самарқандлик бир йигит ҳамроҳ бўлибди. Кўринишидан, башанг кийинишидан эр-хотин уни институтда домла бўлса керак деб ўйлашибди. Беш-олти коробка зил-замбил юки ҳам бор эмиш. Ажабланарлиси купедан бир қадам жилмай коробкадаги матоҳдарини қўриблаб ўтиармиш. Муродилла ҳазиллашиб, «Ака нима бало тилла-пилла олиб кетаяпсизми?» деса, «ҳарна йўл пули чиқсин деб

магиз опкетаяпман» дермиш. Қўшним ичида «магиз ўлгурни ҳам еру кўкка ишонмайдиган одамлар бор экан-да» деб ўйласа-да, ортиқча савол бериб ўтирампти. Болалари ҳам одам бўлиб қолишган, роса шўх-да! Ҳалиги одам ҳожатга чиққанда купеда ҳеч ким йўқлигидан фойдаланиб, болалардан бири эшикда пойлаб турибди. Иккинчиси татиб кўриш учун магиз олмоқчи бўлиб, коробкалардан бирини очибди. Қараса, қутида ҳеч қанақа магиз йўқ, қандайдир қорайиб кетган эски-туски китоблар билан тўлаймиш...

– Китоблар! Хўш-хўш, кейин нима бўлибди? – боядан бери «бу ҳикоянинг бизга нима таалуқли жойи бор экан!» деб ўйлаб кетаётган Фахриддиннинг вужуди қулоқча айланди.

– Бола қутини қандай очган бўлса, шундай билдири масдан ёпиб қўйибди. Вақтини топиб, отасига воқеани айтиб беришибди. Муродилла бунга унчалик эътибор қилмапти. «Қадимий китобларни яхши кўраркан-да» деб ўйлабди. Ҳангоманинг қизиги кейин бошланибди... Поезд Қозоғистон ҳудудидан ўтаётганда бир тўда ҳарбий кийимдаги кишилар чиқиб, йўловчиларга тегишли ҳамма юкларни текшира бошлабди. Бояги йигитнинг ранги оқариб кетибди. Чегарачилар тап тортмай коробкаларни очиб ташлашибди. Бир талай қадимий китобларни кўриб, текширувчиларнинг кўзи чиқиб кетаёзиди. Улар «Қаердан олдинг буларни?», «Нима бало террористмисан?» дея йигитга ёпишиб кетишибди. Китобларни мусодара қилмоқчи бўлишибди. Йигит бечора «китобларни музейга топширишга олиб кетаяпман» дея роса ялинибди. Шунда чегарачиларнинг каттаси сал шаштидан тушиб, ходимларига «бўпти тушунган одамга ўхшайди» дея чиқиб кетибди. Йигит амаллаб текширувчиларни муросага кўндирибди. Чўнтагида пули бўлмаган-

ми ёки камроқ бўлганми, ишқилиб, Муродилладан «Питерга борганда бераман» деб кўкида уч минг қарз олибди... Йигит сўзининг устидан чиқибди. Етиб келишгач, вокзалнинг ўзида қарзини қайтарибди. Кўшним йигитнинг шу арзимас эски китоблар учун шунча пора берганига ҳайрон қолибди. «Эски китоблар ҳам роса пул тураркан-да!» деб менга бўлган воқеани сўзлаб берганди... Китоб деганларингизга ёдимга тушиб кетди... Балки...

– Ўша йигитнинг исми нима экан? – қизиқсиниди терговчи.

– Билмадим! Сўрамапман!

– Қўшнингиз ҳозир қаерда?

– Ишда бўлса керак!

– Бирор жойга кетмаганми, Питердами демоқчиман...

– Кеча эрталаб кўрган эдим. Нимайди!

– Авазжон, – Фахриддин орқа ўриндиқда кетаётган шеригига юзланди. – Қолишингизга тўғри келаяпти. Мен бир ўзим учаман. Бугуноқ Муродиллани топасиз. Азимjon сизга ёрдам қиласди.

– Тушунарли! – Аваз бош иргади. – Хаёлимда ўша йигит бизнинг «қаҳрамон» бўлиб чиқадигандай...

– Бўлиши мумкин! Лекин Ҳикмат анойи эмас, Муродиллага ҳақиқий исмини айтмаган бўлиши мумкин...

– Э, уни ҳар қандай одам эслаб қолади. Бошида тамғаси бор-ку, у калнинг! – Аваз тиржайди.

– Мен Вадимга қўнгироқ қиласман, бирор ёрдам керак бўлса учрашасиз! Самолёт чиптасини алмаштирасиз... Нима қилишни ўзингиз яхши биласиз! Этикдўзга бошқаларнинг маслаҳати жоиз эмас! Агар тахминимиз тўғри чиқса, – Фахриддин Азимжонга юзланди. – Бизга катта ёрдам қилган бўлардингиз, раҳмат сизга!

– Арзимайди! – «таксист» мамнун жилмайди.

Санжарбек Фахриддин Каримовичдан олган топшириқ бўйича Шаҳрисабз томонга отланди. Бу юмушни гуруҳ аъзоларидан бирига юкласа ҳам бўларди. Лекин шахсан ўзи боришни маъқул кўрди. Бари бир шу кунларда нима қиларини билмай «чивин кўриб» ўтирибди. Жиноят иши юзасидан деярли барча тахминлар кўриб чиқилди. Бошқа чўмичга илинадиган тахминнинг ўзи йўқ. Бир умиди Санкт-Петербургдан эди. Аммо гуруҳ раҳбарининг гапидан у ёқда ҳам дикқатга сазовор янгилик йўққа ўхшайди. Боз устига шунча одам қамоқда ўтирибди. Вақт эса ўтиб бормоқда! Чўпоннинг ўлими ҳамон но маълумлигича қолмоқда! Қотил бу ёқда қолиб, бошқа нарсаларга ўралашиб қолишмаяптими? Қандайдир қадимий қўлёзмалар, кутубхоналар, дуру гавҳарлар... Буларнинг қотилликка қанчалик алоқаси бор! Бу ҳам етмагандай Санкт-Петербург, бу томони Арманистон... Энди эса қандайдир пистачи Рисолат кампир... Яна эллигинчи йилларнинг воқеалари. Момонинг дорулбақога рихлат қилгани аниқ. Болалари бордир. Лекин улар бирор нарсага ойдинлик кирита олармикин? Устознинг фикрича, немислар урушига қадар ёки урушдан кейин кимдир Амир Темурнинг йўқолган кутубхонаси сиридан воқиф бўлган. Шу сабабдан кутубхонага тегишли айрим ашёлар, жумладан, қадимий қўлёзмалар, тиллалар одамларнинг қўлига тушган. Рисолат кампирнинг аждодлари ҳам ана шундай кам сонли одамлар сарасига кириши мумкин. Ўттизинчи-қирқинчи йиллардаги қатағонлар халқ орасидан ўқимишли одамларнинг қирилиб кетишига сабаб бўлган. Уларнинг бир қисми жисмоний йўқ қилинган. Қолган қисми сургунларда ўлиб кетган. Китоб қадрига етадиган зиёлиларнинг йўқ қилиниши нодир қўлёзмаларнинг пистачилар қўлига тушишига омил бўлган. Қатағон курбонлари Амир

Темур кутубхонасининг сирини ҳам ўзлари билан ер қаърига олиб кетган...

Санжарбекнинг жаёллари чигаллашиб кетди. Ўзини чағитиши учун довондан ошиб, шитоб билан пастга одимлаётган машина ойнасидан атрофга аланглади. Нақадар ажиб манзара... Яратганинг ўзидан буюк мусаввир бўлмаса керак. Ҳамма нарсани мукаммал қилиб яратиб қўйибди. Ер, осмон, Қуёш, ой, тоғлар, дарёлар, уммонлар, ҳайвонлар, паррандаю даррандалар, наботот олами... одамзот... бутун борлиқ узвий боғлиқда, бири бирисиз яшай олмайди. Ҳатто энг кичик ҳашаротлар ҳам ҳаёт отлиқ улкан машинанинг бир бўллагини ташкил этади. Инсон эса ўша машинанинг бошқарувчиси. У бутун борлиқни ўз измига бўйсундирмоқчи. Бу йўлда ҳеч нарсадан тоймаяпти. Юлдузларга қўл чўзмоқда, қуёшга талпинмоқда, ойни ўзлаштирмоқчи, дарёларни жиловлаб, ўрмонларни каллакламоқчи, ҳайвонларни қафасга тикиб, ҳашаротларни қирмоқчи... Наҳотки инсон ҳаёт машинасини жарлик томон бошқариб кетаётганлигини билмас! Бу кетишида эрта-индин ер юзи бир уюм темир-терсаклар маконига айланиб қолмайдими? Эҳ одамлар, одамлар, тинчимаган одамлар...

– Ака, Китобга келдик, қайси томонга юрамиз? – деди ҳайдовчи олдиндаги чорраҳага ишора қилиб.

– Бозор томонга ҳайданг. Бир киши келиши керак.

Келишилган жойда Маҳкам Санжарбекни кутиб олди. Салом-алиқдан сўнг у қизиқишини яшиrolмади:

– Нима гап ука? Бирор янгилик борми?

Терговчи шеригини масаладан воқиф қилди.

– Ия, шунга шунчами? Мен қотиллик бўйича бирор арзигулик маълумот топилибдими деб ўйлабман! – деди Маҳкам қоши чимирилиб.

– Ҳозирча бори шу! Ишни нимадан бошлаймиз?

– Менимча, Садоқатдан!

– Ҳа ўлманг, фикримиз бир жойдан чиқди. Кетдик.

Садоқат меҳмонларни совуққина қарши олди.

Санжарбек мақсадга кўчди:

– Безовта қилаётганимиздан афсусдаман. Аммо қотиллик фош бўлгунча на сизда, на бизда тиним бўлишини биласиз деган хаёлдаман. Сизга тиллаларни мерос қолдирган киши онангизнинг оталири бўлади шундайми?

Садоқат «тўғри» деган маънода бош чайқади.

– Рисолат момо сизга ким бўлади?

– Қ-қ-а-на-қа Ри-со-лат? Тушунмадим.

– Рисолат Чориева!

– Унақа аёлни танимайман!

– Онангиз қаерда?

– Уйда бўлса керак! Нимайди...

– Бизга у кишининг уйини кўрсатсангиз, илтимос!

– Тинчликми? Нима гап ўзи! – деди аёл хавотирини яширолмай.

– Тинчлик, тинчлик! Бир масала тўғрисида маслаҳатлашмоқчи эдик. – Санжарбек мезбонни тинчлантиришга уринди. – Кетдикми?

Садоқат «мен ҳозир» дея ётоқхонасига кириб кетди. Бир оздан сўнг башанггина кийиниб, пардоз-андозни ҳам жойига қўйиб, чиқиб келди. Санжарбек ўзининг терговчи эканлигини ҳам унугиб, аёлга бир-икки ўғринча қараб қўйди: «Латофатли жувон экан» кўнгилдан ўтказди у. Йигитдаги ҳиссиётни аёл ҳам сезмай қолмади...

Садоқатнинг қизлик уйи унчалик узоқ эмас экан, бирпаста етиб боришди. Ёши олтмиш бешдан нари-бери, истараси иссиққина кампир уларни илиқ қарши олди. Уларнинг нима мақсадда келганини суриштириб ўтирамай тавозе билан ичкарига бошлади. Танимаса-да Санжарбек билан обдан сўрашди. Сўнг унинг эътирозига қарамай дастурхон ёзиб, чой дамлади, нон синдириди.

– Аяжон, бу киши Санжар ака, терговчи! Сизда маслаҳатли иши бор экан! – орага чўккан жимлиқдан фойдаланиб, Садоқат меҳмонни танишдирди.

– Майли болам, ким бўлсаям меҳмон-да! Маслаҳат бўлса қочмас, мен овқатга уннай! – кампир туришга шайланди.

– Йўқ, йўқ! Ўрнингиздан турманг! Раҳмат онахон! Мен шошиб турган эдим. Овқат бўлса қочмас. Сиздан бир-икки оғиз сўрайдиган гапим бор эди!

Каппир «қулоғим сенда» дегандай терговчига тикилди.

– Рисолат момо сизга ким бўлган? – терговчи ён чўнтагидан бир варақ қофоз чиқарди. – Рисолат момо Чори қизи!

– Рисолат момо! Билмадим! Ким экан у?

– Тахминан эллигинчи-олтмишинчи йилларда яшаб ўтган. Бозорда пистафуруушлик қилган. Сизларга қариндош бўлиши керак!

Онахон бир оз ўйланиб қолди. Сўнг ёдига тушди шекилли, терговчига юзланди:

– Рисолат деган қўшнимиз бўларди. Бир умр бозорда писта сотган!

– Қўшнингиз! Қачон вафот этган?

– Эҳе анча вақт бўп кетти! Мен келин бўлиб узатилганимда йўқ эди шекилли! Анигини эслолмайман!

– Унинг отаси ким бўлган?

– Мен қайдан билай? Бир ўғли мен билан ўқиган... фамилияси ким эди-я... Чориевмиди... Ҳа-ҳа Чориев Қурбон эди.

– Адашмаяпсизми? – терговчи сергакланди.

– Эсимни ебманми! Ишонмасангиз бориб, ўзларидан сўранг!

– Улар ҳалиям ўша ерда туришадими?

– Болалари чиқиб кетишган, кенжаси турса керак... Ўзи нима гап? Бирор ишқал қилибдими?

– Сизларнинг ўша қўшниларингиз, хусусан Рисолат момо билан муносабатларингиз қандай бўлган? – деди Санжарбек қўлидаги пиёлани дастурхонга тўнкариб.

– Ён қўшни бўлганмиз... Улар анчагина ночор кун кечиришарди. Бобом, отам уларга кўп ёрдам қилган. Кейин шўро ҳукумати отамнинг бор-будини тортиб олгач, бизлар ҳам фариб ҳолга тушиб қолдик, – кампир чуқур «уф» тортди.

– Онахон биласизми, гап бобонгизнинг хазинаси – тиллалари, китоблари хусусида бормоқда. У киши буларни қаердан олган бўлса?

– Неча марта айтиш мумкин! – онахоннинг қошлиари чимрилди. – Олдин ҳам бир прокурор роса бошимни қотирганди! Болам, мен ёш бўлганман! Бобом уларни қаердан олганини билмайман! Ҳатто мен уларни кўрмаганман! Бобом қатафон қилинишидан олдин уларни кўмиб ташлаган. Отам эса бир умр ҳукуматдан қўрқиб ўтди. «Тилла одамга кулфат келтиради» дерди раҳматлик! Бир кун кўнгли келиб, менга ўша олтинлар ҳақида гапириб берганди. Лекин уларни кўмган жойини айтмаган. Излаб-нетиб юрмасин деган-да! Ўлимни олдидан бечора тилдан қолган бўлса-да, бир нарсани айтишга роса чиранди. Уйимизнинг кунчиқар томонидаги тепаликка ишора қилиб, ниманидир айтмоқчи бўлди... Лекин гапира олмади. Мен ўзимча, балки бобомнинг тиллалари кўмилган жойни айтмоқчи бўлдимикин деган ўйга бордим...

– Хўш кейинчи, кейин нима бўлди! – Санжарбек бу ҳақда билса-да, ўзини худди биринчи бор эши-таётгандай тутди.

– Нима бўларди, менгина ўлгур ёш бола деб мановга... – деди кампир қизига ишора қилиб. – Оғизмдан гуллаб қўйибман. Отам ҳақ экан! Олтиннинг турган-битгани ташвиш экан. Мана нима бўлди!

Бир шўрликнинг умрига зомин бўлди! Раҳматли яхши инсон эди. Бизга хизмати катта бўлган...

– Норбўтанинг ўлимига олтинлар сабаб бўлган дейсизми?

– Ҳа-да! Бошқа нимаям бўларди?

– Онахон, бобонгизда қадимий китоблар кўп бўлармиди?

– Бобом ўқимишли одам бўлган. Кўп ўқиган. Китоблари ҳам кўп бўлган. Аммо қатағон йилларида кимнинг уйидан араб алифбосида китоб топилса, ҳалқ душмани сифатида балога гирифтор бўлган. Шундан кўркиб, китобларни уйда сақлай олмаган...

– Эллигинчи йилларда бир рус олими Кешга келиб, бир писта сотиб ўтирган кампирдан ўн дона нодир қўлёзмани арзимаган пулга сотиб олган экан. Ўша пистачи аёл қўшнингиз Рисолат Чори қизи бўлиб чиқмоқда, – Санжарбек бир кампирга, бир Садоқатга қараб олди. – Нима деб ўйлайсизлар, Рисолат момо ўша қадимий қўлёзмаларни қаердан олган бўлса?

– Қайдам! – кампир елкасини қисди. – Лекин Рисолат момо саводсиз эди... Қўл учida кун кечиришарди... Китоб ўқийдиган ҳоли йўқ эди...

– Балки бобонгиз китобларни уларникуга яширгандир!

Кампир ўйланиб қолди. Сўнг бир нарсалар ёдига тушди шекилли, оҳиста ҳикоя қила бошлади:

– Мен мактабга ўқиб юрган кезларимда молхонамиизда анча-мунча эски китоблар сақланарди. Отам уларни гоҳ у кунчакка, гоҳ бу кунчакка, гоҳ емишлар орасига, гоҳ томга яшириб юрарди. Ўша кезларда мен унинг бу ҳаракатларини тушунмаганман. У китоблар нима ҳақда эканлигини ҳам ўйлаб кўрмаганман. Отамдан бу ҳақда сўрасам аниқ жавоб бермаган. Фақат «ҳеч кимга айтма, билса мени қамаб қўйишади» деган. Кейинчалик ўша китоблар

молхонамиизда кўринмай қолди. Отам уларни бирор тасига берганми ёки овлоқроқ жойга кўмиб ташланми билмайман. Ажабмас ўшандада отам китобларни сақлаш учун қўшнимизга берган бўлса. Негаки, уларники бехавотирроқ бўлган...

– Ўша китобларни очиб кўрганмисиз? Китоблар сони қанча эди?

– Чамамда ўн-ўн беш халтага жой бўларди... анчагина эди-ёв. Бир куни қизиқиб, китобларни варақлаб кўрганман. Арабча экан, ҳеч нарса тушуммаганман.

– Сизга раҳмат аяжон! Бизга анча ёрдам қилдингиз, – Санжарбек ўрнидан қўзғалди. – Энди менга жавоб. Ҳа дарвоҷе, Рисолат кампирнинг яқинларидан кимлар бор?

– Кичик қизи мендан ўн ёш катта эди. Фузорда турғучиди. Ўша бўлмаса, қолганларининг ўтиб кетганига толой вақт бўлди. Невара, чеварапари анчагина... Лекин уларнинг бу тўғрида бирор нарса билишига ишонмайман, – кампир нима учун келганини айтмасдан йўлга отланаётган терговчига тикилди. – Ўзи сенга нима керак, болам! Ўша китобларни деб кемагандирсан!

– Вой онажон-эй, сизни кўришга келгандим! Келдим, кўрдим, кетаяпман.

– Э ҳазилинг ҳам бор бўлсин! – онанинг юзига табассум югурди.

Санжарбек она-бола билан хайрлашиб, Рисолат кампирнинг болалари яшайдиган манзил томон юрди. Фузордан ақли кирди-чиқди бўлиб қолган «кичик қиз»ни топди, невараларидан бир нечтаси билан учрашди. Садоқатнинг онаси ҳақ бўлиб чиқди. Улардан тайинли гап олоомай шу куни кечки пайтда Самарқандга қайтди...

Муродилла уйида йўқ экан. Кутишга тўғри келди. Фурсатдан фойдаланиб, Азимжон изқувар ҳамюртини уйига таклиф қилди. Бир пиёла чой устида чақчақлашиб ўтирдилар. Кечки пайт Муродилла икки ўғли билан уйига келганини эшишиб, уникига ўтишди. Қисқагина танишувдан сўнг Аваз мезбонни сўроққа тутди:

– Муродилла ака, поездда Тошкентдан қайтишингизда рўй берган қадимий китоблар ҳангомаси тўғрисида батафсилоқ гапириб берсангиз?

Уй эгаси «сен айтдингми?» дегандай Азимжонга ёвқарашиб қилди.

– Қўшни, бу кишилар қадимий китоблар масаласида ишни тергов қилишаётган экан. Гапдан гап чиқиб, ёдимга сизнинг ҳикоянгиз тушиб кетди. Шуни айтиб бергандим, – деди Азимжон ўзини оқдаш ниятида. – Шунга Авазжон ўзингиздан эшитмоқчи бўлиб келганди.

Уйига жиноят қидирав бўлимининг ходими бостириб келганидан бир оз ҳаяжонга тушган мезбон қўшнисининг гапидан сўнг ўзини босиб олиб, бўлиб ўтган воқеани сўзлаб берди.

– Ўша йигитнинг исми ёдингиздами? – Аваз саволга тутди.

– Раҳматжон.

– Адашмаяпсизми?

– Адашишим мумкин эмас, чунки у укам билан отдош чиқиб қолганди...

– Унинг бирор ҳужжатига кўзингиз тушмадими?

– Йўқ, эътибор қилмапман. Нима, исми бошқа эканми?

– Қўринишини тасвирлаб бера оласизми?

– Башанг кийинган... қадди – бўйи сизникича бор... ёши қирқдар атрофида бўлса керак... бошида сочи йўқ... калроқ...

– Мана бу одам эмасми? – Аваз сумкасидаги қоғозлар орасидан расм чиқариб, мезбонга узатди.

Муродилла расмни қўлига олиб, бир фурсат тикилиб қолди:

– Раҳматжонга ўхшайди... янайм Худо билади, учрашганимизга анча бўлди-да! Нима, у бирор жойни ўмарганмикин?

– Ҳозирча бирор нарса дейишга эрта, – Аваз кулимсиради. – У ўзини самарқандликман деганими?

– Шунаقا!

– Иш жойини, касби-корини айтмаганмиди?

– Йўқ, бу ҳақда сўрамапман... Кўринишидан домлага ўхшатдим.

– Китобларни қаердан олганлигини айтмадими?

– давом этди изқувар.

– Айтмади! Аммо текширувчиларга китобларни музейга топшириш учун олиб кетаяпман деганини эшитдим.

– Сиз қўлёзмаларни ўз кўзингиз билан кўрдингизми? Қанақа эди улар?

– Текшириш пайти кўзим тушганди, муқоваси эскириб, қорайиб кетган китоблар... араб тилида...

– У йигитнинг сиздан қарз сўрагани ростми? Нима ўзида пул йўқмикан? – сўради Аваз соvuққонлик билан.

– Менимча, пули етмаган! Шунча йўлга пулсиз чиқмайди-ку! «Боргандан бераман, мени кутиб олишга чиқишиади», дегани учун ёнимда борини бердим, – деди Муродилла нотўғри иш қилиб қўйгандай одамдай хижолат бўлиб.

– Вокзалда уни ким кутиб олди?

– Бир ажнабий, инглиз бўлса керак! Ҳар ҳолда у билан инглиз тилида гаплашди.

– Пулни ўшандан олдими?

– Мен кўрмадим. Лекин ундан бошқа одам йўқ эди... Менга пулимни бериб, хайрлашиб кетди.

- Ўша чет элликнинг афти-ангори ёдингизда қолдими? Бирор хос белгиси бўлгандир...
  - Йўқ, унга унчалик эътибор қилмадим. Сариқдан келган, соchlари ўстган... соқоли ҳам бор эди чамамда. Кўрсам, танишим мумкин.
  - Телефон алмашмадингизларми?
  - У менинг телефонимни ёзиб олди. Ўзиникини бермади...
  - Сизга кейин у йигит бирор марта қўнфироқ қилдими?
  - Йўқ, қўнфироқ қилмади.
  - Улар вакзалдан қанақа машинага ўтирганлигини кўрмадингизми?
  - Биз вакзалдан ташқарига чиққанимизда улар энди жўнаб кетаётган экан. Хотирам панд бермаса уларнинг машинаси охирги русумдаги оқ «Жип» эди.
  - Давлат рақами ёдингизда қолмадими?
  - Йўқ, рақамига қарамапман... Аммо, давлат рақами бошқача эди, дипломатик идораларники бўлади-ку, кўк рангли!
  - Уларнинг машинаси стоянкадан чиқдими? – кутилмаганда гапга Азимжон аралашди.
  - Ҳа, улар стоянкадан чиқиб, шундоқ ёнимиздан ўтиб кетди, – Муродила бир қўшнисига, бир Авазга қараб қўйди. – Туппа-тузук одам... Сиртдан билиш қийин экан-да!
  - Узр, мабодо сизда поезд чигталари сақланиб қолмаганми? – изқувар ўрнидан қўзғалди.
  - Қаергадир ташлаб қўйгандим... ҳозир! – Уй эгаси ётоқхонасига кириб кетди.
- Сал ўтмай қўлида З та чипта билан чиқиб келди:
- Ҳайрият жойида турган экан! Мана улар...
- Аваз қофозларга дикқат билан разм солиб, уй эгасига юзланди:
- Сизга керак бўлмаса, рухсатингиз билан вақтинча бизда турса!

– Майли, майли олаверинг! Шунчаки сақлаб қўйгандим-да...

– Яхши, ҳозирча етарли! – Аваз сұхбатга якун ясади. – Энди ўғилларингиз билан ҳам шу мавзуда гаплашиб олсам дегандим. Уларни бу ерга таклиф қилсангиз.

Муродилла фарзандларини чақирди. Изқувар шошилмасдан улар билан алоҳида-алоҳида гаплашиб, қандайдир қофозларни қоралади. Ака-укалар отаси берган кўрсатмаларни тасдиқлашса-да, баҳтга қарши терговга нафи тегиши мумкин бўлган жўялироқ маълумот бера олишмади...

Азимжон кеч бўлиб қолганлиги боис Авазни уницида қолишга кўндириди. Ош дамланди. Алла-маҳалгача сұхбатлашиб ўтиридалар.

– Ишларнгиз бир томондан жуда қизиқарли, иккинчи томондан анча оғир экан, – хонадон соҳиби меҳмонни мунозарага чорлади.

– Мана кўриб турибсиз-ку, ҳақиқатнинг тагига етишнинг ўзи бўлмайди, жиноятчилар ҳам пухта бўлиб кетган! – деди Аваз иссиқ чойдан ҳўплай туриб. – Бир пайтлар уларни шоҳида юришади дейишарди, энди – баргода юришипти.

– Энди нима қилмоқчисиз? Муродилла ака айтган ажнабийни аниқдашнинг имкони бўладими?

– Қийин масала! Агар Ҳикматнинг ўзи унинг кимлигини айтмаса... Аммо у пихини ёрган, ҳеч қандай инглизни танимайман деб оёқ тираб турса керак!

– Биласизми, мен сизга ўргатмоқчи эмасман-у аммо калламга бир фикр келиб қолди, – мезбон хижолатомуз гап бошлиди. – Аэропортларда, вокзалларда автостоянкаларга камера ўрнатилган. Мен аниқ биламан Қозон вокзалида ҳам камера бор. Муродилла аканинг келган вақти аниқ. Видеокамера ёзувлари анчагача сақланади деб эшитганман...

– Чакки эмас, баракалла! Гапингизда жон бор. Агар ўша ёзувларни топсак, зўр далилий ашёга эга бўлардик. Анави хорижликни ҳам топиб олиш осон кечарди... Шуни айтсалар керакда, бир калладан икки калла яхши деб.

– Лекин орадан анча вақт ўтган, видеокамера ёзувини қўлга киритиш ҳам осон эмас!

– Бу ёғини амаллаймиз! Вадим бор-ку!

Эрталаб прокуратурага боришиди. Аваз «Ака раҳмат, шунча ёрдам қилдингиз, энди ишингизга бораверинг!» деса ҳам Азимжон унамади. «Сизни кузатиб, кейин қайтаман, ҳечам хижолат чекманг» деб туриб олди.

Аваз прокуратурага кириб кетиб, бир соатлар ўтгач, Вадим билан чиқиб келди. Азимжоннинг машинасига ўтиришиб, тўғри Қозон вокзали томонга юришиди. Вокзалда уларни транспорт полицияси бошлифи, бақалоқдан келган полковник кутиб олди.

– Муҳандислар ҳозир видеокамера ёзувларини шу ерга олиб келишади, – деди полковник меҳмонларни хонасига бошлаб. – Шаҳар прокурори ўринbosари менга телефон қилганди.

– Видетасвирлар архиви қанчагача сақланади,  
– Авазнинг сабри чидамади.

– Ҳозирги камераларнинг хотираси жуда катта, кўп ахборотни сақлашга қодир, – деди полковник хотиржам.

– Видеоёзувлар сақланган бўлиши мумкин, аммо бизни қизиқтираётган одамлар объективга тушдимикин? – Вадим гапга қўшилди.

– Шошмасдан турсангиз бир оздан сўнг барча саволларингизга ўзингиз жавоб топасиз, – полковник Авазга қараб тиржайди. – Ўзбекларда қанақа мақол бор эди – «Шошган қиз эрга ёлчимас» дейишармиди.

Ўзга миллат вакилининг ўзбек тилида мақол айтиши Авазни таажжубга солди:

- Ўртоқ полковник, сиз Ўзбекистонда бўлганмисиз?
- Ҳа, бир пайтлар Зарафшон шаҳрида ишлаганман. Ажойиб ўлка, ажойиб одамлар...

Эшик тақиллаб, асбоб-анжомлар кўтарган бир йигит кириб келди:

- Рухсат этинг!
- Ҳа, Петя кел! Қани ўтган йили ноябр ойи архивини оч-чи!
- Ноябрнинг аниқ қайси санаси сизни қизиқтиради? – Петя техникани ишга туширишга ошиқди.
- 25 ноябр!

Мутахассис камера хотирасини кавлай-каовлай керакли маълумотларни топди шекилли, атрофдагиларни ёнига чорлади:

- Марҳамат, 25 ноябр соат 9 дан қўйдим.
- Ҳамма мониторга тикилди. Экранда тиник тасвирлар пайдо бўлди. Одамлар... машиналар....
- Стоянкада нечта камера ишлайди, – деди Аваз монитордан кўзини узмай.

- 4 та камера қўйилган...
- Ҳаммаси ишлайдими?
- Албатта!

Петя тасвири тезлаштириди.

– Объект вокзалга қачон келиб тушган, – деди Вадим Авазга қарата.

- Тошкент-Мосвка поезди соат нечида етиб келади, – Аваз полковникдан сўради.
- Жадвал бўйича 15-00 да.
- Соат 14 дан бошлаб кўрсак бўладими? – Аваз Петяга ўтирилди.

Петя компьютерни ишга туширди. Ниҳоят, тасвирнинг пастки қисмида 14-01 деган ёзув пайдо бўлди. Бир оз кузатишгач, кимдир яна тасвири

бир оз тезлаштиришни илтимос қилди. Экрандағи соат 14-50 га етганда, Аваз күрсатув тезлигінің үз ҳолига келтиришни сүради. У диққат билан тасвирни кузатар экан, ҳар бир йүловчи, ҳар бир машинани эътибордан четда қолдирмасликка ҳаракат қиласынан көрді. Лозим бўлганда тасвирлар секинлаштирилиб кўздан кечирилди.

– Стоп! Шу ерда тўхтатинг-чи! – Аваз қичқириб юборди.

Петя тасвирни қотирди. Экранда кимдир 10-15 чоғли катта-катта қутиларни юк ташийдиган аравага ортиб, тўхташ жойига қараб итариб кетарди. Ортида икки киши. Аваз тикилиб қараб, улардан бирини танигандай бўлди.

– Петя илтимос, сал катталаштирса бўладими?

– Марҳамат! – мутахассис кадрдаги шарпаларни яқинроққа олиб келди.

– Ҳа, бу ўша, бизнинг Ҳикмат! – Аваз ўзича тўнғиллади. – Қани кўрайлик-чи, китобларни қаерга олиб борар экан! Секинлатиб юритинг-чи!

Тасвирлар яна жонланди... Аравакаш аравасини суриб бориб, оқ рангли «Жип»нинг ёнида тўхтади. Машина камерага ён томони билан тургани боис давлат рақами кўринмади. Ажнабий қўлидаги тизгин билан машинанинг юхонасини очди. Ҳаммол қутиларни шошмасдан ўтказа бошлади. Бир, икки... уч... ўн икки, ўн уч қути экан.

– Машинанинг давлат рақамини яқинроқдан кўрсатса бўладими?

Петя тасвирни яқинроққа олиб келишга уринди. Аммо «Жип»нинг давлат рақамини ёнидаги «Мерс»-нинг олди томони тўсиб туради... Ҳикмат билан ажнабий машинага ўтиришди. Автомобил секин жойидан қўзгалди. Чиқиш жойида машиналар тирбанд бўлгани боис машинанинг давлат рақами кўзга ташланмади. Петя зўр бериб, тасвирлар-

ни олдинга, орқага юргизиб, машинанинг олд ёки орқа рақамини кўрсатишга уринди. Бахтга қарши рақамларни илғашнинг имкони бўлмади.

– Майли овора бўлманг, асосийси анави иккови-нинг турқи-таровати яққол кўринди. Машинани топиш қийин бўлмайди. – Аваз зўр бериб камера мурватини бураётган Петяни тинчлантириди.

Изкувар тегишли расмиятчиликни ўринлатиб, далилий ашёни жиноят ишига қўшиш учун олди ва аэропортга шошилди...

\* \* \*

Тоҳир Фофурович тайинлаб қўйганлиги боис Арманистон прокуратурасидаги ҳамкаслар уни илиқ қарши олишди. Унга ёрдам бериш учун Сусана Акоповна деган ходимни бириктиришди. Фахриддин тегишли ҳужжатларни ўринлатиб, Сусанани иш ҳолатлари билан таништирди. Қилинадиган ишларни муҳокама қилишиб, кечки пайт хайрлашишди.

Кейинги кун барвақт уйғонган Фахриддин ишни профессорни излашдан бошлади. Алберт Робертовични топиш қийин кечмади. Профессор меҳмоннинг терговчи эканлигини эшитиб, олдинига гаплашишга рўйхушлик бермади. Лекин унинг ўзбекистонлик эканлигини билгач, бирдан юмшади. У Ўзбекистонда ҳам бир неча шогирдлари борлигини, Тошкент, Самарқанд, Бухоро ва Хивада бўлганлигини, бу қадимий кентлар унда чексиз таасурот қолдирганлигини айтиб, меҳмоннинг кайфиятини кўтаришга уринди. Гап москвалик курсдоши Тамарага ёзган мактубга келиб тақалганда тўсадан домланинг юзи тундлашди:

– Яхши йигит, прокуратура идоралари қачондан бошлаб бирорларнинг шахсий мактуби билан

қизиқадиган бўлиб қолиши? Ё Ўзбекистонда сизларга бошқа иш топилмай қолдими?

– Домла узр! Жиноят иши тақозо қиласа, бирорвларнинг шахсий мактубларини ҳам текшириб кўриш бизнинг вазифамиз. Ишимиз камлигидан ёки сизни соғинганимиздан бу ерга келганимиз йўқ! Бизни тўғри тушунасиз ва бизга ёрдам берасиз деган умиддаман...

– Яхши, яхши! Сиз терговчилар гапга уста бўласизлар! Ҳамма нарсага баҳонангиз тайёр. Сизлар билан баҳслалиш бефойда, – профессор гапни ҳазилга бурди.

– Нима қилайлик, ишимиз шунаقا! – Фахриддин ҳам гап оҳангини ўзгартирди.

– Қани гапиринг-чи, нима сизни қизиқтиради, ҳар ҳолда шунча узоқдан шу хатни деб келмагандирсиз! – деди домла терговчининг қўлидаги мактубга ишора қилиб.

– Алберт Робертович, мактубингизда тилга олган ва сизни бағоят хурсанд қилган ва халқингиз тарихини тиклашга тилсим бўладиган ўша дурдоналар нима эди?

– Э ҳа, археологик топилмаларни айтаяпсизми? Биласизми, Тамара Булатовна ажойиб аёлда. Шотигирдлари ўтган асрнинг 80-йилларида Ереван яқинидаги Эребуни қалъасида қазишмалар ўtkазиб, бир қанча тарихий ёдгорликлар топишган экан. Совет даврида бунга ҳеч ким эътибор бермаган. Топилмалар бемалол Москвага, Питерга олиб кетилган. Шу аёлнинг шарофати билан б дона жуда қадимий уй-рўзгор буюмлари юртимизга қайтарилди. Ҳақиқатда бебаҳо дурдоналар...

– Уларни кўрса бўладими?

– Албатта, институт музейида турибди! Хоҳлаган пайтда бориб кўришингиз мумкин. Ҳозир улар-

нинг ҳақиқий ёшини аниқлаш бўйича тадқиқотлар олиб борилмоқда... Кўрамизми?

– Яхши бўларди. Кўз билан кўрганга нима етсин, – терговчи ўрнидан қўзгалди.

Институтнинг кенг ва ҳашаматли биноси оралаб бир оз юришгач, пештоқига арман тилида чиройли лавҳа осилган нақшинкор эшик олдида тўхтадилар.

– Бу ерга «Арман халқи тарихи музейи» деб ёзилган, – деди мезбон эшик тепасидаги ёзувга ишора қилиб.

Ичкарига киришди. Музей ходими – эллик ёшлардаги аёл уларни табассум ила қарши олди. Ўз тилида бир нималар деб кулишди. Сўнг рус тилида кучли арманча талаффуз билан меҳмонни таништируди:

– Гаяна, бу йигит Ўзбекистондан. Анави Санкт-Петербургдан олинган экспонатларни кўрмоқчи.

– Марҳамат! Бу ёқقا юринглар. – Аёл меҳмонларни кейинги хонага бошлади. – Музейимизда эрамиздан олдинги даврга оид кўплаб экспонатлар сақланади. Бунақаси ҳатто Луирда, Эрмитажда ҳам учрамайди...

– Гаяна 40 йилдан буён шу музейда ишлайди. Ундаги ҳар бир предметни беш қўлидай билади, – қўшимча қилди профессор.

– Меҳмон ҳам археологми? – деди Гаяна ортидан келаётган Фахриддинга ўтирилиб.

– Шунга ўхшаш! Буларни қизиқтирумайдиган нарсанинг ўзи йўқ, – Алберт Робертович саволга нима деб жавоб қайтаришни билмай турган терговчининг жонига ора кирди.

Ердан тортиб деворларгача тартиб билан териб қўйилган турли-туман осори-атиқалар оралаб ўтишиб, хона тўридаги шкаф олдида тўхташди:

– Мана сизни қизиқтирган экспонатлар. – деди музей ходимаси шкафдаги ашёларга ишора қилиб. – Улар музейимиздан муносиб жой олишди.

Фахриддин шикофга яқынлашиб, ҳар бир экспонатни диққат билан күздан кечира бошлади. «Буларнинг нимаси дурдона экан? Оддийгина со-пол ва темирдан ясалган рўзгор буюмлари... Қади-мийлигини инобатга олмаса... Наҳот улар олис тарихдан сўзлаётган бўлса. Чиндан ҳам шу матоҳлар профессор ёзганидек арман ҳалқининг тарихини ўрганишда тилсим вазифасини ўтайдими? Балки уларда бизлар тушуна олмайдиган сир яширин-гандир» хаёлидан ўтказди у.

– Бу экспонатлар жўнгина кўринса-да, аслида тиллага teng. Улар қарийб минг йиллик тарихдан гувоҳдик беради, – профессор меҳмоннинг хаёлидан нималар ўтаётганини англади шекилли, ту-шунтира бошлади. – Мисол учун мана бу илма-те-шик темир қозон ўн тўртинчи асрга таалуқли. Дарвоке, қайсиидир маънода бу экспонатнинг сизга ҳам тегишли жойи бор. Ўтказилган тадқиқотлар бу ёғ қозони портлаш таъсирида шу ҳолга келиб қол-ганлигини кўрсатди. Портлашни амалга ошириш учун порохдан фойдаланилган. Ёдингизда бўлса, бобонгиз Амир Темур мустаҳкам қалъаларни забт этиш учун порохдан фойдаланган, деган гап-сўзлар юрарди. Аммо бу масала баҳсли ҳисобланиб, кўпчилик олимлар бундай қарашларга шубҳа билан қаарди. Биз эса буни исботладик. Тарихдан маълумки, Темурлан 1392–1396 йилларда Армани-стон ва Гуржистонга бир неча бор юришлар қилган. Қалъа ҳимоячилари шу қозонда ёғ қайнатиб, қайноқ мойни тепадан туриб қалъа деворларига чирмалиб келаётган аскарларнинг устидан қу-йишда фойдаланилган. Шунда Темурийлар қалъа деворини қулатиш учун порохдан фойдаланишга

мажбур бўлган. Портлаш зарби шунчалик кучли бўлганки, қозонни ўқдай тешиб юборган...

– Ўша даврларда порох ишлатилганмикин? – деди Фахриддин ҳайрати ортиб. – Бизга порохни 1888 йилда Швед олими Альфред Нобель ихтиро қилган деб ўргатишган.

– Гапингизда жон бор, – Алберт Робертович ҳам-сұхбатининг диққат билан тинглаётганидан жўшиб, давом этди. – Расман баллистик порох ихтирочиси Нобель ҳисобланади. Аммо кўриб турганингиздек буюк бобонгиз бу ишни ўн тўртинчи асрда уддалаган. Шу пайтгача бу фактга бир афсона сифатида қараб келинган. Бизнинг археолог, кимёгар, физик олимлар бу нарсани далиллар асосида тўла исботлашди. Энди гап ҳақиқатни юзага чиқаришда...

– Н-и-м-а қ-и-л-и-ш керак? – деди ҳаяжонланганидан нимага келганини ҳам унутиб қўяёзган терговчи ёш боладай мўлтираб.

– Курашиб керак! Ҳақиқатни тиклашнинг ўзи бўлмайди. Аввало, бу масалага жаҳон жамоатчилигининг диққат-эътиборини қаратиш лозим. Сўнгра... майли бу сизнинг ишингиз эмас, сизлар жиноятчиларни қидиринглар...

– Тўғри, терговчи сифатида ишимиз жиноятни тергов қилиш, қонунбузарларни жазолаш. Аммо инсоний бурчимиз-чи? Тарихий ҳақиқатни тиклаш, ота-боболаримизнинг шарафини ҳимоя қилиш ҳар бир миллат вакилининг вазифаси эмасми?

– Қанийди ҳамма ҳам сиздай мушоҳада юритса! Мен тарихни яхши биламан. Шу сабабдан Амир Темурни қораламайман. Замон шунаقا бўлган. Сен босиб олмасанг, сени босиб олишган. Бу томонда Усмонли турклар тиш қайраб турган. Темур ҳар ҳолда адолатли ҳукмдор бўлган. У бўлмаса, билмадим Боязид Кавказ халқлари бошига не кулфатлар соларди!

– Тўғри тушунганингиз учун раҳмат! – Фахриддин ичида бу одамдан мамнунлик ҳиссини туйсада, унинг кўнглини кўтарадиган бирор жўяли гап тополмади. – Алберт Робертович, тадқиқотларингиз натижалари билан танишсам бўладими?

– Бемалол! Натижалар эълон қилинган. Интернетда рус тилидаги таржимаси билан танишиб чиқсангиз бўлади.

– Албатта танишаман!

Гаяна меҳмонни музейдаги бошқа экспонатлар билан таништира бошлади. Шу тобда Фахриддиннинг хаёли бошқа нарсада бўлса-да, куйиб-пишиб гапираётган мезбонни ранжитмаслик учун беихтиёр унга эргашди. Профессор терговчининг шошилаётганлигини фаҳмлаб, «гид»ни шошилтирди. Музейдан чиқишида Фахриддин Гаянага юзланди:

– Эрмитаждан олинган буюмларнинг ҳужжатини кўрсата оласизми?

– Йўқ, йўқ! Буни директор ҳал қиласди. Мен оддий ходимман. У киши ҳозир дарсда, сал кейинроқ келади.

– Яхши, мен тушдан кейин келаман!

Пешиндан сўнг музейга қайтиб келган Фахриддин Сусананинг кўмагида керакли ҳужжатлардан нусха олди, экспонатлар расмга туширилди. Музейдан чиқиб, Алберт Робертовичнинг уй, иш ва қўл телефони таҳдилини олиш учун шаҳар алоқа тармоқдари идорасига сўровнома топширишди. Жавоб тайёр бўлгач, Сусаннанинг ўзи уни Фахриддин Каримовичга етказишга келишиб, хайрлашишди.

Меҳмонхонага барвақтроқ қайтган Фахриддин бир оз дам олиш учун чўзилди. Кўзини юмиб, ухлашга ҳаракат қилди. Бўлмади... Хаёллар унга тинчлик бермади: «Тавба, бу қандоқ жумбоқ бўлди? Охири кўринмайди-я! Арманистон ҳам ҳеч нарса бермади. Тамара рост гапирганга ўхшайди. Бундан чиқди

Ҳикмат Аваз айтган ўша ажнабий билан иш қилган. Стоянкадаги видеотасвирнинг топилгани яхши бўлди. Энди Ҳикмат тан олишга мажбур бўлади. Ёки яна бирор важ ўйлаб топармикан. «Шахсий кутубхонамга тегишли китобларни сотгандим» деб туриб олса нима бўлади? Даили-исбот йўқ... Чет элликни топиш керак! Хўп, уни ҳам топдик дейлик. У бизга қўлёзмаларни қўрсатадими? Китоблар топилмаса, уларнинг қанақалиги, нима ҳакда эканлигини билмасак уларни сотган одамни нимада айблаймиз?! Нотўғри йўлга тушиб қолдикми? Норбўта чўпоннинг ўлимини Амир Темур кутубхонасига боғлашимиз хато бўлмадими? Тамара, унинг эри Саша, Алберт Робертович... Наҳотки шунча одамни бекорга овора қилаётган бўлсак... Ҳикмат қанақа одам ўзи? Қўлга тушмас, из қолдирмас – пиҳини ёрган устаси франгми? Бизнинг Россияга кетганимизни эшитиб, ўзини қандай тутаётган экан? Назаримда, ҳамма нарсани олдиндан сезиб, жавобини тайёрлаб қўйгандай...»

Бир оз кўзи илингандекан, эшикнинг тақиллашидан уйғониб кетди. Эринчоқдик билан эшикни очди. Сусанна экан:

– Бугунги ишни эртага қўйма дейишади, мана жавобларни олиб келдим... халақит қилмадимми?

– Йўқ, йўқ, ҳаммаси жойида! Киринг ичкарида гаплашайлик... – йигит меҳмонни ичкарига бошлиди.

– Мен қараб чиқдим, – Сусана сумкасидан қофозларни чиқарди. – Ўша куни, яъни сиз Тамаранинга борган кунингиз кечаси Москвадан Алберт Робертовичнинг уйига битта қўнфироқ бўлган. Беш дақиқа гаплашилган.

– Келинг, марҳамат ўтиринг, – деди йигит қизга илтифот қўрсатиб. – Қайси рақамдан чиқишиган экан?

– Охири 976 15-51.

- Лекин бу рақам Тамарага тегишли эмас!
  - Балки эриникидир!
  - Йўқ, менда эр-хотиннинг барча телефон рақами бор! – Фахриддин чўнтағидан ён дафтарчасини чиқарип, варақлай бошлади. – Мана унақа рақам йўқ!
  - Буни аниқлаш қийин эмас-ку! Лозим бўлса бирпастда аниқлаб бераман! – Сусанна маъноли қараш қилди. – Укам Москвада жиноят қидируvida ишлайди.
  - Яхши бўларди! Агар сизга қийин бўлмаса!
  - Бундан осон иш бормикин! – жувон телефонини олиб, тера бошлади. – Ало, ало Артур...
- Фахриддин опа-уканинг мулоқотидан ҳеч нарсани тушунмаса-да, мушкули кушод бўлаётганидан хурсанд,mall соч, камон қош, қирра бурун, мурча миён бу жувонга суқланиб қараб турарди. Қиз сумкасидан ниманидир олиш учун энкайганда дуркун сийнасига нигоҳи тушган йигитнинг баданига чумоли юргургандай бўлди. Кўзлари хўжасига итоат этмай қўйганди гўё.
- Раҳмат укажон, хўп, хўп... қўнфириғингни кутаман! – қиз ҳамсуҳбатига тушунарли бўлсин учун атайлаб рус тилида гапирди. Сўнг телефонини сумкасига жойлаб, ўзгача бир назокат ила қаршисидаги йигитга жилмайди:
  - Бўлди! Топшириғингиз бажарилди, ўртоқ полковник!
- «Кулганда янада мафтункор бўлиб кетаркан», хаёлидан ўтказди йигит:
- Раҳмат Сусанаҳон! Билмадим сизсиз нима қилардим...
  - Раҳмат айтишга ҳали эрта. Бир оз кутиб турамиз... укамнинг қўнфириғини кутамиз... Сизга халақит қилмасам агар... – Сусана нозланди.
  - Йўқ, нега халақит қиларкансиз, аксинча сиз... билан сухбатлашиш ёқимли... Фахриддин гапи-

ришга гапириб қўйиб, қулоғигача қизариб кетди. Яна нимадир демоқчи бўлиб оғиз жуфтлади-ю, тили калимага келмади.

Бир фурсат ўртага сукунат чўкди.

– Қани гапирингчи, сизларда – Ўзбекистонда нима гаплар? – жимликни қиз бузди.

– Бизда ҳаммаси яхши! Мустақилликка эришганимиздан сўнг мамлакат барча жабҳаларда тез ривожланиб бормоқда...

– Айтгандай тамадди қилдингизми? – бехосдан йигитнинг гапини бўлди қиз.

– Йўқ! Энди қимоқчийдим...

– Юринг, унда мен сизни бир меҳмон қилай! – қиз ўрнидан қўзғалди. Ёнида анграйиб турган йигитнинг жавобини ҳам кутиб ўтирумасдан эшик томонга юрди. – Сизни фойеда кутаман.

– Мен бир зумда! – Фахриддинга жон кирди. Апил-тапил кийиниб, уст-бошини тартибга солди. Ваннадаги ойнага тикилиб, аксига қараб маъноли кўз қисиб қўйди... Меҳмонхонанинг қирмизи гилами тўшалган узун йўлаги бўйлаб қадам ташларкан хаёлидан «арман қизи самимий ва очик кўнгил, қолаверса, бинойидек танти экан. Ташаббусни мендан олдин ўз қўлига олди-я! Кечагина танишган бўлсак-да, кўп йиллик қадрдондаймиз-а!» деган фикр ўтди...

Меҳмонхона ресторани шинамгина экан. Бир чеккадаги столга ўтиришди. Хўрандалар кам бўлишига қарамасдан саҳнада уч-тўрт кишидан иборат оркестр паст товушда ёқимли куй ижро этмоқда. Овқатга буюртмани Сусанна берди. Турли-туман миллий таомлари билан бирга оғатижон арман конъяги ҳам камтарона дастурхонни безади... Шу орада мезбоннинг телефони жиринглаб қолди. Артур экан. Топшириқ бажарилган шекилли Сусанна телефонда айтилган маълумотларни қофозга ёзиб

олди. Сўнг укаси билан гоҳ арман, гоҳ рус тилида хайр-хўшлашиб, варакни меҳмонга узатди:

– Мана, Питердан бўлган қўнфироқ – Александр Невский кўчаси 145-ий 62-хонадонда яшовчи Захаров Анатолий томонидан амалга оширилган экан. Ҳар ҳолда телефон рақами шу одамга тегишли...

– Невский кўчаси... 145-ий... 60-хонадон – бу Тамараларнинг уйи-ку! Демак, қўшнисиникидан қўнфироқ қилган экан-да! Демак, профессорни нимадандир огоҳлантирмоқчи бўлган... Ўзида телефон бўлса-да, лекин қўшнининг телефонидан фойдаланган... Нега? Бу ерда бир гап бор-ов!.. – Фахриддин ўзича бир нималар деб фудурланиб, бир нуқтага тикилганча жим бўлиб қолди. Сўнг бирдан чўнтағидан телефонини чиқариб, тера бошлади. Қиздан узр сўрашни ҳам унутмади.

– Авазбек яхшимисиз! Қаердасиз?

– Раҳмат яхши, аэропортга келдим, икки соатдан сўнг учаман! – нариги томондан Авазнинг овози эшитилди.

– Хайрият! Билетни топширинг! Ўша ёқда бўлиб туринг. Мен ҳам эрталаб Питерга учаман! – деди Фахриддин буйруқ оҳангига.

– Тушунарли!

Фахриддин шундай қизни беэътибор қолдирганидан хижолат бўлиб, яна узр сўради.

– Бўлдими? – деди қиз мулойимлик билан.

– Бўлди. Мана энди телефонимни ҳам ўчириб қўяман! – йигит телефон мурватини босиб, овозсиз режимга қўйди.

– Келинг, бугун ишдан гаплашмайлик! – қиз қўлига қадаҳни олди...

\* \* \*

Одатдагидан кеч уйғонган терговчи нонушта ҳам қилмасдан нарсаларини йиғиштиришга тушди. Са-

молётга ҳали олти соатча вақт бор. Арман конъягининг таъсири ҳали кетмаганди. Қайта ўрнига қулади. Шифтга тикилиб, кечаги воқеаларни хаёлидан ўтказди... «Бир қараашда ҳаммаси жойидага ўхшайди. Лекин Тамара нима сабабдан ўз телефонида эмас, қўшнисининг телефонидан Алберт Робертовични огоҳлантирган. Нимадан огоҳ қилган бўлса? Ёки шунчаки менинг боришимни айтганмикин? Унда нимадан қўрқади? Ўз телефонидан қўнфироқ қилса бўлади-ку! Демак, бу ерда бир сир бор!»

Ўрнидан туриб, сумкасидан кеча музейдан олинган ҳужжатларни чиқарди. Бир томонга Алберт Робертовичнинг Тамарага ёзган мактубини қўйди: «5 июнда экспонатлар музейдан чиқим қилинган. Хат 10 июнда ёзилган. Демак, мактубда гап шу экспонатлар ҳақида кетмоқда... 5 июн... «н» ҳарфи сал бўялибдими? Ё нусха кўчиришда... йўғ-е, бу фотонусха-ку! Балки ёзишда хатоликка йўл қўйилиб, кейин тўғирланганмикин? Балки бу «июн» эмас, балки «июл»дир. Агар ҳужжат июлда ёзилган бўлса, мактубда бошқа нарса тўғрисида гап кетаётган бўладими? Ҳужжатнинг аслини кўриш керак!»

Фахриддин сапчиб ўрнидан туриб, кийинди. Сусанага телефон қилиб, тезда институт олдига етиб келишини илтимос қилди. Келишилган жойда учрашдилар.

– Тинчликми? Бугун қайтмоқчи эдингиз-ку! – деди Сусана хавотири ортиб.

– Тинчлик, тинчлик! Faқат бир нарсага аниқлик киритишга тўғри келиб қолди. Ёрдам берамизми? – деди Фахриддин қўлидаги ҳужжатга ишора қилиб. – Мана қаранг, бу ерда «июн» сўзи бўялган. Балки «июл» «июн»га алмасирилган. Ҳужжатнинг аслини яна бир бора кўриш лозим.

– Фахриддин aka, хўп сиз айтганча бўлсин ҳам дейлик, лекин бу нимани ўзгартиради? – қизнинг йўқ жойдан ўзбекча «ака» деб мурожаат қилиши йигитни таажжубга солди. Айни пайтда бу ҳақда ўйлаб ўтиришга фурсат йўқ бўлса-да, хаёлидан «кечагидан ҳам очилиб кетибди-я!» деган ўй ўтди.

– Юринг, фурсатни бой бермасдан ҳозир ҳужжатни аслини кўрайлик, – йигит қизни шошилтирди. – Кейин тушунтириб бераман!

Музей раҳбарининг эътиrozига қарамай, Сусана кечаги ҳужжатларни қайта кўтартирди.

– Мана қаранг, бу ерда янада яққол кўриниб турибди – «н» ҳарфи бўяб, ўзгартирилган, – деди Фахриддин ҳужжатга лупа орқали тикилиб.

– Тўғри бўялган, лекин бу ҳали қалбакилаштирган дегани эмас-ку! Балки ёзишда хатоликка йўл қўйилгандир, кейин тузатилган бўлиши ҳам мумкин, – эътиroz билдириб қиз.

– Бўлиши мумкин! Аммо...

– Нима бунча шунга ёпишиб қолдингиз? «Июн» бўлди нима-ю, «июл» бўлди нима! Фарқи не?

– Фарқи жуда катта-да! Алберт Робертовичнинг мактуби 10 июнда ёзилган. Экспонатлар музейга 5 июнда ҳадя қилинган. Мабодо хат 5 июлда битилган бўлса, у ҳолда номада тилга олинган мавзу бошқа нарса бўлиб чиқади. Унда Тамара билан Алберт Робертович ўртасида қандайдир бошқа бир сир борлиги аён бўлади...

– Мақсадингизни тушунгандай бўляяпман... – деди Сусана хаёлга чўмиб. – Ҳужжатнинг Эрмитаждаги нусхасини кўтариш лозим...

– Тўғри! Сиз мутлақо ҳақсиз хоним! – Фахриддин жилмайди.

– Укамга айтайми? – деди қиз ўзига ярашиқли ноз билан.

– Раҳмат! Артурни безоват қилманг! У ерда бизнинг ходимимиз бор, – йигит телефонда Авазнинг

рақамини терди ва унга зудлик билан Эрмитажга бориб, Арманистон археология ва этнография институтига ҳадя қилингандай экспонатлар билан боғлиқ чиқим қофозларини топишни, ҳужжатларни қўлга олгач, телефонда у билан боғланиши лозимлигини уқтириди.

– Менинг тушунишимча, – Сусана ўзича хуроса қилди. – Агар ҳужжатда «июн» бўлса учиб кетасиз, мабодо «июл» бўлса қолишингизга тўғри келади... Шундайми?

– Мулоҳазаларингиз чакки эмас... Топдингиз! Ҳозирча кутиб туришга тўғри келади...

– Ундей бўлса, кечадан буён туз тотмаган аёлни бир чашқа қаҳвага таклиф қилишга вақтингиз етарли деб ўйлайман... – деди Сусана шўхлик қилиб.

– Жоним билан!

Институтдан чиқиб, муйилишдаги шинамгина қаҳвахонага киришди.

– Кечаги тартибсизлигим учун узр сўрайман... – деди Сусана қулоқларигача қизариб.

– Ундей деманг! Аслида мен сиздан кечирим сўрашим лозим...

– Мен тўғримда ёмон фикрга борганингиз аниқ! Лекин...

– Нега ундей деяпсиз? Ҳеч ким сизни айблаётгани йўқ... Ҳаммаси жо-йи-да... гў-зал... – Фахриддин сўз тополмай дудукланди.

– Илтимос гапимни бўлманг! – Сусана жиддийлашди. Қўлидаги қаҳвадан симириб-симириб, оҳиста гап бошлади. – Эндигина мактабни битириб, ўқишига қириш учун тайёргарлик кўриб юрган вақтларим эди. Қўшни уйда ижарада яшайдиган бир аспирант йигит билан танишиб қолдим...

Фахриддиннинг бутун вужуди қулоққа айланиб тинглаб турарди.

– Аста-секин муносабатларимиз оддий қўшни-чилик, таниш-билишчилик чегарасидан ўтиб, жиддийлаша борди. Ўзим ҳам сезмай қолдим. Кейинчалик уни бир кун кўрмасам туролмайдиган, соғи-надиган бўлиб қолдим. У ҳам шу куйга тушганди... Муҳаббат тўғрисида китобларда ўқиган, киноларда кўрган бўлсам-да, унинг шундай қудратга эга эканлигини хаёлимга ҳам келтирмаган эканман... Мирсамаднинг аспирантураси тугаб борарди...

– Нима у ўзбекистонлик... миди? – Йигитнинг кўзлари катта-катта бўлиб кетди.

– Ҳа, у тошкентлик эди... Севишишдан олдин ҳаётнинг баланд-пастини, имкониятларни, кела-жакни, олдингда турган ғовларни ўйлаш керак экан. Севиб қолгач, кўзингга ҳеч нарса қўринмай қоларкан... Ота-оналарнинг қаршилиги, ижтимоий келиб чиқишимиздаги фарқлар, Ўзбекистон билан Арманистон ўртасидаги масофа муҳаббатимизга рахна сололмайдигандай эди. Аммо...

Кизнинг наштардай киприклари оралаб қуи-лаётган маржон томчилар чироқ ёғдусида жилва-ланарди. Йигит эса шу маҳалда унинг кўнглини кўтарадиган сўз тополмай қийналарди.

– Аммо... ҳаммаси бошқача бўлиб чиқди. Мирсамад ёлғиз ўғил, ота-онасининг нури дийдаси эди. Мен ҳам ота-онамнинг бори-йўғи, эркатойи эдим. Меникилар Тошкентга кетишимни кўз олдиларига келтиромаганликлари каби уникилар ҳам ўғилларининг Ереванда қолиб кетишини та-саввур қила олмасдилар. Болаларининг қистови билан шундоғам қўл учida кун кечирадиган ота-онаси бизникига икки марта, сизларда нима дейи-шади... ҳа-ҳа, с-о-в-ч-и-л-и-к-к-а келишди. Онам уларни уйдан ҳайдади. Ўша кезларда прокурор бўлиб ишлаётган отам менга очиқдан-очиқ қарши бормаётган бўлса-да, менинг Мирсамад билан

Тошкентга кетишимга асло рози бўлмаслигини тушуниб турадим... Бир томонда мени оқ ювибоқ тараган, мен учун жонини ҳам беришга тайёр турган ота-онам, иккинчи томонда муҳаббатим – Мирсамад туради. Икки ўт ичида куйиб-ёнардим...

Сусана бир оз жимиб қолди. Дастрўмолчаси билан юз-кўзларини артди. Аллақачон совиб қолган қаҳвадан ҳўплаб, давом этди:

– Узр, кўнглим бўшаб кетди. Сизни ҳам дардимга шерик қилиб ўтирибман, кечиринг!

– Одам дардини одам кўтаради дейдилар! Бемалол! Чиндан қизиқарли тарих экан. – Фахриддин ўрнашиброқ ўтириб олди. – Кейин нима бўлди?

– Муҳаббат дея ота-онамдан воз кечолмасдим. Аммо бегубор севгимдан воз кечиш менга осон эмасди. Бу қилмишим менга қимматга тушишини, ҳаётим остун-устин бўлишини тушуниб турсам-да, ота-она ризолигини устун билдим... Мирсамад билан йифлаб-йифлаб ажралдик... Мен бошқа ҳеч кими севолмадим. Тўртинчи курсда отам мени бир ўртоғининг ўғлига узатди. Муҳаббатсиз турмуш турмуш бўлармиди. Унга кўнглим йўқ эди. Битта ўғилли бўлдик. Кейин ажралишиб кетдик. Шу-шу мен йигирма олти ёшимда бева бўлиб қолдим. Ўғлим сал улғайгач, ишга кирдим. Бир оз чалғигандай бўлдим. Бор меҳримни ишга бердим... Бу гапларни нима учун сизга айтаяпман биласизми?

Фахриддин «қайдам» дегандай елка қисди.

– Сиз унга куйиб-қўйгандай ўхшаркансиз!

– Мирсамадгами?

– Ҳа! «Ўзбекистонлик меҳмон келди» деганларида юрагим орзиқиб кетганди. Сизни кўриб... уни кўргандай бўлдим... очилмай хазон бўлган муҳаббатим ёдимга тушди...

– Ярангизни янгилаганим учун узр! Билмасдан... хизмат туфайли...

– Нега кечирим сўрайсиз! Сизнинг айбингиз йўқ-ку... – Сусана беғубор жилмайди. – Ё тавба, табиати ҳам ўхшаш-а буларнинг...

«Кулганда янада мафтункор бўлиб кетаркан» хаёлдан ўтказди йигит.

Қаҳвахонадан чиқиб, меҳмонхонага етай деганларида Аваз кўнғироқ қилиб қолди:

– Хўжайин, мен Вадим билан Эрмитаждаман. Анави айтган ҳужжатларингизни олдик!

– Ҳужжат ҳозир қўлингиздами?

– Ҳа, нима қиласай?

– Ҳужжатнинг рақами қанақа экан?

– 1571/234!

– Тўғри! Санаси қанақа?

– 5 июл!

– Июнми ёки июлми? – Фахриддин саволни ойдинлаштиргди.

– Июл! Охири Лоладаги «л»! Еттинчи ой! – деди Аваз дона-дона қилиб.

– Еттинчи ой денг! Ҳаммаси тушунарли! Авазбек, экспертиза учун ҳужжатнинг аслини олишга тўғри келади. Эплайсизми?

– Амаллаймиз! Сиз қачон қайтасиз?

– Бугун қайтмоқчи эдим. Энди бир оз қолишимга тўғри келмоқда! Сиз ишларни сусайтирмай туринг. Мен ҳам бориб қоламан...

– Тушунарли!

Қўл телефонини чўнтағига солар экан, Фахриддин ёнидаги қизни ҳам унугтиб, бир нуқтага тикилганча ўйланиб қолди. Сусана уни чалфитиб юбормаслик учун жимгина кузатиб турарди.

– Нима деб ўйлайсиз, ҳужжатдаги санани ўзгариши кимга керак бўлиши мумкин? – йигит тилга кирди.

– Биринчидан, бу ўзгариш ҳеч кимга, ҳеч қандай моддий манфаатдорлик бермайди, – проку-

рорларга хос мушоҳада юрита бошлади қиз. – Иккингидан, «июл»ни «июн»га алмаштириш бошқа бир жиноятни яшириш ёхуд содир бўлган вақтини хаспўшлаш ва шу йўл билан терговни чалфитиш учун қилинган бўлиши эҳтимолга яқинроқ.

– Фикрингизга қўшилмай иложим йўқ! Бу нарса Алберт Робертовичнинг Тамарага ёзган мактубида тилга олинган «сир»ни яшириш, воқеаларни Эрмитаждан олинган экспонатларга боғлаб юбориш учун ўйлаб топилган. Демак, Тамара...

– Ҳа, ҳа! Тамара Алберт Робертовичдан илтимос қилган. Профессор музей ходимларидан бирига... Хуллас, сизларни чалфитмоқчи бўлишган... – қатъий хulosага келди Сусана.

Гарчанд у тергов қилаётган жиноят иши тафсилотлари билан тўла таниш бўлмаса-да, асосли ва жўяли мантиқий хulosалар чиқараётган бу прокурор аёлнинг ақлу заковати, фаҳму фаросатига Фахриддин ичида тан берди. Бошига «уни иш материаллари билан тўла таништириб, фикрлашса фойдадан ҳоли бўлмас эди» деган ўй келди... Бекорга «Бир калладан икки калла яхши» дейишмаган...

Хизмат зарурияти уни бугун ҳам Ереванда олиб қолаётганидан ичида суюниб турган бўлса-да, Фахриддин афсусланган бўлди:

- Оббо, бугун ҳам қоладиган бўлдик-да!
- Арман қизларининг сехру жодуси бўлади! Осонликча қутулиб бўпсиз! – деди Сусана нозланиб.
- Сизни ташвишга қўяётганимдан хижолатдаман-да!

– Хижолат бўладиган жойи йўқ! Мени сизга биритиришган... хизмат вазифамни бажарайпман...

– Раҳмат сизга! Келинг ўтирайлик... – йигит сұхбатдошини йўлак четидаги ўриндиққа таклиф қилди.

У ёқ, бу ёқдан сўзлашиб ўтирдилар. Айланиб-айланиб гап яна тергов қилинаётган қотиллик жино-

ятига бориб тақалди. Фахриддин ҳамкасбига иш юритувидағи жиноят иши тафсилотларини түлиқ гапириб берди. Мақсади унинг фикрини олиш, мулоҳазалари билан ўртоқлашиш эди.

– Ҳа, ростдан ҳам қизиқарли иш экан? – деди Сусана йигитнинг узундан-узоқ ҳикоясини тинглаб бўлгач. – Мени, айниқса, Амир Темур кутубхонаси ҳақидаги гапларингиз ўйлантириб қўйди. Наҳотки чўпоннинг ўлими шу кутубхонага боғлик бўлса! Ундан тилла тангалар, қадимий қўлёзмаларнинг топилгани, қадимий қўлёзмалар билан шуғулланиб юрадиган Ҳикмат билан таниш эканлиги ва ўз навбатида Ҳикматнинг кейинги пайтда чет мамлакатларга серқатнов бўлиб қолганлиги, кўхна қўлёзмалар савдоси билан машғул бўлганлиги сизларни шундай мулоҳаза юритишга мажбур этган. Тахминларингиз асосли! Аммо...

– Қўлёзмаларнинг Арманистонга қандай алоқаси бор демоқчисиз-да? – Фахриддин «тўғри топдимми?» дегандай қизга юзланди.

– Ҳақди савол туғилади!..

– Саволингизга «тўғридан-тўғри алоқаси бор» деб жавоб берган бўлардим. – Йигит муҳим сирни айтмоқчидай паст овозда гап бошлади. – Сизнинг буни билмаслигиниз табиий. Рости, мен ҳам бу ҳақда яқинда эшитдим... Амир Темур Соҳибқирон қайси мамлакатни забт этса, қўлёзмаларга, қадимий манбаларга катта эътибор берган. Уларни энг қадрли мулк сифатида Самарқандга олиб қайтган ва пойтахтда дунёда тенги йўқ кутубхона барпо этган. Бу тарихий ҳақиқат. Шу важдан Соҳибқироннинг Кавказга юришлари натижасида арман қўлёзма манбаларининг кўп сонли карвонларда Самарқандга олиб кетилганлиги ва хоқонлик кутубхонасидан муносиб жой олганлиги ҳеч кимга сир эмас...

– Наҳотки... эшитмаган эканман! – деди Сусана таажжуби ошиб. – Тўғри, Амир Темирнинг Кавказни босиб олганлигини биламан. Бу ҳақда дарслик-ларда ўқиганмиз... Лекин китобларнинг олиб кетилганлиги... Қандай даҳшат! Қандай...

– Амир Темур маърифатли инсон, адолатли шоҳ бўлган. Унинг мақсади дунё ҳалқарини адолат байроғи остида бирлаштириш, қўлёзмаларни сақлаб қолиш бўлган... Майли, мавзудан чекинмайлик...

– Демак, сизнинг фикрингизча, Алберт Робертович Тамара орқали Ҳикматдан ўша манбаларни сотиб олишга эришган... – деди Сусана бир нуқтага тикилганча. Унинг хаёли ҳамон Амир Темур ҳақидаги таассуротлар билан банд эди.

– Шунаقا гаплар! Лекин бу тахминимиз ҳам чиппакка чиқиб турибди...

– Унчалик эмас... Тамаранинг, Алберт Робертовичнинг ёлғон сўзлаши, ҳужжатларни қалбаки-лаштирумокчи бўлгани, терговни чалфитишга ҳаракат қилгани бу ерда бирор сир-асрор борлигини англатмайдими? – деди Сусана шаҳло кўзларини жавдиратиб.

– Бироқ... бу тахминни исботлаб бўладими? Кўлимизда ҳеч қандай далил йўқ! Профессорни қайта сўроқ қилиш бирор нарса беришига ҳам кўзим етмай қолди, – деди Фахриддин тушкун кайфиятда.

– Терговчи тушкунликка тушмаслиги лозим! – тасалли берди Сусана. – Бир қарашда икир-чи-кирдек туюлган майда деталлар ҳам унинг синчков нигоҳидан четда қолмаслиги зарур. Жиноятни очиш, жиноятчини топиш осон иш эмас. Биз арманларда бир мақол бор...

Қиз ўз тилида нимадир деди. Ҳамсұхбатининг «ҳеч нарсани англамадим!» дегандай анқайиб турганини кўриб, мақолни арманчадан русчага ўгирди:

– Қочаётган ўғрида бир йўл бор, уни қуваётганда эса – мингта. Демак, биз тўғри йўлни топмоқ учун керак бўлса ўша мингта йўлнинг ҳар бирига оралаб кўришга мажбурмиз...

– Сиз ҳақсиз... Лекин...

– Ҳеч қанақа «лекин» бўлиши мумкин эмас! Эртага бир иложини қиласиз. Бугун иш вақтимиз туғади, – қиз эркаланиб йигитнинг пинжига тиқилди. – Келинг яхши гаплардан гаплашайлик!

Қиздан тараляётган муаттар бўй йигитнинг димогига урилиб, кайфиятини кўтаргандай, нозик хиссиётлар жиловини ечиб юборгандай эди...

\* \* \*

Чакирилмаган меҳмонларни кўриб, Алберт Робертовичнинг юзи тиришди.

– Бирор нарсани унутибдиларми дейман! – ёлғондакам тиржайди у.

Унинг гапи Сусанага «яна келдингларми?» дегандай туюлди.

– Янглишмасам, биз сиз билан бирга ухламаганмиз! Аввало салом! – деди у қувлик билан. – Иккинчидан, биз бекорга ташриф буормаймиз!

– Тушунаман, тушунаман! Келинг, келинг! Мен... шунчаки... бирор... нарса... – дудуқланди профессор.

Ичкарига киришди. Фахриддин Каримович чўзидб ўтирасдан мақсадга кўчди:

– Бундан уч кун олдин кечки пайтда Тамара билан телефонда гаплашганмидингиз?

Профессор бир оз ўйланиб, жавоб берди:

– Йўқ, менимча гаплашмаганман!

– Аниқроқ жавоб беринг!

– Уч кун олдин йўқ! Бир ой бўлди-ёв гаплашмаганимизга...

– Балки унинг эри билан гаплашгандирсиз?

– Саша билан гаплашмаганимга анча бўлди!

– Унда буни қандай изоҳлайсиз? – деди Фахриддин телефон сўзлашувлари таҳлили қайд этилган қофозга ишора қилиб. – Мана ўша куни кечки соат 20 дан 57 дақиқа ўтганда Тамаранинг қўшниси-никидан сизнинг уйингизга қўнгироқ бўлган. Беш дақиқага яқин гаплашилган. Бунга нима дейсиз?

– Билмадим, балки бирортаси адашиб қўнгироқ қилгандир! – Алберт Робертович қўзларини терговчидан олиб қочди.

– Ёлғон гапириш сизга ярашмас экан профессор!

– Ўзи сизларга мендан нима керак? – профессорнинг fazabi қайнади. – Ҳа, ҳа, гаплашдим, нима бўпти! Бунинг нимаси ёмон?!

– Ким билан, нима ҳақда?

– Тамара сизларнинг уникига ташрифларингиз ҳақида огоҳлантирилди. Бор гап шу...

– Нима деди? Аниқроқ гапиринг!

– «Ўзбекистондан терговчилар келиб, қандайдир қадимий китоблар ҳақида сўрашаяпти, ўша ўн учинчи асрларга тегишли қўлёзмаларни ўтказишида мендан гумонсирашаяпти, менинг кўрсатмаларимнинг тўғрилигини текшириб кўриш учун сизнинг ёнингизга ҳам бориб қолиши мумкин» деди. Сўзининг охирида «менинг телефон қилганигимни айтмай қўяқолнинг» деб тайинлаганди. Шу сабабдан...

– Майли, бунга нима дейсиз? – Терговчи сумкасидан ҳужжат чиқарди. – Мана бу Эрмитаждан олинган экспонатларнинг кирим-чиқим ҳужжатлари. Қаранг, бу ерда «июл» ойи атайлаб «июн»га ўзгартирилган. Яъни ҳужжатнинг аслида экспонатлар июл ойида чиқим қилинганлиги қайд этилган бўлса-да, ўша ҳужжатнинг сизлардаги нусхасида «июл» «июн»га қалбакилаштирилган. Буни қандай изоҳлайсиз?

– Менинг бунга нима алоқам бор? – профессорнинг юзи тундлашди. – Йигитча сизга ўзи нима

керак! Мени ким... деб ўйлаяпсиз? Мен олімман, о-л-и-м-м-а-н, тушунасизми?

– Алберт Робертович, илтимос ўзингизни босиб олинг! Биз ўз хизмат бурчимизни бажарайпмиз. Саволларимизга сиздан жүяли ва асосли жавоб олмагунимизча кетолмаймиз!

– Яна қанақа савол? Ҳамма саволларингизга жавоб бердим шекилли! – профессор ўрнидан туриб кетди.

– Сиз Тамарага ёзган мактубда нимани назарда тутгансиз? Ўтган сафар сиз ҳам, Тамара ҳам гап Эрмитаждан берилган экспонатлар хусусида дея мени лақыллатгандинглар. Энди мактуб ўша экспонатлар берилишидан қарийб бир ой олдин ёзилғанлиги маълум бўлди. Бунга нима дейсиз?

Профессор бир оз ўйланиб қолди. Сусана стол устидаги газета-журналлар орасидан бирини олиб, варақлаб ўтирарди. Профессорнинг терговчининг саволларига жавоб бермасдан «мум тишлаб» ўтириши унга ёқмади:

– Алберт Робертович, олим одамга ёлғон сўзлаш ярашмайди. Кимгадир ёрдам бериш учун ўзингизни хавф-хатарга қўйишингиз яхши эмас. Но-мингизга дод тушириб нима қиласиз! Тўғрисини айтинг қўйинг!

– Айтсан ишонмаяпсизлар! – профессор беўхшов жилмайди. – Мен мактубда ҳақиқатан ҳам Эрмитаждан олинган ашёлар хусусида ёзган эдим. Балки санани чалкаштириб юборгандирман... Бошка нима ҳақида унга ёзишим мумкин?

Фахриддин саволни яна қайтарди. Аммо профессор аравани «қуруқ олиб қочиш»дан чарчамасди. Терговчи бу одамдан бирор нарсани билиб олиш амримаҳол эканлигини англади. Шу билан бирга олим одамнинг оддий ҳақиқатни тан олишни истамасдан кўра-била туриб ёлғон сўзлаб тур-

ганлиги унинг кўнглидаги шубҳа-гумонларни баттар кучайтираётганди: «Демак, профессор ҳаммасини билади. Ҳикмат олиб келган китоблар унинг қўлига тушганлиги аниқ. Йўқса бунчаликка бориб, имонидан кечиб ёлғон гапирмаган, талмовсирамаган бўларди. Ўзини бундай қатъиятсиз тутмаган бўларди. Лекин буни қандай исботлайди? Уйида тинтув ўтказиш лозимми? Ким бунга рухсат беради? Бу ер Арманистон бўлса! Прокуратурага ҳам умид қилиб бўлмайди. Мабодо профессор Ҳикматдан китобларни сотиб олганлиги исботланган тақдирда ҳам у миллат қаҳрамони бўлиб қолмайдими? Бир пайтлар Амир Темур томонидан олиб кетилган халқнинг миллий бойлигини ватанига қайтарган олим сифатида эъзозланмайдими? Йўқ, йўқ! Агарда китоблар унинг қўлида бўлса, уларни қайтариш тўғрисида гап ҳам бўлиши мумкин эмас! Гап Ҳикматнинг жинояти хусусида...»

Сусанна гапга аралашди:

- Профессор мана бу хабарни ўқиганмисиз? – деди у қўлидаги газетага ишора қилиб.
- Қ-а-й-с-и х-х-х-а-б-а-р? – Алберт Робертович дудукланди.
- Мана бу ерда шахси маълум қилинмаётган коллекционер томонидан давлат музейига X-XII асрларга оид 10 дона ноёб қўлёзмалар топширилганлиги хабар қилинмоқда. Ўқиганмидингиз? – Аёл прокурорларга хос виқор билан газетани профессорнинг олдига ташлади.

– Ўқиганман! – деди Алберт Робертович газетага эътибор қилмай.

Фахриддин шоша-пиша ўрнидан туриб, газетани қўлига олди. Аммо арман тилидаги ёзувларга тикилиб, ҳеч нарсани англай олмай Сусанага юзланди:

– Ростданми? Бу ерда шунаقا деб хабар берилганми? Ким топширган бўлса? Демак...

– Менимча, ким топширганлиги ўз-ўзидан маълум! – деди Сусана ҳамشاҳридан кўз узмай.

Профессор индамади. Стол устидан сигарета олиб, тутатди. «Демак у топширган! Сукут аломати ризо!» хаёлидан ўтказди терговчи.

– Тўғри, ўша китобларни давлат музейига мен топширганман. Тамара... илтимос қилганди... – профессор чукур тин олди.

– Қўлёзмаларни Тамарадан олганмидингиз?

– Ҳа...

– Китобларнинг сони қанча эди?

– Қанақа қўлёзмалар эди? Уларнинг рўйхати сизда борми? Қанча суммага сотиб олгансиз? – терговчилар саволларни қалаштириб ташлашди.

– Мен қўлёзмаларни кимдан олганимни айтдим. Ҳар ҳолда уларни ўғирлаб олганим йўқ! Ҳаммасини давлат музейига топширдим... Ахир улар арман халқига тегишли дурдоналар...

– Алберт Робертович гап уларнинг қайси халққа тегишилиги ҳақида эмас! – Фахриддин Каримович чидаб туролмади. – Сиздан бир нарсани талаб қиласяпмиз! Бўлган воқеани айтиб беринг, тамом-вассалом!

– Сизларга нима кераклигини билмайман! Так-рор айтаман – мен қўлёзмаларни Тамарадан олдим. Ҳаммасини давлат музейига топширдим! – профессор шкаф тортмасини титкилаб, бир варак қоғоз чиқарди ва уни терговчига узатди. – Мана ўша китобларнинг ҳужжати!

Фахриддин қоғозга кўз югуртириди: ҳақиқатда 10 дона китоб музейга топширилгани қайд этилган. «Қолганини нима қиласан бўлса? Ёки ростдан ҳам Тамара унга фақат 10 дона китоб сотдимикин?»

– Демак музейдаги ҳужжатларнинг қалбаки-лаштирилиши Сизнинг ишингиз экан-да! – Сусана профессорга еб қўйгудек тикилди. – Сиздек ҳурматли олим кишига ёлғон гапириш уят эмасми?

- Биласизми... с-и-н-г-л-и-м!
- Мен сизга сингил эмасман! – деди аёл со-  
вуққонлик билан.
- Биласизми прокурор хоним, ҳаётда ким-  
нингдир кунига яраш, бирорга нафинг тегиши  
учун ўзинг бир умр амал қилиб келган, муқаддас  
билган инсоний тамойилларингдан чекинишга  
тўғри келар экан. Ўрни келганда ёлғон сўзлашга  
ҳам мажбур бўласан киши...
- Яхшилик қилиш учун қонунни бузиш шарт-  
ми? – эътиroz билдириди Фахриддин.
- Қонунбузарлик нисбий тушунча! Балки менинг  
хатти-ҳаракатим сизнинг давлатингиз қонунлари-  
га хилофдир. Аммо мен ўз мамлакатим қонунла-  
ри билан яшайман... Такрор айтаман – мен арман  
халқига тегишли қадимий дурдоналарни ўз эга-  
сига қайтардим... Бу китобларни энди сизга ҳеч  
ким бериб қўймайди. Биласизми, халқимиз ораси-  
да Амир Темур ҳақида бир ривоят юради. Унинг  
қўшинлари Арман заминидан ўтиб кетаётганда  
бир монастирга дуч келишибди. Темур қўшинлари  
дарвозаларни очишни талаб қилибди. Монастр-  
дагилар бунга рози бўлишмасдан ўрнига катта  
миқдорда олтин ваъда қилишибди. Ўша пайлар-  
да уруш қоидаларига биноан ҳаёти сақлаб қолин-  
ган мағлуб томон фолиб томонга омонлик солигини  
тўлашган... Монастрдагиларнинг таклифи Амирга  
маъқул келмапти. Анча ўйланиб туриб келган эл-  
чиларга «майли, кимки омонлик истаса, ўз оғир-  
лигига teng китоб келтирсин!» деб шарт қўйибди.  
Монастр аҳли бу талабни узоқ муҳокама қилиб,  
ўлимга рози эканликларини изҳор қилибдилар.  
Бундай қарордан таъсиранган хоқон «халқнинг  
маънавий меросини ўз жонидан афзал кўрган эл  
яашашга ҳақди» деган фармон берган экан... Бу  
ривоятда арман халқининг китобга бўлган эътиқо-

ди билан бирга тилладан китобни афзал кўрган, ўлимга маҳкум этилган душманни фақат китобсеварлиги учун ардоқлаб, омонлик берган Буюк Амир Темирнинг мардлиги мадҳ этилаётганлигини тушунгандирсиз...

– Раҳмат! Яхши ривоят экан! – деди Фахриддин ҳаяжонини яширомай.

– Ҳа, бу бир ривоят, аммо ҳар қандай ривоятнинг замирида ҳақиқат ётади! – Профессор ўрнидан қўзғалди.

Сусана бу саркаш одам билан тортишиб ўтириш бефойдалигини фаҳмладими ёки унинг миллатпастликка йўғрилган гапларидан таъсиrlандими бошқа гапирмади...

\* \* \*

Музей директори хонасида қўлёзмаларни кўздан кечирап экан, Фахриддиннинг юраги қинидан чиққудек хапқириб кетди. Кўнгли алланечук бўлиб, бир нарса бўғзига қадалгандай бўлди. Нима бўлаётганини унинг ўзи ҳам тушунмасди. Бу нимаси? Қандай ҳиссиёт бўлса? Фурурми, фахрми, ачинишми, қувончми, аламми? Буюк Амир Темур соҳибқирон, Мирзо Улуғбек, Али Кушчи каби алломалар нигоҳи тушган бу нодир асарларда қандайдир бир илоҳий қудрат яширинми? Ё уларнинг руҳлари шу ерларда кезиб юрибдимикин? Ахир шунча китоб ўқиб, бундай ҳолатга тушмаган эди-ку! Орадан беш юз – олти юз йил ўтган бўлса-да, қўлёзмаларнинг оҳори тўкилмасдан бус-бутун сақланганини қаранг! Улуғ аждодларимиздан бу борада ҳам ибрат олса арзийди. Қўлёзмаларни шундай беталофат, асл ҳолича сақлаш учун нима қилишган бўлса. Китобларни туя терисидан ясалган ҳаво ўтказмайдиган маҳсус қопларда сақлашган дейишарди, шу гап тўғримикан? Вараклари

бир оз сарғайған бўлса-да, жигарранг чарм муқоваси ялтираб турибди.

– Фахриддин Каримович! – Сусананинг ёқимли овози терговчининг хаёлини бузди. – Нима қиласиз? Қўлёзмаларни ҳеч ким сизга бериб қўймайди. Бунинг учун давлатларимиз ўртасида келишув бўлиши лозим...

– Мен ҳам шуни ўйлаб тургандим. Раҳбариятга ахборот бердим. Ўзлари ташқи ишлар вазирилиги орқали бир йўлини қилишар. Агарда сиз ёрдам қилсангиз, иш осонроқ...

– Йўқ, йўқ! Мен бу масалага аралаша олмайман. Қолаверса, қўлёзмалар арман халқига тегишли...

– Тушунаман! Аммо улар жиноят иши бўйича далий ашё сифатида ўтаяпти-да! Балки вақтинча...

– Хаёлингизга ҳам келмасин! – Сусананинг тим қора қошлари чимирилди. – Бу қўлёзмалар бизнинг миллий бойлигимиз!

– Ахир давлатларимиз ўртасида ҳуқуқий ёрдам тўгрисида шартнома бор! – бўш келмади Фахриддин.

– Ўша шартномада халқнинг миллий мероси бериб юборилсан дейилмаган. – Аёл жиддийлашди.

– Сиз мутлақо ҳақсиз! Биз буюк арман халқини, оғатижон арман гўзалларини чексиз хурмат қиласиз! – йигит энгашиб, таъзим бажо қилди. Қизнинг лабига табассум ютурди...

\* \* \*

Шомга яқин Тошкентга етиб келган Фахриддин дастлаб ишхонасиға кириб, Тоҳир Гофуровичга хизмат сафари тафсилотлари ҳақида ахборот берди:

– Нима бўлганда ҳам Россия ва Арманистонга қилинган сафарлар бесамар бўлмади. Асосийси Ҳикматнинг қадимий қўлёзмаларни яширинча жиноий йўл билан Республика издан ташқарига олиб чиқиб,

жуда катта суммага сотганилиги факти исботланди. Рад этиб бўлмас далилларга эга бўлдик.

– Энди нима қилмоқчисиз? – деди раҳбар уни тинглаб бўлгач босиқлик билан.

– Республика миздан четга олиб чиқиб кетилган нодир қўлёзмаларни қайтариш масаласини ҳукуматлар миқёсида ҳал қилиш талаб этилади. Бу ҳақда Вазирлар Маҳкамасига ёки ташқи ишлар вазирлигига ахборот тайёрласамикин?

– Тўғри, бу қўлёзмаларни қайтариш муаммо бўлади. Сиз батафсил ахборот тайёрланг, мен раҳбарият билан гаплашаман. Дипломатик йўл билан қайтаришга ҳаракат қиласиз. Аммо мени бошқа масала ташвишга солмоқда. Асосий ишдан чалғиб кетмадикмикин?

– Ҳикматнинг бошдан-оёқ ёлғон кўрсатмалар бериб, терговни чалғитиб келганлиги, Амир Темур кутубхонасига тегишли қадимий қўлёзмаларни чет элга сотиб, катта даромад олганлиги исботланди. Қолган гапни энди унинг ўзи айтиб берса ажаб эмас...

– Шундай деб ўйлайсизми? «Ҳа, китобларни сотганман, аммо чўпоннинг ўлимига алоқам йўқ!» деб туриб олса, нима қиласиз?

– Шундай дейиши турган гап. Аммо менинг фарзимча, Ҳикмат билан чўпоннинг манфаатлари кутубхона масаласида тўқнашган. Кутубхонани топсак, қотилга чиқишимиз...

– Шу кутубхонани топилишига ишонасизми? – Тоҳир Фофурович терговчининг гапини бўлди. – Топилганда ҳам орадан шунча вақт ўтиб кетган... қўлёзмаларнинг бут сақлашишига ишониш қийин...

– Мен ҳам шунаقا фикрда эдим. Аммо Ереванда кўрганларим... Ҳикмат сотган ўша китоблар яп-янгидай турибди... Ота-боболаримиз қўлёзмаларни сақлашнинг сирини яхши билишган шекилли. Кутубхона топилса...

– Майли, нима бўлганда ҳам ўйлаб иш қиласинг. Тергов муддати тугаб бораётганини ёддан чиқар-

манг! Қизиққонлигинизни қадрлайман. Лекин бошқа ишларга ўралашиб қолмаслигинизни маслаҳат бераман. Биз археолог эмасмиз. Бизнинг ишимиз қотилни топиб, ишни судга ошириш. Тушунарлими? – бошлиқ сўзни мухтасар қилди.

– Тушунарли! – Фахриддин ўрнидан кўзғалди.  
– Ҳа, дарвоҷе Питердаги тезкор ҳодим ҳам қайтдими?

– Йўқ, у ҳали ўша ерда. Эрта-индин ёрдамга Санжарбекни ҳам юбораман. Қолган ишларни якунлаб келишади.

– Яхши, ўзингиз қачон қайтмоқчисиз?  
– Рухсат берсангиз эрталаб йўлга чиқсам...  
– Яхши, бугун дам олинг! Бола-чақани ҳам эсдан чиқарманг! Келин аразлаб, отасиникига кетиб қолмасин тағин!  
– Кетиб қолмас... улар ҳам ўрганиб қолишиди.  
– терговчи бошлиқ билан хайрлашиб, кўтариинки кайфиятда уйига қайтди...

Иш вақти бошланмасдан Самарқандга етиб келган Фахриддин тергов гуруҳини йиғди. Гуруҳ аъзолари ўзларига топширилган масалалар юзасидан амалга оширилган тадбирлар тўғрисида маълумот беришиди. Бошлиқ гарчи барча маълумотларни телефон орқали олиб турган бўлса-да, ҳар бир ҳодимнинг гапини дикқат билан тинглади. Ҳисоботни якунлар экан, Санжарбек овозига расмий тус берди:

– Олиб борилган тергов-тезкор тадбирлар биз кутган натижаларни бермади. Барча тахминлар бўйича ишлар давом этаётганига қарамасдан қалаванинг учини топиш имкони бўлмаяпти. Шунга қарамасдан... айрим....

– Хўш, хўш! – Фахриддин сергакланди.  
– Куни кеча Шаҳрисабздаги агентимиздан тиллафурушга беш дона қадимий олтин тангалар топширилганлиги ҳақида маълумот олинди. Айтишла-

рича, биздаги тиллалар билан бир хил эмиш. Балки шундан бирор нарса...

– Натижа чиқадими-йўқми бу – иккинчи масала. Зудлик билан йигитлардан бирини олиб ўша ёққа жўнанг! – Гуруҳ раҳбари «гапни шундан бошламайсизми?» дегандай Санжарбекка тикилди. – Тилла тангаларни ким топширган, қаердан олган, шахси қанақа, хуллас, ҳаммасини бир бошидан текшириб кўриш керак! Агар ўша тангалар ҳақиқатан ҳам чўпоннинг тиллалари билан айнан бир хил бўлса, бизни жиноятчининг изига олиб чиқиши мумкин.

– Биз ҳам шу фикрдамиз! Унда бизга ружсат! Заурорият бўлса, қўнфироқ қиласман! – Санжарбек қўлидаги қофозларни йифиштириб, кетишга тайёрланди.

– Яхши! Мени хабардор қилиб туринг! Дарвоқе, Ҳикматни олиб келишадими?

– Буюртма берганман, тез орада олиб келишса керак!

Фахриддин гуруҳнинг бошқа аъзоларига ҳам тегишли кўрсатмалар бериб, йифилишни якунлади ва хонасига кириб, Ҳикмат билан учрашувга тайёргарлик кўра бошлади.

Соат ўн бирларга яқин милиция ходимлари ранги-рўйи заъфарон, юзлари сўлгин, соқол-мўйлови бетартиб ўсиб кетган Ҳикматни олиб келишди. Тавба одам ҳам қисқа муддат ичидаги шунчалик чўкиб қоладими? Аввалги шаҳдидан, виқоридан асар ҳам қолмагандай. Ҳа, тутқунлик, эрксизлик ёмон нарса! Ҳар қандай ўзига бино қўйган одамни ҳам синдириб қўяди. Шундай ақлли, олим одам шу қўйга тушиб ўтиrsa-я! Наҳотки қилаётган ишининг охири «вой» бўлишини англамаган бўлса!... Англаган! Ҳаммасини пухта ўйлаб, устамонлик билан амалга оширган!

Милиция ходимлари маҳкумнинг қўлидаги кишинини ечиб, чиқиб кетишди. Ҳикмат терговчи

кўрсатган ўриндиққа омонатгина ўтири.

– Ҳикмат ака, яхшимисиз? Кўришмаганимизга ҳам анча бўлди. Соғлигингиз қалай? – Терговчи узоқ давом этиши кутилаётган «сұхбат»ни ўйлаб, мулоимлик билан гап очди.

– Раҳмат, дуруст! – деди Ҳикмат хўмрайганча.

Терговчи сўроқни бошлишдан один, ёнида турфа хил хаёллар оғушида таъби тирриқ бўлиб турган кишининг кайфиятини бир оз бўлса-да кўтариш, кўнгил қулфини очиш, юрагига йўл топиш ва шу аснода ундан бор ҳақиқатни «суғуриб» олиш мақсадида тасалли берган киши бўлди. Илмий иши қайси мавзуда эканлиги, хорижий тилларни қандай ўзлаштирганлиги, тилни ўрганишнинг мураккаблиги ва афзалликлари, оиласи, болалари, келажакдаги режалари ҳақида майдалаб суриштирди. Бошида «ҳа», «йўқ»дан нари ўтмай турган Ҳикмат оиласи ҳақида гап кетганда сал юмшагандай бўлди:

– Икки фарзандим бор: Алишер, Бобур. Ният қилиб, икки буюк бобомизнинг номларини қўйганман. Каттаси тўртинчи, кичиги иккинчи синфда ўқийди. Ҳозирданоқ ўзбек, тожик тилларидан ташқари рус, инглиз тилини яхши билишади. Араб тилини ўрганишмоқда. Мактабда аъло баҳоларга ўқишиади. Шахмат тўгарагига қатнашади...

– Ҳавас қилса арзигулик! Шу ёшида 3-4 та тилни билишнинг ўзи бўлмайди. Ҳақиқий иқтидор эгалари экан, ишқилиб кўз тегмасин! – деди терговчи пиёладаги кўк чойни узата туриб.

– Ҳа, болаларимизнинг барчаси ҳам қобилиятли! Мен кўплаб давлатларда бўлганман. Ўзатганман. Айтайлик, англиялик болалар асосан инглиз, француз болалари француз, бразилиялик болалар асосан португал тилини билишар экан. Уларнинг орасида икки тилни ўзлаштирганлари жуда кам. Бизда эса деярли ҳамма болалар икки тилни, кўп-

чилик учта тилни, баъзилари эса тўртта-бештагача тилни билишади...

– Аммо кўпчилик ота-оналар фарзандларининг қобилияtlарига вақтида эътибор қаратмайдилар! – терговчи атайлаб ҳамсуҳбатини баҳсга чорлади. Ўқ «нишон»га бехато теккан эди.

– Афсуски, шундай! Бу биз ота-оналарнинг энг катта қусуримиз! Ҳар бир болани Оллоҳ ўзига хос сифатлар билан сийлайди, – ҳамсуҳбатининг берилиб тинглаб турганини сезиб, Ҳикмат жўшиб кетди. – Истеъдод бирорда очиқ, бирорда яширин бўлади. Ота-онанинг асосий вазифаси эса ана шу қобилиятни ўз вақтида илғаб, рўёбга чиқариш, болага тўғри йўналиш бериш, унинг ўз имконияtlарини тўлиқ намоён этиши учун шарт-шароитларни яратишдан иборат. Бола мисоли тоғдан шарқираб оқаётган жилга. Бошқарсанг, йўналтирсанг умид отлиқ уммонларга бориб қўшилади. Ўз ҳолига ташлаб қўйсанг жилга ношудлик қумига сингиб кетиши ёки «сассиқ, кўл»га келиб қўшилиши ҳеч гап эмас. Биз ота-оналарнинг бепарволиги ва лоқайдилиги оқибатида қанчадан-қанча истеъдодлар очилмай қолмоқда, не-не жилгалар қумга сингиб бормоқда. Энди бу борадаги қарашларни ўзгартирадиган, янги ва ноанъанавий усусларни қўллайдиган вақт келди...

– Сиз мутлақо ҳақсиз! Бола тарбияси ҳамма замонларда ҳам, Абдулла Авлоний айтганлариdek, «ё ҳаёт, ё мамот, ё нажот – ё ҳалокат, ё саодат – ё фалокат масаласидир», – терговчи «тўғрими, адашмадимми?» дегандай ҳамсуҳбатига тикилди.

– Ҳа, Авлоний жаноблари ҳақ гапни айтганлар!

Орага бир муддат жимлик чўкди. Ҳар икки тараф ҳам масаланинг расмий томонига ўтишга фурсат келганлигини фаҳмлашди. Ҳикмат «мен

тайёр, беринг саволларингизни!» дегандай терговчига жавдиради.

– Ҳикмат ака! – ниҳоят Фахриддин мақсадга кўчди. – Бизга ҳаммаси маълум... Нодир қўлёзмаларни Россияга олиб чиқиб кетганлигинги... Кимларга, қанчага ўтказганлигинги! Гапираверайинми ёки ўзингиз... – Фахриддин «ёлғон кўрсатма берган экансиз, бизни чалғитмоқчи бўлдингизми?» деб юбормоқчи бўлди-ю, «иш»ни бузиб қўйишдан чўчиб, ўзини тийди.

– Ҳаммаси Норбўта чўпон билан танишувимиздан бошланди, – чуқур хўрсиниб, сўз бошлади Ҳикмат. – Илк бор у менга ўн дона қўлёзмалар олиб келганда «китоблар бобомдан мерос қолган», деганди. Мен уларни арzonроқ баҳода олиб қолдим. «Яна бўлса олиб келинг!» дедим. Бир оз вақт ўтиб, у бир талай қўлёзмаларни кўтариб келиб қолди. Бу ҳол бир неча марта такрорлангач, менда «чўпон китобларни қаердан олаётган бўлса экан-а?» деган савол туғилди. Ўзидан сўрасам «Бобом раҳматли ўта маърифатли киши эди. Ундан анча-мунча китоблар қолганди. Тирикчилик деганларидай, уларнинг бир қисмини сотишга мажбур бўлдим», – дерди. Мен Темурийларнинг йўқолган кутубхонаси тўғрисида ўқигандим. Қўлёзмаларда уларнинг шу кутубхонага тегишли эканлиги ҳақида маҳсус белги бор эди. «Наҳотки чўпон йўқолган кутубхонани топган бўлса!» деган хаёл менга тинчлик бермай қўйди. Чўпоннинг бизни таништирган Раиса Халиловнага тилла буюмлар, тангалар топширганлигини эшитиб, хавотирим янада ортди. Шу пайтгача йўқолиб кетган деб ҳисобланадиган, ўзида камида ўн беш мингдан ортиқ қўлёзмаларни бирлаштирган Амир Темур кутубхонасининг топилиши асри-мизнинг энг буюк кашфиёти бўларди. Бу ҳақиқий сенсация дегани эди. Аммо чўпон анчагина пухта

экан. Кутубхонани топғанлигини тан олгиси келмасди. Ҳеч нарса бўлмагандай ўзини бепарво тутарди. Норбўтанинг гаплари чин ёки ёлғон эканлигини аниқлаш мақсадида бир неча бор Қашқадарёга боришга тўғри келди. Сўраб-суриштирсам чўпонга на отасидан, на бобосидан китоблар мерос қолмаган. Уларнинг борлигини яқинлари ҳам билмайди. Чўпон бир умр камтарона яшаб келган, фақат сўнгги йилларда хатти-ҳаракатида ҳаволаниш, кеккайиш аломатлари кузатила бошлаган... Менга бу ноёб ва сирли кутубхонани топиш иштиёки тинчлик бермай қўйди. Ҳаловатим буткул йўқолди... Бир келганда чўпонни қистовга олдим: «Темурийлар кутубхонасини қандай топдингиз, айтинг?» деб туриб олдим. Чўпон тан олишни истамасди. Шунда «менинг шаҳрисабзлик бир қадр-доним сизни, отангизни таниркан. Ундан сўрасам «Норбўтанинг отаси ҳам, бобоси ҳам чўпон ўтган, кутубхонаси тугул бир дона китоби ҳам бўлмаган!» деб жавоб берганини айтдим. У эса «Китобларни очарчилик йилларида кимдир бобомга ўнта қўй эвазига берган экан. Бобом ҳукуматдан қўрқиб, уларни кўздан пана жойга яшириб қўйган», дея вазиятдан чиқиб кетди...

Фахриддин ҳамсұхбатининг овози пасайиб бораётганидан томоғи қақраб бораётганини англаб, пиёлани тўлдириб, унга чой узатди.

– Раҳмат! – Ҳикмат чойдан қониб ҳўплаб, сўнг сўзида давом этди. – Хуллас, чўпон ҳаловатимни бузди. Темурийлар кутубхонаси сирини билиш учун маълумотлар тўплашга киришдим. Буни қарангки, ўқиган сарим, ўрганган сарим хаёллар мени Норбўта чўпон яшайдиган замин, Падар-куш тоғлари томонга етаклаётгандек эди... Чўпонни кузатмоқчи бўлдим. Бир неча марта Ҳазрати Башир қишлоғига бордим. Чўпоннинг қўтонини

топиб, узокдан пойлашга тушдим. Сал наридаги дарага чодир тикиб, бир неча кун яшадим. Фойда бўлмади. Чўпон моллари ортидан бир неча бор тоқقا қараб чиқсан бўлса-да, унинг хатти-ҳаракатларида ҳеч қандай шубҳали ҳолат сезилмади. Шаҳар бўлса бошқа гап. Очиқ жойда бирорни кузатишнинг ўзи бўлмаскан! Бегона киши дарров кўзга ташланади. Бир неча чўпонлар билан танишишга тўғри келди. Уларга ўзимни геолог сифатида таништирдим. Норбўтанинг «хитланиб» қолишидан қўрқиб, қўнилғамни тез-тез алмаштириб турдим... Йўқ, уринишларим бесамар бўлди. Шунда калламга бир фикр келди... Самарқандга қайтиб, батареяда ишлайдиган яширин видеокузатув мосламисини топдим. Сўнг уни олиб бориб чўпоннинг қўрасидан тоқقا қараб кетувчи асосий сўқмоқларга сездирмасдан ўрнатиб чиқдим. Видео аппарат ўн-ўн беш кун давомида узлуксиз ишлаб, атрофдаги воқеаларни хотирасига муҳрлаш имконига эга эди. Сўнг шаҳарга қайтиб, кунларни санай бошладим... Ниҳоят, ўн беш кун ўтгач, тоқقا бориб, видеотасвирларни олиб келдим. Икки кун давомида уларни дикқат билан кўздан кечириб чиқдим. Тасвирлар орасида Норбўтанинг аzonда бўш хуржун билан тоғ томонга ўтиб кетиб, пешинга яқин тўла хуржунни орқалаб қўтонга қайтгани дикқатимни ўзига жалб этди. Тасмани қайта-қайта, секинлаштирувчи ҳолатда айлантириб, синчковлик билан кузатиб, чўпоннинг тоғдан ниманидир олиб қайтганига амин бўлдим. «Булар шаксиз қўлёзмалар бўлса керак!» деган тўхтамга келдим. Амир Темур кутубхонасини топгандай эдим... Тасвирлар мен тахмин қилгандай Падаркуш чўққиси томонга чиқиладиган сўқмоқдан олинган эди. Энди йўналиш аниқ эди. Қидирув доираси анчагина қисқарганди. Ўзимча кутубхона жойлашти-

рилган форни бир зумда, қийинчиликсиз топсам керак деб ўйлагандим. Афсус, ундей бўлиб чиқмади. Уч кунлик уринишларим зое кетди. Падаркуш йўналишидаги шубҳали туюлган ҳар бир қоя, ҳар бир харсанг, ҳар бир ковакни обдан чифириқдан ўтказдим. Форнинг оғзини ёхуд унга олиб борувчи йўлакни тополмадим... Аниқ жойини билмасдан бу поёнсиз тоғу тошлар орасидан жуда пухталик билан бекитиб ташланган форнинг оғзини излаш ўрмонда игна излаш билан баробар экан.

Ҳикмат бир муддат жимиб қолди. Пиёладаги соvuқ чойдан ҳўплаб, томогини ҳўллади. Сўнг оғир ҳўрсиниб, гапида давом этди:

– Вақт кетса ҳам қидирув доирасини қисқартишга мажбур эдим. Энди Падаркуш чўққиси этагидаги саккизта нуқтага видеокамералар ўрнатилди. Орадан ўн беш кун ўтиб, тасвиirlар таҳлил қилинганда объективда мени қизиқтирадиган маълумотлар мавжуд эмаслиги маълум бўлди. Яна омадсизлик. Лекин мен тушкунликка тушмадим. Мен қидираётган нарса шу атрофда эканлигини кўнглим сезиб турарди. Мақсад сари тобора яқинлашиб бораётганим аниқ эди. Норбўтанинг кўнгли бир нарсани сездими, мен кутган жойга йўламай қўйди. Мен уни қизиқтириш учун қўнфироқ қилиб, «яхши мижоз чиққанлигини айтиб, китоблардан кўпроқ келтиришни тайинладим. Орадан 2 кун ўтиб, у бир талай китобларни кўтариб кириб келди. Мен уларни яхшигина нарҳда олиб қолдим. Кейинги кун тоққа бориб, видеотасвиirlарни кўздан кечирдим. Тағин омадсизлик... Нима қилишимни, қандай йўл тутишимни билмай қолдим. Бахтга қарши чўпон қўнфироқларимни олмай қўйди. Олдига боришга мажбур бўлдим. Тузуккина мижоз борлигини баҳона қилиб, қўлёзмалардан бўлса, анчагина сотиб олишим мумкинлигини билдиридим.

У эса «Йўқ, қолмади! Бобойнинг меросини сотиб тутатдим», деб туриб олди. Шунда унинг нимадандир ҳайиққанлигига иқрор бўлдим. «Ёки пул зарурияти бўлмагани учун хазинани вақтингча очмасликка қарор қилдимикин», – деб ўйладим. Хуллас, боши берк кўчага кириб қолдим. Қўлимни ювиб, қўлтиқقا урмоқчи ҳам бўлдим. Балки чўпон рост гапираётгандир, ҳеч қанақа кутубхона йўқдир. Балки чиндан ҳам Соҳибқирон кутубхонасига тегишли қўллэзмалар бир пайтлар унинг бобосининг қўлига тушиб қолгандир. Ахир турли замонларда шундай китобларнинг бозорларда сотилгани маълум-ку!... Унда видеотасвирдаги воқеалар... чўпон бир хуржун китобларни қаердан олиб келаётган бўлса! Тоққа қараб кетишда хуржун бўш эди. Қайтишда хуржун тўла! Балки хуржундаги ўт-ўлан ёки гиёҳдир! Балки ўтин, тош ёки соз тупроқдир! Видеотасвирларни олиб, секинлаштириб, йириклиштириб кўздан кечирдим. Йўқ, бу китобдан бошқа нарса эмас! Хуржундан бир қўллэзманинг уни ҳам салгина чиқиб турибди. Чўпон тоғдан китоб олиб қайтган. Нима бобосининг хазинасини тоққа яширибдими? Бу мантиқقا тўғри келмайди. Демак, кутубхона бор нарса! Фақат уни топиш лозим! Сирли кутубхонани топиш умиди менга тинчлик бермай қўйди. Бу иш ҳаётимнинг мазмунига айланиб қолгандай эди. Кўнгил душман деганларидай чўпонни гапиришга мажбур қилсанмикин деган хаёлга ҳам бордим. Йўқ, йўқ! Бу номаъқул йўл! Жиноятга аралашиб қолиш кутубхонани йўқотиш билан баробар эди...

Ҳикмат бир нуқтага тикилганча ўйланиб қолди. Унинг сўзларидан ўзича холоса чиқариб ўтирган Фахриддин пичирлади:

– Қайсар чўпонни ўлдиришдан бошқа иложингиз қолмаган, шундайми?

– Бир нима дедингизми? – Ҳикматнинг хаёли бошқа ёқда эди. – Тушунмадим, нима дедингиз?

– Энди чўпонни қандай ўлдирганингизни гапириб беринг деяпман!

– Йўқ, уни мен ўлдирмаганман! – Айланувчи ярашиқсиз тиржайди. – Менга қотилликни ёпиштира олмайсиз?

– Майли бу гапни қўя турайлик! – терговчи ичидагини сиртига чиқариб, нотўғри қилганини англаб, гапни бошқа томонга бурди. – Хўш, давом этинг, кейин нима бўлди?

– Хуллас, менинг барча уринишларим зое кетди. Тоғни илма-тешик қилиб юбордим. Бирор из, бирор илинж топилмади... Шаҳар билан тоғнинг ўртасида бўзчининг мокисидай қатнадим... Сўнг бу ишга геологларними, археологларними ишқилиб мутахассисларни техникаси билан жалб қилиш лозим деган хуносага келдим. Бунақа шахсни топиш ҳам осон эмас экан... Излай бошладим... Кутилмаганда чўпоннинг ўлими... ҳамма режаларни чиппакка чиқарди... Бор гап шу... Яна нимани айтай?...

– Сиз Норбўтанинг ўлимини қачон, кимдан эшитдингиз? – терговчи савол-жавобни бошлади.

– Афсуски, мен ўша куни тоғда эдим. Қўтон томонда милиция машиналари... шапкали кишилар кўпайиб қолганини кўриб, дарров қишлоқقا – Ҳазрати Башир зиёратгоҳига қайтдим. Одамлардан чўпонни ўлдириб кетишганини эшитдим. Қўрқиб кетдим. Шошилинч Самарқандга қайтдим...

– Сизнинг каллангизга келган ишни кимdir ба-жарганидан ҳайратга тушмадингизми?

– Нега унақа дейсиз! Мен... мен ... чўпонни ўлдириш хаёлимда бўлмаган. Унинг ўлими менга керак эмасди. Ахир у йўқолган кутубхона сирини биладиган ягона одам эди-ку! Аксинча қайғуга ботдим. Ачиндим...

- Қотил ким деб ўйлайсиз?
- Ўйлаб ҳеч ўйимга етолмайман. Чўпоннинг ўлими кимга керак бўлиши мумкин? Кимдир бойлик учун... яна билмадим...Балки душманлари бўлгандир...
- Сиз кутубхона тўғрисида бирор кишига гапирганмидингиз? – терговчи чуқурлаша бошлади.
- Ҳеч кимга оғиз очмаганман.
- Видеокамерани қаердан олгандингиз? Тасвирлар ҳозир қаерда?
- Камерани Питердан сотиб олгандим. Фойда бермагач, бир одамга сотиб юбордим...
- Кимга?
- Кимлигини билмайман. Кўчада танишиб қолгандик. Кўлимда аппаратни кўриб, «сот» деб туриб олди.
- Яна ёлғонни бошладингизми? – Фахриддин норозилик билдириди. – Ким ишонади шу гапингизга? Кап-катта олим одамнинг гапига қаранг!
- Ҳикмат бошини хам қилиб, индамай ўтиради.
- Хўп майли! Видеотасвирлар қаерда?
- Яшириб қўйганман!
- Қаерга?
- Уйда... ертўлада.
- Уйингизда ертўла бормиди? Биз тинтув ўтказганда айтмагандингиз-ку! – терговчи ўрнидан туриб кетди.
- Сизлар мендан сўрадингизларми? – Ҳикмат тўмтайди.
- Яхши, яхши! – деди Фахриддин бир парда пастга тушиб. – Мана телефон, айтинг уйдагилярингиз келтириб берсин... илтимос!
- Ҳикмат қўнфироқ қилиб, кимгадир ертўладаги қора портфел чўнтағидаги иккита тасмани прокуратурага олиб келишни тайинлади. Орадан ярим соат ўтар-ўтмас Ҳикматнинг хотини – Гулзода тасмаларни олиб келди. Фахриддин ишнинг

кетишини ўйлаб, эру хотиннинг гаплашиб олишлариға имкон берди. Мутахассислар тезда тасмаларни томоша қилиш учун зарур бўлган ускуналарни ҳозирлашди. Гуруҳ раҳбари тасмаларни гоҳ тезлаштириб, гоҳ секинлаштириб кўриб чиқишга киришди. Тасвирлар пайдо бўлган кадрларни дикқат билан кўриб чиқар экан, хаёлидан «Ҳикмат ёлғон гапирмаган экан!» деган фикр ўтди. Норбўта хуржун кўтариб ўтган тасвирларни бир неча бор ортга қайтариб, қайта-қайта кўрди. Ҳақиқатда чўпоннинг хуржунидагилар китобга ўхшайди. Биттасининг учи тўрвадан сал чиқибам турибди. Нима бўлгандаям эксперtlарга бериш лозим, яхшилаб таҳдил қилиб, хulosса беришсин.

Фахриддин гуруҳ аъзоларидан бирини чақириб, тасмалар бўйича эксперtlар хulosасини олиш учун зарур ҳужжатларни тайёрлаш тўғрисида топшириқ берди. Ўзи эса аёли билан учрашиб, озгина бўлса-да баҳри-дилини ёзиб олган Ҳикмат билан сухбатни давом эттирди:

- Демак, камерани кимга сотганингизни билмайсиз, шундайми?
- Кимлигини сўраб ўтирмагман-да! Аммо, кўрсам танисам керак... Ҳар ҳолда...
- Шунисига ҳам раҳмат! Сиз техникани ҳам яхши тушунасизми? Яъни демоқчиманки, камераларни ўзингиз ўрнатдингизми?
- Ҳар қандай ускунанинг паспортида ундан фойдаланиш қоидалари ёзиб қўйилади. Ўқиб чиқилса, бемалол... ишлатса бўлади.
- Тўғри, лекин шундай мураккаб асбобни ишлатиш ҳар кимнинг ҳам қўлидан келавермайди! – терговчи шубҳасини яширмади. – Яна ҳеч кимсаз тоф шароитида...
- Мен борини айтдим! Ишониш, ишонмаслик ўзингизга ҳавола! – деди Ҳикмат қовоғи осилиб.

- Майли, рост гапирайпсиз деган умиддаман! Давом этамиз! Кейин нима бўлди...
- Кейин нима бўларди! Мен Самарқандга қайтдим... Бу ёғини ўзингиз биласиз!
- Темурийлар кутубхонаси нима бўлди? Топдингизми?
- Топганимда шундай ўтиарамидим!
- Демак, кутубхонани тополмадингиз! Шундайми?
- Кутубхонанинг ишга нима алоқаси бор?
- Алоқаси бор! Сиз саволга жавоб беринг! – терговчи жиддийлашди.
- Мен саволларингизга жавоб бердим! Яна саволингиз бўлса...
- Яхши, агар кутубхонани топмаган бўлсангиз Россияга олиб борган шунча қўлёзмаларни қаердан олдингиз! Майли, уларнинг бир қисмини Норбўтадан сотиб олдингиз ҳам дейлик!
- Чўпондан анчагина қўлёзмаларни сотиб олгандим... Шуларни Питерга олиб кетганман.
- Халқимизнинг маънавий бойлиги бўлган бу ноёб қўлёзмаларни Республикадан четга олиб чиқиш жиноят эканлигини билармидингиз? – Фахриддин «ҳужум»га ўтди.
- Мен улар билан танишиб чиқдим. У китоблар бизга унчалик керак эмас... арманлар учун ҳақиқатда қимматли... – деди Ҳикмат бўшашиб.
- Ким айтади сизни олим одам деб. Соҳибқирон бобомиз у дурдоналарни не азобда юртимизга келтирган... Мирзо Улугбек уларни жоҳиллардан ҳимоя қилиш учун... шунча йил асраган... Сиз эса ўз манфаатингиз йўлида чет элга пуллагансиз! – Фахриддин босиқдик билан гапиришга уринса-да, овози баландроқ чиқди.
- У қўлёзмалар биз учун унчалик аҳамиятли эмас... Уларни тадқиқ этишдан наф йўқ. Лекин

арманлар учун ҳақиқий дурдона... Мен күлөзмаларни эгасига қайтардим...

– Бу нима деганингиз?! Қадимий битиклар, дурдона асарлар ҳар қандай музей, кутубхонанинг нодир безаги бўлмайдими? Ахир бизнинг улуғ авлодларимиз қолдирган қанчадан-қанча күлөзма асарлар Қоҳира, Лондон, Париж, Санкт-Петербург музейларида сақланмокда! Қани уларни сўраб кўринг-чи, берармикин! Ҳатто нусхасини ҳам кўлингга ушлатмайди... Сиз эса бизга кераги йўқ дейсиз! Эгасига қайтарганмиш! Қани энди ҳамма сиздай мушоҳада юритганида... Юрт, Ватан манфаати қайда қолди?

Ҳикмат индамади. Фахриддин бир оз қизишиб кетганини, айбдор билан бефойда баҳсга киришиб кетганини фаҳмлаб, ичидা ўзига танбеҳ берди. Ўрнидан туриб, тумба устидаги чойнакдан чой қуиб ичди. Ҳамсұхбатига ҳам узатди.

– Майли, давом этамиз, – Терговчи қўлини-қўлига ишқалаб, гайриоддий бир шижаот билан ишга киришди. – Хўш, Питерга қанча күлөзмани олиб боргансиз ва уларни кимларга соттансиз? Айтиб қўяй, бизда далиллар етарли, ҳаммаси аён! Яна аравани қуруқ олиб қочишга ҳаракат қилманг!

– Ҳаммаси маълум бўлса, далиллар етарли деяпсиз... унда мендан сўраб нима қиласиз? – деди Ҳикмат бакрайиб.

– Бу менинг талабим эмас, қонун талаби шунақа! Берилган саволларга жавоб беришингизга тўғри келади.

– Етти-саккиз коробкага жойлагандим... юзга яқин эди чамамда, – деди Ҳикмат қимтиниб.

– Кўлёзмаларниң рўйхати борми?

– Рўйхат тузмаганман. Аммо қўлёзмаларни нусхаси бор...

– Қанақа нусха, қаерда улар?

– Ҳар эҳтимолга қарши барча қўлёзмаларни расмга тушириб, компьютер хотирасига жойлаб қўйганман.

– Қандай? Ҳар бир китобдан нусха кўчирганман демоқчимисиз?

– Худди шундай!

– Дисклар қаерда?

– Уйда...

Фахриддин ички телефон гўшагини кўтариб, кимгадир ҳовлида кутиб турган Гулзода Жумаевани олиб киришни буюрди. Зум ўтмай бўйдор милиция ходими аёлни бошлаб келди:

– Марҳамат тайинланг! – деди терговчи Ҳикматга қараб.

– Уйдан менинг компьютерим турган столнинг тортмасида қора коробкада дисклар бор. Шуларни олиб келиш керак, – Ҳикмат хотинига тайинлади.

– Бир хил рангли янги дисклар...

Гулзода эрига бир муддат анграйиб тикилиб турди-да, сўнг «тушундим» дегандай бош иргаб, хонадан чиқди.

– Яхши, давом этамиз! – терговчи Ҳикматга юзланди. – Қўлёзмаларни кимларга сотганлигинизни гапираётгандингиз.

– Йигирмата китобни Тамарага берганман... қолганларини бир инглизга...

– Лекин сиз уларни Питерга...

– Том Питерда яшайди.

– Фамилияси ким, қаерда ишлайди?

– Ханкс, қанақадир компанияда... Офисига бир марта борганман. У қадимий қўлёзмалар коллекцияси билан шуғулланади.

– Сизни Питер вокзалида у кутиб олганмиди?

– Ҳа... Тамара билан бирга! – Ҳикматнинг хаёлидан «ҳаммасини билар экан-да!» деган фикр ўтди.

– Демак, сизларни Тамара таништирган, шундайми?

– Шунақа...

– Қўлёзмаларни қанчага сотгансиз? – деди терговчи қофоздан бош кўтармасдан.

Ҳикмат индамади.

– Кулғим сизда! Гапираверинг! Қанчага сотгансиз? – Фахриддин саволни такрорлади.

– 500 мингга келишган эдик...

– 500 минг сўмгами?

– Долларга...

– 500 минг Америка долларига денг! – Фахриддин ўрнидан туриб кетди. – Чакки эмас! Пулларни қаерга қўйдингиз?

– Ҳали улар билан ҳисоб-китоб қилганим йўқ... Саша билан Тамара пулларни менга етказиши лозим эди... – деди Ҳикмат хўрсиниб. – Бу ёқда бунақа ишлар бўлиб кетиб...

– Сизга ҳали бир тийин ҳам беришмадими? – деди терговчи надомат билан.

– Йигирма минг беришган! Йўл харажатлари, майда-чуйдаларга дегандай... Кейин анов 150 минг... сизлардаги...

– Жами 170 минг доллар! Демак 330 минг қолган экан-да!

Ҳикмат «тўғри» деган маънода бош иргади. Шу пайт эшик тақиллаб, хонага тезкор ходимлардан бири билан Гулзода кириб келишди.

– Мана! – деди тезкор ходим. – Тайинлаган нарсангиз!

Фахриддин кассеталардан бирини филофидан чиқариб, Ҳикматга юзланди:

– Шуларми?

– Шу...

– Яхши! Мутахассислар хulosасини олишимиз лозим. Камолхон Каттаевни таклиф этинг! – Фахриддин тезкор ходимга топшириқ берди.

- Тушунарли, – тезкор ходим хонадан чиқди.
- Сизга раҳмат! – терговчи эрига қараб, ичи-ицидан ачиниб турган Гулзодага мурожаат қилди.
- Бутунча етади, уйингизга бораверинг. Эртага да-вом эттирамиз...

\* \* \*

Санжарбек тезкор ходим – Улугбек билан пештоқига «Заргарлик дўкони» деб ёзиб қўйилган бир қаватли шинам ва замонавий бинога кириб келганда ичкарида одам кўп эди. Сотувчи қизлардан бири қўлидаги папкасидан уларни текширувчи деб ўйлади шекилли, югуриб истиқболига чиқди ва чиройли тавозе билан ичкарига бошлади. Қўлидаги лупа билан нимагадир тикилиб ўтирган ёши олтмишлардан ошган, бақалоқ дўкон мудири эшикда меҳмонларни кўриб, ўрнидан сапчиб туриб кетди:

– Ассалому алейкум! Келинглар меҳмонжонлар, келинглар! Марҳамат, ўтиринглар!

Санжарбек хизмат гувоҳномасини кўрсатиб, ўзини ва шеригини таништириди ва мезбоннинг ҳол-аҳвол сўрашларига парво ҳам қилмай мақсадга кўчди:

- Қани ўша тиллалар?
- Ҳозир, ҳозир! Савдодан олиб, яшириб қўйганман! – Мудир хона тўридаги темир шкафни очиб, ундан кичкинагина қутича чиқарди. – Мана 5 дона!

Терговчи тилла тангалардан бирини қўлига олиб, дикқат билан разм солди:

- Ҳа, адашмапсиз! Ҳақиқатда X-XII асрларга оид тиллалар! Ўша партиядан...
- Касбимиз шунаقا, темирни тилладан ажратса оламиз! – ишшайди бақалоқ.
- Ким топширган буларни?
- Мана квитанцияси... Ҳазрати Баширдан Норбуви Суюнова деган хотин...

– Норбуви... Суюнова... бу яна ким бўлди? – Фудурлади терговчи.

– Бунисини билмадим. Шунача топшириқ бўлганди, мен сизларга хабар қилдим... лекин у хотинни танимайман...

– Яхши! Сизга раҳмат! Бизга катта ёрдам қилдингиз. Тиллаларни эса олишимизга тўғри келади.

– деди терговчи ва ёнидаги шеригига буюрди: – Холис сифатида иштирок этиш учун икки кишини чақирсангиз.

Тезкор ходим хонадан чиқиб, зум ўтмай икки аёлни бошлаб кирди. Изқуварлар тергов расм русумларидан оғишмай ҳужжатларни қоралаб, йиғилганларга имзо чектиришди, тиллаларни алоҳида пакетга жойлаб, дўкондан чиқиши.

Ҳазрати Башир қишлоғида аёлни топиш қийин бўлмади. Қишлоқдаги бошқа уйлардан фарқ қилмайдиган оддийгина хонадан дарвозасини тақиллатишганда ичкаридан аёл кишининг «Кираверинг, эшик очиқ» деган товуши эшитилди. Йигитлар «кучук йўқмикин?» деган хавотирда у ёқ бу ёққа аланглаб, ичкарига киришди. Аёл қўлидаги челакни бир чеккага қўйиб, меҳмонларга пешвуз чиқди:

– Келинглар, меҳмонлар, келинглар!

– Бизга Норбуви Суюнова керак эди! – Санжарбек аёлни хижолат қиласлик учун гап бошлади.

– Мен... Норбуви! – аввалига «газданми, электрданми текширувчилар бўлса керак» деган хаёлга бориб турган аёл ўз номини эшитиб, анқайиб қолди. – Нима гап... тинчликми?

– Тинчлик, тинчлик! Мен терговчи Раҳмоновман, бу киши тезкор ходим Улугбек...

– Холмуродов!

– И-ч-к-а-р-и-г-а к-и-и-р-и-н-г-лар... – Норбуви-нинг тили зўрга калимага келди.

– Шарт эмас! Мана шу жойда ўтирсак бўладими? – деди Санжарбек айвондаги чорпояга ишора қилиб. – Сизга бир-икки саволимиз бор.

– Шарофат, кўрпачалардан олиб чиқ! – аёл ҳовлида ивирсиб юрган бўй қизга бақирди.

Чорпояга кўрпача тўшалди. Мехмонларнинг эътирозига қарамасдан Шарофат қишлоқ қизларига хос чаққонлик билан бир зумда хонтахта олиб чиқиб, дастурхон ёзди.

– Сиз Шаҳрисабздаги заргарлик дўконига тилла топширган экансиз? Тўғрими? – Санжарбек муддаога кўчди.

– Т-ў-ў-ғ-р-и... лекин...

– Нима лекин!

– М-у-м-к-и-н эмасми демоқчийдим! Ўзи нима гап?

– Тиллаларни қаердан олгансиз?

– Қаердан олардим, хўжайин... отаси б-е-е-рганди... – дудуқланди аёл.

– Эрингиз ким, қаерда ишлайди?

– Яхшилик чўпон дейишади...

– Яхшилик чўпон! Анави Норбўта чўпоннинг кўлида ишлайдиганми? – Санжарбек ўрнидан туриб кетди.

Аёл «ҳа» деган маънода бош иргади. Норбўта чўпоннинг отини эшитиши билан унинг кўзларида қандайдир хавотир зоҳир бўлди.

– Бу қаранг, дунёни тор деганларича бор-да! Мен Хўжайнингиз билан танишмиз. Ўзлари уйдамилар?

– Йўқ қўтонга кетган... Бугун қайтмаса керак...

– Яхшилик aka тилла тангаларни қаердан олганигини сизга айтмаганмиди?

– Бунақа нарсаларни менга айтармиди... қизимизнинг сепидан ками-кўсти бор эди. «Пул беринг» десам, шуларни қўлимга тутқазди...

- Тилла тангаларнинг сони қанчайди? Кўпмиди?
  - Менга беш дона берганди... Бошқасини билмадим.
  - Қаердан олганини айтмаганмиди?
  - Йўқ.
  - Яхши, раҳмат сизга! – терговчи қофоз-қаламини папкага жойлаб, кетишга ҳозирланди.
  - Ўзи нима гап, иним! Тинчликми? Хўжайин бирор... – аёл жовдираб меҳмонларга эргашди.
  - Хавотирга ўрин йўқ! Ҳаммаси яхши, – Улуғбек мезбонни тинчлантирган бўлди.
- Кўтонда одатдагидай ивирсиб юрган Яхшилик чўпон меҳмонларни кўриб, «яна келдингларми?» дегандай совуқ қарши олди. Салом-аликдан сўнг Санжарбек гапни муҳтасар қилди:
- Яхшилик ака, хотинингиз заргарлик дўконига сотиб бериш учун тилла тангалар топширган экан. Хабарингиз борми?
  - Б-о-о-р... нимайди, – деди чўпон анграйиб.
  - Сиз уларни қаердан олган эдингиз?
- Яхшилик бир муддат жимиб қолди. Терговчи саволни такрорлади.
- Х-ў-ж-а-й-и-н берибиди...
  - Қачон, нима учун?
  - Эсимда жўқ... қочон бергани... ора-орада бир-екки марта чўнтағида пули бўлмай қолса, шу тангачаларни берарди... ойлик дегандай...
  - Демак, Норбўта Сизга тангаларни иш ҳақи сифатида берган, шундайми?
  - Шундай.
  - Неча дона берган эди?
  - Беш... олтига бориди чамамда... – деди Яхшилик қизариб. – Вўзи шуларни омайман дегандим-а! Хўжайин «заргарга топширсанг пул, чўнтағингда турса белингга қувват, уйда турса бойлик-да!»

деб қўймаганди раҳматлик. Мана оқибат... Олтин одамга ташвиш келтиради деганлари ҳақ экан-да!

– Сиз ундан тиллаларни қаердан олганлигини сўраганмисиз?

– Менга нима? Сўрасам айтармиди... Вўзи бомдан қолган деб айтиб жуаради.

– Яхши! Унда бизга жавоб, – Санжарбек ўрнидан қўзғалди. Йўлда гуруҳ раҳбарига қўнғироқ қилиб, ахборот берди.

\* \* \*

Фахриддин Каримович хонасига кириши билан ички қўнғироқ жиринглаб, навбатчи Камолхон домла келганлигини билдириди. Изн бўлгач, домлани бошлаб келди. Қуюқ кўришдилар.

– Домла, Сизни тағин безовта қилишга мажбур бўлдик, – одатий сўрашувдан сўнг гап бошлиди терговчи.

– Бехижолат укажон, бехижолат! Қолаверса, қилаётган ишларингиз мени ҳам қизиқтириб қўйди. Ўзи бир ёнингизга келиб, Амир Темур кутубхонаси тақдири хусусида сўрамоқчи эдим. Ўзлари чақириб қолганлари маъқул бўлди.

Фахриддин тергов сири чегарасидан чиқиб кетмаган ҳолда Россия, Арманистонда кўрган-кечирганлари, Соҳибқирон кутубхонаси билан боғлиқ воқеалар ҳақида батафсил гапириб берди.

– Манов тасмаларда Ҳикмат ўша китоблардан олган нусхалар тасвирланган, – деди у қўлидаги пакетни домлага узатиб. – Биз қараб чиқдик... Тушуниб бўлмас қадимий битиклар. Сиз уларни ўрганиб чиқиб, номланиши, мазмунни, моддий ва маънавий қиймати ҳақида қисқача холоса қилиб берсангиз.

– Албатта, албатта! Бу бизнинг ишимиз-ку! Қўлимиздан келганича! – деди Камолхон домла

камтарлик билан. – Аммо кутубхонанинг топилмагани чакки бўлибди-да!

– Шунаقا! Қийин бўляяпти. Гўё чўпон уни ўзи билан бирга нариги дунёга олиб кетгандай. Домлажон, биласизми, баъзан унинг борлигига ҳам ишонгим келмай қолаяпти.

– Унаقا эмас. Сиз тўғри йўлдан бораяпсиз. Кутубхонага жуда яқин турибсизлар. Иншооллоҳ яқин кунларда уни топиш бахтига муяссар бўласиз. Илм-фандоламида мисли кўрилмаган шов-шув бўлади...

– Шундай! Иккинчи томондан кутубхона сирининг очилиши машъум қотилликнинг фош бўлишига сабаб бўладигандай...

– Ҳақ гап! Бу икки воқелик ўртасида алоқадорлик борлиги аниқ. Сизларга Яратгандан сабру жамил сўрайман.

– Раҳмат, домла! Фақат хулосани сал тезлаштириб берсангиз... вақтимиз...

– Бизга бир ҳафта берсангиз, етарли! Ҳамматашвишни йифишириб, қараб чиқаман...

Камолхон домла хайрлашиб чиқиб кетгач, Фахриддин тортмадаги дискни олиб, комъютерга тикиди. Ҳикматнинг тоғда ўрнатган видеокамераси тасвирларини кечадан буён такрор-такрор кўздан кечирган бўлса-да, яна бошидан диққат билан кўздан кечира бошлади. Бир хилдаги тоғ манзараси. Экранда қушларнинг у ёқдан бу ёққа чугурашиб ўтишгани, баъзида судралиб юрувчи жонзотларнинг фимир-фимиридан бошқа нарса кўринмайди... Фақат бир жойда Норбўта чўпоннинг олдин тоғ томонга, кейин пастга қараб ўтгани тасвирлари... Қайтишда ёнидаги хуржун тўла. «Кўлёзмаларга ўхшайди. Уларни Соҳибқирон кутубхонасидан олиб келаётганига шубҳа йўқ. Йўналиши аниқ. Аммо Ҳикмат топа олмаган. Қизиқ! Ёки у алдаяптими? Кутубхонани топиб, қўлёзмаларни бошқа жойга яшириш-

га улгурдимикин? Йўқ, йўқ! Бу осон иш эмас. Шунча китобни ҳеч кимга сездирмасдан тоғдан тушириш, бехавотир жойга яшириш оғир юмуш... Лекин ёлғон сўзлашдан унга нима наф? Ҳаммасини бўйнига олиб турибди-ку! Ёлғон гапираётгани балки чўпоннинг ўлимини хаспўшлаш учундир».

Фахриддин видеотасмани гоҳ секинлатиб, гоҳ тезлаштириб кўриб чиқиб, яна бошидан қўйди. Камера эндиғина ўрнатилган пайт... Тоғ ён бағри манзараси... Шу пайт экрандаги тасвирда кимнингдир хирагина шарпаси тушгандай бўлди. «Ҳикматнинг сояси» хаёлдан ўтказди терговчи. Тасмани секинлатиб яна бир оз айлантириди. Тасвирдаги соя иккитага ўхшаб кетди. Тасвир ўта секинлаштирилди. Ростдан ҳам бир жойда тасвирда икки кишининг бош қисми сояси тушган. «Ҳикмат «ускунани бир ўзим ўрнатганман, бу сирни мендан бошқа ҳеч ким билмайди» демаганмиди! Демак, ёлғон гапирган! Тасвирга Ҳикматдан ташқари яна кимнингдир сояси тушиб қолган. Ҳикматнинг ёнида шериги бўлган. Бу йигит қурғур бало чиқди-ку! Тап тортмай ёлғонни дўндиришини қаранг! Бу шарпа яна ким бўлди? Ё мутахассисмикин? Унда нега Ҳикмат уни яшираяпти? Балки уни аямоқчи бўлгандир. Балки у жиноий шеригидир. Одатда, жиноятчилар груҳ таркибида жиноят учун жавобгарлик қаттиқроқ эканлигидан чўчиб, шерикларини ошкор қилмасликка ҳаракат қилишади, жиноятни ўз бўйинларига олиб қўя қолишади. Ҳикмат ақлли йигит. Шу йўлни танглаши турган гап...

Шу куни пешиндан сўнг сўроқ қилинган Ҳикмат тоққа бир ўзи борганлигини, ёнида ҳеч қандай шериги бўлмаганлигини айтиб, аввалги сўзида туриб олди. Фахриддин унга ўзи олган видеотасвирни қўйиб бергач, чукур «уф» тортиб, «ёрилди»:

– Қайним Қосимни бирга олиб боргандим. Ҳар ҳолда техникани яхши тушунади. Лекин унга кутубхона тўғрисида оғиз очмаганман...

– Қосим қаерда ишлайди, фамилияси нима?

– Хўжақулов, ҳарбий қисмда алоқачи бўлиб ишлайди.

– Қайси ҳарбий қисмда?

– 2511-ҳарбий қисмда. Нима, уни чақирасизларми?

Фахриддин индамади. Қоғозга нималарни дир ёзди ва ёнидаги ички телефон гўшагини кўтариб, кимни дир чақирди. Зум ўтмай дарозгина, қотмадан келган терговчи йигит кириб келди:

– Азизжон, тезкор ходимлардан бирини олиб, мана бу манзилдаги кишини топиб келасизлар!

Йигит қоғозга кўз қирини ташлаб, «есть» деб ортига бурилди.

– Фахриддин ака, Қосимнинг бу ишга алоқаси йўқ, у менинг илтимосимни қиёлмай ёрдам берганди. Илтимос... уни аралаштирманг... ҳаммасига мен айбдор! – ялинишга тушди Ҳикмат.

– Мен айбдор! Нима Сиз қотилликни бўйнингизга олмоқчимисиз? – деди терговчи қоғоздан бошини кўтариб.

– Йўғ-е! Бу нима деганингиз? Мен унақа демоқчи эмасдим... Қосимнинг бу ишларга умуман дахли йўқ, айбсиз демоқчиман-да!

– Ҳеч ким қайнингизни айбдор деяётгани йўқ. Лекин биз уни гувоҳ сифатида сўроқ қилишга мажбурмиз...

Орадан бир соат ўтар-ўтмас Азизжон ранги сомондай оқариб кетган барваста йигитни бошлаб келди:

– Қосим Хўжақулов жаноблари шу киши экан.

Фахриддин «мехмон»ни ўтиришга таклиф этди. Қосим олдин терговчига, сўнг хижолатдан ерга ки-

риб кетгудек бўлиб ўтирган поччасига бош ирғаб салом берди.

Терговчи одати бўйича бир муддат гувоҳни руҳан сухбатга тайёрлаб, сўнг мақсадга кўчди:

– Бу кишини танийсизми? – деди терговчи Ҳикматга ишора қилиб.

– Танийман.

– Сизга ким бўлади?

– Поччам... опамнинг эри.

– Поччангизга Китоб тумани ҳудудидаги тоққа видеокамера ўртанишда ёрдам берганингиз ростми?

Қосим бундай саволни кутмаган шекилли, талмовсираб қолди. «Нима деб жавоб берай» дегандай поччасига нажот кўзини тикди. Ҳикматнинг «ер чизиб» ўтирганидан ўзича хulosा чиқариб, қимти-нибина «йўқ» деди.

Терговчи саволни яна такрорлади. Ҳикмат қариндошини нокулай аҳволдан қутқариш учун «ростини айтавер, мен ёрдам берганингни айтганман» деди қизариб-бўзариб.

Шундан сўнггина Қосим поччаси кўрсатмаларини тасдиқлаб, гувоҳлик берди. Терговчи унинг кўрсатмаларини дикқат билан тинглаб, савол-жавобга ўтди:

– Аппаратни қаердан олган эдингиз? Ҳозир у қаерда?

– Ка-ме-ра... ишхонаники эди...

– Давлат мулкидан шахсий мақсадларда фойдаланиш жиноят эканлигини биласизми? – деди терговчи жиддий оҳангда.

– Биламан... поччам илтимос қилганди... йўқ дейиш... ҳалигидай...

– Майли, бу ҳақда кейин гаплашамиз! – «ракиби»га муносиб «зарба» берган терговчи «хужум»га ўтди. – Сиз камералар тоққа нима мақсадда ўрнатилаётганидан хабардормидингиз?

– Йўқ! Билмайман... Поччам илтимос қилганди.  
– Поччангиздан сўрамадингизми? Тоғ жой бўлса! Камера нимага керак бўлиши мумкин? Сизда шундай савол туғилмадими?

– Сўрасам айтармиди! Мен ўзимча ҳайвонлар ними, ҳашаротларними кузатса керак деган хаёлга бордим... – Қосим астойдил гапирайптими ёки муғамбирлик қиляптими – англаш қийин эди.

– Демак, сиз поччангизнинг мақсадидан бехабар бўлгансиз! Шундай ҳам дейлик. Бу ҳақда бирор кишига гапирганмисиз? – терговчи гувоҳга қаттиқ тикилди.

– Йўғ-е, ҳеч кимга оғиз очмаганман! – Қосим неғадир кўзини олиб қочди. – Нега айтаман... кимга айтардим...

– Яхши, текшириб кўрамиз. Фақат видеокамераларни бизга тақдим қилишингиз лозим, – терговчи ўрнидан қўзғалди.

– Улар ишхонанини эди-да! – деди гувоҳ шалвираб.

– Тартиб шунаقا! Тергов тугаб, зарурият йўқолса, қайтарамиз! Йигитлар билан бирга бориб аппаратни олиб келасиз. Бугунча етарли. Қолган гапларни эртага гаплашамиз.– Фахриддин телефон гўшагини кўтариб, ёрдамчисини чақирди...

Кечки пайт Фахриддин тергов гуруҳи аъзоларини йифди. Санжарбек Шаҳрисабз сафари ҳақида маълумот берди. Гуруҳ аъзоларининг ўз йўналишлари бўйича амалга оширган ишлари ҳақидаги ахбороти тингланди.

– Минг афсуски, ишимизда пичноққа илинадиган янгилик йўқ, – холоса қилди гуруҳ раҳбари. – Вакт эса ўтиб бормоқда. Раҳбариёт ишимиздан қоник-маяпти. Биз умид боғлаган таҳминлар бирин-кетин чиппакка чиқмоқда. Ҳикматнинг алибиси тўғри чиқди. Қотиллик содир бўлган пайтда у Самарқандда қариндошларининг тўйида бўлган. Буни тўй эга-

сидан олинган видеотасмалар, гувоҳларнинг кўрсатмалари тасдиқлади. Талъат ва Шодиёр эпизоди бўйича олиб борилган тергов-тезкор тадбирлар биз кутган натижани бермади. Уларнинг қотиллик қилганилиги ни исботловчи далиллар топилмади. Тўғри улар қотиллик содир бўлган жойда биринчи бўлиб ҳозир бўлишган. Аммо текширишлар шуни кўрсатмоқдаки, чўпоннинг ўлими кечки соат 16-17лар атрофида рўй берган. Бу пайтда Талъат ва Шодиёр Ургут-Китоб довонидан ошаётган бўлишган. Бу уларнинг довонга чиқищдаги озиқ-овқат дўконидан қилган харидлари чеки билан тасдиқланди. Хуллас, жиноят ишининг уларга оид қисмини судга оширишга мажбурмиз. Яна бир тахминимиз Қосим Хўжақулов билан боғлиқ эди. Таассуфки, бу ерда ҳам ҳозирча «жимлик». Тўғри уни кузатишда давом этаяпмиз. Лекин бирор нарса чиқишига ўзим ҳам ишонмай қолдим...

– Ҳикмат билан қаттиқроқ ишлаш керак! – Маҳкам Ҳакимович рухсат сўрамасдан гап қўшиди. – У пихини ёрганлардан. Ўзи қимаган бўлса, бирортасини қотилликка ёллаган. Пул унга муаммо эмас! Ундан бошқа итам қилмаган. Бундайлар яхши гапта тушунармиди. Бизга беринг уни. Икки кунда бўйнига қўйиб, мулла мингтан эшакдай қиласиз. Пачакилашиб ўтирамизми у аҳмоқ билан...

– Маҳкам Ҳакимович, бу нима деганингиз! – Бошлиқнинг жаҳли чиқди. – Нима, уриб бўйнига қўймоқчимисиз? Сиз терговчимисиз ёки кўчада юрган зўравонми? Бўйнига қўярмиш... Унда қонун, прокуратура, суд нимага керак!

– Узр, мен индаллосини айтим-қўйдим-да! Бўлмаса икки дунёда ҳам очилмайди бу жиноят! Ёзилмаган қонунлар ҳам бор-ку! Мақсадимиз қотилликни очиш экан...

– Бас! Маҳкам ака, унаقا замонлар ўтиб кетди. Нима, яна ўша Гдлян, Ивановлар даврини қўм-

саб қолдингизми? Жиноятни очиш муҳим, аммо қонунга итоат қилиш ундан-да муҳим! Инсон ҳуқуқлари муқаддас...

– Айтдим-қўйдим-да! – отдан тушса-да, эгардан тушгиси келмасди Маҳкамнинг. – Қонуний бўлса, қонуний-да! Менам қотилликни тезроқ очишни ўйлаяпман... «Инициатива – наказуема» деганлари рост экан-да!

Фахриддин Каримович бу қайсар терговчи билан ади-бади айтишиб ўтиришни ўзига эп кўрмади шекилли, гапни бошқа ёқقا бурди:

– Санжарбек сиз эртага Питерга учасиз. Том Ханкс масаласида... Сўроққа яхшилаб тайёргарлик кўриш лозим. Мен Питерлик ҳамкасларни огоҳлантириб қўйганман, ёрдам қилишади. Авазбек сизни кутиб олади. Маҳкам ака, сиз йигитларингиз билан Китоб туманидаги, Ҳазрати Башир қишлоғида олиб борилаётган ишларни давом эттирасиз. Халқ ҳамма нарсани билади. Одамлар нима деяпти? Уларнинг ичига кириб бориш керак...

– Афсуски Норбўта чўпоннинг умри қўтонда ўтган, одамларга кўп қўшилмаган! – луқма ташлашдан ўзини тиёлмади Маҳкам.

– Унда аёлларнинг қўйнига қўл солинг! – гапни ҳазилга бурди Фахриддин.

– Хотинлар нима деяпти? Улар билмаган нарса йўқ. Норбўтанинг оила аъзолари, яқинлари, қариндошлари, таниш-билишлари билан ишлашни бир дақиқа ҳам тўхтатмаслик зарур.

– Яхши! – деди Маҳкам қўлини чўнтагидан олмасдан.

– Суюнов, – раҳбар орқа қаторда нималарни дир ёзиб-чизиб ўтирган Азизжонга юзланди. – Сиз Талъат ва Шодиёрнинг қисмини якунлаб, айлов хулосасини тайёрланг.

– Фахриддин ака, шу масалада бир оз шошилмаслик керакми дейман-да! – Санжарбек ўрнидан

туриб, сўз олди. – Тўғри, қўлимиизда ҳеч қандай далил йўқ. Аммо Шодиёр ва Талъат жиноят жойида ҳаммадан олдин ҳозир бўлишган. Одам ўлдириш мақсадини истисно қилганда ҳам чўпонникига фараз мақсадда – жиноят қилиш учун боришган. Шу маънода улар қотилликда гумон қилинувчилар рўйхатининг бошида туришади. Одам биз ўйлагандан ҳам пухта, мураккаб мавжудот. Балки улар ўзлари учун олдиндан алиби тайёrlаб, жиноятга жуда пухталик билан қўл уришгандир... Балки суд-тиббий экспертиза ўлимнинг пайтини аниқлашда хатоликка йўл кўйгандир.

– Хўш, нимани таклиф қиласиз! – деди раҳбар терговчининг гапини бўлиб.

– Ҳар ҳолда жаноб Маҳкам Ҳакимовичнинг «усули»ни айтмассиз!

– Йўғ-э! – деди Санжарбек жилмайиб. – Шошмаслигимиз керак демоқчиман-да... Тергов муддатини узайтириш...

– Санжарбек, бирор тузукроқ мулоҳазангиз бўлса, айтинг! Бекорга терговни чўзишдан нима наф?

– Бошқа таклиф йўқликка йўқку-я, адашмайлик демоқчиман-да!

– Таклифлар бўлмаса, ҳаммага жавоб! – Гуруҳ раҳбари мажлисни якунлади.

Гуруҳ аъзолари ўзларига берилган топшириқни адо этишга киришдилар. Хонада ёлғиз қолган Фахриддин бундан буён қиласидиган ишларни хаёлида «пишириш»га ҳаракат қилди: «Қосим Ҳўжақулов Ҳикматнинг мақсадидан воқиф бўлганми? Мабодо поччаси айтмаган тақдирда ҳам у бунда бир сир борлигини сезиши мумкинми? Албатта! Ахир кимсан Ҳикматдай қадимий битиклар, ашёлар билан қизиқиб юрувчи одам тоққа камера ўрнатиб, ниманидир қидираётган экан, Қосим бунга қизиқмаслиги, бу сирни билишга интилмаслиги мумкин

эмасди. Бундай пайтда одамнинг хаёлига биринчи навбатда тоқقا кўмилган хазина келиши турган гап. Олтин, дур эса ҳар қандай инсофли кишининг ҳам ақли-хушини олиши табиий. Бу иштиёқ унга тинчлик бермай қўяди, дардини кимгадир тўкиб солишига, ўртоқлашишга, ёрдам сўрашга мажбур қиласди. Демак, ҳаловатини йўқотган Қосим ўзига шерик ахтаришга тушган. Ахир, бир ўзи бу ишни уддалаши кийин. Шерик эса ишончли киши бўлиши даркор...»

Миясига келган фикрдан негадир кўнгли ёришган гуруҳ раҳбари Санжарбекни чақирди:

– Питерга Азизжон борақолсин. Сизга бошқа юмуш бор – Қосим билан жиддийроқ шугулланишга тўғри келади.

– Нима, ундан гумонингиз борми? Бирор бир асос...

– Бошқа тахминлар етарлича «ишланди», – деди Фахриддин Каримович ҳамкасбига тикилиб. – Текширилмаган фақат шу тахмин қолди... Кейин Қосимнинг ўзини тутиши негадир менга ғалатироқ туюлди.

– Биласиз-ку бу идорага илк бор чақиртирилган киши ўзини файритабиий тутиши турган гап. Балки шундан...

– Тушунаман! Ҳар қандай одам бундай ҳолатда ҳаяжонга тушади. Аммо унинг кўзларида ҳайрат, ҳаяжон билан бирга қандайдир қўрқув кўргандай бўлдим...

– Энди нима қилмоқчисиз?

– «Нима қилмоқчисиз» эмас – «нима қиламиш!» дессангиз ўринлироқ бўлади. Биринчидан, Қосимнинг уй, уяли телефон сўзлашувлари таҳдилини олиш лозим. Айниқса, қотиллик арафасида ва ундан кейинги даврда кимлар билан кўпроқ гаплашган бўлса, рўйхатини тузиб, ҳар бири билан шугулланиш зарур. Иккинчидан, ҳозир у кузатув остида. Ким билан мулоқот қиласди, қаерга бора-

ди – кўздан қочирмаслик керак. Мабодо унинг танишлари, дўстлари орасида бизга керакли – кўхна битиклар билан қизиқувчи ёки қадимий ашёлар коллекцияси билан шуғулланувчи ёхуд тиллапуршлар бўлса, айни муддао...

– Фахридин ака, шулардан бирор нарса чиқишига аминмисиз? – деди Санжарбек кўзларини жавдиратиб.

– Ички ишонч деган нарсага ишонасизми? – деди раҳбар хотиржам. – Ишонмасангиз бу нарсани тушунишингиз қийин!

Санжарбек тилини тийди. У бу қайсар, айни пайтда соддадил ва олижаноб, зукко ва тиришқоқ одамни яхши билгани учун «раз шу нарсага ёпишяпти, демак етарли асослари бордир-да» деган ўйга борди...

Қосимнинг телефон сўзлашувларини чиғириқдан ўтказган терговчилар Норбўта чўпоннинг ўлими арафасида ва ундан кейинги даврда энг кўп қўнғироқ бўлган бешта рақамни ажратиб олишиди. Кейинги таҳдиллар улардан бири хотинига, иккинчиси онасига, яна бири бирга ишлайдиган касбдоши Баҳодир исмли йигитга тегишли эканлиги маълум бўлди. Терговчилар диққатини Қосимнинг Дилором ҳамда Шердил деган танишларига тегишли телефон рақамлари ўзига жалб этди. Тезда уларнинг шахси аниқланди. Дилором Вапаева вилоят телевидениеси муҳаррири, икки нафар фарзанди бор. Эри билан ажрашган, ота-онаси билан яшайди. Тарихий шахслар ҳаёти ва ижоди ҳақидаги кўрсатувлар муаллифи. Кейинги йилларда Амир Темур Соҳибқирон, Мирзо Улуғбек, Бобур, Али Қушчи каби тарихий сиймолар ҳақида ҳужжатли фильмлар суръатга олган... Шердил Тўраев университет катта ўқитувчиси, тарих фанлари

номзоди. Бўйдоқ. Дилоромнинг ижодий ҳамкори, у олган тарихий фильmlарда маслаҳатчи бўлган...

Фахриддин ҳужжатлар билан танишар экан ха-ёлидан «яна Улугбек Мирзо, яна Али Қушчими? Ё тавба, бу тасодифми ёки англаб бўлмас қонуниятми? Наҳот булар ҳам шу кутубхона теграсида ўралашиб юришган бўлишса! Иккиси ҳам зиёли одам. Улар нимада гумон қилинайпти? Темурийлар кутубхонасини излаб топиб, унга ноқонуний эгалик қилишдами ёки чўпонни ўлдиришдами? Балки бу бир тасодифдир – уларнинг бу ишларга ҳеч қандай алоқаси йўқдир... » деган фикр ўтди.

Эшик тақиллаб, хонага Санжарбек кириб келди:

– Фахриддин ака, Қосимнинг телефон сўзлашувларини...

– Хўш, хўш нима бўлди?

– У эртага соат бирда Дилором билан учрашувтайинлади.

– Қаерда?

– «Боғишамол» ресторанида.

– Нима қилмоқчисиз?

– Ижозатингиз билан сұхбатини эшлишини йўлга қўйсак демоқчийдим.

– Қандай қилиб?

– Ресторан маъмурияти билан келишиб, улар ўтирадиган столга эшлиши ускунаси жойлаштирасак...

– Таниши бўлса, сотиб қўймайдими?

– Эҳтиёт бўламиз... Бундан фақат ресторан хўжайнин огоҳ бўлади. Официант ўзимиздан...

– Яхши! Кўзга қаранглар!

– Тушунарли! – Санжарбек яна нимадир демоқчи бўлди-ю, раҳбарнинг гаплашишга унчалик хуши йўқлигини сезиб, хонадан чиқди.

«Ҳарбий хизматчи билан телевидение ходими-нинг нима гапи бўлса... Бир маҳаллада турмаса,

бир мактабда ўқимаган бўлса... Қариндошлиқ алоқаси ҳам йўқ. Ё жазманимикин? Унда бирор овлоқроқ жойда учрашмасмиди? Балки шунчаки танишидир...»

Фахриддин бошида чарх ураётган хаёлларни қувиш учун ўрнидан туриб, чой қуйиб ичди. Дераздан ташқарига қаради. Одамлар... машиналар... Ҳамма шошмоқда. Қаёққа ошиқмоқда бу одамлар? Ташвишлар тўзони уларни қаерларга учирмоқда? Ҳар кимнинг ўз дарди, ўз юмуши бор... Қосимнинг Шердил билан қандай алоқаси бўлиши мумкин? Тарихчи олим... Балки ундан маслаҳатчи сифатида фойдалангандир. Балки қўлёзмаларни ўқиши учун уни бу ишга жалб қилгандир...

Санжарбек маҳсус автомашинада Қосим билан Дилоромнинг «ҳангома»сини тинглар экан, сўзларининг маъносини чақишига ҳаракат қиласади:

– Тинчликми? Намунча ваҳима қилдинг? – пи-чирлади аёл.

– Э, мени прокуратурага чақиришди, – Қосимнинг ҳаяжонланётгани сезилиб турарди.

– Нимага? Нима дейишди?! Поччанг сотиб қўйибдими?

– Поччам сотмаган... Терговчилар видеотасвирда икки кишининг сояси борлигини пайқаб қолишибди... Кейин мени айтишга мажбур бўлибди...

– Эй хомкалла! Ўзинг мутахассис бўла туриб, шундай хатога йўл қўйдингми? Тасвирларни қараб чиқмаганмидинг?

– Қарагандим, сояга эътибор қилмаган эканман-да!

– Шунаقا ҳам ландовур бўладими одам?! – деди Дилором овозини бир парда кўтариб. Сўнг яна шивирлашга тушди. – Нима дейишди?

– Нима дерди? Сўрашди... Камерани қаердан оддинг? Нега тоққа бординг? Поччангнинг мақсадидан хабардормидинг?

– Сен нима дединг?

– «Поччамни гапини икки қилолмай... унга ёрдам бергандим... лекин унинг ниятини билмасдим» дедим.

– Ишонишдими?

– Билмадим? Менга айтармиди?

– Кейин-чи, кейин нима бўлди? Нима дейишди?

– «Керак бўлсангиз чақирамиз, ҳозирча бўшсиз» деб жавоб беришди, – деди Қосим овози титраб.

– Шунаقا де! Яна чақирамиз дейишдими? Балки бу шунчаки пўписадир...

– Билмадим... билмадим... Хитланиб қолишишмаган бўлса гўргайди!

– Энди нима... қиласиз? – Диоромнинг товуши паст эшитилди.

– Ҳайронман!... Суриб юборайми дейман...

– Ақлинг жойидами? Қаёқقا борасан! Бирпасда топиб келишади...

– Унда нима қил дейсан? Қараб ўтираверайми?

– Гаплашса бўлмасмикин-а!

– Нима деяпсиз, терговчилар бари Тошкентдан-ку! Анави йигит адвокати орқали пул бермоқчи бўлганда ушлаб, қамоққа тиққанини эшитмадингизми? – деди Қосим тутақиб.

– Ҳа, қулогимга чалингандай бўлганди... Балки сени шунчаки «пушка»га олишгандир. Улар ҳеч кимни шундоқ қўйиб юборишмайди. Ҳеч бўлмаганда «лозим бўлса, яна чақирамиз!» деб кўнглига фулфула солиб қўйишади. Балки энди безовта қилишмас...

– Ҳай билмадим-да! Бир каттаси бор экан, менга еб қўйгудай тикилди, бир нарсани сезгандай...

– Э ваҳима қилма! – деди Диором бўғилиб. – Уларнинг қараши ўзи шунаقا! Ҳаммадан гумонсирашпади. Муҳими сен дадил бўл! Нима бўлганда ҳам оғзингдан гуллаб қўймасанг бас... ҳеч нарсани исботлай олишмайди...

– Айтишга осон! Шу совуқ башараларнинг олдига қайта боришимни ўйласам, юрагим орқага тортиб кетади...

– Балки энди чақирмас... Уларнинг қўлида бизни айблаш учун ҳеч нарса йўқ-ку!

– Унда нега менга ёпишиб қолиши? – Қосим асабийлашди.

– Вой-бўй, бир марта чақирганга шунчами? Йигитмисан?! Намунча энди... мотам тутмасанг! Жонинг омон бўлсин! Аввало Худо, бир йўли топилар...

– Диля, қамаб қўйса нима қиласман? – йигитнинг овози титраб кетди.

– Э гапингни шамол учирсин! Одамни қамаш осон бўлибдими? Бунинг учун исбот, далил керак. Агар сен оғзи бўшлиқ қилиб қўймасанг, Шерлок Холмс тирилиб келсаям исботлай олмайди... Менку бу сирни ўзим билан гўрга олиб кетсан керак...

– Ўшанда бекорга бу ишга...

– Эсинг жойидами? – деди Дибором пичирлаб.  
– Деворнинг ҳам қулоғи бор... Бўлган иш бўлиб, бу ёғи сингган... Энди маломат қилишдан на фойда! Яххиси, балонинг оғзини қандай ёпишни ўйлайлик... Менинг прокуратурада яхши танишларим бор... Бир маслаҳатлашиб кўрайлик, балки улар орқали терговчига чиқармиз...

– Диля, илтимос улар билан гаплашинг! Пулнинг бетига қарайдиган замон эмас... Мол-дунёси қуриб кетсин...

– Майли мен гаплашиб кўраман. Сен ҳеч нарсани сездирмасдан ўзингни одатдагидай бепарвотут. Сени кузатишашётган бўлиши мумкин... Ҳозирча учрашмай, телефонда сўзлашмай турганимиз маъқул. Зарурият бўлса, ўзим сени топаман. Домлани ҳам безовта қилма. Мен у билан учрашиб, ҳар эҳтимолга қарши огоҳлантириб қўяман... Турдикми? Омин, биз осий бандаларини Яратганнинг ўзи паноҳида асрасин!

Санжарбек эшитиш ускунасини қулоғидан олар экан, «Булар нимадан ҳадиксираяпти? Қайси жиноятни содир этишган бўлса? Сирли кутубхонани топиб олишганми? Ё чўпонни ўлдиришганми? Ҳар ҳолда булар тек одамларга ўхшамайди. Қандайдир оғир жиноятта қўл уришгани аниқ. Қосим бекорга «суреб юборайми, демаяпти» деган фикр хаёлидан ўтди. Тезкор ходимларга процессуал ҳаракатларни ўринлатиб расмийлаштиришни тайинлаб, прокуратурага шошилди...

Аудиотасмани бир неча бор эшитиб кўриб, Фахриддиннинг кўнгли ёришгандай бўлди. Шогирдига қараб, кулимсиради:

– Тахминим тўғри чиқади шекилли!

– Қанақа тахмин? Менга айтмагандингиз-ку! – деди Санжарбек анқайиб.

– Ҳа, айтмагандим. Нотўғри чиқишидан кўрқ-қандим! Хайрият энди ишимиз жойидан силжидиган кўринади, мулла Санжарбек!

– Фахриддин ака, одамнинг ичини қиздирмасдан гапирсангиз-чи! – бетоқат бўлди шогирд.

– Ўзингиз ўйлаб кўринг... Ҳикмат ноиложликдан қайнисидан ёрдам сўраган. Қосим тоғда видеоаппаратларни ўрнатиб беришда поччасига ёрдамлашган. Албатта, у кимсасиз тоғ чўққисида бундай асбобларни ўрнатишга нима зарурият борлигини поччасидан сўраган. Ҳикмат бу сирни бирорга айтишни хоҳлармиди? Йўқ албатта! Аммо Қосим ҳам анойилардан эмас... У бу ерда бир сир борлигини пайқамасдан қолмасди. Поччаси ундан қандайдир сирни яшираётгани унга кундай равшан эди. Нима қилиш керак? Ишончли дўстларни маслаҳаттага чақирган. Дибором ҳам, Шердил домла ҳам айнан унга керакли маслаҳатчилар эди. Улар Ҳикматга сездирмасдан «Падарқуш» тоги «сири»ни очишга келишганлар... Дастлаб Темурийлар кутуб-

хонаси ҳақида маълумотлар тўпланган. Сўнг қидирув ишларига зўр берилган. Аммо Ҳикмат каби бу шоввозлар ҳам хазинани топишнинг уддасидан чиқа олишмаган... Аммо улар ортга қайтишини исташмасди. Хазинанинг қаерда жойлашганилиги ни билувчи ягона одам – Норбўта чўпон эканлиги уларга ҳам маълум эди...

– Ҳа, ҳа! Гапингизга тушунгандайман... Чўпон ҳам осонликча ўр ёғини берадиганлар тоифасидан эмасди... Жиноятчиларнинг «яхши гап»га тушунишни хоҳламаётган чўпонга куч ишлатишдан бошқа чораси қолмаган... демоқчисиз-да! – ўзича хулоса қилди Санжарбек.

– Унчалик бўлмаса-да, ҳар ҳолда шунга яқин! Лекин бу тахминнинг ҳам сал ёпишмай турган томонлари бор...

– Яъни... – шогирд устознинг оғзига тикилди.

– Улар чўпонни ўлдиришдан манфаатдор эмас эди. Кутубхона сирини очишини хоҳламаётган чўпонни олдин қийноқقا солиши, шунда ҳам у «миқ» этмаса... охирги чорага ўтишлари лозим эди. Осонгина ўлдиришдан уларга нима наф? Лекин марҳумнинг жасадида уриш, қийнаш аломатлари бўлмаганилиги мени ташвишга солмоқда...

– Балки улар қийноқقا солишининг из қолдирмайдиган усулларини қўллашгандир... токка урдириш, тирноғи орасига игна тиқиши дегандай...

– Экспертлар буни сезишган бўлишарди... Тиббий экспертиза хулосасини қараб чиқдим... Азоблаш аломатлари аниқланмаган...

– Ҳа, сиз ҳаққа ўхшайсиз, – деди Санжарбек бoshини сарак-сарак қилиб.

Шу пайт телефон жиринглаб қолди. Фахриддин гўшакни кўтарди:

– Эшитаман!

– Фахриддин Каримович саломатмисиз? Бу мен Фарҳод Шириновичман... Безовта қилмадимми?

– Фарҳод ака яхшимисиз? Ишларингиз яхши-  
ми? Нима янгиликлар ака...

– Ҳаммаси жойида. Бир масалада безовта қи-  
лаётгандим. Кеча тунда Шаҳрисабз-Қарши йўлида  
автоҳалокат рўй берган...

– Хўш... Хўш! – Фахриддин сергакланди.

– Гап шундаки, ҳалокатга учраган машина ка-  
бинасидан 10 дона тилла танга топилган... Мута-  
хассислар уларни чўпонникидан топилган танга-  
лар билан бир хил дейишмоқда...

– Шунақами? Ҳайдовчи тирикми?

– Тирик, тирик! Аммо аҳволи оғир... оёғи, қўли  
бир неча жойидан синган... бошидан жиддий жа-  
роҳатланган... ҳозирча ўзига келмай реанимация-  
да ётибди...

– Шахси маълумми?

– Маълум. Тўрабек Жўраев, расман ҳеч қаерда  
ишламайди. Айтишларича кўпкари чопаркан...

– Чавандоз денг! Машинада бир ўзи бўлганми?

– Ҳа, ёнида ҳеч ким бўлмаган, ёлғиз бўлган...

– Фарҳод Ширинович, раҳмат! Бугуноқ Санжар-  
бек Қаршига етиб боради. Унгача сиз вазиятни назо-  
рат қилиб туринг! – деди Фахриддин гўшакни жойи-  
га қўятуриб. Сўнг ёнидаги шогирдига юзланди:

– Яна Қаршига жўнашингизга тўғри келмоқда.  
Бир чавандоз автоҳалокатга учрабди, машинаси-  
дан 10 дона тилла тангаларап топилибди... Ҳайдовчи  
реанимацияда ётган эмиш...

– Чўпондан сотиб олган бўлса керак-да! – деди  
Санжарбек бамайлихотир.

– Бўлса бордир! Аммо текшириб кўришга тўғри  
келади... Балки қалаванинг уни шу ерга бориб  
тақалар...

– Қанийди шунақа бўлса! – тиржайди шогирд. –  
Ўн марта бориб келишга рози эдим!

– Тўғри Фарҳод Шириновичга учрашинг!

– Есть! – Санжарбек фовқулотда файрат билан ўрнидан қўзғалди...

\* \* \*

Тўрабек чавандознинг жароҳати жиддий чиқди. Ўша куни ҳам, ундан кейинги кун ҳам у ўзига келмади. Бу вақт орасида Санжарбек бўш ўтирмасдан чавандознинг шахсини ўрганди, яқинлари доирасини аниқлади, кейинги 2-3 ой ичида нима билан машғул бўлганлиги, кимлар билан алоқа қилганлигини ипидан-игнасигача таҳлил қилди, оила аъзолари, таниш-билишлари сўрок қилинди. Аммо ўтказилган тергов ҳаракатлари чавандознинг Норбўта чўпоннинг ўлимига дахлдорлигидан дарак берувчи бирор бир диққатга молик маълумот бермади. Faқат Тўрабекнинг қўл телефонидан Садоқатнинг телефон рақами чиққанлигини эътиборга олмагандা...

Ниҳоят, учинчи кун чавандоз ўзига келди. Тўртинчи кун дўхтирлар терговчига у билан қисқа муддатли учрашишга рухсат беришди. Одатий савол-жавоблардан сўнг Санжарбек мақсадга кўчди:

– Тўрабек ака, машинангиз салонидан топилган қадимий тилла тангалар ҳақида нима дейсиз? Сиз уларни қаердан олгансиз?

Чавандоз сергак тортди. Бир оз ўйланиб туриб жавоб берди:

– Ҳа уларними? Анча бўлди... биттасидан олгадим...

– Қачон, кимдан?

– Ҳозир ёдимда йўқ... от сотгандим-да... анов...

– Исми-шарифи, манзилини айтинг! – терговчи қистовга олди.

– О-о-т-и-ни бил-май-ман. «Вотти-вотти»лашига қараганда Тошканлик эди-ёв!

– Қаерда, қачон танишгансиз?

– Чойхонада танишиб қолдик. Менинг кўпкари улоқ чопишимни эшитиб, «от керак, яхши тўлайман» деб қолди. Дўлоб йигит экан. «Кўки»дан берайми ё тилла танга берайми?», – деди. Мен «кўки» ўзимизда ҳам бор, тилла берақол» дедим. У талашиб-тортишиб ўтирмасдан ўн танга бериб, «Киргий»ни олиб кетди.

– Шаҳарлик бўлса, отни нима қиларкан?

– Отнинг жинниси... э кечирасиз... шинавандаси бўлса керак-да! – бемор тиржайди.

– Отни қандай олиб кетди?

– Қандай опкетарди... миниб кетди.

– Ўзими?

– Йўқ, йўқ. Бир шериги билан келди. Отга ўша минди.

– У ҳам «вотти»ладими?

– Йўғ-э, у шу атрофнинг одами эди шекилли...

– Нимада келишди? Машинаси қанақа эди?

– «Жигули»да... оқ рангли «Об» да эди.

– Машинанинг рақами ёки бирор хос белгиси ёдингизда қолдими?

– Номерига қарамапман... оддий машина... тўғриси ёдимда йўқ... – деди чавандоз кўзини юмганча. Сўнг бир нарса эсига тушди чамаси, терговчига қаради. – Машинанинг орқа ойнасига «Не уверенъ – не обганяй!» деган ёзув бор эди-ёв...

– Ростданми? Ростдан шундай ёзув бормиди? Қандай қилиб...

– Сабаби менинг машинамда ҳам шундай ёзув бўларди бир пайтлар... шунинг учун ёдимда...

– Яхши, сиз Норбўта чўпонни танирмидингиз?

– Қанақа чўпон? Танимайман...

– Садоқатни-чи?

– Қайси Садоқат? Ўзимизнинг китоблик анави...

– Ҳа, ўша Садоқатни.

– Уни танийман, аёлимнинг синфдоши бўлади.

Яқинда бечоранинг эрини ўлдириб кетишли.

– Ким, нега ўлдирибди? – деди Санжарбек таасуф чеккан кишидай тутиб.

– Билмадим. Қанақадир хазина топган дейиша-ди... – Тўрақул хаёлига бирор нарса келди шекилли, ялт этиб, терговчига тикилди. – Шунинг учун эканда... тиллалар ҳақида ҳалигидай суриштириб...

– Шунақа деса ҳам бўлади! Раҳмат, ҳозирча етарли. Сиз соғайиб олинг, яна учрашамиз, – Санжарбек қоғоз-қаламини йиғиштириб, ўрнидан турди...

Шаҳрисабз ва Китоб туманларида «Не уверень – не обганяй!» деган ёзуви бор йигирмадан ортиқ оқ рангли «Жигули» аниқданди. Улар орасидан Ортиқали исмли йигит билан сухбатлашган терговчи «мўлжал»га теккандай бўлди:

– Ҳа анов от излаб юрган Тошкентлик меҳмонни айтаяпсизми? Унга анча бўп кетди-ку! Кўклам эди чоғи...

– Сиз у билан қандай танишдингиз? – Санжарбек дадилланди.

– Қандай танишардим? Мадамин калникига... э кечирасиз, Мадамин аканикига келган экан... ўша ерда...

– Мадамин деганингиз ким? Қаерда туради?

– Маҳалладошим. Олдин милисада ишлаган, ҳозир улоқ чопади... аммо кўпкарининг пири-да!...

Зудлик билан Мадамин ҳақида маълумот тўпланди. Ортиқали ҳақ бўлиб чиқди. Мадамин Солиев муқаддам ички ишларда жиноят қидирув бўлимида хизмат қилиб юрган пайтида жиноят содир этиб, қамалиб кетган. Жазо муддатини ўтаб чиққач, тайинли ишда ишламаган. Улоқ чопган...

Мадаминни уйидан топишнинг имкони бўлмади. Хотини уни «Тошкентга иш билан кетган, 2-3 кунда келиб қолар» деди. Кўл телефонини топишиб, қўнфироқ қилишди. Аммо мижоз гўшакни кўтартмади. Кейинчалик эса телефонини батамом

ўчириб қўйди. Телефон қўнфироқлари таҳдили ҳам ҳеч нарса бермади. Телефон рақам янги бўлиб, ундан фақат уйдагилар ва қариндошлар билан гаплашилган. Бу ҳам етмагандай Мадаминнинг номига бирорта телефон рақами қайд этилмаганлиги, у бошқаларнинг номига очилган телефон рақамларидан фойдаланиб келганини маълум бўлди. Хотини, қариндош-уруглари номига олинган рақамлар таҳдили ҳам гумондорнинг иккинчи телефон рақамини аниқлаш имконини бермади.

Орадан 4 кун вақт ўтса-да, Мадамин алоқага чиқмади. Бу ҳолатни муҳокама қилган терговчилар «прокуратурадан излаб келишганини эшишиб, Мадамин жуфтакни ростлаб қолди-ёв!» деган ўйга боришди. Бир балоси бўлмаса... Қочиб қолдими, демак нимадандир чўчияпти, нимадир содир қилган... У билан жиддий шуғулланишга тўғри келди.

Мадаминнинг хотинини сўроқ қилган терговчилар ундан арзигулик маълумот олишолмади. Жувон ҳеч қанақанги тошкентлик меҳмонни кўрмаганлигини, эрининг дўстлари орасида терговчилар тасвирлаётган одам йўқлигини, пойтахтга унинг нима юмуш билан кетганлигини билмаслигини айтиб, бир гапда туриб олди. Тошкентда ҳам унинг дараги чиқмади. Хуллас, бу йўналишдаги ишлар ҳам боши берк кўчага кириб қолди.

Мадамин қўл телефонини аллақачон ўчириб кўйган бўлса-да, Санжарбек ҳар эҳтимолга қарши унинг хотини ва бошқа яқинларига тегишли телефон сўзлашувларини эшитишга санкция олди. Қувфиндаги одам ҳар қандай вазиятда уйидагилар билан алоқага киришиб, аҳволни билишга ҳаракат қилиши терговчининг кўп йиллик тажрибасидан маълум. Аммо Мадамин ҳам анойи эмас экан. Орадан 4-5 кун ўтаётган бўлса-да, ҳеч кимга қўнфироқ қилмади. Олтинчи куни тонг сахарда унинг укаси

Мадраҳимга қилинган қўнғироқ изқуварларнинг диққатини тортди:

- Мадраҳим, яхшимисан?
- Ассолому-алейкум! Ака сизмисиз?...
- Мен, мен... ёнингда ҳеч ким йўқми?
- Йўқ, ҳовлида эдим... Қаердасиз ака? Сизни излаб келишди...
- Хабарим бор... Мени диққат билан эшит! Ҳозир зудлик билан битта телефон топ, бирортанинг номига янги «сим карта» сотиб ол. Кейин телефонни янгангга олиб бориб бер. Менга фақат ўша телефондан чиқинглар...
- Тушундим ака! Ўзиз тинчмисиз? Қачон...
- Худо хоҳласа ҳаммаси яхши бўлади. Ҳавотир олманглар... мен бироннинг телефонидан чиқаяпман... кўп гаплаша олмайман.
- Хўп ака! Тушундим...
- Мадраҳим, менинг янги рақамимни эслаб қол! Бизни эшитишаётган бўлиши мумкин... Биринчи рақам мен яхши кўрган рақам, иккинчиси сен яхши кўрган рақам. Кейин 5 0886.

– Демак...

– Англаган бўлсанг бўлди. Ҳеч кимга оғиз очма. Кўнғироқларингни кутаман... Ҳозирча хайр!

– Бўпти ака!

Санжарбек ўйланиб қолди: «Вой абллаҳлар-эй! Худди кинолардагидек парол билан гаплашганини қаранг! Улар яхши кўрган рақам қайси бўлиши мумкин? Нуудан 9 гача бўлган ҳар қандай сон бўлиши эҳтимоли бор. Улардан ҳеч бўлмаганда биттасини билганимизда эди. Иккинчисини топиш қийин кечмасди... Ёки Мадраҳимнинг ортидан одам қўйсакмикин? У ҳозир қаердандир телефон топиб, унга пайнетдан янги рақам олади. У чиқиши билан пайнетга кириб, унга берилган рақамини билсак қандай бўларкан? Йўқ, йўқ! Шахрисабз

кичкина жой. Пайнет ходими унинг таниши бўлиши турган гап. Дарров Мадраҳимни огоҳлантириши мумкин. Унда иш бузилади...»

Шу орада тезкор ходимлар Мадраҳимнинг уйдан чиққани, бозорга тушиб, телефон харид қилгани ва пайнетга кириб кетганлигини, сотувчи йигит билан дўстона саломлашганини хабар қилишди. Терговчи вақтни бой бермаслик учун Мадамининг ўғли ўқийдиган мактабни, синфни аниқлаб, ўша ёқقا қараб йўл олди. Мактаб директори билан келишган ҳолда вилоятдан ташриф буюрган комиссия сифатида Мадаминнинг ўғли – Муҳаммад ўқийдиган 2-синфга ўқувчилар билан сухбатлашиш баҳонасида кирди. Беш-олти бола билан турфа хил масалаларда мулоқот қилган бўлди. Навбат Муҳаммадга келганда одатий саволлардан сўнг «мақсад»га кўчди:

– Муҳаммаджон, демак, сиз катта бўлганда доктор бўлмоқчисиз, бу жуда яхши! Рақамлардан қайси сонни яхши кўрасиз?

– Мен бешни яхши кўраман... Баҳоларим ҳам беш...

– Ўху жуда зўр-ку! Мен ҳам ёшлигимда шу сонни яхши кўрардим... Ойингиз қайси сонни ёқтиради?

– Ойим еттини, дадам тўққизни...

– Ростданми? Нима учун улар бу сонларни яхши кўришади? Сабабини биласизми?

– Ш-у-нинг у-ч-у-н! – деди бола ҳозиржавоблик билан.

– Қойил, жуда зийрак бола экансиз! Сиз албатта доктор бўласиз! Омад сизга!

Санжарбек ҳеч кимда шубҳа уйғотмаслик учун яна бир-икки ўқувчи билан сухбатлашиб, ортга қайтди. Биринчи рақамнинг топилиши муаммони бир оз енгиллаштириди. Иккинчи сони 0-9 гача бўлган барча телефон рақамлари таҳдилдан ўтка-

зилганда фақат «915 08 86» ва «995 08 86» рақамли телефонлар терговчиларга шубҳали кўринди. Шу сабабли ҳар иккала телефон сўзлашувларини эши-тишга қарор қилинди...

Орадан икки кун ўтиб, 915 08 86 рақамли телефондан Шаҳрисабзга қўнфироқ бўлди:

– Ало-ало, бу менман... аяси яхшимисанлар? – Мадамин ўзини бехавотир тутишга ҳаракат қилди.

– Ў-з-и-н-г-и-з тинчмисиз, д-а-д-а-си!

– Мен яхши, болалар қалай!

– Яхши! Сизни... излаб келишганди... қаердасиз?

– Хавотир олма, ҳаммаси яхши бўлади! Энди сўзларимни дикқат билан эшит: мен бир муддат уйга боролмайман. Сал четроқда туриб-туришимга тўғри келаяпти. Ҳаммаси жойига тушгач... қайтаман...

– Адаси, одамни... қўрқитманг! Нима бўлди... Тинчликми ўзи! Уйга к-е-л-м-а-й-с-и-з-ми? – Жувоннинг овози титраб кетди.

– Вақтинча дедим-ку! Кўп ваҳима қилаверма... ахир ўзинг... Мадамин бир оз жимиб қолди. Ҳойнаҳой хотинини тинчлантирувчи, кўнглини кўтарувчи бир сўз ахтарди-ю, тополмади шекилли, зарда қилди. – Ҳозир телефонда сенга тушунтириб ўтирайми? Борганда гаплашамиз! Сенлар алоқага чиқманглар, ўзим қўнфироқ қиласман...

– Майли дадаси, ўзингизни эҳтиёт қилинг!

Санжарбек телефон сўзлашувини дикқат билан эшитиб чиқиб, икки холосага келди: Мадамин қандайдир жиноятга аралашиб қолганлиги аниқ ва у қўлга тушмаслик учун Республикадан чиқиб кетмоқчи. Тезда чегара қўшинлари, божхона назорати, аэропортлар, вокзалларнинг тегишли хизматларига кўрсатма берилди. Тошкент шаҳридаги барча меҳмонхоналар текширувдан ўтказилди. Аммо кўрилган чораларга қарамасдан Мадаминнинг дараги чиқмади. Орадан беш кун ўтиб, у хо-

тинига яна қўнфироқ қилди. Одатий сўрашишдан сўнг ўзининг эсон-омон хорижга етиб олганлигини қистириб ўтди. Суҳбат унча узоқ давом этмаганига қарамасдан мутахассислар бирпаста қўнфироқ амалга оширилган жойни аниқлашди: Бўстонлиқ тумани «Бочка» атрофи...

Маҳаллий аҳоли «Бочка» деб атайдиган гавжум бозор атрофига тезкор ходимлар юборилди. Шу атрофдаги дала-ҳовлилар, ижарага бериладиган хонадонлар кўздан кечирилди. Қайда дейсиз, тоғ ҳудуди бепоён. Бу ерда одам ахтариш, ўрмонда игна қидиришдай гап. Шу атрофда жойлашган изқуварларнинг гумондорнинг кейинги қўнфироғини кутишдан бошқа иложлари қолмади. Бироқ Мадамин ҳам анойилардан эмас экан. Навбатдаги қўнфироқ Бирлашган Араб Амирлигининг Дубай шаҳридан амалга оширилганда улар бармоқлари ни тишлаб қолишли...

Терговнинг бу сафар ҳам боши берк кўчага кириб қолиши терговчиларни тушкунликка солиб қўйди.

– Балки Мадаминни Дубайдан олиб келтириш чораларини кўрармиз? – Санжарбек қимтиниброк, таклиф кирилди.

– Ҳали унинг қотилликка алоқадорлиги ҳам маълум эмас! Биз эса уни қидириш билан вақтни ўтказдик! – деди Фахриддин зарда қилиб.

– Нега алоқаси бўлмас экан? У бекорга жуфтакни ростламаган... Шундан бошқа ким... Менинг ишончим комил...

– Уни қотилликда айблашга нима асосингиз бор? Қани айтинг-чи, жаноб Шерлок Холмс! – гурӯҳ раҳбари овозини бир оз пасайтирди.

– Биринчидан, – терговчи бош бармоғини тутиб, ҳисоблашга тушди, – унда айнан ўша олтинларнинг мавжуд бўлгани. Иккинчидан, бегона шахс билан от сотиб олгани. Учинчидан...

– Булар уни қотилликда айблашга асос бўлолмайди! Мадаминни топдингиз ҳам дейлик! «Ҳа, чўпон билан олди-бердимиз бор эди, у тиллада ҳақ тўлади! Отни кўпкари чопишга ёки сўйиб, қази қилиш учун олгандик» деса нима қиласиз?

– Уни топсак, анави шеригини... балки ундан бирор нарса чиқар демоқчийдим...

– Ана энди ўзингизга келяпсиз! – Фахриддин ўрнидан туриб, шогирдига яқин келди. – Ишни ана ўша шахсни аниқлашдан бошлиш лозим!

– Тўғри-ку-я... лекин қандай...

– Буниси энди сизу бизнинг маҳоратимизга боғлиқ. Миямга бир фикр келди. – Фахриддин худди бирор эшишиб кўядигандай шивирлаб гапирди. – Хойнахой Мадаминга хорижга қочиб қолишини биз излаётган шахс ўргатган, тўғрироғи талаб қилган. У бизнинг Чавандоз орқали унга чиқишимизни яхши англаган. Бундай пайтда чет элга дарбадарликка кетаётган, бошқача айтганда шериги учун ўзини қурбон қилаётган Мадамин оиласининг иссиқ-совуғидан хабар олиб туришни ундан талаб қилиши табиий. Шерик ҳам анойи эмас. Ўзи кел маслиги аниқ. Аммо бу ишга кимнидир жалб қилиши мумкин.

Шу куни Мадаминнинг хонадонини кузатувга олган изқуварлар орадан уч кун ўтиб шомга яқин уйга бир шарпа кириб кетганилигини кўришди. Ўн дақиқа ўтар-ўтмай бояги кимса уйдан чиқиб, атрофга ола-зарак аланглади ва кўчада ҳеч ким йўқлигидан фойдаланиб, шитоб билан узоқлаша бошлиди. Панада кузатиб турган изқуварлар унинг изига тушишди. Кўча муйилишида уни оқ рангли «Нексия» кутиб турарди. Йўлнинг нарғи томонида «тўй»дан «ширакайф» қайтаётган Улугбек қайсиdir машҳур қўшиқчининг ашуласини хиргойи қилганча туртина-суртина йўлни кесиб ўтиб, ўрнидан қўзғалган машинага

яқинлашди ва «Нексия»нинг давлат рақамини хоти-расига муҳрлади. Мехмонларда шубҳа уйғотмаслик учун «Ж-о-н-о-н бўламан деб ҳаммани куйдирасан-ми... воҳай-воҳай» деб қичқириб қўйди. Машинада-гилар оёқда зўрга келаётган «алкаш»га эътибор ҳам бермай газни босиши...

Санжарбекнинг кўрсатмаси бўйича зудлик билан Шаҳрисабздан чиқиб кетувчи йўналишдаги барча «ДАН» постларига давлат рақами 01 СА 94-40 бўлган «Нексия» автомашинасини бошқа транспорт воситалари қаторида ҳаракат хавфсизлиги баҳонасида тўхтатиб, ўта эҳтиёткорлик билан ҳайдовчи ва унинг шеригининг шахсини аниқлаш ҳақида топшириқ берилди...

\* \* \*

Кетидан одам қўйилганидан бехабар Дилором Қосимнинг олдидан чиқиб, такси тўхтатиш учун қўл кўтарди. Санжарнинг ишораси билан сал нарида турган сариқ рангли «такси» унинг ёнига келиб тўхтади. Аёл ҳайдовчига эътибор ҳам қилмай, олд ўриндиқقا ўтирди:

– Самдуга ҳайданг!

Улугбек газни босди. Аёл сумкасидан қўл телефонини чиқариб, паст овозда ким биландир гаплашди:

– Ассолому алейкум, домлажон яхшимисиз?... Раҳмат, яхши... Ишдамисиз? Ҳозир бораман... Йўқ-йўқ, не телефонный разговор... Хўп бўлади, сейчас поеду.

Дилором Университет хиёбонида машинадан тушиб, тарих факультети томонга илдам юриб кетди.

«Таксист» «объект» машинадан тушиб, «домла»-нинг олдига кириб кетганлиги ҳақида «марказ»ни огоҳлантириди.

Сал ўтмай Дилором факультетдан чиқиб, ишхонаси томонга юрди. Кўп куттирмасдан Шердил домла ҳам «Нексия»сига шошилинч ўтирди. Изқуварлар унинг кетига тушишди. Фараз қилинганидек, домла рулни уйи томонга бурди. «Демак, ниманидир яширишга шошилаяпти» хаёлидан ўtkазди Санжарбек.

Домла машинасини кўча юзида қолдириб, у ёқ бу ёқقا олазарак қараб, уйига кириб кетди ва беш дақиқа ўтар-ўтмас қўлида қалингина чарм портфел билан чиқди. Атрофга аланглаб, ҳеч ким йўқлигига ишонч ҳосил қилгач, машинасига ўтирди...

Санжарбек дарров гуруҳ раҳбари билан боғланаб, вазиятни тушунтириди:

– Домлани ҳозир қўлга олмасак, бирор жойга кириб кетса, «далиллар»ни йўқ қилиши мумкин, – деди у гап охирида.

– Тўғрику-я, аммо унинг қаерга кетаётганлигини билсак ҳам ёмон бўлмасди, – деди Фахриддин босиқлик билан.

– Унда манзилга етиб боргач, тўхташи билан қўлга олсак, нима дейсиз?

– Жуда соз, фақат эҳтиёт бўлинглар... қочириб қўйманглар-да тағин...

Домланинг машинаси шаҳардан чиқиб, Чархин қишлоғи томонга қараб кета бошлади. Қишлоқнинг охирига борганда катта йўлдан чапга бурилиб, кичикроқ кўча бошидаги болохонали уй олдида тўхтади. Шу пайт изқуварлар илдамлик билан машинадан портфелини кўтариб тушиб келаётган Шердилни тўхтатишиди...

Холислар иштирокида портфелни очишган терговчилар ҳангуманг бўлиб қолишли: яна қадимиий қўлёзмалар...

Шердил дастлабки сўроқ пайтида ёқ қўлёзмаларни унга Дилором ва Қосим сотганлигини тан олди:

– Мен тарихчиман. Бу китобларнинг қадрини яхши биламан. Уларни тадқиқ қилиш бизнинг бурчимиз! – деди у гапининг адогида.

– Уларнинг ноқонуний эканлигини била туриб-а!  
– танбеҳ берди Санжарбек.

– Мен қайдан билай? Менга «ҳаммаси тоза... биз уларни Қашқадарёнинг узоқ қишлоқларидан биридаги чўпондан сотиб олдик» дейишганди.

– У ҳолда нима учун қўлёзмаларни беркитишга ҳаракат қилдингиз?

– Э-э-э, бекитмоқчи эмасдим, кўздан нарироқда... қизимницида тура турсин... деб ўйлагандим-да!

– Дилором боя учрашгандা сизга шундай қилишни тайинлаганмиди? – Санжарбек «хужум»га ўтди.

Домла бир оз жим қолди. Хаёлидан «булар ҳаммасидан хабардор экан-да!» деган фикр ўтди чоғи, пас овозда минфиллади:

– «Текшириб қолишлари мумкин, вақтинча яшириб туринг» дея роса ваҳима қилди-да!

– Ким текширади, нимани текширади?

– Қайдан биламан? Анов шеригини прокуратурага чақирганмиши-эй... тушунмадим!

Тезда Қосим билан Дилором олиб келинди. Энди ёлғон сўзлашдан фойда йўқлигини сезишиб, ҳар иккаласи ҳам айбларини бўйнига олишди:

– Поччамга ёрдам бериб юриб, аввалига унинг мақсадини илғай олмадим, – деди Қосим ранги оқариб. – Ундан сўрасам, тайинли жавоб бермади. Кейин видеоёзувларни кўздан кечириб, бу ерда бир сир бор деган тўхтамга келдим. Бошида гап олтинлар ҳақидамикин деб ўйлагандим. Тахминларимни Дилоромга айтдим. У ҳам бу ишга қизиқиб қолди. Режа туздик. Кўлимиздаги видеотасмадан фойдаланмоқчи бўлдик. Ҳазрати Башир қишлоғига бориб, чўпоннинг уйини, қўтонини топдик. Бир-икки кун кузатдик. Қишлоқда у билан учрашсак, бегона кўз-

лар назари тушишини ўйлаб, уни танҳо учратишга қарор қилдик. Ниҳоят, у машинасида Шаҳрисабзга тушди. Ошхонага тушлик қилиш учун тушганда, эҳтиёткорлик билан унинг ёнига бордик. Диlorом масалани кўндаланг қўйди:

– Бизда сенинг жинояtingни фой этувчи далиллар бор, – деди у тап тортмай. – Агарда 20 минг кўкидан эртага кечгача олиб келиб бермасанг, тасмани керакли идоралар қўлига топширамиз.

Бошида чўпон бизни сўкиб берди. Ошхонани бошига кўтариб, бақириб кетди. Яхшиям атрофда одам кам эди. Мен қўрқиб кетдим. Диlorомга «қочдик» дедим. Аммо у ҳам паст кетмади:

– Давлатнинг, халқнинг мулкини талон-торож қилиб, яна бизга бақиряпсанми, сенинг қамоқда чиригинг келяпти шекилли!» дея жаҳл билан ўрнидан туриб кетди ва қўлидаги тасмани у томонга отди. – Ма, кирдикорларингни ўзинг ҳам қўриб қўй!

Аёлнинг важоҳатини кўрибми ёки «қамоқ» сўзини эшитибми чўпон бир парда пастга тушди:

– Бўпти, бўпти ўтири! Сенларга нима керак ўзи?

– Мен нима кераклигини айтдим! – деди Диlorом жойига қайта ўтира туриб.

– Сизларда қанақа тасма, далил борлигини билмайману, аммо менда унақа пул йўқ. Чўпон одам бўлсам!

– Тоғдаги хазина-чи? – деди аёл ҳамма нарсани биладигандай.

– Қанақа хазина, нималар деяпсан, ақлинг жойидами?

– Ҳар сафар хуржунигни тўлдириб, тоғдан тушаётганингда... ҳеч ким кўрмайди деб ўйлайсанми?

Диlorом нишонга теккан эди. Чўпон бир оқариб, бир қизарди. Лаблари титраб, муштлари тугилди. «Ташланиб қолмасайди» деган хаёlda тайёр турардим.

– Менда унақа пул йўқ! – деди у нихоят бир оз ўзига келиб.

– Бизга ўзимизники ҳам бўлаверади! Бозор курси бўйича... – деди Дијором кўзини лўқ қилиб.

– Фирт муттаҳам экансизлар-у! Куппа-кундуз одамни тунаб кетадиган...

– Ҳар ҳолда сизга қиёслагандা бизларни фаришта деса бўлади!

– Мен манови матоҳларингни кўриб чиқаман. – Чўпон бу маҳмадона аёл билан тортишиб ўтириш бефойдалигини ҳис этди чамамда, гапни калта қилди. – Эртага шу пайтда, шу ерда учрашамиз!

– Бизда бошқа далиллар ҳам бор-а! – деди Диля менга қараб кўзини қисиб қўяркан. – Яна ўйин қилиб ўтирманг-а!

Чўпон бир ўқрайиб, индамай чиқиб кетди...

Бир кун минг кундай бўлиб кетди-ёв! Мен ўтакам ёрилиб, Диляга «қўй кета қолайлик, кунимиз ўтиб турган бўлса, шунча пул бизга нимага керак», – деб ялиндим. Аммо у «қўрқма, ўзининг орқаси бўқ, бирорга финг этолмайди, пулни олиб келади» дея мардона турарди.

Келишилган пайтда чўпон қўлида каттагина сумка билан кириб келди:

– Мана бу беш минг, кўкидан! Мана бу ерда ўша сизлар расмга олгандаги қадимий китоблар – 10 та. Бозор баҳоси сизлар сўраган пулдан ҳам ошади. Фақат кимга сотишни билишларинг керак. Тағин кўлга тушиб менинг бошимга бало бўлмаларинг!

Диля нимадир демоқчи бўлиб оғиз жуфтлаганди, мен чаққонлик билан чўпоннинг қўлидаги пулни олиб, чўнтағимга жойладим:

– Бўлди, бўлди! Ҳаммаси жойида. Бу ёғини ўзимиз биламиз!

– Бошқа қораларингни кўрмайин! – чўпон шаҳд туриб, эшик томонга юрди.

Мен иш хамирдан қил сүфургандай битганидан хурсанд, тезроқ бу ердан даф бўлишни ўйлардим.

– Аралашмай турсанг бўлмасми? – деди Диля хўмрайиб.

– Шунча бўлди, хўжа бўлди! Яна нима керак? Билсанг анави китоблар тилладан қиммат туради!

– дедим мен шеригимни тинчлантириш учун.

Самарқандга қайтиб келиб, пулни бўлишиб олдик. Китобларни сотиш учун харидор қидира бошладик. Кимdir Dilkaš domlani tavsия қилди. Adashmagan ekansiz. Domla kitoblarни kuriib, kuzi chiqib ketay dedi. Lekin bañosiga kelganda tortisha-tortisha 10 ming dollarga bizni kündirdi...

Қосим «бор гап шу» дегандай Санжарбекка қарди.

– Кейинчи, кейин нима бўлди? – деди терговчи қоғозга нималарнидир ёза туриб.

– Кейин пулни тенг бўлиб... ишлатдик.

– Ундан кейин-чи?

Қосим нима деярини билмай, жавдираб туради.

– Кейин пулларинг тугаган. – деди Санжарбек зарда билан. – Иштаҳа тамадди пайти очилади деганларидаи, яна Норбўтанинг олдига боргансизлар. У сизларни эшишишни ҳам хоҳламай қувиб соглан. Ўргада жанжал чиққан. Сизлар икковлашиб, уни бўғишига тушгансизлар. Натижада чўпон ўлиб қолган. Сизлар кўзга кўринган нарсаларни олиб, жуфтакни ростлаб қолгансизлар... Шундайми?

Қосим баҳа бўлиб қотиб қолди:

– Бу нима деганингиз? Б-и-з уни бошқа кўрганимиз йўқ! Р-о-с-т-и! Ишонмасангиз Дилядан ҳам сўранг. Худо ҳаққи!

– Яхши, сўраймиз ҳам, аниқлаймиз ҳам! – деди терговчи қатъий оҳангда.

Дастлаб ўзини у ёқдан бу ёққа ташлаб, чалғитишига уриниб турган Дилором ҳам Қосим билан

ўтказилган юзлаштиришдан сўнг айбини бўйнига олишга мажбур бўлди. Аммо у ҳам «ўламан саттор, қотилликни биз қилмаганмиз» деб туриб олди...

\* \* \*

01 СА 94-40 рақамли «Нексия»нинг эгасини топиш қийин кечмади. Асрор Шаҳрисабзга ўртоғи Суҳробнинг илтимосига кўра борганлигини тан олса-да, лекин ташрифнинг мақсадидан хабари йўқдигини, ўртоғи беш-олти дақиқага қаергадир кириб-чиққанини билдириди.

Сўнг Суҳроб «элак»дан ўтказилди. Бошида «ўзим шундай... томоша қилиш учун боргандим»дан нарига ўтолмай турган йигит терговчилар унинг ҳар қадамидан огоҳ эканлигига амин бўлгач, бир оз иккиланиб гап бошлади:

– Тирикчилик-да, ука... Ижарага машина олгандим. Кўз юмиб, очгунча ой ўтади. Қарзни тўлаш учун ҳар замонда бир соат – яrim соат кира қилишга тўғри келади... Ўша одам... ҳозир қаердан машинамга чиққани ҳам эсимда йўқ. Бизнинг одатимиз шунаقا – ким машинага ўтиrsa, гаплашиб, чақчақлашиб кетаверамиз. У билан ҳам сухбатлашиб... дегандай... анча билимли одам экан. Ўзиям тарихни роса биларкан-да! Амир Темур бобомиз ҳақида зап гапларни айтиб берди...

– Кейин нима бўлди? – Санжарбек «мақсадга ўт» дегандай ўқрайди. – Исми-шарифи нима экан у жанобнинг?

– Исмини Насруллоҳ деганди. Памилиясини сўрамапман... Кейин у менинг телефон рақамимни ёзиб олди. Хайрлашиш олдидан «У бу хизмат бўлса, сизга айтаверамиз-да!» деди. Мен рози бўлдим. Бир-икки кундан кейин қўнфироқ қилди. Айтган жойига етиб бордим. У менга бир тугунни тутқа-

зиб, Шаҳрисабзга етказиб беришимни тайинлади. Яхшигина ҳақ берди...

– Тутунда нима борлигини сўрамадингизми?

– Сўрадим. «Пул» деди. Уйга боргач, «наша-паша эмасмикин?» деган хавотирда тутунни титкилаб кўрдим. Йўқ, алдамаган экан. Ўзимнинг машинам узоқ, йўлга ярамайди. Асрор ўртоғимнинг машинасида кетдик...

– Насруллоҳ пулни кимга, нима мақсадда бераётганини айтганмиди? – терговчи савол-жавобни бошлади.

– Манзилни берди, тамом! Бизга нима қизифи бор...

– Аммо бизга қизифи бор! Сиз яхшилаб эслаб кўринг. Пулни кимга, нима мақсадда бераётганини айтган бўлиши керак! Ахир шунча пулни бекорга бирор гана бермайдилар-ку!

– Йўқ, у ҳеч нарса демади. Манзилни қўлимга тутиб, «шуни етказ» деди, ҳақимизни тўлади, тамом-вассалом...

Терговчилар гувоҳни узоқ вақт сўроқ қилдилар. Аммо ундан терговга нафи тегадиган бирор қимматли маълумотни олиш, «Насруллоҳ»нинг шахсига аниқлик киритиш имкони бўлмади. Суҳробга қилинган телефон рақами ҳам вафот этганига уч йил бўлган рус миллатига мансуб Саша исмли қарияга тегишли эканлиги маълум бўлди. Бу рақамнинг қандай қилиб Насруллоҳга ўтиб қолганлиги ҳам сирлигича қолиб кетди. Гумондорнинг гувоҳлар ёрдамида чизилган фотороботи ҳам, исми бўйича қилинган таҳлиллар ҳам кутилган натижани бермади.

Терговчиларнинг қайта-қайта сўроқларидан безиб қолган Суҳроб кейинги суҳбат чоғида бир воқеани эслаб қолди:

– Насруллоҳ телефонда ким биландир гаплашиб, «кечгача қироатхонада бўламан», деганди. Эсимда

қолгани «қироатхона» деган сўзни ҳеч эшитмаган эканман. Ўзимча «пивохона бўлса керак» деб ўйладим. Уйга келиб, келинингиздан «қироатхона» нима деб сўрадим. У ўқитувчи эмасми, ўтмишда китоб ўқиладиган жой, кутубхона шундай ном билан аталган деди...

Санжарбек Суҳробнинг кўрсатмалари асосида Насруллоҳ унинг машинасига ўтирган ва тушиб қолган жойларни таҳдил қилиб, чорраҳалар Ўзбекистон Фанлар академияси бош кутубхонаси атрофида туашганига амин бўлди. Терговчилар зудлик билан кутубхонага боришли. Уларни қизиқтираётган З кун ичидаги кутубхона хизматидан юздан зиёд ўқувчи фойдаланган экан. Суҳроб китобхонларнинг расмларини кўздан кечириб, улар орасидан «Насруллоҳ»ни дарров таниди. Бу қўлёзмалар институти катта илмий ходими, тарих фанлари номзоди, иқтидорли олим Носир Ҳотамов бўлиб чиқди...

Домланинг уйида ўтказилган тинтув изқуварларнинг ташвиши бежизга эмаслигини кўрсатди. Яна ўша тилла тангалар, қадимий китоблар...

Носир виждони қийналиб юрганиданми ёки шунчалик топиб келишибди, бу ёғига қаршилик кўрсатиш бефойда эканлигини ҳис қилибми, терговчиларни кўпам қийнаб ўтирмасдан гапни узоқдан бошлади:

—Мактабни олтин, институтни имтиёзли диплом билан битирдим. Талабалик пайтларимдаёқ Турон заминда яшаб ўтган улуг бобокалонларимизнинг бебаҳо меросига меҳр қўйиб, араб, форс, инглиз тилларини мукаммал ўрганишга киришдим. Бухоро шаҳрининг тожиклар истиқомат қиласидаги маҳалласида яшаганим форс тилини, шарқшунослик институтида ўқиганим араб ва инглиз тилини пухта ўзлаштиришимга замин бўлди. Бу хорижий тилларни билишим буюк аждодларимизнинг илмий меросини ўрганишда имкон эшикларини очи-

шини яхши тушунардим. Шундай ҳам бўлди. Аммо мен қаердадир адашдим... Эзгулик йўлида бошлигани ишнинг шундай якун топиши ачинарли... Хом сут эмган бандалар эканмиз-да! Олим бўлдиг-у, одам бўлолмадик... – Носир чуқур хўрсинди. Терговчилар унинг фикрини бўлмаслик учун савол беришдан ўзларини тийиб туришарди.

– Талабалик давридаёқ Мирзо Улугбек, Али Қушчи каби алломаларнинг ҳаёти ва ижоди мени ўзига ром этганди. Аммо у пайтларда бу хусусда тадқиқотлар олиб бориб бўлмасди. Шўролар давлати улуғ бобокалонларимиз қолдирган илмий меросини рўёбга чиқаришни истамасди. Мустақиллик туфайли бу борадаги тўсиқлар барҳам топди. Бундан руҳланиб, мен ўз тадқиқотларимни жадаллаштириб юбордим. Али Қушчининг илмий асарлари мени ўзига мафтун этганди. Кунлардан бир куни Душанбе шаҳридаги Фирдавсий номли кутубхонада ушбу мутафаккирнинг «Шарҳи Зижи Улугбек» («Улугбек «Зиж»ига шарҳ») асарининг форс тилидаги кўлёзмасининг охирги варакларини ўқиб туриб, дафтар ҳошиясига битилган тўрт қатор жумла дикқатимни тортди. Арабча ёзилган бу аъшор негадир менга сирлидай туюлди. Шеърни такрор-такрор ўқидим:

*Лав жаро қаломуло фий лисаник,  
Фа инна лулуа Улугбек фий жайбик.  
Лавкана китобул фатхия фий захрик,  
Йа ҳалқий, мифтаҳ ул-тафаккур фий йадик.*

Сўнг ашъорни ўзбекчага таржима қилдим:

*Аллоҳнинг қаломи тилингда бўлса,  
Улугбек дурлари қўйнингда, элим.  
Ғалаба китоби белингда бўлса,  
Тафаккур қалити қўлингда, элим.*

Ўйланиб қолдим: Али Қушчи шоир бўлмаган. Бу тўртлик орқали нима демоқчи бўляяпти? «Аллоҳнинг каломи тилингда бўлса...» Бу элга одамлар қалбида иймон, диёнат унган, тинч ва осойишта даврлар келишига ишора эмасми? «Улубек дурлари» деганда муаллиф мол-дунёни назарда тутяптими? Йўқ, йўқ! Бу олтину зар эмас! Унда илмий мерос, китоблармикин? Китоблар... китоблар... Балки бу ерда гап Темурийларнинг йўқолган кутубхонаси хусусида бораётгандир. Тўппа-тўғри! Эврика, эврика! Бошига олма тушган инглиз олимидай хурсанд бўлиб кетдим... Ахир ўша кутубхонани яширишни Улубек Мирзо суюкли шогирди, «фарзанди аржуманд» мақомидаги Али Қушчига топширмаганмиди? Устоз-шогирд юрт осмонига қора булутлар сузаб келаётганини, чор тарафдан жаҳолат ва хурофот шамоллари эсиб турганини ҳис қилишиб, бу бебаҳо кутубхонани тайинли жойга яшириш учун олдиндан тайёргарлик кўришгани аниқ. Али Қушчи бу юмушни оби-тобида, ими-жимида адо этган. Сўнгги воқеалар – Улубекнинг ўлдирилиши, расадхонанинг талон-торож қилиниши, ундаги қимматбаҳо илмий манбаларнинг ёндириб юборилиши бу буюк олимларнинг хавотири бежиз эмаслигини, кутубхонанинг яширилиши нақадар тўғри ва ўз вақтида кўрилган тадбир бўлганлигини исботлаган. Али Қушчи анча йиллар яширилган хазинани ўз эгасига – Туронзамин ҳалқига қайтариш хаёли билан яшаган. Аммо Темурий амирзодалар ўртасида тахт учун курашлар давом этаётган, юртнинг гоҳ у, гоҳ бу бурчагида уруш оловлари чақнаб турган бир даврда буюк аллома кутубхона сирини ичга ютишга мажбур бўлган. Кейинчалик юртдан кўнгил узиб, усмонийлар диёрида қўним ва ҳаловат топганида ҳам Али Қушчи бир ўй – яширилган кутубхона тақдири ха-

ёли билан яшаган бўлса ажабмас. Кутубхонанинг ишончли ва бехавотир жойда сақланаётгани унга таскин бўлса-да, бу бебаҳо дурдонанинг абадий замин қаърида қолиб кетиши хавотири унга сира ҳам тинчлик бермаган. Ахир шунча жавоҳирнинг асл эгаси – ҳалқقا қайтмасдан бир умр ер остида яширин қолиб кетиши унинг ёндириб, кули кўкка совурилиши билан баробар эмасми? Аммо кутубхона сирини бирорга билдириш, очиқчасига ёзиб қолдириш ундан-да хавфли эканлигини буюк олим яхши тушунган. Нима қилмоқ керак? Мақсадга куч ва жаҳолат йўли билан эмас, балки ақл ва тафаккур йўли билан эришишга ўрганган аллома узоқ йиллик бош қотиришлардан сўнг ниҳоят масаланинг ечимини топишга эришган. У бир кун келиб, урфон довонларини эгаллаган келажак авлодлар ёзган асарларини қунт билан тадқиқ қилишига, улардаги мантиқни англаб этишига умид қилган. Шу сабабли яширилган кутубхона «калити»ни асарлари қаърига шундай сингдирганки, тафаккур булоғидан сув ичган фарзандлар буни сезмасликлари мумкин эмасди... Таассуфлар бўлсинки, Али Қушчи умид қилган авлод – фарзанд, тўғрироғи фарзанди оқпадар биз бўлиб чиқдик...

Носир чуқур «уф» тортиб, бир муддат жимиб қолди. Терговчилар момосидан чўпчак эшитаётган боладай унинг оғзини пойлаб туришар, чурқ этган овоз эшитилмасди. Кимdir пиёлала чой қуиб, ҳамон бир нуқтага тикилганча қотиб турган нотикқа узатди. У чойдан бир-икки ҳўплаб, сўзида давом этди:

– Хуллас, шеърни ўқий-ўқий учинчи қатордаги «Китоб ат-фатҳия» – «Галаба китоби» жумласида Али Қушчи ўзининг «Рисола ат-фатҳия» асарига ишора қилмаяптимикин деган хаёлга бордим. Астрономияга бағишлиланган мазкур китобни алло-

ма умрининг охирида – 1473 йилда Истамбулда ёзган. Орадан бир йил ўтар-ўтмай бу дунё билан видолашган олим балки ўша кезда Улуғбек кутубхонаси сирини келажак авлодларга етказиш учун ўзига берилган охирги имкон эканлигини сезгандир... Шундай қилиб, «Рисола ат-фатҳия»ни қидиришга тушдим. Афсуски, китобнинг нусхаси юртимизда мавжуд эмас экан. Асарнинг кўлёзмалари Истамбулдаги Айо Сўфия кутубхонасида, Машҳаддаги Имом Ризо кутубхонасида, Техрон, Кембриж, Деҳди университетлари кутубхоналарида, Британия музейида ва Германия давлат кутубхонасида сақланар экан.

Қандайдир бир ички ишонч билан Туркияга отландим. Айо Сўфия кутубхонасида бўлиб, кўлёзма билан танишиш баҳтига мұяссар бўлдим. Асарнинг ҳар бир варагини синчковлик билан қўриб чиқар эканман, 49-бетдаги тўртлик диққатимни тортди. Асосий матнга уйқаш бўлмаган ва негадир ўзгача усулда қалинроқ қилиб битилган арабча жумланинг таржимаси шундай маънони англатарди:

*Дўстим, чақа олсанг сўзим маъносини,  
Топажаксан дурларнинг дурдонасини.  
Фирдавсмонад бўйлаб солсанг Кешга йўл,  
Улкан қоя қалбига сол бир бор қўл.*

Сеҳрли жумлалар менга ҳаракат харитасини чизиб бераётгандай, қулоғимга махфий ва сирли воқеадан хабардор қилаётгандай туюлди. Ашъорни такрор-такрор ўқийман. «Сўзларим маъносини чақа олсанг... дурдана топасан! Фирдавсмонанд деганда Самарқанд тушунилган. У ердан Кешга қараб юриш лозим. Ўргада довон... Тик қоялар қалбига қўл солиш зарурлигини уқтираяпти... Тоғда нима қўп – қоя қўп! Улкан қоя ҳам кам эмас-

дир. Хаританинг давоми қаерда бўлса! Тўртликнинг тагида «Рисола ал-Муҳаммадийа фи-л-ҳисоб» деган ёзув туарди. Эътибор қилмаган одам шеърни гўёки шу асардан олинган парча деб ўйлаши табиий эди. Аммо мен Али Қушчининг бу рисоласи ҳисоб ҳақида экани, унинг назмга ҳеч қандай алоқаси йўқдигини яхши билардим. Демак, ҳаракат харитасининг давомини шу китобдан излаш тавсия қилинмоқда... Қувониб кетдим.

Қайд этилган китобнинг бизгача икки нусхаси етиб келган бўлиб, баҳтимга бир нусхаси Айо Сўфия кутубхонасида сақданар экан. Дарров ўша нусхани топдим. Лекин рисоланинг такрор-такрор варақлаб, керакли жумлани топа олмадим. Ҳафсалам пир бўлди. Аммо ортга чекинмадим. Асарнинг яна бир нусхаси Голландиянинг Лейден университети кутубхонасида сақданаркан. Ана шу нусхани топиш лозим эди. Нима ҳам қиласардим, Лейденга боришига тўғри келди. Европанинг энг катта билим даргоҳларидан бири бўлган Лейден университети кутубхонасида рисолани топиб, дикқат билан кўздан кечира бошладим. Асар араб тилида ёзилган бўлиб, кейинчалик Али Қушчининг ўзи уни форсчага ўтирган экан. Моҳиятига унчалик ҳам тушунмаётган бўлсам-да, ҳар бир жумлани ақд чифириғидан ўтказа бошладим. Ниҳоят, қўлёзманинг 49 бети ҳошиясидаги форсча битик мен қидираётган сирли сатрлар эканлигига шубҳам қолмади:

*Рўзу шаб он гаҳ ки шод баробар,  
Хуршид бо замин шод ҳамдаме асрор,  
Сояе тал боланд шод  
Саворе уштуре кабод,  
Рони гар, муаммо омоде гардад,  
Роҳе оммид кошоде гардад...*

Ўзбекчада аъшор бундай жаранглайди:

*Кун билан тун тенглашган дам,  
Офтоб ерла сирлашган дам,  
Баланд чўқчи сояси ул –  
Кўк туяга мингашган дам.  
Сурсанг, жумбоқ ечилади,  
Умид йўлинг очилади...*

Носир негадир тўхтаб қолди. Балки юқоридаги сатрларни илк бор ўқиган чоғда қалбида балқ урган баҳтиёрик, қувонч ҳисси кўнглини бўшатиб юборгандир. Терговчилар эса араб, форс, ўзбек тилари-даги ашъорларни бир хилда гўзал қилиб ўқиётган бу заковат эгасига қандайдир бир ҳавас билан тикилиб туришарди. Шу билан бирга уларнинг дилида шундай ноёб иқтидорини охир оқибатда қабиҳ ишларга ишилатган ва айни пайтда шу куйга тушиб ўтирган бу буюк қобилият соҳибига нисбатан ачиниш ҳисси ҳам йўқ эмасди. Нотиқ ўзини сал ўнглаб олди шекили, ҳикоясини давом эттиради:

– Ўзимча таҳдил қилишга тушдим: «кун билан тун тенглашган дам... бу ё 21 март ёки 22 сентябр кунлари... офтоб ер-ла сирлашган дам... қуёш ерга тушган пайт, кунботар пайтимикин? Баланд чўқчи сояси кўк туяга мингашган дам нима дегани бўлса? Энг баланд чўққининг сояси тушадиган тараф бўлса керак. Демак, у ёқда туяга ўхшаш нимадир бўлса керак. Сурсанг, жумбоқ ечилади... ниманидир суриб, ўрнидан қўзғатиш лозимлиги уқтирилаяпти. Шунда йўл очиларкан. Ҳаммаси равшан! Али Қушчининг ақду заковатига қойил-э! Агар мушоҳадаларим тўғри чиқса, оламшумул воқеа содир бўлишини англаб турардим...

Феврал ойи охирида чет элдан қайтиб келдим. Кун билан тун тенглашадиган пайтгача йигирма

кунча вақт бор эди. Ҳеч иккиланмасдан довонга қараб йўл олдим. Аввало Самарқанд ва Шаҳри-сабз орасидаги тофнинг энг баланд чўққисини топиш зарур эди. Бу юмушни замонавий асбоб-ускуналарсиз амалга ошириб бўлмасди. Туб аҳолидан сўраб кўрса-чи? Улар энг баланд чўққини албатта билишади-ку! Китоб туманидаги тоққа туташ қишлоқдарда бўлиб, кекса отахон-онахонлар билан сухбатлашдим. Улар бир овоздан Падаркуш чўққисини кўрсатиши. Бу мен излаётган ҳақиқатга яқин эди... Энди кун билан тун тенглашадиган пайтни кутиш қолганди. 21 март куни чошгоҳга яқин чўққига етиб бордим. Қояда узоқ ўтирдим. Ўзимча ён-атрофга аланглаб, форга кириш туйнугини ахтардим. Қайда дейсиз, ҳамма ёқ тош, турли-туман шаклдаги катта-кичик харсанглар. Аниқ жойни билмасанг, бутун бошли тоғни қўпориб ташласанг ҳам фор оғзини топиш амримаҳол. Чўққининг соясига термиламан. Қуёш оққан сари узоқлашиб бормоқда. Қаерга бориб тўхтаркан... Ниҳоят, орзиқиб кутган дам яқинлашди. Офтоб уфққа бош қўйди. Падаркушнинг сояси мен турган жойдан тахминан бир яrim минг қадам наридаги тикроқ қоянинг белига бориб тўхтади. Дарров ўша нуқтани хотирамга муҳрладим. Туяning ўркачини эслатувчи кўкимтири бу қоя кўзимга сирлидай кўриниб кетди. Ногаҳон шеърдаги жумлалар ёдимга келди: «кўк туяга мингашганд». Ҳа, ҳа ҳаммаси тўғри келмоқда! Адашмапман... Тўрва-халтамни орқалаб, ўша ёққа шошилдим. Узоқдан ясси кўринса-да, қоя анчагина тик экан. Инқиллаб-синқиллаб, қош қорайганда манзилга етиб келдим. Қидиришни аzonда давом этиришни дилимга тутиб, икки «ўркач» ўртасидаги текисроқ жойга чодиримни тикладим. Сўнг гулхан ёқиб, бир оз исиниб, тамади қилиб олдим...

Кун ёришиши билан яна ишга тушдим. Атрофени синчиклаб кузатар эканман, юрагим қинидан чиққудай тез уриб, кўнглим беҳузур бўлаётганини сездим. Қалбим бир нарсани англаётгандай, қинидан чиқиб кетадигандай беҳаловат эди. «Хазина бор жой одамнинг қалбини тўлқинлантириб, ҳаволантириб юборади» деган гапни эшитгандим. Демак, хазина шу ерда! Шошилмасдан катта-кичик тошларни ўрнидан қўзғатиб, қавариқ жойларни кавлаб кўрдим. Ҳеч қандай из, ҳеч қандай туйнук кўринмасди. Асрлар давомида бир жойда ялпайиб ётган зил-замбил тошларни қимиirlатиб бўлмасди. Гоҳ у тошни, гоҳ бу тошни итариб, атрофини чўкичда кавлаб кўрдим. Шеърда «сурсанг» деган жойи бор эди-ку! Аммо, қанча чиранмай тошларни ўрнидан қўзғатиб бўлмасди. Наҳот адашган бўлсам! Вақт ўтган сари миямда шу савол айланарди. Йўқ, бўлиши мумкин эмас! Ҳаммасини рисоладагидай адо этдим-ку! Барча маълумотлар тўғри келаяпти-ку!

Пешинга яқин кун бир оз тобга келгач, ишим жадаллашди. Туяning ўркачига ўхшаш катта харсанг тошнинг атрофини титкилашга тушдим. Тош шунчалик баҳайбат эдики, уни қўл у ёқда турсин, кўтарма кран билан ҳам жойидан силжитиб бўлмасди. «Балки атрофида бирор ёриқ бордир» деган хаёлда харсангни ён-верини тозалаб чиқдим. Аммо ҳеч қанақа туйнук, ҳеч қанақа тирқиши кўринмасди. Харсангга суюниб, бир оз тин олмоқчи бўлдим. Шу пайт баҳайбат тош билинар-билинмас ўрнидан силжигандай бўлди. Сапчиб туриб, жон ҳолатда тошни итаришга тушдим. Во ажабо! Шундай катта тош бир озгина силжиди. Бор кучим билан тошга ёпишдим. Негадир энди у бир нарсага қадалиб, қотиб қолгандай эди. Пастга энгашиб, тошнинг таг қисмини чўкич билан кавлаб, бир оз очдим.

Шунда харсангнинг остки қисми ўйилиб, унга мармар тошдан ясалган пона тиқиб қўйилганини кўрдим. Анча уриниб, понани тиқилган жойидан олдим. Энди катта харсанг худди муаллақ тургандай чайқалиб қолди. Қўрқа-писа тошни қўлим билан оҳиста итардим. Тош силжиб, форнинг оғзи кўринди...

Терговчилар худди ўзлари сирли хазинанинг устидан чиқиб қолгандай, қалтис ҳаракат қилиб юборса, форнинг оғзи ёпилиб кетадигандай бутун вужудлари қулоққа айланиб жим туришарди.

Носир пиёладаги чойдан бир ҳўплаб, синик овозда давом этди:

– Қувончим ичимга сифмасди. Бир оз нафасимни ростлаб, керакли анжомларни орқалаб, ўрага тушдим. Кириш йўли торгина бўлса-да, форнинг ички йўлаги кенгая борди. Бир оз эмаклаб, сўнг чўккалаб юрдим. Йигирма-ўттиз қадам юргач, bemalol тик туриб юришга имкон бўлди. Қўлимдаги фонар билан ёритиб, горни кузатаман. Сон-саноқсиз ўргимчак тўрлари ичига тушиб қолгандай эдим. Юрагим уюшиб кетди. «Эй Худо! Жин-пин чалиб кетмасайди!» деган ўй яшиндай хаёлимдан ўтди. Ичимда калимамни қайтардим. Қўрқув бир оз чекингандай бўлди. Фор тўрига секин одимладим. Ўн беш-йигирма қадам юргач, форнинг чап бурчагида пастқамгина, кўринишидан анчагина қалин эшик пайдо бўлди. Эшик соф гранитдан ёки тоза оқ мармардан ясалган шекилли, шунча йиллар ўтган бўлса-да ҳамон ялтираб турарди. Ён-атрофини тозалаб, паст қисмидаги зулфак вазифасини ўтовчи тиқинни авайлаб олиб ташладим. Зич ёпилган эшикни куч билан итариб очдим. Пайпаслаб ичкарига кирдим. Қўлимдаги чироқни кўтариб, хонани ёритдим. Ҳужра каттагина эди. Тўрда қатор териб қўйилган хумларга кўзим тушди. Ўша томонга юр-

дим. Олдиндаги икки-уч хумнинг оғзи очиқ, ичи бўш эди. Тўрдаги хумларнинг оғзи қандайдир оғир қопқоқ билан беркитилган эди. Тиршанглаб, четдаги хумлардан бирининг қопқофини силжитдим ва чироқни хумнинг ичига қаратдим. Нимадир ялтираб кетди. Во ажабо, тила! Бир ҳовучини қўлга олиб, олтинга маҳлиё бўлиб қолдим. Шу пайт нимадир вишиллагандай бўлди. Чироқни кўтардим. Шундоқ тепамда одамнинг билагидай келадиган даҳшатли илон тебраниб туарди. Тилим калимага келмай, бир муддат қотиб қолдим. Бир сонияда хаёлимдан минглаб фикрлар ўтди. «Бўлди, бўлди, тегмайман, мана кетаяпман», дея шивирлаб, секин орқага тисарилди. Қўлимдаги чироқдан ҳайиқдими ёки чекинганимдан кўнгли тўлдими илон бир зумда кўздан фойиб бўлди. «Олтин бор жойда илон бўлади», дейишарди, тўғри экан-да! Кўрқув қанча кучли бўлмасин, хазинани топишга бўлган иштиёқ ундан кам эмасди. Чироқни у ён, бу ёнга қаратиб, ҳужрани бошдан-оёқ кўздан кечирдим. Илон кўринмади. Демак олтинга яқин бормасанг, унинг сен билан иши йўқ. Қўлёзмалар қаерда бўлса! Асосий форга қаердандир йўл бўлиши керак. Чап томондаги деворга яқинлашаман. Эшик, изи кўрингандай бўлди. Курак билан деворни қалин ўргимчак тўрларидан тозаладим. Энди туйнук изи яққол кўрина бошлади. Шошилмасдан эшикнинг зигини тозалаб, пастки қисмдаги тиқинни олиб ташладим. Эшик фирчиллаб очилди. Пастга қараб кетган узун йўлакка чиқдим. Туртина-туртина зинапоялардан пастга туша бошладим. Бу жой табиий форга ўхшамасди. Зиналарга, девордаги ишловларга қараб, бу иншоот инсон қўли билан яратилганлигига амин бўлдим. Тахминан юзта зинадан пастлаб, яна боягидаи эшикка дуч келдим. Роса толикқанимга, нафас олишга қийна-

лаётганимга қарамасдан эшикни очиб, ичкарига талпиндим. Димофимга қандайдир ёқимсиз ҳид урилди. Оғзи-бурнимни рўмолчам билан бекитиб, атрофга алангладим. Ертўла анчагина катта экан. Деворининг охири кўринмасди. Бу жой менга юқоридаги ҳужраларга қараганда қуруқ ва салқин туюлди. Киришга яқин жойда мис кўзалар, сопол хумлар, турли-туман катта-кичик идишлар сочилиб ётарди. Икки ён бўйлаб кетган узун токчаларда бир хил ҳажмдаги қоплар териб қўйилган. Шоша-пиша улардан бирига яқинлашиб, атрофини тозаладим. Сўнг қўлим билан пайпаслаб, қопнинг пишиқ теридан тикилганига амин бўлдим. Қопни титкилаб, бирор жойда чокини ёки тикиш ўрнини топа олмадим. (Доно боболаримиз ҳаво ўтказмасин учун шундай қилишган.) Аммо қопларда қўлёзмалар борлигига менда шубҳа қолмаганди. Сумкамдан пичоқ олиб, қопни тешишга тўғри келди. Во дариф! Қўлёзмалар шунча йиллар давомида ҳеч бир талофатсиз, ўз ҳолича яп-янгида сақданибди. Ҳазрат Амир Темур, Мирзо Улуғбек, Али Кушчи каби буюк алломаларнинг табаррук дастлари теккан нодир китобларни қўлимга олиб, бағримга босиб, бир муддат хуморимдан чиқдим. Кўзимдан қувонч ёшлари селдай оқарди...

Носир бир муддат жимиб, чуқур ўйга толди. Санжарбек пиёлага чой қуйиб унга узатди. Гумондор аллақачон совиб қолган чойни ҳўплар экан, жиддий тортиб, Фахриддин Каримовичга юзланди:

– Бошлиқ жаноблари! Шу пайтгача йўқолиб кетганилиги тахмин қилиб келинган Темурийлар кутубхонасини топиш бахти менга насиб этди. Бу шарафга ўз билим ва иқтидорим, меҳнатим билан эришдим. Келажак авлодлар кутубхонанинг топилишини менинг номим билан боғлаши табиий... ҳар ҳолда меҳнатим зое кетмади!

- Эзгулик йўлида қилинган ҳеч бир савобли иш авлодлар ёдидан чиқмайди! – Санжарбек гап қўши.
- Бу билан «сизнинг ниятингиз эзгу бўлмаган» демоқчимисиз? – Носирнинг қоши чимирилди.
- Иқтидорингизга қойил қолмай илож йўқ! Кутубхонани топишингиз илм-фан оламидаги энг буюк воқелик бўлиши табиий. Аммо...
- Менинг ниятим кутубхонани топиш, бебаҳо қўлёзмаларни халқقا қайтариш эди. Мени олтинлар ҳам қизиқтирган. Ҳатто ўша хум тўла олтину зарлардан бир дона ҳам олмаганман...
- Унда нега ихтироингиз ҳақида жамоатчиликни, тегишли давлат органларини хабардор қилмадингиз! Шунда шуҳрат-шонингиз ошиши билан топилган мулкларнинг 25 фоизига ҳам қонуний эга бўлардингиз-ку!
- Биламан, мен ҳам шундай бўлишини хоҳлагандим. Бироқ воқеалар ривожи ҳамма вақт ҳам сен истагандек бўлавермас экан...
- Санжарбек нимадир демоқчи бўлиб оғиз жуфтлаганди, Фахриддин кўрсаткич бармоғини лабига теккизиб, билинар-билинмас «ти-иш-ш!» деб уни тўхтатди.
- Хом сут эмган бандалар эканмиз-да! – Носир хомуш гап бошлади. – Ўшанда топилмани оммага эълон қилсан бўларкан. Бу ишни пайсалга солганим энг катта хатойим бўлди. Ўзимча, қўлёзмаларни саноқдан ўтказиб, улардан дикқатга сазоворларини тадқиқ қилмоқчи, илмий ишларимни жадаллаштиromoқчи эдим. Гўёки уларни давлатга топширсам, қайта кўрмайдигандай, кимлардир уларни талон-торож қилиб юборадигандай, қўлёзмалар илмни тушунмайдиган кимсалар қўлига тушиб қоладигандай, меҳнатларим бесамар кетадигандай, илмий тадқиқотларимни давом эттира олмайдигандай туюлаверди. Шуларни ўйлаб, бу

ишида қатъиятсизлик қилдим. Ниҳоят, бир тұхтамга келиб, кутубхонани давлатта топшырмоқчи бўлиб юрган кезларимда... қолган ишга қор ёғди... Ўша куни форга кириб, унинг сиридан воқиф ягона мен эмаслигимни сезиб қолдим. Хумлардаги олтинлар чўфи бир оз камайгандай эди. Дастрлаб «балки кўзимга шунаقا кўринаётгандир», деган хаёлга бориб, ўзимни овутдим. Кейинги борганимда, мен илк бор форга кирган куни қўлим теккан катта хумдаги олтинлар йўқолиб қолган эди. Кўрқиб кетдим. Қўлёзмалар сақланадиган хонага шошилдим. Олдинги қатордаги 3-4 та қоп йўқ эди... Шу кетишида қисқа вақт ичиде олтину жавоҳирлар майли, бебаҳо қадимий қўлёзмалар олиб чиқиб кетилиши, энг даҳшатлиси, улар очкўз ва разил кимсалар томонидан хорижий давлатларга ташиб кетилиши турган гап эди. Шунда ўзларининг жонларини хавфу хатарга қўйиб, шу нодир китобларни олти аср бус-бутун сақлашга эришган ва бизгача етказиб келган буюк боболаримизнинг қарғишига қолмайманми? Уларнинг табаррук руҳларини чирқиратган бўлмайманми? Шуларни ўйлаб, бошқа ишларимни йиғиштириб, энди ўша кимсани топишга киришдим. Панароқ жойда чодир қуриб, горнинг оғзини пойлай бошладим... Олти кун ўтиб, тонг пайти фор атрофида елкасига хуржунини ташлаб олган эллик ёшлардаги баланд бўйли, бақувват, чўпонларга хос кийинган киши пайдо бўлди. У олазарак бўлиб, теваракни кузатди-да, чаққонлик билан фор оғзини очиб, ичкарига тушиб кетди. Секин фор ёнига бордим ва тошни суриб, фор қапқофини ёпиб қўйдим. Бир хаёл кетиб қолмоқчи ҳам бўлдим. Шунча олтинларни олиб, кўзи тўймасдан энди қадимий дурдона асарларни ҳам тап тортмай ташишга тушган бу ғаламисни бошига топган олтинларини кўтара олмай бир

умр фор ичида қолиб кетган эртак қаҳрамонининг кунини солсам бўларди. Лекин савобли ишга қотилликни аралаштириб, жиноятчига айланиб қолишимдан чўчиб, фикримдан қайтдим. Балки ўша нусха билан келишиш мумкинdir. Унга бойлик керак, менга эса қўлёзмалар!

Чўпоннинг (тахминим тўғри чиққанини кейинчалик билдим) тириклиknинг қадри ҳақида мушоҳада юритиб олишига етарли фурсат бериб, асрга яқин фор оғзини очдим. Ичкаридан беш-олти соатда яшашдан умидини узиб, бир аҳволга тушиб қолган, бироқ хуржунининг бир кўзини тиллага, иккинчисини китобларга тўлдиришни ёдидан чиқармаган киши бошда дўпписи қийшайиб чиқиб келди. Бу тасодифий учрашув мени қанчалик ҳайратга солган бўлса, уни ҳам лол этгани аниқ эди. Ўша тобда ҳар иккимизнинг қалбимиздан «сир – бир киши билсагина сир, икки киши билган сир – сир эмас!» деган фикр ўтган бўлса, ажабмас. «Балки у мени қандай йўқ қилишни ўйлаётгандир», деган бемаъни хаёлга ҳам бордим. Ахир олtinga ружу қўйган шахсдан ҳар нарсани кутиш мумкин. Эҳтиёт шарт жавоб зарбасига шай бўлиб турдим... Танишдик. Мен унга шарқ ҳалқлари қўлёзмалари бўйича олим эканлигимни, илмий изланишлар туфайли шу ерларга келиб қолганимни қисқача айтиб бердим. Бир оз мулоқотдан сўнг Норбўта чўпон менга сал қўпол бўлса-да, содда ва дилкаш одамдай туюлди. Одатда хазина топган ҳаволаниб, ўзидан кетиб қолиши лозим эди. Аммо бу чўпон ўзини йўқотмаган, оғир ва босиқ. Муроса-ю мадора деганларидай узоқни ўйлаб, уни гапга солдим. Шунча ақлли одамлар эриша олмаган шарафга, шу оддийгина чўпоннинг қандай сазовор бўлгани менга тинчлик бермасди. Ташвишим-

ни тушунди шекилли, ниҳоят, у бўлган воқеани айтиб берди.

Кичик аёлининг она томондан бобоси бир пайлар хукуматдан қўрқиб, бир талай тилла яширган экан. Бобо ўлимни олдидан бу кўммани қизига очиқ айтмаса-да, ишора қилиб кетибди. Лекин шу пайдада аёл киши бу нарсага унчалик эътибор қилмаган. Қўл учида кун кўрсалар-да, тиллани олиш хаёлига келмаган. Норбўта Садоқатга уйлангач, бир куни гапдан гап чиқиб, бобосининг тиллалари ҳақидағи ҳангомасини айтиб қолган. Чўпонга негадир бу гапларда жон бордай туюлаверган. Кунлардан бир куни тиниб-тинчимас бу одам таваккал қилиб, бобо ишора қилган жойни кавлашга тушибди. Хотини иккаласи тун бўйи ҳовлиниң тахмин қилинган жойларини кавлаб чиқишибди. Кейинги кун темир изловчи аппарати билан мутахассисларни ҳам бу ишга жалб қилибди. Хуллас, бобонинг гаплари рост чиқибди. Эр хотин анча-мунча тилла тангалар, тилла буюмлар топиб олишибди. Яна анчагина қадимий китоблар ҳам чиқибди. Тиллаларни анча-мунчасини сотиб, кам-кўстига ишлатишган. Бир кўзача қадимий тилла тақинчоқларни ургутлик тамакифуруш таниши еб кетган. Олтинлар тугаб бўлгач, навбат қўлёзмаларга келган. Шунда улардан бирининг ичидан қандайдир чизма – харита чиқиб қолган. Кўнгли бирор нарсани сезган шекилли, чизмани мактабда география ўқитувчиси бўлиб ишлайдиган синфдошига кўрсатибди. Буни қарангки, харита Темурийлар кутубхонаси яширилган жойнинг чизмаси экан. Менимча, Али Кушчи сирли горнинг қурилишида қатнашишга жалб этилган шахслардан бири ҳар эҳтимолга қарши унинг чизмасини фарзандларига қолдирган. Ўтган йиллар давомида кимдир чизмадан фойдаланиб, форни топиш ва ундаги олтину жавоҳир-

лар, қўлёзмаларга эгалик қилиш бахтига мұяссар бўлган. Харита мерос сифатида авлоддан-авлодга ўтиб, ниҳоят, Садоқатнинг бобоси қўлига тушган. Шўролар ҳукуматининг қатағон даврларида биласиз, олтинлар ҳам, қўлёзмалар ҳам эгасининг бошига оғир мусибатлар келтириши тайин эди. Шундан чўчиган бобо олтинларни кўмиб ташлашга қарор қилган. Бу бойлик нафақат ўзига, балки фарзандларига ҳам яхшилик келтирмаслигини сезган. Фақат бу фоний дунёни тарк этар чоғида қизига хазина ҳақида ишора қилишга журъат қилган... Норбўта бўлмаганда, балки ўша кўмма абадий ер қаърида қолиб кетган бўлармиди!

Мендан сўнг сал вақт ўтар-ўтмас чўпон ҳам синфдошининг кўмагига таяниб, горни топишга эришган... Қисқа давр ичида фордаги олтинларнинг бир қисмини ташиб кетишга ҳам улгурган. Уларни нимага ишлатганидан хабарим йўқ. Шунча бойликка қаноат қилмай кейинчалик қўлёзмаларни пуллашга ўтган... Менимча, у қадимий қўлёзмаларни тушунадиган бирор кимса билан танишиб олган. Китобларга яхшигина ҳақ тўлаб, Норбўтанинг бошини айлантириб қўйган...

Хуллас, ўша куни биз Норбўта билан келишиб олдик. Форга фақат зарурат бўлганда, иккаламиз бирга келишга, нимани олишимизни биргаликда ҳал этишга, бошқа бирор тирик жонга бу сирни ошкор қилмасликка онт ичдик. Аммо чўпон аҳдида турмади. Мен Тошкентда пайтим форга бир неча марта келиб, олтинларни олгани етмагандай нодир қўлёзмалардан бир қанчасини гумдон қилибди. Бу дурданаларни кимга сотгани, қаерга қўйганини билмайман. Шундан кейин ҳам уни бир неча бор огоҳдантиридим, инсофга чақирдим. Бир муддат у ўзини тийгандай бўлди. Хурсанд бўлдим. Кейинчалик айтишича, кимлардир унинг

тоғда тентираб юришидан, «хитлаб» қолган экан. Қандайдир суратларними ёки кассеталарними рүкач қилишиб, тамагирлик йўли билан анча-бунча пулинин ҳам олишибди. Улардан амаллаб қутулиб олгандан сўнг Норбўта яна аввалги қилифини бошлади. У хазинадан ўз билганича, пала-партиш ва очкўзларча фойдаланишда давом этди. Сўнгги бор учрашганимизда у, «бойликнинг ярми меники, ярми сеники! Ўз улушимни олаяпман. Хоҳлассанг, сен ҳам ўз улушингни ташиб кетавер!» дея ниятини очиқ ошкор қилди.

Горга қўриқчи ҳам қўйиб бўлмасди. Оғзини беркитиб ташлашнинг ҳам имкони йўқ эди... Шу туришда бир-икки йилда хазинанинг кули кўкка совурилиши аниқ эди. Шуларни ўйлаб, тинчим бузилди, буткул ҳаловатимни йўқотдим... Узоқ мушишадалардан сўнг йўл топгандай бўлдим. Бу анча оғир, қалтис ва нозик бўлса-да, ягона тўғри йўл эканлигига менда шубҳа қолмаганди. Ота-боболаримизнинг бебаҳо меросини саклаб қолиш, уни талон-торож бўлишига йўл қўймаслик ва бу меросни асл эгасига – халқа қайтариш учун бир ғаламисни нариги дунёга равона қилиш савоб ишдай туюлди менга ўша чорда...

Бироқ мен – шахсан ўзим бу ишни амалга ошира олмасдим. Ишончли одам топиш керак эди. Хуллас, Шахрисабзда от сотиб олиш баҳонасида Маддамин чавандоз билан танишдим. У муқаддам милицияда ишлаган, қамалиб чиққан, қаҳри қаттиқ ва айни пайтда уддабурон одам экан. Каттагина пул эвазига уни бу ишга кўндиридим. Чавандоз икки-уч ой тайёргарлик кўрди. Чўпоннинг телефон сўзлашувларини эшитиб борди. Максад, қотиллик учун қулай фурсатни топиш ва бу ишни бошқа бирорвнинг бўйнига афдариш эди...

Ўша куни Норбўтанинг кичик хотинига телефон қилиб, унинг рашигини қўзғатиб, эрининг ёнига йўллаган ҳам, усталик билан хотиннинг курткаси тутмасини узиб олиб, уни чўпоннинг чайласидаги стол остига ташлаб қўйган ҳам шу Мадамин эди.

Бу ҳам етмагандай шу куни чўпонникига Самарқанддан қандайдир меҳмонлар келаётганини билиб, улардан сал олдинроқ ишни битириб, қотиллик устидан чиқиб қолган меҳмонларни бу жиноядда гумондор қилиш ҳам шу Мадаминнинг фояси эди.

Унинг фикрича, терговчилар суриштириб-нетиб ўтирмасдан чўпоннинг ўлимида ё унинг иккинчи хотинини, ёки ўша самарқандлик меҳмонларни айблаб, қамаб юбориши лозим эди... Аммо сизлар ёлғон издан кетмадингизлар...

Носир, «бор гап шу, қолганлари сизларга маълум», дегандай елка қисди. Терговчилар узоқ пайт зими斯顿дан ёруғликка чиққан одамдай енгил тин олдилар. Шу пайт тезкор ходимлардан бири бир варақ қофоз кўтариб, Фахриддинга узатди. Қофозга кўз югуртириб, унинг чехраси ёришди:

– Мадамин дубайлик ҳамкасларимиз томонидан қўлга олинибди!

– Хайрият-эй! – Санжарбек ўрнидан туриб кетди. Энгашиб, бошлиқнинг қулоғига шивирлади. – Бу йил «хотин ака»нинг туғилган кунига етиб борадиган бўлдик, ура!

– Унчалик суюнманг, йигит! – деди Фахриддин жилмайиб. – Тоҳир Фоғурович, «ишни тезроқ якунланглар, Зомин туманида содир этилган қотиллик бўйича ёрдам бермасанглар, бўлмайди», деяётгандилар-а!

– Йўғ-э! Дарров-а! Ишқилиб, хотин отасиникига кетиб қолмаса бўлгани...

– Кетмайди! Аксинча, улар сиз билан фахрланишади...

Орадан бир неча кун ўтиб, мамлакат Президентининг «Темурийлар кутубхонасини топган бир гуруҳ ходимларни мукофотлаш ва кутубхона илмий меросини тадқиқ қилиш бўйича давлат комиссияси таркибини тасдиқлаш тўғрисида»-ги фармони эълон қилинди.

## **ТАМОМ**

*2013 – 2015 йиллар  
Жиззах – Тошкент*

Адабий-бадиий нашр

## КОМИЛ СИНДАРОВ

### ТЕМУРИЙЛАР КУТУБХОНАСИНИНГ СИРИ

ҚИССА

Муҳаррир  
Маъмурा ҚУТЛИЕВА

Бадиий муҳаррир  
Уйғун СОЛИҲОВ

Компьютерда саҳифаловчи  
Суннат МУСАМЕДОВ

Техник муҳаррир  
Сурайё АҲМЕДОВА

Лицензия рақами: АI № 252, 2014 йил 02.10 да берилган.

Босишига 2015 йил 18 ноябрда рухсат этилди.

Бичими 84x108<sup>1\32</sup>.

Босма табоги 10,0. Шартли босма табоги 16,8.

Гарнитура «Bookman Old Style». Офсет қоғоз.

Адади 5000 нусха. Буюртма № 216.

Баҳоси келишилган нархда.

«Янги аср авлоди» НММда тайёрланди.  
100113. Тошкент, Чилонзор-8, Қатортол кўчаси, 60.

**Мурожаат учун телефонлар:**

Нашр бўлими – 278-30-52;

Маркетинг бўлими – 128-78-43; факс – 273-00-14;  
e-mail: yangiasravlodi@mail.ru